

**ЎЗБЕКИСТОН РЕСПУБЛИКАСИ АДЛИЯ ВАЗИРЛИГИ  
ТОШКЕНТ ДАВЛАТ ЙОРИДИК ИНСТИТУТИ**

# **КРИМИНАЛИСТИКА**

*Ўзбекистон Республикаси фан арбоби,  
юридик фанлари доктори, профессор  
F.A.Абдулмажидовнинг умумий  
таҳрири остида*

**ЎЗБЕКИСТОН РЕСПУБЛИКАСИ ОЛИЙ ВА ЎРТА МАХСУС ТАЪЛИМ  
ВАЗИРЛИГИ ҚОШИДАГИ МУВОФИҚЛАШТИРУВЧИ КЕНГАШ ҖАРОРИ  
БИЛАН ҲУҚУҚШУНОСЛИК ОЛИЙ ЎҚУВ ЙОРТЛАРИ ТАЛАБАЛАРИ  
УЧУН ДАРСЛИК СИФАТИДА ТАВСИЯ ЭТИЛГАН.**

**II – жилд**

**«Адолат»  
ТОШКЕНТ-2003**

## **К 81**

Криминалистика: Олий ўқув юртлари учун дарслик / М. F.Абдумажидов ва бошқалар. – Т.: „Адолат”, 2003 – 266 б

### **МАСЪУЛ МУҲАРРИР:**

Ўзбекистон Республикасида хизмат кўрсатган фан арбоби, юридик фанлари доктори, профессор **F.А.Абдумажидов**

### **МУАЛЛИФЛАР:**

**Абдумажидов F.А.** – Ўзбекистон Республикасида хизмат кўрсатган фан арбоби, юридик фанлари доктори, профессор – 23, 24, 27-29 ва 34-41 боблар;

**Алимова Р.А.** юридик фанлари номзоди, доцент – 25 боб;

**Арипов Т.Э.** – юридик фанлари номзоди, доцент – 24, 30, 35-39 боблар.

**Норбоев А.Н** юридик фанлари номзоди, доцент – 26, 28, 29, 31 ва 32 боблар;

**Очилов Т.Р.** юридик фанлари номзоди – 33 боб.

### **ТАҚРИЗЧИЛАР:**

**Шарафутдинов А.О** – Ўзбекистон Республикаси ИИВ Тергов бош бошқармаси бошлиги, Ўзбекистонда хизмат кўрсатган юрист

**Никишин Г.Ф.** – Ўзбекистон Республикаси ИИВ эксперт криминалистика бўлими бошлиги

**Хақбердиева Р.Т.** - Ўзбекистон Миллий университети юридик факультети “Жиноят процесси ва криминалистика” кафедраси мудири, юридик фанлар номзоди, доцент

1203120000 - 015

К----- - 2003

(04) - 2003

© Тошкент Давлат юридик институти, 2003

© «Адолат» нашриёти, 2003

## **ІУ бўлим. АЙРИМ ТУРДАГИ ЖИНОЯТЛАРНИ ТЕРГОВ ҚИЛИШ УСЛУБИЁТИ**

### **23-боб. ЖИНОЯТЛАРНИ ТЕРГОВ ҚИЛИШ КРИМИНАЛИСТИК УСЛУБИЁТИНИНГ УМУМИЙ ҚОИДАЛАРИ**

#### **1-§. Жиноятларни тергов қилиш криминалистик услубиёти тушунчаси**

Жиноятларни тергов қилиш услубиёти криминалистика фаннинг якунловчи бўлими ҳисобланади. У қонунийлик талабларига мувофиқ ҳолда, тергов ва суриштирувни самарали ўтказиш бўйича илмий тавсияларни ишлаб чиқиш мақсадида жиноятларни очиш, тергов қилиш ҳамда уларнинг олдини олишини ташкил қилиш ва амалга ошириш қонуниятларини ўрганади. Бу қонуниятлар жиноят аломатлари бўлган ҳодисалар ҳақидаги дастлабки ахборотни текшириб, жиноятларни тергов қилиш чорида исботланиши лозим бўлган ҳолатларни аниқлайди. Шунингдек, жиноят ишларининг ҳар хил турлари бўйича ҳақиқатни аниқлаш учун тергов ҳаракатларини ва жиноят-процессуал қонунида назарда тутилган бошқа чора-тадбирларнинг дастурларини ишлаб чиқиш, жиноятларни тергов қилиш учун қўлланиладиган тергов ҳаракатларини тайёрлаш ҳамда ўтказиш ва шу кабиларнинг энг муҳим хусусиятларини ҳам акс эттиради. Уларни билишга жиноятларни очиш, тергов қилиш ва олдини олиш билан боғлиқ объектларни криминалистик нуқтаи назаридан ўрганиш, тергов фаолиятининг асосий ривожланиш йўналишларини умумлаштириш ва аниқлаш, шунингдек тергов ва суриштирувни ташкил этиш ҳамда уларни ўтказищдаги типик алоқалар ва ўзаро боғлиқликнинг барқарор жиҳатларини текшириш ҳамда аниқлаш йўли билан эришилади.

Криминалистик услубиётни ўрганадиган қонуниятлар ўз хусусиятига кўра икки қисмдан: умумий қоидалар ва жиноятларни тергов қилишининг хусусий (турга оид) услубиётлар тизимидан иборат.

Умумий қоидалар криминалистик услубиётнинг назарий асослари бўлиб, у криминалистиканинг мазкур қисмининг мавзуи (предмети)ни, илмий билимларнинг бошқа соҳалари билан алоқаларини, хусусий криминалистик услубиётларни тузиш, ишлаб чиқиш ва улардан фойдаланишга оид энг муҳим масалаларни ҳамда жиноятларни очиш, тергов қилиш ва уларнинг олдини олиш муаммоларини тадқиқ этишни ўз ичига

олади. Пировард натижада самарали хусусий криминалистик услубиётларнинг яратилиши ва уларнинг жиноятчиликка қарши курашда муваффакиятли қўлланилиши ана шу масалаларнинг қанчалик пухта ишлаб чиқилганлигига боғлиқ бўлади.

**Хусусий услубиётлар** – криминалистика фанининг пировард «маҳсулоти» бўлиб, амалий хусусиятга эга бўлган ҳамда терговчилар ва суриштирувчиларга жиноятларнинг ҳар хил турларини очиш, тергов қилиш ва бартараф этишда уларнинг ишларини мақбуллаштириш учун мўлжалланган назарий жиҳатдан асосланган тавсиялар мажмуидан иборатdir. Криминалистик услубиётнинг умумий қоидаларидан фарқли ўларок хусусий услубиётлар – бу жиноятларнинг айрим турларини очиш, тергов қилиш ва жиноятчиликни бартараф этишни ташкил қилиш бўйича услубий тоифалаштирилган тизимdir.

**Криминалистик услубий тавсиялар** – жиноятларнинг муайян турларини очиш, тергов қилиш ва уларнинг олдини олишни ташкил этиш ҳамда амалга ошириш бўйича илмий ишлаб чиқилган ва амалда текширилган маслаҳатлар (таклифлар)dir. Ҳар бир хусусий услубиёт амалда турли шароитларда ишлаш учун ўзаро бир-бирига боғлиқ маслаҳатлар тизимини (мажмуини) ҳосил қилувчи бир неча тавсияни ўз ичига олади.

**Тергов қилиш услубиёти** – жиноят ишини юритишга доир қонун талабларидан, вужудга келган тергов вазияти хусусиятларидан, жиноятларнинг мазкур турини очиш ва тергов қилиш назарияси ва амалиётига доир билимлардан келиб чиқиб терговчи танлаган ҳақиқатни аниқлаш усулиdir.

Шу тариқа, сиртдан ўхшаш бўлган «криминалистик услубиёт», «хусусий криминалистик услубиёт», «криминалистик услубий тавсия» ва «тергов қилиш услубиёти» атамалари ўз мазмунига кўра бир-биридан фарқ қиласди. Жўумладан, биринчи ҳолда криминалистика фанининг мустақил якунловчи қисмини, иккинчисида – муайян турдаги жиноятни очиш, тергов қилиш ва уларни бартараф этишни ташкил қилиш ҳамда амалга ошириш бўйича илмий-амалий тавсиялар тизимини (мажмуини), учинчисида – тегишли жиноят ишлари бўйича ишлаш учун алоҳида илмий асосланган ва амалда текширилган маслаҳатни (таклифни), тўртинчи ҳолатда эса – жиноятни тергов қилишнинг терговчи томонидан танланган усулини англаш мумкин.

Тарихий нуқтаи назардан криминалистик услубиёт тизимидағи асосий элементларнинг шаклланиш жараёни бир текис кечмаган. Дастлаб криминалистик услубиётдаги умумий қоидаларнинг ишлаб чиқилганлик даражаси жиноятларнинг

айрим турларини тергов қилиш услубиётлари ривожланишидан жуда орқада қолган. Хусусий услубиётларни тайёрлаш чоғида пайдо бўлган кўпгина масалалар узоқ вақт мобайнида илмий асосига эга бўлмай, муаллифлар томонидан турлича ҳал қилинган, аммо ягона назарияни ташкил этмаган. XIX аср охири ва XX аср бошларидаги криминалистикага оид асарларда жиноятларни тергов қилиш услубиётига бағишланган назарий бўлимларнинг мавжуд эмаслиги буни яқол тасдиқлайди.

Криминалистик услубиёт икки ҳадли тизимнинг дастлабки илмий асосчиларидан бири И.Н.Якимов томонидан берилган ҳамда мамлакатимиз ва чет эл криминалистларининг асарларида ривожлантирилган. Уларнинг ишларида криминалистика фани мазкур бўлимнинг кўпгина муаммолари, шу жумладан криминалистик услубиётнинг тизими тўғрисидаги масала ҳал этилган.

Услубиётнинг таркибий қисмлари бир-бирини тўлдириб, ҳар хил турдаги жиноятларни очиш, тергов қилиш ва уларнинг олдини олишни ташкил этишга доир мустақил илмий қоидаларнинг яхлит ва бўлинмас мажмууни хосил қиласди. Шуни таъкидлаш жоизки, криминалистик услубиётдан ташқари илмий билимларнинг ҳеч бир соҳаси бу масалаларни тадқиқ этиш билан шуғулланмайди ва турли тоифадаги жиноят ишлари бўйича суриштирув ва терговни самарали ўтказиш учун амалиётта бундай назарий жиҳатдан асосланган тавсияларни бермайди. Шу билан бирга, криминалистик услубиётнинг мустақиллиги нисбий хусусиятга эга. Негаки у криминалистиканинг бошқа қисмлари билан узвий боғланган. Бу эса унинг фақат бир бўлими ҳисобланади ва шундай бўлиб қолмоқда. Услубиётнинг мустақиллиги криминалистиканинг предмети ва бутун тизими доираси билан чекланган.

Фанда мазкур тармоқнинг пайдо бўлиши жиноятларни тергов қилишнинг ташкил этилишини фақат назарий тадқиқ этиш йўли билангина эришилиши мумкин бўлган ижтимоий жиҳатдан аҳамиятли мақсадлари мавжудлигини акс эттиради. Жиноятчиликка қарши кураш самарадорлигини ошириш учун зарур бўлган янги илмий йўналишни юзага келишининг объектив шартшароити айнан ана шундан иборатdir. Криминалистик услубиётда ижтимоий муҳим вазифаларнинг мавжуд бўлиши, унинг ривожланишидаги кейинги даврларидан то ҳозирги пайтга қадар сақланиб қолди. Инсонижодий фаолиятининг мақсадларини ҳам атроф-муҳитдаги объектив ҳодисалар келтириб чиқаради. Шунга кўра жиноятчиликка қарши фаол кураш олиб боришга кўмаклашиш ҳамда муайян жиноят ишлари бўйича ҳақиқатни аниқлашда суриштирув, тергов органларига ва судга ёрдам

кўрсатиш криминалистик услубиёт умумий мақсадлари хисобланади. Ана шу мақсадларга эришиш учун криминалистик услубиёт жиноятларнинг ҳар хил турларини тергов йўли билан очиш, тергов қилиш ва уларнинг олдини олишдаги илгор тажрибани ўрганади ва умумийлаштиради; жиноятларнинг айрим турларини очиш, тергов қилиш ва уларнинг олдини олишни ташкил этиш ҳамда амалга ошириш бўйича илмий асосланган услубий тавсияларни ишлаб чиқади.

Қонун, жиноятчиликка қарши кураш амалиёти ва турли фан ютуқлари криминалистик услубиётнинг манбалари хисобланади. Уларнинг қоидалари криминалистикадаги мазкур бўлимнинг ривожланишига асос бўлган ва унинг ҳозирги тараққиётини таъмин этмоқда.

Жиноят ва жиноят-процессуал ҳуқуқ нормалари услубиётнинг биринчи манбайдир. Улар жиноят - судлов ишларини юритишининг умумий шарт-шароитларини белгилайди ва шу сабабли криминалистик услубиётнинг ҳамда ҳар бир хусусий криминалистик услубиётнинг умумий қоидаларини ишлаб чиқишга асос бўлиб хизмат қиласди. Шу билан бир вақтда криминалистик услубий тавсиялар қонунга асосланиб ва амалдаги ҳуқуқий нормаларга зид ёки фуқароларнинг ҳуқуқлари ва қонуний манфаатлари бузилишига олиб келиши мумкин бўлган бирон-бир маслаҳат ва йўл-йўриқларни истисно этган ҳолда, жиноят ва жиноят-процессуал нормаларини шарҳлаш билан чегараланмай, жиноятларнинг хилма-хил турларини очиш, тергов қилиш ва олдини олишнинг мақбул тартибини белгилайди.

Жиноятларни очиш, тергов қилиш ва уларнинг олдини олиш амалиёти криминалистик услубиётнинг иккинчи муҳим манбаи хисобланади. Амалиётни ўрганиш ва умумлаштириш жиноятларнинг айрим турларини тергов қилиш бўйича самарали тавсияларни ишлаб чиқишга кўмаклашади. Шу билан бир қаторда, амалиёт криминалистик услубиёт назариясининг тўғрилигини белгиловчи мезон ҳамдир. Шахснинг жиноятни содир этишдаги айбордлиги факат суд томонидан эътироф этилиши сабабли, судларнинг ҳукмларида амалда мазкур жиноятни тергов қилишнинг тўғрилиги, яъни криминалистик услубий тавсияларни кўлланишининг асослилигини белгилайди.

Ниҳоят, илмий билимлар, аввало, криминалистиканинг барча бўлимларининг ҳамда жиноятчиликка қарши кураш муаммоларининг, хусусан жйноятларни тергов қилишни ўз нуқтаи назаридан тадқиқ этувчи бошқа фанларнинг қонун-қоидалари криминалистик услубиётнинг учинчи манбаи бўлиб хизмат қиласди. Криминалистик услубиётнинг криминалистик умумий назария, техника ва тактика билан алоқалари анча мураккаб. Бир томондан,

криминалистика услугиётда криминалистика фанининг якунловчи бўлими сифатида унинг бошқа бўлимларининг хуросалари ва қоидаларидан кенг фойдаланилади, иккинчи томондан, криминалистик услугиёт криминалистиканинг умумий назарияси, техникикаси ва тактикаси ривожланишига фаол таъсир кўрсатади. Тутган ўрни ва ҳал этадиган вазифаларининг ўзига хослигига кўра криминалистик услугиёт криминалистиканинг бошқа бўлимларига доимо таянади ҳамда ишлаб чиқилаётган назариялар ва тавсияларнинг пировард «олувчиси» вазифасини бажарган ҳолда уларнинг илмий ишланмаларини кўллайди. Криминалистик олдинги бўлимларига оид қоидалар ва хуросалари криминалистик услубиётдаги назарияларни умумийлик асосида жамлаш, яъни уларни оддий жамлаш йўли билан эмас, балки диалектик мушоҳада қилиш ҳамда ҳар хил турдаги жиноятларнинг олдини олиш, уларни фош этиш ва тергов қилишни самарали ташкил этиш учун тегишли хуросалар ишлаб чиқиш жараёнида қўлланилади.

Илм фанларнинг бир-бирига яқин, ўзаро bogliq тармоқлари орасида жиноят ҳуқуқи, жиноят процесси, бошқарув, психология, мантиқ фанлари ва бир қатор маҳсус фанлар криминалистик услубиётнинг манбалари сифатида катта аҳамиятга эга. Ана шу фанларнинг бир қанча қоидалари криминалистиканинг мазкур бўлимидаги назарий асосларни ривожлантириш ва жиноятларнинг айрим турларини тергов қилишнинг самарали услубиётларини ишлаб чиқиш учун унумли қўлланилади.

## **2-§. Жиноятларни тергов қилишнинг хусусий криминалистик услубиётларини тузиш ва маснифлаш тамойиллари**

Тергов амалиётида ҳар хил турдаги жиноятларнинг олдини олиш, уларни очиш ва тергов қилишни ташкил этиш ҳамда амалда бажариш самарадорлигини оширадиган анча такомиллашган хусусий криминалистик услубиётларни жорий этиш жиноятычиликка қарши курашни такомиллаштиришнинг муҳим йўналишларидан бири ҳисобланади. Терговчиларнинг ишни ташкил этиш бўйича илмий асосланган тавсияларга бўлган эҳтиёжларни ҳисобга олиб, жиноятларни тергов қилишнинг шакл ва мазмун жиҳатидан хилма-хил хусусий услубиётлари вужудга келмоқда.

Янги хусусий криминалистик услубиётларни ишлаб чиқиш қўйидаги тамойиллар асосида амалга оширилади.

**Хусусий криминалистик услубиётларнинг назарий**

**жиҳатдан асосланганлиги.** Криминалистик услубий тавсиялар тизими илмий иш маҳсулидир ва шу туфайли ҳамиша назарий жиҳатдан муайян даражада асосланган бўлади. Бироқ хусусий услубиётлар жиноятларни очиш, тергов қилиш ва уларнинг олдини олиш амалиёти шундай назарий асосланганлик даражасига эга бўлишни талаб қиласиди, токи уларнинг тавсияларини қўллаш терговнинг самарали ташкил этилишини таъминласин. Бундай даражага, агар хусусий услубиётлар фақат тажриба йўли билан ишлаб чиқилган қоидалар ва амалиёт учун самарали тавсияларни ўз ичига олган тақдирда, эришилади. Криминалистик услубий тавсияларнинг тизими оқилона, тежамли, мақбул бўлиши керак.

**Криминалистик услубий тавсияларнинг муайянлиги.** Жиноятларни тергов қилишни ташкил этиш – процессуал тартибдаги жараёндир. Унинг мазмунига жиноий қилмишнинг хусусиятлари, жиноятнинг оқибатлари, жиноятчининг шахси, терговчнинг меҳнат шароити ва бошқа шу сингарилар таъсир кўрсатади. Шу билан бирга, бир турдаги жиноятларни тергов қилишда кўпгина умумий хусусиятлар ҳам мавжуддир, булар – типик тергов версияларининг мавжудлиги, исботлаш предметининг умумий эканлиги, тергов ҳаракатларига тайёргарлик кўриш ва уни ўтказиш хусусиятларининг ўхшашлиги ва бошқалар. Шу сабабли криминалистик услубий тавсиялар имкони борича тайин, лекин бирон-бир ягона хусусий ҳол учун эмас, балки мазкур турдаги жиноятларни очиш, тергов қилиш ва уларнинг олдини олишни ташкил этиш ҳамда амалта ошириш учун мўлжалланган бўлиши керак. Криминалистик услубий тавсияларнинг умумийлиги ва аниқлиги, меъёри уларнинг амалиёт эҳтиёжлари ҳамда назарий имкониятлари билан боғлиқ илмий қоидаларни тавсифлаш даражасида намоён бўлади.

**Жиноятларни тергов қилиш услубиётларининг босқичмабосқичлиги.** Ташкил этилиши нуқтаи назаридан жиноятларни тергов қилиш жараёнини учта алоҳида босқичга бўлиш лозим. Ҳар бир босқич – бу тергов қилишнинг шундай босқиччики, унинг давомида умумий вазифалар билан бир қаторда унинг ўзига хос вазифалари ҳам ҳал этилади.

**Биринчи босқич** – бу дастлабки тергов ҳаракатларини бажариш давридир. Мазкур ҳаракатлар ҳам умумий, ҳам ўзига хос вазифаларни (жиноят аломатларига эга бўлган ҳодисани аниқлаш, айборни «из босилмасдан» таъқиб қилиш ҳамда ушлаш ва ҳоказо) ҳал этишга қаратилган. Қоида тариқасида, улар дарҳол ўтказилади. Дастлабки кечиктириб бўлмайдиган тергов ҳаракатлари нисбатан чекланган муддатда ўтказилади, лекин унинг қанча давом этишини жиноятларни тергов қилишнинг бар-

ча ҳоллари учун олдиндан белгилаб қўйиш мумкин эмас. Умуман олганда, шуни қайд этиш зарурки, тергов қилишнинг дастлабки босқичи кечиктириб бўлмайдиган, шошилинч тергов ҳаракатларини ўтказиш билан тугайди. Жиноятларни тергов қилиш дастлабки босқичининг муддати чекланганлиги терговчининг фаолияти имкони борича жадаллаштирилишини талаб қиласди.

**Иккинчи босқич** – бу иш бўйича далилларни тўплаш ва текширишга қаратилган барча қолган тергов ҳаракатларини бајариш давридир. Мазкур босқичнинг асосий вазифалари: айбордормони содир этилган жиноятда фош этиш, айб эълон қилиш, дастлабки босқичда аниқлашмай қолган ҳолатларни аниқлаштиришдан иборат.

**Учинчи босқич** – бу тергов қилишнинг якунловчи босқичи. Мазкур босқич терговчи томонидан тергов қилишни тамомлаш, яъни далилларни тўплаш, текшириш ва баҳолашга қаратилган тергов ҳаракатларини юритиши тугатиш тўғрисида қарор қабул қилинган пайтдан эътиборан бошланади ва ишни прокурорга юбориш ёки жиноят ишини тугатиш тўғрисида қарор чиқариш билан тугалланади. Ўз мазмунига кўра у иш бўйича тўпландиган далиллар баҳоланишини, қўшимча ва такорий ҳаракатлар амалга оширилишини ҳамда терговни ниҳоясига етказиш тартибини белгилашни ўз ичига олади.

Хусусий криминалистик услубиётларда тавсиялар ана шу босқичларга мувофиқ тизимлаштирилади.

**Жиноятларни тергов қилиш услубиётларининг вазиятга боғликлиги ва турли-туманилиги.** Тергов амалиёти жиноятларнинг ҳар бир тури учун типик бўлган тергов вазиятларининг мазмунини ҳисобга оладиган ҳамда унга боғлик ҳолда терговни ташкил қилишнинг у ёки бу усулини тавсия этадиган хусусий криминалистик услубиётлар яратишини талаб қиласди. Жиноят иши бўйича тергов вазияти жиноятни тергов қилишнинг муайян давридаги вазиятни тавсифловчи ҳолатлар (шароитлар, омиллар) мажмуудан иборат бўлади.

Типик тергов вазиятлари жиноятларни тергов қилишнинг барча босқичларига хосdir, лекин криминалистик услубиётларда қўпинча дастлабки типик тергов вазиятлари таҳлил қилинади. Уларнинг хилма-хиллиги кўп турли тавсияларни ва уларнинг тизимларини ишлаб чиқишини талаб қиласди. Типик тергов вазиятлари ҳисобга олинган ҳолда жиноятларни тергов қилиш услубиётларининг яратилиши тавсияларнинг мазмунини аниқлаштиради ҳамда уларнинг амалий қимматини оширади.

**Жиноятларни тергов қилиш криминалистик услубиётла-**

**рининг умумийлиги.** Жиноятларни очиш, тергов қилиш ва уларнинг олдини олиш чоғида криминалистик услугбий тавсиялардан фойдаланиш қулаги бўлиши учун хусусий услугбиётларнинг конструктив бирлиги тамойилига, яъни ички мустақиллиги ва кўп турлилигига амал қилган ҳолда уларнинг мақбул тузилишига риоя этиш зарур.

Мазкур тамойилларга кўра ишлаб чиқилган хусусий криминалистик услубиётлар шунингдек, терговчининг ички ишлар органлари тезкор ва бошқа хизмат ходимлари билан ўзаро ҳамкорлиги хусусиятларини; жамоатчилик ёрдамидан фойдаланишга доир йўл-йўриқларни; терговчи томонидан айрим турдаги жиноятларни тергов қилиш чоғида унинг олдини олишга доир фаолиятини ташкил этиш бўйича тавсияларни ҳам ўз ичига олган бўлиши керак.

Жиноят қонунига муносабати нуқтаи назаридан хусусий услубиётлар *типик* (турга оид) ва *махсус* услубиётларга бўлинади. Типик услубиётлар жумласига амалдаги жиноят қонунида белгиланган жиноят турлари (масалан, одам ўлдириш, ўғирлик, фирибгарликни тергов қилиш услубиётлари ва ҳоказо) бўйича тузилган услубиётлар киради. ✓

Жиноят тўғрисидаги қонун ҳужжатлари янгиланиши муносабати билан тегишлича янги хусусий услубиётларни ишлаб чиқиш зарурияти пайдо бўлади. У ёки бу қилмиш учун жиноий жавобгарликнинг бекор қилиниши ёки уларнинг жиноийлик тоифасидан чиқарилиши (декриминализация қилиниши) тергов қилишнинг айрим услубиётларига бўлган эҳтиёжни истисно этади. Типик хусусий услубиётлар сони жиноятларнинг мавжуд турларига мувофиқ бўлиши керак. Услубиётларнинг ана шу сони энг юқори (максимал) ҳисобланади. Шу сабабли, криминалистика олдида барча зарур бўлган, лекин ҳозирча мавжуд бўлмаган хусусий услубиётларни ишлаб чиқиш вазифаси туради.

*Махсус* услубиётлар жумласига қонунда белгиланган жиноятларнинг турлари бўйича эмас, балки бошқа асослар бўйича тузилган *хусусий* услубиётларни киритиш керак бўлади. Жумладан, ана шу мақсад учун асослар сифатида жиноят содир этилган жой, жиноятчининг, жабрланувчининг шахси, жиноят содир этилган пайтдан бошлаб ўтган вақт ва бошқа шу сингарилар танланиши мумкин. Криминалистика адабиётларида темир йўл, сув ва ҳаво транспортидаги жиноятларни; вояяга етмаганлар ва рецидивистлар содир этган жиноятларни; ўтган йилларнинг очилмай қолган жиноятларини тергов қилиш услубиётлари маълум.

Аниқлаштирилиш (тафсилотлаштирилиши) даражасига кўра, жиноятларни тергов қилиш услубиётлари бир босқичли, икки босқичли ва кўп босқичли бўлиши мумкин. Масалан,

ўғирликларни тергов қилиш услубиёти уларни тергов қилиш бўйича умумий тавсияларнига эмас, балки хонадон ва автомашина ўғирликларини, майда ўғирликларни, корхоналар, муассасалар ва ташкилотлардаги ўғирликларни; почта ўғирликларини ва бошқа шу сингариларни тергов қилиш услубиётларини ҳам ўз ичига олади.

Жиноятларни тергов қилишнинг хусусий услубиётлари ҳажмита кўра тўлик ва қисқартирилган турларга бўлинади. Аксарият ҳолларда, у ёки бу турдаги жиноятни тергов қилишнинг бутун жараёнини ўтказиш учун услубий тавсиялар ишлаб чиқилади. Баъзан эса тадқиқотлар тергов қилишнинг бирон-бир босқичини ташкил этиш ва амалга ошириш бўйича услубий тавсияларни ишлаб чиқиши билан чекланади. Чунончи, дастлабки тергов ҳаракатларини ўтказиш бўйича криминалистик услубий тавсиялар анча кенг тарқалган.

Жиноятларнинг қамраб олинадиган турлари бўйича хусусий услубиётлар комплекс ва аниқ турларга бўлинади. Икки ёки ундан ортиқ ўзаро боғлиқ турдаги жиноятларни тергов қилиш услубиётлари, масалан, талончилик ва босқинчиликларни тергов қилиш услубиёти, ўт қўйишилар ва ёнгинга қарши хавфсизлик қоидаларига жинояткорона риоя этмасликларни тергов қилиш услубиёти сингарилар комплекс услубиётлар ҳисобланади.

Жиноятларни тергов қилиш криминалистик услубиётлар ўз шаклига кўра кўпинча монографиялар, диссертация тадқиқотлари, дарсликлар, ўқув, услубий ва амалий қўлланмалар, услубий хатлар тариқасида ишлаб чиқилади ва ҳоказо.

Хусусий криминалистик услубиётлар таснифи схемада келтирилган.

### **3-ғ. Жиноятларни тергов қилишдаги хусусий криминалистик услубиётларнинг маркибий тузилиши**

Жиноятларни тергов қилиш хусусий криминалистик услубиётларнинг аксарияти қуйидаги асосий бўлимларни ўз ичига олади:

#### **ЖИНОЯТЛАРНИ ТЕРГОВ ҚИЛИШ УСЛУБИЁТЛАРИ ТАСНИФИ**



жиноятларнинг криминалистик таснифи;

жиноятларни тергов қилиш дастурлари;

энг характерли тергов ҳаракатларини ва қонунда назарда тутилган бошқа чора-тадбирларни тайёрлаш ва ўтказиш тактикаси ўзига хос хусусиятларининг таърифи;

мазкур турдаги жиноятларни тергов қилиш чоғида терговчиларнинг келажакда шу хил жиноятларнинг олдини олишга доир фаолиятини тайёрлаш ва ўтказиш ўзига хос хусусиятларининг таърифи.

**Жиноятларнинг криминалистик тавсифи.** Жиноят ишлари бўйича муваффақиятли иш олиб бориш учун терговчилар ва суриштирувчиларга аввало тергов қилинаётган турдаги жиноятларнинг батафсил криминалистик тавсифи талаб қилинади.

Жиноятларнинг криминалистик тавсифи жиноят ва жазо тўғрисидаги қонунда белгилаб қўйилган ижтимоий жиҳатдан хавфли ғайрихуқуқий қилмишларнинг кўриб чиқилаётган турлари энг муҳим томонлари тўғрисидаги умумлаштирилган далилий маълумотлардан ҳамда уларга асосланган илмий хулосалар ва тавсиялар тизимидан иборат бўлади. Криминалистик тавсифларни билиш жиноят ишларини тез, ҳар томонлама ва холисона тергов қилишни ташкил этиш учун зарурдир.

Жиноятлар криминалистик тавсифи комплекс (яъни уйгун бирликдаги) мазмунга зга. Уларнинг асосий қисми жиноий хулқ механизмини, жиноят тўғрисидаги ахборотни олиш ва ундан фойдаланиш таркибини криминалистик тадқиқ этиш, жиноятчининг ва жабрланувчиларнинг шахсини аниқлаш ва ҳоказо жараёнида аниқланади. Шу билан бирга, уларда яқин турувчи юридик фанларнинг айрим қоидалари бўлади. Бироқ бошқа фанлардан бундай фойдаланиш одатдаги илмий уйгуналашув (интеграция) доираси билан чекланган бўлади ва тавсифларнинг криминалистик моҳиятига таъсир этмайди. Криминалистик тавсифлар жиноятларнинг муайян турларига ҳам, ўхшаш (бир-бирига яқин) гурухларига ҳам берилиши мумкин бўлиб, бу уларнинг жуда хилма-хил бўлишига олиб келади.

Жиноятлар криминалистик тавсифларининг мазмуни тавсифланаётган жиноий қилмишнинг моҳиятига, тергов қилиш хусусий услубиётининг тури ва ишланганлик даражасига, илмий тадқиқотнинг вазифалари ва усулларига ҳамда бир қатор бошқа омилларга боғлиқ бўлади. Бундан ташқари, жиноятлар криминалистик тавсифлари таркибий тузилиши шаклига кўра бир-биридан фарқ қиласи. Криминалистик тавсиф бор-йўги бир неча кириш қоидаларини ўз ичига олган ишлар ҳам учрайди. Айни пайтда жиноятларни тергов қилишнинг шундай хусусий услубиётлари ҳам борки, ана шу тавсиф уларнинг асосий қисмини ташкил этади. Бироқ, кўрсатиб ўтилган фарқларга қарамай, жиноятлар замонавий криминалистик тавсифларининг аксариятида бир қанча барқарор такрорланувчи элементлар мавжуд бўлиб, ана шуларнинг мажмуи уларнинг типик тузилмасини ҳосил қиласи.

Қоида тариқасида, криминалистик тавсифлар кўриб чиқилаётган жиноятлар турининг тушунчасини аниқлашдан ва уни тергов қилишнинг умумий шарт-шароитларини (тергов қилишнинг изчиллиги, муддатлари ҳамда шакли ва ҳоказо) тавсифлашдан бошланади. Бундай ахборот маълумотнома вазифасини бажарган ҳолда имкон борича қисқа баён қилинади ва тегишли криминалистик тавсифни таърифлаш учун таянч бўлиб хизмат қиласи. Криминалистик тавсифда кўриб чиқилаётган жиноят тури тушунчасини аниқлаш билан биргаликда ижтимоий муносабатларнинг замонавий ривожланиш босқичида унга қарши курашнинг ҳолати ва аҳамияти кўрсатилади. Жиноятларнинг кўриб чиқилаётган турига қарши курашнинг долзарблигини белгилаш жиноятларни тергов қилиш хусусий криминалистик услубиётларнинг тўғри ижтимоий-сиёсий йўналишда бўлиши ва терговчилар фаолияти самарадорлигини ошириш учун зарурдир.

Жиноятлар тўғрисидаги энг типик бошлангич ахборотнинг таърифи жиноятлар криминалистик тавсифининг муҳим элементлари жумласига киради. Ана шу ахборотнинг мазмуни ва шаклига қараб текширишга оид ишлар тартиби ҳамда уларни очиш, тергов қилиш ва уларни олдини олишнинг дастлабки босқичлари дастурлари белгиланади. Жиноятларнинг криминалистик тавсифи таркибига, жиноятларни содир этиш ва яшириш усуслари ҳақидаги маълумотлар тизими ҳам киради. Жиноятларни содир этиш усули деганда жиноий қилмишни тайёрлаш, содир этиш ва яширишга, шу жумладан тегишли қуроллар ва воситаларни қўллашга, жой ва вактни танлашга, тегишли ҳолатлардан фойдаланишга қаратилган ўзаро алоқадор ҳамда ўзаро боғлиқ ҳаракатлар тизими тушунилади.

Жиноятлар криминалистик тавсифларининг мажбурий элементлари жумласига эҳтимол тутилган жиноятчининг ва унинг эҳтимолдаги жабрланувчининг шахси тўғрисидаги маълумотлар киради. Криминалистик услубиёт соҳасидаги тадқиқотлар шундан далолат берадики, жиноий тажовуз жабрланувчи, жиноятни содир этиш усули, унинг хусусиятлари, оқибатлари ва жиноятчининг шахси ўртасида муайян алоқадорлик бўлади. Бундай алоқадорлик ҳақидаги криминалистик маълумотлардан фойдаланиб, терговчилар ва суриштирувчилар айrim жиноятлар юзасидан эҳтимол тутилган жиноятчининг шахси тўғрисида асосли версияларни олга суришлари ҳамда тергов қилишнинг энг мақсадга мувофиқ дастурини белгилаб олишлари мумкин.

Нихоят, жиноятларнинг мазкур турини тергов қилишда аниқланиши лозим бўлган ҳолатлар доираси жиноятлар криминалистик тавсифларининг яна бир элементи ҳисобланади.

Азалдан, ҳар қандай жиноятни тергов қилишда ҳақиқатни аниқлаш етти ҳадли формула билан, яъни нима, қаерда, қачон, қай тарзда, ким, кимнинг ёрдамида, нима учун деган еттита саволга жавоб олиш билан боғланган. Лекин бу формулани универсал деб бўлмайди, чунки у жуда қисқа бўлиб, у ҳар хил турдаги жиноятларни тергов қилиш хусусиятларини ҳисобга олиш имконини бермайди. Жиноят ишларини тергов қилишда аниқланиши лозим бўлган саволлар доирасини ўн иккитагача қўпайтириш тўғрисидаги таклиф ҳам бу камчиликларни бартараф этгани йўқ.

Шуни ҳисобга олиб, жиноятлар замонавий криминалистик тавсифларнинг аксариятида уларни тергов қилиш пайтида аниқланиши лозим бўлган, жиноятлар таркибининг асосий элементлари бўйича муайян тизимга солинган ҳолатлар рўйхати келтирилади. Булар:

а) тажовуз қилиш объекти (тажовуз нимага қаратилган, нимага зарар етказилган, зарарнинг миқдори ва ҳоказо);

б) тажовузнинг объектив томони (қаерда, қачон, қай тарзда, бир шахснинг ёки бир неча кишининг ҳаракатлари биланми, улардан ҳар бирининг тутган ўрни (роли), қандай ҳолатларда, оқибатлари қанақа, етказилган зарар, қилмиш ва оқибатлар ўртасидаги сабабий боғланиш, жиноятта қўмаклашган ҳолатлар ва ҳоказо);

в) тажовуз субъекти (тажовузни ким содир этди, унинг шахсини тавсифловчи маълумотлар, агар шахслар гурухи иштирок этган бўлса, улар кимлар);

г) тажовузнинг субъектив томони (айб, унинг шакли, қасддан қилинган айб бўлса унинг сабаби ва мақсади).

Баён қилишнинг бундай усули ҳар хил турдаги жиноятларни тергов қилишда аниқланиши лозим бўлган ҳолатлар бутун доирасининг ўзига хослигини ифодалайди ва бир вақтнинг ўзида илмий маълумотлардан амалиётда нисбатан осонлик билан фойдаланилишини таъминлайди.

Шу билан бирга жиноятларни тергов қилишда исботланиши лозим бўлган ҳолатлар доирасини ортиқча аниқлаштириб юбориш жоиз эмаслигини ҳисобга олиш керак. Негаки бу жиноят таркибининг жиноят-ҳуқуқий таҳлилига айланиб қолиши мумкин ва услубий тавсиялардаги криминалистик хусусиятларнинг йўқ бўлиб кетишига олиб келади.

Жиноятлар криминалистик тавсифи тушунчасини қисқача баён қилиш нихоясида шуни қайд этиш зарурки, у янги

криминалистик илмий категория ҳисобланади, шу сабабли такомиллашиш ва ривожланишда давом этмоқда. Унинг таркибиň тузилиши аниқлашмоқда, жиноятлар муайян турларининг назарий жиҳатдан асосланган криминалистик тавсифларини фаоллик билан ишлаб чиқиш жараёни бормоқда ва уларнинг қоидаларидан жиноят ишлари бўйича терговчилар фаолиятини такомиллаштириш учун фойдаланиш йўллари таклиф этилмоқда.

**Мазкур турдаги жиноятларни тергов қилиш дастурлари.** Услубиётнинг бу бўлимида тергов ҳаракатлари, тезкор-қидирув ва қонунда назарда тутилган бошқа чораларнинг мақбул тавсиялари баён қилинади. Тергов қилиш дастурлари услубиётларнинг энг муҳим қисмларидан бўлиб, типик тергов вазиятлари ва версияларини ҳисобга олган ҳолда, босқичмабосқич асосда (айниқса жиноят пайқаб қолингани тўгрисидаги дастлабки ахборот олинган пайтдан эътиборан тергов қилишнинг дастлабки босқичи учун батафсил) тузилади.

Жиноятчи аниқланмаган; жиноятчи жиноят устида қўлга туширилган; жиноят иши тезкор-қидирув фаолияти жараёнида аниқланган маълумотларни ҳисобга олган ҳолда қўзгатилган; жиноятчи айбини тан олиб келган ва бошқа шу сингари тергов вазиятлари учун тергов қилиш дастурлари криминалистика адабиётларида айниқса кўп келтирилади.

**Мазкур турдаги жиноятларни тергов қилиш учун айниқса хос бўлган дастлабки ва ундан кейинги тергов ҳаракатларига тайёргарлик қўриш ҳамда уларни ўтказиш тактикаси ўзига хос хусусиятларининг тавсифи.** Умумий тактик қоида ривожлантирила бориб, бу ерда мазкур турдаги жиноятларни тергов қилиш учун айниқса хос бўлган тергов ҳаракатларини ва қонунда назарда тутилган бошқа чораларга тайёргарлик қўриш ҳамда уларни ўтказиш тактикаси ўзига хос хусусиятларининг тавсифи берилади.

**Мазкур турдаги жиноятларни тергов қилишда терговчилар ва суриштирувчиларнинг жиноятларни олдини олишга доир фаолиятига тайёргарлик қўриш ҳамда уни ўтказиш ўзига хос хусусиятларининг тавсифи.** Жиноят судлов ишларини юритишнинг асосий вазифаларидан бири бўлгани ҳолда, жиноятларнинг олдини олиш жиноий ҳуқуқбузарликларни тергов қилиш чоғида ҳам амалга оширилади. Жиноятларни очиш ва тергов қилишни амалга оширувчи терговчилар ва суриштирувчиларнинг иш юритувидаги жиноят ишларида қидирувни ташкил этишни профилактикадан (олдини олиш тадбирларидан) фарқлаш, давомли жиноятнинг пайини қирқишини айбдорнинг қилмишини фош этувчи далилларни тўплашдан

ажратиш нафақат қийин, балки баъзан имконсиз ҳамдир.

Шу сабабли мазкур турдаги жиноятларни тергов қилишда жиноятларни олдини олишга доир тадбирларга тайёргарлик кўриш ва уларни ўтказиш хусусиятларининг тавсифи криминалистик услугубий тавсияларнинг якунловчи қисми ҳисобланади.

Шу тариқа, хусусий криминалистик услугиётлар ҳар хил турдаги жиноятларни тергов қилишни ташкил этиш ва амалга ошириш бўйича назарий қоидалар ҳамда амалий тавсиялар мажмуидан иборатdir. Бироқ улар муайян жиноятни тергов қилиш учун маслаҳатлар бермайди ва бера олмайди, яъни улар ҳаётдаги барча ҳолатлар учун андоза эмас. Уларда жиноятларнинг бирон-бир турини (кўринишини) очиш, тергов қилиш ва уларнинг олдини олишда терговчи фаолиятининг хусусиятларини акс эттирувчи умумий тавсияларгина мавжуд бўлади.

Хусусий криминалистик услугиётлар жиноятларнинг имкони борича самаралироқ тергов қилинишига кўмаклашиши учун терговчилар терговнинг мумкин қадар тўлик, тезкор ва холисона бўлишига эришган ҳолда ишлаб чиқилган тавсиялардан ижодий фойдалана олишлари керак.

## **24-боб. ТЕРГОВЧИ ВА ТЕЗКОР-ҚИДИРУВ ХОДИМЛАРИНИНГ ЎЗАРО ҲАМКОРЛИГИ**

### **1-ғ. Ҳамкорликнинг умумий жиҳатлари**

Тергов қилиш, жиноятни очиш ва унинг олдини олишнинг самарадорлиги кўп жиҳатдан терговчининг ушбу жараённинг бошқа иштирокчилари – тезкор-қидирув ходимлари, мутахассислар ва эксперtlар, шунингдек назорат-тафтиш органлари, оммавий ахборот воситалари билан ҳамкорлигига боғлиқdir. Бундай ҳамкорлик жиноят иши бўйича ҳақиқатни аниқлашга қаратилган бўлади.

Терговчининг тергов жараёни иштирокчилари билан ҳамкорлиги нисбатан шартли ҳисобланади, чунки процессуал нуқтаи назардан бундай ҳолатда тенглиknинг бўлиши мумкин эмас. Терговчининг мақоми юқори бўлиб, терговдаги асосий вазифа, унинг натижалари ва қабул қилинаётган қарорлар учун шахсий жавобгарликни аниқлаб беришдан иборат. Тергов иштирокчиларининг фаолияти терговчининг олдига қўйилган вазифаларга бўйсундирилган ва улар билан боғлиқ.

Ҳамкорликнинг мазмуни унинг мақсадлари билан белгилана-ди. Ҳамкорликнинг асосий мақсади эса – жиноятни фош этишdir. Баъзи бир ҳолатларда бу мақсад маълум бир тергов ҳаракатининг муваффакиятли ўткизиш бўлса, бошқа ҳолатларда – тезкор йўл билан керакли маълумотларни олиш, яширган шубҳаланилган шахсни ёки айланувчини, ашёвий далилларни, хужжатларни ва бошқаларни қидириш ва фош қилиш ҳисобланади. Ҳамкорлик бир марталик, қисқа вақтга мўлжалланган ёки муайян бир иш бўйича узоқ вақт давом этиши мумкин.

Агар дастлабки терговга эҳтиёж бўлмаса ва иш бутунлай бошлангич тергов органи томонидан олиб борилса, ҳамкорликка эҳтиёж қолмайди. Бу дастлабки тергов органи ходими хеч ким билан алоқада бўлмайди, дегани эмас. Худди терговчи каби у ҳам мутахассисларга, эксперtlарга мурожаат қилиши, ички ишлар хизмати бошқа органларининг ходимлари билан маслаҳатлашиши мумкин.

Ҳамкорлик тамойиллари қўйидагилар:

1. Конунийликка риоя қилиши. Иштирокчилар фаолиятини хуқуқий тартибга солиш, тергов органлари раҳбарларининг назорати ва прокурор назорати орқали таъминланади. Асосий талаб – иштирокчилар тергов ва тезкор-қидирув фаолияти учун белги-ланган ваколатлар доирасида бўлиши керак.

Ҳамкорликнинг тергов қоидаларига риоя қилиш қонунийлик принципини таъминлайди. Маълумки, қонун дастлабки терговни икки шаклини кўзда тутади: бошлангич тергов органларининг вазифаси жиноят изларини топиш ва аниқлаш, айборларни аниқлаш ва қўлга тушириш билан чегараланди.

Бошлангич ҳаракатлар тергов органи томонидан амалга оширилганда улар у ёки бу жиноятнинг мавжудлигини тасдиқлаб бериши талаб этилади. Бу маълумотнинг ишончлилиги тергов масалаларини тўғри ҳал этишга имкон яратади.

Терговчининг процессуал мақоми, раҳбарлик ва ташкилотчилик роли, терговнинг аниқ вазифаларини ечиш ва иш бўйича ҳақиқатни аниқлаш, ҳамкорликнинг аниқ бир мақсадга йўналтирилганлиги ва ҳамкорлик фаолиятининг мувофиқлиги унинг қандай режалаштирилганлиги билан таъминланади. Тергов давомида ҳамкорликнинг вазифалари ва мазмuni аниқлаштирилади ва тўлдирилади. Аммо ҳамкорлик қилаётган субъектлар доираси ўзгариши, янги куч ва воситаларни талаб қилиши мумкин.

Тергов ва бошлангич терговни назорат қилувчи прокурор бундай вазиятда ташкилотчилик вазифасини бажаради. Ўз ваколатлари доирасида тезкор ходимларга топшириқлар бериши, терговчи билан ҳамкорликнинг бошқа шаклларини белгилаши мумкин. Шу билан бирга, у бошлангич тергов органларининг тезкор-қидирув тадбирларига аралашмаслиги, топшириқларни амалга оширишнинг йўли ва воситаларини белгиламаслиги зарур.

Мазкур жараёнда тергов бўлими ходими ва прокурорнинг ҳамкорлик шакллари ва мазмuni тўғрисидаги кўрсатмалари терговчи учун мажбурийдир. Ушбу кўрсатмалар тезкор-қидирув гурухи ташкилотига, унинг таркибига алоқадор бўлиши ҳам мумкин.

## **2-ғ. Ҳамкорликнинг тактик-услубий қоидалари**

Тергов ўтказиш жиноятни очишида ҳамкорликнинг биринчиси – терговчи томонидан иш материалларини таҳлил қилишдан иборат. Бунда дастлаб терговчи томонидан ҳамкорлик субъектлари аниқланади. Қўшма фаолиятга энг кўп жиноят-қидирув, уюшган жиноятчилик ва иқтисодий жиноятларга қарши кураш хизмати, ички ишлар органларининг қriminalistik хизматлари, Ҳаракат ҳавфсизлиги хизмати, турли хил идора ва маъмурий инспекциялар ходимлари жалб этилади. .

Яна бир муҳим вазифа вазиятга оид маълумотларни ҳамкорлар ўртасида алмашинувидир. Маълумот алмашинувида тергов ҳамда тезкор-қидирув тадбирлари режасининг қай дара-

жада мослиги аниқланади, чунки тергов ҳаракатлари, унинг муваффақияти тезкор-қидирув иштирокчиларининг тадбирни белгиланган муддатда ва кетма-кетликда ижро этишларига боғлиқ. Ўз вақтида, етарли алоқа алмашинуви тезкор-тергов гуруҳи (ТТГ) аъзолари учун алоҳида аҳамият касб этади. Унинг шакллари турлича: ТТГ таркибининг йигилиши, унинг алоҳида иштирокчиларининг ўзаро алоқаси ва ҳоказо. Шу билан бирга тергов сирларини сақлаш, тезкор маълумотни четга чиқишига йўл қўймаслик жуда муҳим.

Ҳамкорлик иштирокчилари тергов вазияти ўзгариши билан режага ва мақсадларга тузатиш киритиши керак.

Ҳамкорлик режаси қўйидагиларни ўз ичига олиши керак:

- 1) тергов ва қидирув версияларининг ифодаси;
- 2) ушбу версиялардан келиб чиқувчи ҳолатларнинг рўйхати;
- 3) ушбу ҳолатлар ва ҳаракатлар тартибини аниқлаш ва ўрганиш рўйхати;
- 4) терговчи томонидан амалга ошириладиган қидирув тадбирлари рўйхати;
- 5) тезкор йўл билан аниқланиши керак бўлган вазиятларнинг ифодаси;
- 6) бажариш муддатлари, маълумот алмашинуви, режага тузатиш киритиш;
- 7) режанинг ҳар бир банди бўйича ижрочилар рўйхати.

Тезкор-қидирув режалари алоҳида тезкор ходим томонидан режалаштирилади. Белгиланган тадбирлар ва тергов ҳаракатларининг вақти, жойи, муддатига алоҳида эътибор бериш зарур. Тузилган режа тергов бўллинмаси ва тегишли тезкор хизмати раҳбарлиги томонидан кўриб чиқиласди.

Айниқса терговнинг дастлабки босқичи жуда муҳимдир. Бу нарса жиноятни излар босилмай туриб очилиши, айборни аниқлаш ва топиш, ўғирланган мулкни қидириш билан чамбарчас боғлиқдир.

Ҳамкорлик турли хил вазиятларда пайдо бўлади. Улардан уч тури энг кўп учрайди:

1. Жиноятчи аниқ бўлмаган жиноят (жиноят содир этилганлиги аниқ, аммо ким томонидан содир этилганлиги номаълум). Одатда бундай ҳолатларда ҳамкорлик ташаббуси ички ишлар органининг навбатчи қисмидан чиқади. Жиноят содир этилган жойга тезкор тергов гуруҳи чиқади. Гурухнинг таркибиға терговчи, тегишли мутахассис (криминалист, суд-тиббиёт мутахассиси), тезкор-қидирув ходими хизмат ити билан киради. Уларнинг вазифалари ҳодиса юз берган жойни синчилаб қўздан кечириб олинган маълумотлар асосида жиноятни фош этиш, айборни қидириш ва қўлга олиш учун ишлатишдан иборат. Айнан шу

босқичда қўзгатилган жиноят ишини терговга тегишлилиги, бошлангич тергов органлари ишининг йўналиши ва давом эттириши масалалари ҳал этилади. Бундай ҳолатларда бошлангич тергов органи мавжуд маълумотларни текшириш, қўшимча маълумотлар тўплаш, шунингдек моддий объектларни ўрганиш йўли билан иштирок этиши мумкин.

2. Терговчи томонидан бошлангич тергов ва тезкор материаллари асосида жиноят иши қўзгатиш масаласини ҳал этиш. Шунингдек айборни ва уларнинг жиноий кирдикорларининг ҳамма ҳаракатларини аниқлашга қаратиш ва тезкор-қидирув тадбирларини ўтказиш; жиноятчи томонидан келтирилган моддий зиённи тўлалигича аниқлаш; жиноий йўл билан орттирилган бойликларни далиллар асосида исбот қилиш.

3. Мураккаб жиноят ишларини тергов қилиш. Бу кўп эпизодли, уюшган жиноятчлар, шунингдек илгариги йилларда очилмаган жиноятлардир.

### 3-ғ. Ўзаро ҳамкорликнинг турлари

Ҳамкорликнинг процессуал ва нопроцессуал турлари мавжуд. Ҳамкорликнинг нопроцессуал тури баъзан ташкилий-тактик деб ҳам номланади.

Ҳамкорликнинг процессуал турлари қўйидагилар: тергов ҳаракатларини амалга оширишда дастлабки тергов ходимлари томонидан амалга ошириладиган тадбирлар; тўхтатиб қўйилган ишлар бўйича терговчининг топшириги билан шахс ва объектларни қидириш; тегишли шахслар билан ишлаш; тезкор-қидирув гурухларини ташкил этиш.

Терговчи тезкор-қидирув ишларини амалга ошириш ҳақида топширик берар экан, у ички ишлар органлари олдига факат вазифа қўяди, аммо уни ечиш йўли ва воситаларини белгиламайди, чунки бу дастлабки тергов органлари ваколатига кирмайди. Терговчи талабига қўра тезкор-қидирув ходимлари қонунда белгиланган процессуал мажбурлаш чораларини амалга оширади; қуролланган жиноятчани қўлга тушириш ва таъқиб қилиш учун пистирма, қувлаш, қуршов, турли хил тўсиқ тадбирлар кўради, терговчининг ҳудудига келишдан бош тортаётган шахсни олиб келиш, ҳодиса ва тинтуб жойини ўраб олиш, терговчига қаршилик кўрсатиш ҳолларини олдини олиш каби ҳолларда ёрадамлашади.

Дастлабки тергов ходимлари терговчига мураккаб ва катта хажмдаги тергов ҳаракатларини тайёрлаш ва амалга оширишда ёрдам берадилар, ушбу ҳаракатлар давомида у ёки бу вазифаларни бажарадилар.

Терговчининг мутахассислар билан ҳамкорлиги қўйидагиларда намоён бўлади:

- а) мутахассисларни тергов ҳаракатларига жалб этиш;
- б) суд экспертизаларини ўтказиш;
- в) тафтиш белгилаш ва ўтказиш.

Терговчи билан бошқа иштирокчилар процессуал ҳамкорлиги энг самарали бўлиб, унинг асосий хусусиятлари қўйидагилар:

- умумий мақсад сари бўйсундирилган тергов-тезкор гурӯҳ (ТТГ) томонидан амалга ошириладиган тергов ҳаракатлари ва тезкор-тергов тадбирлари ўтказилади.

- ТТГ аъзоларининг барча ҳаракатлари хусусан, умумий режани ишлаб чиқиш жараёнида ўзаро келишилади;

- ТТГ иштирокчиларининг ҳар бири ўз ваколати доирасида ҳаракат қилиб, функционал мустақилликни сақлаб қолади;

- ТТГ таркибида ишлаш терговчига тезкор йўл билан олинган маълумотдан, тезкор ходимларга эса – тергов ҳаракати вақтида олинган маълумотдан дарҳол фойдаланиш имконини беради.

Умумий қоидага кўра, ТТГ аъзоларининг барча ҳаракатлари аввалдан келишилган режага бўйсундирилган бўлсада, бъззи бир сабабларга кўра режалаштирилмаган ҳаракатларни амалга ошириши ҳам мумкин. Масалан, жиноятчиларни жиноят устида қўлга олиш, тинтуб ва кечикириб бўлмайдиган ҳаракатларни амалга ошириш.

ТТГ терговчи раҳбарлигида ишлайди. У ишни тергов қилишга, ҳамкорлик субъектлари олдига ўз вақтида вазифалар қўйишга, тақдим этилган маълумотлардан тўлалигича фойдаланишга жавобгардир.

Амалиётда ТТГ қўйидаги ҳаракатларни бажаради:

- 1) ҳодиса жойини кўздан кечириш. Бундай гурӯхлар вақтинча бўлиб, ички ишлар органлари навбатчи қисмларида бўлади ва ўрнатилган жадвалга мувофиқ алмашади. Гурӯҳ таркиби ҳар доим янгиланиб туради; унинг таркибига терговччи, жиноят қидирув ходими, мутахассислар – криминалист ва судтиббиёт мутахассиси, кинолог киради. Гурӯҳ мажбуриятлари – ҳодиса жойини малакали кўздан кечириш ва шу билан боғлиқ кечикириб бўлмайдиган тергов ҳаракатлари ва тезкор-қидирув тадбирларини ўтказишдан иборатдир. Ички ишлар органи хизмат кўрсатадиган ахолининг сони ва худуднинг катта-кичиклигига қараб бир вақтнинг ўзида бир неча ТТГ навбатчилик қилиши мумкин.

- 2) излар босилмай туриб ишлаш. Бу ҳодиса ерига чиққан гурӯхнинг айнан ўзи, кўздан кечириш билан чекланмай жиноятни

очиш ва жиноятчини ушлаш билан шугулланади;

3) хавфли жиноятларнинг муайян турларини очиш: ўғирлик, босқинчлилик, жинсий жиноятлар ва ҳоказо. Бундай ТТГ доимий бўлиб, хизмат кўрсатиш ҳудудида содир этилган жиноят турини очишга ихтисослашади;

4) уюшган жиноятчилар томонидан содир этилган ҳар қандай жиноятни тергов қилиш ва очиш. Бу ҳолатда ТТГ таркибига ички ишлар уюшган жиноятчиликка қарши курашиш маҳсус бўлинмаларининг тезкор ходимлари киради;

5) мураккаб, кўп эпизодли ишларни тергов қилиш бўйича ТТГ таркиби ўзгарувчан бўлади; тергов давомида унинг таркибига турли ихтисосликлар бўйича тезкор ходимлар ва қўшимча жалб этилган терговчилар қўшилади;

6) аввалги йилларда очилмаган жиноятларни тергов қилиш бўйича. Гуруҳ доимий асосда ишлайди ва маълум бир турдаги жиноят бўйича ихтисослашган бўлиши мумкин.

Ички ишлар органи тергов бўлинмаси бошлиги ёки прокурор томонидан тузиладиган терговчилар бригадасидан тезкор тергов гурухини фарқлаш зарур. Терговчилар бригадаси фақат бир ёки турли идоралар терговчиларидан ташкил топган. Уларга тезкор ходимлар ҳам қўшиб берилиши мумкин, аммо улар бригада таркибига кирмайди ва ҳамкорлик бир марталик кўринишга эга бўлади.

Тезкор-қидирав гуруҳи ва терговчилар бригадасининг таркиби турли хил бўлиши мумкин: иккита-учтадан бир неча юзгacha. Ҳар бир ТТГ иштирокчилар доираси, вазифалари тактик ҳамкорлик усули билан фарқланади.

Ҳамкорликнинг нопроцессуал шакллари хилма-хил бўлиб, иштирокчилар доираси ҳам анча кенгdir. Уларнинг энг асосийлари:

1) мутахассисларнинг терговчига у ёки бу тергов ҳаракатларини тайёрлашда ва натижаларини баҳолашда кўмаклашиши; айланувчини сўроқ қилаётган вақтда суд экспертизаси имкониятлари, қандайдир маҳсулотни ишлаб чиқарища технологик талаблар; терговчининг техник топшириқларини баҷариш; техник-криминалистик воситаларни тайёрлаш, ҳужжатларни кўпайтириш ва ҳоказо.

2) тезкор маълумотлардан фойдаланиш бўйича терговчи ҳаракатларини бирга режалаштириш; тезкор маълумот ёрдамида сўроқ қилинаётган шахсга бериладиган саволларни, жабрланувчи иштирокидаги тезкор гуруҳ тактикасини, тезкор-тактик режасини муҳокама қилиш.

Ушбу маълумотлар тури ва улардан фойдаланиш имкониятлари қўйидагича:

1. Жиноятга алоқадор шахсларнинг ҳаракатлари ҳақида терговчни йўналтирувчи тезкор маълумотлар:

- гумон қилинган ва айбланувчининг жиноий фаолияти ҳақида маълумот;
- жиноятни яширган шахсларнинг ҳаракатлари ҳақида маълумот;
- терговнинг боришига қаршилик қиласидаган ҳаракатларни амалга оширилиши ҳақида маълумот;
- кўрсатилган маълумотлар ва ашёвий далиллар эгалари ҳақида маълумот.

Бу маълумотдан бевосита ва билвосита йўл билан фойдаланиш мумкин.

Тезкор маълумотдан бевосита фойдаланишга қуидагилар киради:

- тергов йўналиши ва жиноятчининг шахсини аниқлаш;
- унинг асосида тергов ҳаракатларининг кетма-кетлиги ва хусусиятларини белгилаш;
- тергов ҳаракатларини асослаш – жиноят устида қўлга олиш, тинтуб ва бошқалар;
- ҳозир-жавоблик даражасида устунликка эга бўлиш; бундай вазиятда тезкор маълумот «тескари алоқа» ролини ўйнаб, учинчи шахсларга айтганлари бўйича терговчи ўзининг ҳаракатларини «бировнинг кўзи» билан кўра олади;
- тергов вазиятини баҳолаш ва тактик қарор қабул қилишда тезкор маълумотларни ҳисобга олиш.

Тезкор маълумотлардан билвосита фойдаланиш, унинг манбаларига процессуал тус бериш, сўнг эса ушбу манбалардан мазкур маълумотни қайтадан, лекин энди далил сифатида олиш йўлларини излаш шаклида намоён бўлади.

2. Ишга алоқадор обьектларининг жойлашиш ва терговчини йўналтирувчи тезкор маълумот. Ушбу маълумотдан қуидаги ҳолларда фойдаланилади:

- тинтуб ўтказиш, олиб қўйиш, мулкни ҳисбсга олишда;
- мазкур маълумотларга процессуал тус бериш, мақсадида далиллар доирасига киритиш учун амалга ошириладиган ҳаракатларда.

3. Тезкор ходим томонидан ёки мутахассис ёрдамида олинган тезкор маълумот.

Тезкор-қидирав фаолияти тўгрисидаги қонунга кўра, маълумотлар тезкор ходим томонидан предмет ва ҳужжатларни ўрганиш, бино ва иншоотларни, жой ва транспорт воситаларини кўздан кечириш орқали ҳамда алоқанинг техник каналларидан олиши мумкин. Одатда иш бўйича ашёвий далил бўлиб хизмат қиласидаган материал обьектларни дастлабки ўрганиш натижалага-

ридан исботлашда фойдаланиш анча мураккабдир.

4. шахс ва предметларнинг қидирувини ташкил этишда, турли обьектларни таниб олишда, қидирув иштирокчиларини кенгайтиришда; профилактик чораларни кўришда оммавий ахборот воситалари;

5. жиноятни содир этилишига кўмаклашган шароитлар ҳақида криминалистик мухим маълумотни олиш; жиноятни олдини олиш бўйича чоралар кўриш; корхона ва муассасаларда хужжат ва товар айирбошлиш тартибини ўрганиш ва бошқалар;

6. қидирув тадбирларини ўтказишида аҳоли ва жамоат уюшмаларидан фойдаланиш, йўналтирувчи маълумотларни аниқлаш, у ёки бу шахсга тавсифнома олиш ва бошқалар.

Нопроцессуал шаклдаги ҳамкорлик процессуал шаклдаги ҳамкорлик билан бир мақсадни кўзлайди, жиноятни муваффақият билан аниқлаш, очиш, тергов қилиш ва самарали олдини олишга хизмат қиласди.

## **25-боб. ҚОТИЛЛИК ЖИНОЯТЛАРИНИ ТЕРГОВ ҚИЛИШ**

### **1-ғ. Қотиллик жиноятларининг криминалистик тавсифи**

Қотиллик, яъни қасддан инсонни ҳаётдан маҳрум этиш жиноятлари оғир ва тергов услуби анча мураккаб кечадиган ҳодисалардан хисобланади.

Криминалистик тергов услубини қўллаш қотиллик жиноятини текширишда жабрланувчининг ўлими сабабини аниқлашга: у ўз-ҳаётига қасд қилдими, ўлими табиий юз бердими, баҳтсиз ҳодиса натижасида ёки қотилнинг тажовузидан содир бўлдими, деган саволларни аниқлашга қаратилиди. Шунинг учун ҳар қандай ҳолатларда топилган одамнинг мурдаси ёки маълум инсоннинг шубҳали вазиятда бедарак йўқолиш ҳодисаси криминалистик тергов услуби қоидаларига асосланган ҳолда текширилиши лозим. ✓

Қотиллик жиноятларини содир этишда жиноятчилар турли усул ва қуролларни қўллайдилар. Кўп ҳолларда улар ўқ отиш ва совуқ қуроллар, турли уй-рўзгор буюмлари (пичоқ, теша, болта), бирор қаттиқ предмет (темир, тош каби)лар билан жароҳат этказиб содир этадилар.

Қотиллик жиноятлари бўғиш, нафас олиш йўлларини бекитиш, заҳарлаш, сувда чўқтириш, портлатиш ва бошқа усуллари билан ҳам содир этилади.

Жиноятни содир қилиш усуллари, жиноий ҳаракат мотивлари, жойи, вақти, ҳодисанинг оқибати, излар, қуроллар буларнинг барчаси қотилликнинг криминалистик тавсифини ташкил қиласи. Унинг айрим элементлари эса бир-бирлари билан боғлиқ бўлиб, бири-иккинчисидан келиб чиқади ва тўлдиради. Айниқса жиноятнинг субъекти, жабрланувчи, ишлатилган қурол ва жиноят жойи каби элементлар ўзаро чамбарчас боғлиқ бўлиб, ҳар қайси элементдан қолган излар (оқибатлар) бошқа элементларда акс этади, бирини кузатиш ва текшириш билан, иккинчиси унга боғлиқ бўлган ҳолатнинг хусусиятини келтириб чиқаради.

Жиноятнинг криминалистик тавсифини белгилашда юқорида келтирилган ҳолатларни олдинма-кетинлиги, ҳодиса жойидаги вазиятларни келиб чиқиши, бирининг оқибати иккинчисида маълум изларнинг қолдириши кабиларини аниқлаш тергов дастлабки босқичининг муваффақиятли бўлишига асос хисобланади.

Тергов амалиёти тажрибасига асосланган ҳолда шуни айтиш мумкинки, энг кўп тарқалган қотиллик жиноятлари уй-жой

биноларида, жамоа жойларида, кўчаларда содир этилади, бунда жиноятнинг оқибати, қуроллар, излар яширилмайди, қотилнинг ўзи ҳам баъзида қочмайди, бекинмайди. Бундай жиноятлар кўпинча гаразлиқ, ўч олиш, рашқ, безорилик, икки жиноий гурухларнинг қарама-қаршилик тўқнашувлари натижасида содир бўлади. Бу ҳолатларда содир этилган қотиллик жиноятларининг очилиши ва тергов жараёни унчалик қийинчиликни туддирмайди. Тергов услуги тавсия этган тактик ва методик воситаларни кўллаш ва ҳодиса жойидаги қуроллар, излар, жабрланувчи шахси ва ўлим сабаби ҳақидаги дастлабки маълумотлар асосида версияларни ишлаб чиқиш ва терговни тўғри ташкил этиш, яъни жиноятни тегишли муддатларда очиш-исботлаш мумкин бўлади.

Айрим ҳолларда қотиллик жинояти яширин вазиятда, гувоҳларсиз, кечанинг қоронгулиги, одамнинг йўқлигидан фойдаланиб содир этилади.

Жиноятчи атайн тайёргарлик кўради, ҳодиса жойидаги изларни йўқотишга, қуролни ўзи билан олиб кетишга, баъзида мархумнинг танасини бекитиш-йўқотишга ҳам ҳаракат қиласи. Бундай жиноятлар тергов олиб бориш, исботлаш нуқтаи-назаридан мураккаб бўлиб, бир мунча қийинчиликларни келтириб чиқарди. Қотилликнинг бу турини тергов қилишда терговчи мутахассислик маҳоратини ижодий қўллай билишлиги, дастлабки суриштирув маълумотларидан тўғри фойдалана олиши, кечиктириб бўлмайдиган тезкор ва тергов ҳаракатларини ўз вақтида ва сифатли қилиб ўтказиши талаб этилади.

Жиноят содир этилган, жабрланувчининг мурдаси топилган жойларда уни амалга ошириш усули, мотивлари, қўлланилган қуроллар, содир этган шахс ҳақидаги дастлабки маълумотларни олиш мумкин бўлади. Жабрланувчининг шахси маълум бўлган ҳолларда жиноятчи ҳақида, марҳум билан улар орасидаги муносабат, жиноят ҳодисасини содир этиш усуллари ҳақида тегишли версиялар тузмоқ мумкин бўлади. Жиноят ҳодисаси билан жабрланувчининг танаси топилган жойлар бир бўлганда қотилликнинг асосий ҳолатлари ҳақида маълумот олиш ва дастлабки тезкор тергов ҳаракатларини ўтказиш орқали жиноятда шубҳаланган шахсни топиш ва қўлга олиш имкони бўлади. Қотиллик жинояти очик жойларда, йўл-кўча юзасида, ташландик, одамлар кам юрадиган жойларда содир этилганда жабрланувчининг мурдасида бир мунча ўзгаришлар (мурда аломатлари, атроф-мухит, об-ҳаво таъсири) юз бериши натижасида унинг шахсини аниқлаш мураккаб бўлади. Бундай ҳолларда тезкор ходимларнинг маълумотлари, қидирилаётган, бедарак йўқолган шахслар ҳақидаги ахборотлар катта ёрдам беради.

Шаҳар шароитларида содир қилинадиган қотилликлар кўп ҳолларда жиноят изларини йўқотишга, мурдани бўлаклаб яширишга қаратилган бўлади. Қотиллар мурда бўлакларини ахлат-чиқиндилар ташланадиган жойларда, жамоа гавжум жойлардаги маҳсус юк сақланадиган биноларда, бирор материалга ўралган ҳолда ёки сумка-чемоданларда қолдирадилар.

Қотиллик жиноятларининг тавсифларидан яна бири унинг содир қилиниш усулидир. Қотиллик содир қилиш усулига ишлатилган қурол, восита, ҳаракат, жиноята аввалдан тайёргарлик кўриш ва жиноят изларини йўқотишга уриниш каби ҳолатлар киради.

Үй-рўзгор жанжаллари, рашқ, безорилик, спиртли ичимлик ва наркотик воситалар таъсири остида содир қилинадиган қотилликлар деярли олдиндан тайёргарлик кўрилмасдан содир қилинади. Қотил қўлига дуч келган предмет қурол (пичоқ, теша, болта) ёки бошқа восита билан жароҳат етказиб, мақсадига етади.

Қотиллик гаразли мақсадда ёки жабрланувчининг лавозими, хизмат вазифасига қарши қаратилган бўлса, жиноятичи олдиндан тайёргарлик кўради, жойини, вақтини ва қуролни белгилаб қўяди, бундай ҳолларда ўқ отиш қуроли, портловчи моддаларни тайёрлайди. Қасдини амалга оширгандан сўнг қотил қуролни, отилган ўқ ва гильзаларни ҳам олиб кетишига, оёқ ва қўл изларини қолдирмасликка ҳаракат қиласди. Бу ҳолатлар қотилнинг шахси ҳақида маълумотларни олиш ва уни кимлар орасидан қидиришни қийинлаштиради.

Қотиллик жиноятигининг изларини ва жабрланувчининг мурдасини йўқотишга қаратилган ҳаракатлар баъзида қотилликка бошқа ҳодиса тусини бериш учун ниқоблаш усулларини ҳам қўллаш ҳоллари учраб туради. Қотил қурбонини хушсизлантириб ёки унга оғир жароҳат етказиб, хонанинг эшикдеразаларини беркитиб ўт қўйиб кетади, тепалик – баландликдан итариб юборади, “ўзига ўзи қасд қилган” – ниқоби тусини яратади ва ҳоказо.

Жабрланувчининг шахсини аниқлаш терговнинг дастлабки босқичида тўғри версиялар тузишига ва гумон қилинувчини топишга ёрдам беради.

Жабрланувчилар аёл кишилар бўлса, кўп ҳолларда улар зўрлик, гаразлик ёки рашик қурбонлари бўладилар. Қотил билан жабрланувчининг ўзаро алоқалари, муносабатлари бир-бирлари билан боғлиқ бўлиб, жиноий оқибатга олиб келиши сабабидан ва қасд мазмунидан дарак беради.

Жиноятда гумон қилинган қотилларнинг шахси, тергов амалиётига асосланган ҳолда қуйидагича тавсифланиши мумкин:

спиртли ичимлик ёки наркотик воситаларни истеъмол қилувчи 18 ёшдан 50 ёшгача бўлган эркак кишилар, кўп ҳолларда қўпол муомала қилувчилар, аҳлоқсиз, жамоага ва аёлларга нисбатан бехурмат ва раҳмсиз, илгари судланган каби сифатларга эга бўладилар.

Қотилнинг баъзи ҳаракатлари – жабрланувчига нисбатан ўта раҳмсизлик билан кўп жароҳат етказиши, ўзининг яқин қариндоши, оила-аъзолари, ёш болаларни ўлдириши, уларнинг мурдаларини майда бўлакларга бўлиб, ҳар жойларга ташлаши, унинг ақли норасолигидан хабар беради, бундай ҳолларни типик вазиятларга киритиш мумкин.

Тергов амалиётида нотипик ҳоллар ҳам учраб туради. Қотил қурол билан муомала қилишни яхши билади, ҳарбий хизматда ёки алоҳида машқ асосида отиш ёки совуқ қуролларини қўллашликни эгаллаган бўлиб, жиноятга тайёргарлик кўришни ва содир қилгандан сўнг унинг изларини йўқотишини аввалдан белгилаб қўяди. Бундай вазиятлар терговни дастлабки босқичида бир мунча мураккабликни келтириб чиқаради.

Лекин криминалистик фаолиятнинг қонуниятига биноан ҳеч бир жиноят ўз оқибатини, изларини қолдирмай иложи йўқ, шунинг учун ҳар қандай жиноят шу жумладан, қотиллик жиноятлари ҳам муваффақиятли фош этилади.

## **2-ғ. Жиноят ишини қўзгатиш ва терговнинг типик вазиятлари**

Қотиллик жиноятлари одатда оғзаки (телефон орқали) ёки ёзма равишда аризалар асосида қўзгатилади. Хабарлар даволаш муассасаларидан, ўлихоналардан, кўча-куйда зўрлик (жароҳатлар) аломатлари мавжуд бўлган мурдалар топилгани ҳақида бўлади, айрим ҳолларда жиноят содир қилган шахснинг ўзи хабар қиласи ёки хуқуқ муҳофаза организига айбини тан олиб келади.

Зўрлик аломатлари мавжуд бўлган мурданинг ёки унинг бўлаги топилгандарда жиноят иши ҳеч қандай текширув ўтказилмасдан тезкорлик билан қўзгатилади ва дастлабки тергов ва тезкор ҳаракатлар ўтказилади.

Шахснинг бедарак йўқолган фактлари бўйича тушган аризалар, жиноят иши қўзгатилмасдан аввал унинг эҳтимол кетган (яширинган) жойлари текширилади, тириклиги ва бошقا жойда бўлиш эҳтимол ҳақида версия юритилади. Бедарак йўқолганлик ҳақидаги аризада жиноят аломатлари ҳақида хабарлар бўлса, қаерда ва қачон содир бўлганлиги ва қотилликнинг сабаб-мотивлари кўрсатилган бўлса, бедарак

Йўқолган шахс «қотиллик қурбони» деган версия асосида жиноят иши қўзғатилиб, дастлабки тергов ва тезкор қидирув чоралари кўрилади.

Мазкур текширув натижаларида бедарак йўқолган шахс: бахтсиз ҳодиса қурбони эмаслиги, бирор жиноят ҳаракати учун ушланган эмаслиги, даволаниш жойларида, ўликхоналарда йўқлиги, ўз ихтиёри билан яшаш жойини ўзгартирмаслиги, шахсий хужжатлари ва буюмлари уйда қолганлиги, баразлик ёки ўч олиш мақсадида унга қасд қиласидиган маълум шахсларниң йўқлиги аниқланса, у «қотиллик қурбони бўлган» ва қотил унинг танасини яширган ёки йўқотишга ҳаракат қиласидиган, деган версия мавжуд бўлади ва жиноят иши қўзғатилиб, мана шу версия – текширилади.

Жиноят ишини қўзғатиш босқичида унга асос бўлган белги аломатлари, жиноят оқибати, содир қилинган усули бўйича қатор тергов вазиятлари ҳосил бўлади.

#### ҚОТИЛЛИКНИ ТЕРГОВ ҚИЛИШНИНГ ДАСТЛАБКИ БОСҚИЧИДАГИ ТИПИК ВАЗИЯТЛАР



**ЎЛДИРИЛГАНЛИК АЛОМАТЛАРИ БЎЛГАН МУРДА ТОПИЛГАНДА ТЕРГОВЧИННИГ  
ДАСТЛАБКИ ҲАРАКАТЛАРИ**

Ходиса содир бўлган жойини кўздан кечириш	Зарур ҳолларда мурдан таниб олиш учун кўрсатиш
Ҳабархор шахсларни сўроқ қилиши	Суд-тиббий экспертизасини тайинлаш
Криминиистик экспертиза тайинлаш	Суриштүрүв органларига төжор қидириув чораларини кўришини топишниш

1. Қотилликнинг очиқ содир этилиши, қотил билан жабрланувчи ўзаро безорилик қилиб жароҳатланганлиги натижасида ўлим юз берганлиги. Уй-рўзгорда оила аъзолари жанжаллағиши, рашик ва бошқа сабаблар натижасида, шунингдек зарурий мудофаа асосида содир этиладиган жиноятлар. Бундай вазиятларда гумон қилинувчи ва жабрланувчининг шахслари маълум бўлади, ҳодиса жойида ва у ерда бўлган, эшитган-кўрган гувоҳлардан олинадиган оғзаки тезкор маълумотлар етарли бўлиб, жиноят ҳодисаси ва унинг айrim ҳолатлари бўйича тегишли версиялар тузилади.

Бундай ҳолларда терговнинг дастлабки босқичида ҳодиса жойини ва мурда топилган жойини кўздан кечириш ва кечикириб бўлмайдиган тезкор қидириув чораларини ўтказиш, гумон қилинувчини ушлаш, суд-тиббиёт экспертизасини ўтказиш каби чоралар кўрилади.

2. Қотиллик яширинча (хуфёна) содир этилади, лекин жабрланувчининг танаси беркитилмайди, ниқоблаш ва қотилликка бошқа жиноят тусини берилмайди. Бундай вазиятлар босқинчилик, талончилик, аёл-қизларнинг номусига зўрлик ишлатиб тажовуз қилиш ва бошқа мoddий ғаразлик мақсадида содир этиладиган қотилликларда мавжуд бўлади. Шунингдек юқорида келтирилган вазиятлар, икки жиноий гуруҳ орасида келиб чиқадиган низолар ва буюртма (қотилни ёллаш билан содир этиладиган) жиноятларда ҳам мавжуд бўлади.

Кўрсатилган вазиятларни бартараф қилишилик учун биринчи навбатда ҳодиса жои кўздан кечирилади, кўрган-эшитган гувоҳлардан маълумот олиш, жиноятда гумон қилинувчиларни аниқлаш ва қўлга олиш чоралари кўрилади.

Жабрланувчининг мурдаси кўздан кечирилиб, сўнгра тиббиёт экспертизасини ўтказиш билан ўлим сабаби, вақти, жиноят қуроллари ва бошқа масалалар ҳал этилади.

Терговнинг бошлангич даврида жиноятнинг айrim ҳолатлари, субъектлари, ишлатилган қуроллар ва булар ҳақида

тўғри версиялар тузиб тергов ишини режалаштириш, кечиктириб бўлмайдиган тезкор-қидирув чораларини амалга ошириш, тергов натижасини муваффакиятли бўлишига асос бўлади.

3. Қотиллик яширинча (хуфёна) содир этилади, жабрланувчининг мурдаси мавжуд, шахси номаълум бўлиб, жиноят содир этилиш механизми номаълум бўлади. Кўзга ташланадиган зўрлик аломатлари бўлмайди, ўлим сабаби дастлаб аниқланишича баҳтсиз ходиса, ўз жонига қасд қилиш, тасодифий қасаллик натижасида ёки қотилликка бошқа жиноят тусини бериш мақсадида ниқбланган вазиятлар мавжуд бўлади. Келтирилган вазиятларнинг ҳар бири юзасидан версиялар тузишда уларга етарли аломатлар бўлиши ва улар ўзаро бирбирлари билан боғлиқ бўлмоғи лозим.

4. Қотиллик яширин, гувоҳларсиз содир этилганда, мархумнинг танаси, ташки кўриниши бир мунча ўзгарган (вакт ўтиши, қурол, ўта раҳмсизлик билан қилиниши ва ҳоказо) бўлиб, таниб олиш ҳам анча қийинчилик тугдиради. Мурда танасидаги жароҳатларнинг хусусиятлари қотиллик жинояти содир бўлганлигидан дарак беради. Мазкур вазиятни ҳал этишиликда биринчи навбатда суд-тиббиёт соҳасидаги мутахассис ёрдамида мурданинг юз тузилиши, жароҳатларга бироз тиббий-жароҳлик чоралари қўлланилиб, иложи борича тириклик ҳолати сунъий тикланади, кийимлари тартибга келтирилади, юзидаги ортиқча ифлосликлар, қон ва бошқа моддалардан тозаланиб сўнг таниб олишга кўрсатилади. Мархумнинг шахси аниқлангач, версия юритиш билан гумон қилинувчи изига ҳам тушиш мумкин бўлади. Гумон қилинувчилар илгари судланганлар, спиртли ва наркотик моддаларни истеъмол қилувчилар орасидан қидирилади.

5. Қотиллик содир этилгандан сўнг, кўп вақт ўтиб, мурда чириши натижасида мархумнинг фақат суяқ қолдиқлари (скелети) топилади. Баъзида марҳум кийимининг айрим бўлаклари сақланиб қолади, суяқ тўқималарида жиноят қуролининг излари, кесилиш, янчилиш аломатлари сақланади.

Терговнинг дастлабки босқичида мурданинг шахси номаълум бўлади, лекин мархумнинг суяқ қолдиқлари топилган жой, атроф-муҳит, суяқ тўқималарида жароҳат излари ва бошқа аломатлар қотиллик жинояти содир бўлганидан дарак беради. Бундай вазиятда мурданинг суяқ қолдиқлари топилган жой кўздан кечирилади, атроф-шароитлари ҳам текширилади, суд-тиббиёт соҳасидаги мутахассис иштироқида тахминан жиноят содир бўлган вақти, ўлим юз бергандан бўён қанча вақт ўтганлиги, ўлимга сабаб бўлган жароҳатлар ва қандай қурол билан етказилганлиги аниқланади.

ИИВ ахборот маркази бўлимларидан бедарак йўқолган шахслар ҳақидағи маълумотларни мазкур шахси номаълум скелет – мурдадаги ташки тузилиш (антропологик) аломатлари билан қиёслаш лозим бўлади. Дастребаки тергов ва тезкор ҳаракатларидан олинган натижалар асосида жабрланувчи, жиноятда гумон қилинувчи ҳақида тегишли версиялар тузилиб, тергов олиб борилади.

6. Қотиллик жинояти содир этилганидан сўнг, жабрланувчининг танасини яшириш, жиноят изларини йўқотиши мақсадида бўлакланади ва ҳар хил жойларга ташланади (беркитилади). Мурданинг айрим бўллаги топилиши натижасида қўзгатилган жиноят иши бўйича мазкур вазиятни қуидагича ҳал этиш тавсия қилинади:

- топилган мурда бўллаги қандай ҳолатда, бирор материал, қоғоз ёки целлофан пакетга солинганми;
- ўраш (упаковка қилиш), ип, канаф, бинт ва бошқалар билан боғланганлик усуслари;
- қотиллик ва бўлаклаш қачон содир қилинган, жиноят қуроли, бўлаклаш усули;
- тананинг бошқа қисмлари топилганда улар бир шахсники эканлиги ва бошқа ҳолатлар ҳам аниқланади.

7. Бедарак йўқолган шахсларнинг «жиноят қурбони» деган тахмин асосида жиноят иши қўзгатилади. Бедарак йўқолган шахснинг мурдаси топилмаган бўлиб, у ҳақиқатда қотиллик жинояти қурбоними ёки ўз ихтиёри билан кимларданadir яшириндими (жиноий-жавобгарлиқдан, бирор душманидан, ҳаёти хавф остида бўлганидан ва ҳ.к), бошқа худудларда ёки касалхоналарда исми-шарифини ўзгаришиб яшаб, даволаниб юрибдими.

Бундай вазиятни ҳал этишда юқорида келтирилган барча ҳолатлар юзасидан, версиялар тузилиб, текширилади. Мурда топилмаган ҳолларда, жиноят излари, бедарак йўқолган шахсга тегишли буюмлар топилиши ва қотиллик ҳақида етарли маълумотларнинг тўпланиши “қотиллик жинояти содир этилган” деган версияга асосланади. Умуман тергов ва тезкор чоралари ана шу асосли версияни текширишга қаратилиши лозим.

8. Янги туғилган чақалоқ боланинг мурдаси топилиши асосида қўзгатиладиган жиноят ишлари. Бундай вазиятда болани онанинг ўзи ёки бошқа унга яқин бўлган шахслар томонидан ўлдирилган, деган версиялар ҳосил бўлади. Дастребаки боланинг ўлдирилиш механизми, ўлим сабаби, туғилганда тирик эдими ёки ўлик ҳолда туғилдими, деган масалалар ҳал этилади.

Терговнинг дастребаки босқичида ва сўнгги босқичларида ҳам боланинг онаси қидирилмоғи лозим, чунки терговда ҳал

қилинадиган барча масалалар ва ҳолатлар унга боғлиқ бўлиб, ишнинг очилиш қалити ҳам боланинг онаси ҳисобланади.

### **3-§. Терговнинг дастлабки босқичи**

Терговнинг мазкур босқичида қуидаги асосий вазифаларни ҳал этмоқ зарурдир. Содир бўлган жиноятнинг барча элементлари: қотилнинг шахси, жабрланувчининг шахси, қотилликнинг мақсади ва қасднинг мотиви, жиноий ҳаракат жабрланувчининг шахсига қарашлими ёки унинг жамиятдаги мавқеи-лавозимига қарши қаратилганми, жиноятни бир шахс ёки гурух томонидан содир қилинганми, қотил топилмаган бўлса уни тезкор қидирав чораларини кўллаб яширган жойини аниқлаш ва қўлга олиш, жиноят қуролини топиш, гаразли мақсадида содир қилинган қотиллик ишлари бўйича ўғирланган, олиб кетилган қимматликларни қопдириш чоралари кўрилади.

Терговни тўғри ташкил қилиш ва ҳаракатларни тегишли олдинма-кетинликда олиб бориш учун, аниқланиши лозим бўладиган барча ҳолатлар юзасидан версиялар тузиш, терговни режалаштириш, тезкор-қидирав ходимлари билан яқиндан ҳамкорликда бўлиш, қотилликнинг мураккаб вазиятларини тергов қилишда тезкор-тергов гурухини ташкил қилиш билан олиб бориш зарур бўлади.

Терговнинг дастлабки босқичида кечиктириб бўлмайдиган тергов ва тезкор ҳаракатларини ўтказмоқ лозим бўлади. Булардан биринчи навбатда қотиллик ҳодисаси юз берган ва жабрланувчининг мурдаси топилган жойлар кўздан кечирилади.

Кўздан кечириш ҳаракатининг умумий тартиб қоидалари мазкур дарсликнинг тактика қисмида тўла ёритилган бўлиб, қотиллик жиноятларини тергов қилишда содир бўлган ҳодисанинг ўзига хос хусусиятларини назарда тутган ҳолда, кўздан кечиришнинг тактика қоидаларини кўллаш билан юкорида келтирилган вазифаларни ҳал қилмоқ мумкин бўлади.

Жиноят содир бўлган жой билан жабрланувчининг танаси топилган жой бир бўлса, кўздан кечириш, мурдадан, яъни марказдан бошланмоғи маъқул бўлади, сўнгра атроф-муҳит, жиноятчининг кириш-чиқиш йўллари, излар, жиноят қуроли ва бошқалар кўздан кечирилади.

Қотиллик жиноятлари бўйича ҳодиса жойини кўздан кечиришнинг ўзига хос вазифалари мавжуд. Биринчи навбатда жиноят содир бўлган ва мурда топилган жойлар турли бўлса қон изларининг хусусиятлари, суркалиш, томчи каби шакллари мурданинг бир жойдан иккинчи жойга олиб келишда ҳосил бўлади, қўшимча равишда ерда судралиш излари ҳам мавжуд

бўлади. Қотиллик содир бўлган жойда топилган мурда ёнида қон излари сачраш, оқиши ва кўп миқдорда кўлмак шаклда ҳосил бўлади. Бу белгиларнинг йўқлиги мурда бошқа жойдан келтирилган, транспорт воситасида олиб келинган, деган версияга асос бўлади.

Ходиса жойини кўздан кечиришда икки гурух изларга эътибор бермоқ лозим. Биринчи гурух излар қотил билан жабрланувчининг ўзаро ҳаракати натижасида ҳосил бўладиган излар, қотилнинг жароҳат етказиш услуби, қуроли, жабрланувчининг қаршилик кўрсатиши, ҳимояланиш каби ҳолатларидан ҳосил бўладиган аломатлар.

Иккинчи гурух излар жиноий ҳодисага алоқаси бўлмаган шахслардан қоладиган излардир. Бу икки хил изларни мазкур жойда ҳозир бўлганлар, гувоҳлардан олинадиган оғзаки маълумот асосида олиш мумкин. Шунингдек, тезкорлик суриштируви орқали ҳодиса жойининг аввалги ҳолати ва унга қандай ўзгаришлар киритилганлиги ҳам аниқлаб олинади.

Жабрланувчининг мурдасини кўздан кечиришда аниқланиши лозим бўлган ҳолатлар куйидагилардир:

- шахси, ҳужжатлари ёки бошқа буюмлари, кийимлари, ташқи қиёфаси, алоҳида белгилари;

- қотил билан, оила аъзолари, қариндошлари ҳамкасабалари ва бошқа танишлари билан алоқаси;

- ўлимнинг юз берган вақти, сабаби, етказилган жароҳатларнинг қайси бири ўлимга сабаб бўлганлиги;

- жиноий ҳаракатнинг механизмини, жароҳатлар қандай қурол билан етказилганлиги;

- қотиллик жинояти содир қилинаётганда кимлар бўлгани, эшитгани;

- жиноятнинг субъектив томонини, қасддан ёки эҳтиётсизликдан содир бўлганлиги.

Юқорида келтирилган ҳолатларнинг баъзиларини аниқланиши жиноятчини қаердан ва кимлар орасидан излашга имкон беради.

Ўлим вақти мурда аломатлари асосида (совиши, қотиши, доғларнинг ҳосил бўлиши, чириши ва бошқалар аниқланади, ўлим сабаби жароҳатларнинг оғир-енгиллиги, олдинма-кетинлиги ва қандай қуролдан етказилганлиги, жароҳатнинг қайси-бири ўлимга сабаб бўлганлиги, мурдани кўздан кечиришда тиббиёт соҳасидаги мутахассис иштирокида белгиланади).

Жиноятни содир қилишда ишлатилган қурол сифати, жароҳат етказиш усули, ўта раҳмсизлик билан кўп жароҳат етказиш, ўлим юз бергандан сўнг ҳам қуролни ишлатиш жиноятчи шахсидан хабар беради. Ўлдирилганнинг шахси

номаълум бўлиб, терговнинг бошлангич даврида аниқланмаган бўлса, жиноий рўйхат қоидасига биноан шахси номаълум мурда картаси тузилади, қўл ва ўн бармоқ излари бўйича дактилокарта тайёрланади, асосий ва қўшимча формула чиқарилиб, рўйхатга олинади.

Дактилокартада ташки қиёфа белгилари, айрим кўзга ташланадиган белгилар кўрсатилади. Терговнинг сўнгги босқичларида ана шу карталар асосида жабрланувчининг шахси таниб олишга кўрсатилиб, аниқланади. Информация маркази маълумотлари асосида бедарак йўқолганларнинг шахслари қиёсланади.

Мурда бўлаги топилиши асосида кўзгатиладиган жиноят ишлари бўйича бўлак топилган жойда кўздан кечирилади, унинг ўралган, ўралмаган ҳолатига, жароҳатларнинг хусусияти, тахминан қандай қуролдан етказилганлигига эътибор берилади. Бўлак ўралган материал сифати (қозоз, мато, цеплофан) гурух мансублиги белгиланади.

Мурда бўлаги бўйича жабрланувчининг жинси, ёши, миллат гурухи, иложи борича индивидуал белги-аломатлари хатга олинади.

Жиноят содир этилган ва жароҳат етказилган вақт, ўлим содир бўлиш вақти ва сабаби, мурданинг қотилликдан сўнг қанча муддат ўтгандан сўнг, қандай курол ва усулда бўлакланганлиги, касб-хунар хусусияти ҳам кўздан кечириш натижасида белгиланади. Кўздан кечириш ўтказилиб, барча маълумотлар баённомада акс эттирилгандан сўнг суд-тибиёт экспертизаси тайинланиб, юқорида келтирилган версиялар дастлабки маълумотлар ўз тасдигини топмоги лозим бўлади.

Ходиса жойини, мурдани (бўлагини) кўздан кечириш билан бир қаторда тезкор-қидирав ҳаракатлари ҳам ўтказилади. Биринчи навбатда ҳодиса жойида ҳозир бўлган кўрган билганлардан оғзаки маълумотлар олинади, қачон, ким томонидан эътибор берилиб, жиноят излари аниқланганлиги, жиноятчи ҳақидаги маълумотлар, ўзгариб-босилиб кетмаган, “иссиқ” из-аломатларни аниқлаш юзасидан маҳсус итлар ишга солинади, маълум шахслар орқасидан кузатувлар ўтказилади, ахборот-маълумот марказидан бедарак йўқолган шахслар ҳақидаги маълумотлар, ташки қиёфа белгилари ва шу каби бошқа маълумотлар йиғилиб, улар сўнгги тергов ҳаракатларини ташкил қилиш ва ўтказишга, янги версияларни тузишга ёрдам беради.

Кўздан кечириш ва тезкор қидирав чоралари ёрдамида топилган бошқа мурда бўлаклари ўзаро қиёсланиб, бир шахснинг танасига тегишли эканлиги аниқланади.

Ходиса жойини, мурда ва унинг бўлагини топилган жойида

кўздан кечирилгандан сўнг суд-тиббиёт экспертизаси тайинланади. Экспертиза ҳал қиладиган масалалар қуидагилардир:

- жабрланувчининг танасидаги жароҳатларнинг тавсифи;
- жароҳатлар қандай қурол билан етказилган;
- жароҳатларнинг қандай олдинма-кетинлиқда етказилгани;
- ўлим вақти ва сабаби, қайси жароҳат ўлимга сабаб бўлгани;

- жароҳатларнинг сони кўп бўлган тақдирда, қайсилари ҳаётий даврида, қайсилари ўлим юз бергандан сўнг етказилганлиги;

- жароҳатлар жабрланувчининг ўзи томонидан етказилиши мумкинми ва бошқалар.

Мурда бўлаги ва бир неча бўлаклари юзасидан экспертиза текшируvida ҳал қилинадиган масалалар:

- мурда бўлаклари бир шахс танасига тегишлими;
- мурда бўлаги (бўлаклари) бўйича жабрланувчининг шахсига тегишли маълумотлар жинси, миллати, тахминан ёши, касб-ҳунари ва бошқалар;
- жароҳатлар мавжуд бўлса, қандай қуролдан етказилган, тирик вақтида ёки ўлим юз бергандан сўнг етказилганни;
- мурдани бўлаклаш қандай қурол-асбоб ва усул билан содир этилган, касб-ҳунари ва бошқалар;
- қотиллик содир қилинган ва мурда бўлакланган вақти;
- мурда бўлаги таркибида бегона моддалар (захарловчи, алкоголь, наркотик) қолдиқлари мавжудми ва шу каби жиноятга оид бўлган бошқа масалалар.

Бедарак йўқолган шахсларни «жиноят қурбони» деган версия асосида қўзғатилган ишлар юзасидан тегишли текширувлар, тезкор-қидирав чоралари ўтказилиб, йўқолган шахс жиноят, баҳтсиз ҳодиса ёки бошқа бирор ҳодиса қурбони, деган версияни текшириш лозим бўлади, унинг мурдаси қидирилади, топилган ҳолларда шахси аниқланиб, бедарак йўқолган билан қиёсланади.

Бундай вазиятни мурда мавжуд бўлган ҳолатлар каби дастлабки кўздан кечирув ва суд-тиббиёт экспертизаси ўтказилиб, тергов давом эттирилади.

Бедарак йўқолган шахснинг мурдаси топилмаган ҳолларда терговнинг дастлабки босқичида қуидаги масалаларни ҳал этиш лозим бўлади:

- йўқолган шахснинг ташки қиёфа белгилари, яшаш тарзи, қариндошлари, оила аъзолари билан мулоқоти, кимлар билан зиддиятли муомалада бўлганлиги ҳақидаги ва бошқа маълумотларни аниқлаш;

- бедарак йўқолган шахснинг ҳаёти давридаги фотосуратини топиш ва ишга қўшиш;
- қўл-бармоқ излари алфавит дактилокартаси информация марказида текширилиши;
- дастхати, ўз қўли билан ёзилган хужжатларни ишга қўшилиши;
- бедарак йўқолганлик ҳақида ариза берган шахсни сўрек қилиш билан у қачон, қаерда охирги марта кўрганлиги, сухбат, хабар қандай мавзуда бўлғанлигини аниқлаш;
- йўқолган шахс қандай кийимда бўлган, руҳий, эмоционал ҳолати, қандайлиги, бирор қиммат нарса сотиб олиш ёки сотиш ҳақида гап бўлғанми каби маълумотларни тўла ва аник равшанлантириш.

Бедарак йўқолган шахснинг «жиноят қурбони» деган версияни текшириш учун, унинг мурдасини, жиноят қуроли ва изларини, қон изларини, ариза берган шахснинг яшаш жойида, йўқолган шахснинг охирги бўлган манзили-жойида ва бошқа жиноятда гумон қилингандарнинг турар жойларида излаш лозим. Топилган излар, ашёлар бўйича тегишли текширувлар ўтказилади.

Янги туғилган чақалоқни онаси томонидан ўлдирилиши ёки ташлаб кетилиши натижасида ўлим юз бериши ҳодисаларини тергов қилишда биринчи навбатда боланинг мурдасини топилган жойида кўздан кечирилади, унинг ўралганлиги, материалининг ўзига хос хусусиятлари, яланғоч, ярим яланғоч ҳолати янги туғилганлик белгилари, ўлим юз берган вақтдан топилгангacha бўлган муддат, танасида қандай жароҳатлар мавжуд, ўлимнинг сабаби, жиноятнинг механизми аниқланади. Кўздан кечириш жараёнида ва сўнгра экспертиза текшируви ўтказилиб, бола тирик туғилганми ёки ўлик ҳолдами, тирик туғилган бўлса, туғилгандан сўнг неча вақт яшаган, туғилиш шароити ва жойлари (касалхонада, уйда ёки бошқа жойда) аниқланади.

Боланинг онасини топиш дастлабки тергов вазифаларидан бири. Аҳоли гавжум яшайдиган шаҳар шароитларида бу масалани ҳал этмоқ анча қийинчиликларни келтириб чиқаради.

Касалхоналар (туғруқхоналар)га мурожаат қилган оналарнинг шахси аниқланади, уларнинг қандай масала бўйича мурожаат қилганликлари: туғиш, она бўлиш ёки ҳомилани тушириш, туғишини олдини олиш масаласи бўйича текширилиб, улар ичida қайсиларининг ҳомиладан бўшалиши номаълум шароитда юз берганлиги ва касалхонага мурожаат этмаганлиги ҳоллари бўйича текширилади, ўлган боланинг онаси шулар орасидан қидирилади.

Шубҳаланувчи аёл биринчи навбатда тиббиёт хужжатлари

асосида, сўнгра гувоҳлантириш ва экспертиза текшируви ўтказиши билан қаҷон туққан, саломатлик ҳолати, туғиши жараёни нормал кечганми, туғиши оқибатида нохуш ҳоллар юз берганми аниқланади. Кўрсатилган вазиятлар ҳал этилгандан сўнг, муайян аёлдан гумон қилиш учун етарли асослар яратилади ва уни сўроқ қилиш ҳам мумкин бўлади. Сўроқ ўтказишидан олдин терговчининг қўлида гувоҳлантириши, кўздан кечириш баённомалари, суд-тиббиёт экспертизаси хуласаларининг бўлиши улар далил сифатида ишлатилиб, ёлғон кўрсатув беришининг олдини олишга ва фош этишга ёрдам беради.

#### **4-ғ. Терговнинг кейинги босқичида ўтказиладиган ҳаракатлар**

Тергов жараёнининг кейинги босқичи дастлабки тергов ва тезкор-қидириув чоралари натижасига боғлиқ. Сўроқни жиноят ҳодисасини кўрган, эшигтан ва муҳим маълумотларни бериши мумкин бўлган гувоҳлардан бошлаш керак. Тезкор-қидириув чоралари ёрдамида аниқланган гумон қилинувчилар ушланиб, тегишли муддатларда сўроқ қилиниши ва уларнинг кўрсатувлари текширилиши лозим.

Кўздан кечириш натижасида топилган ашёвий далиллар, жиноят қуроллари, турли излар юзасидан криминалистик экспертизанинг алоҳида турлари ўтказилади. Жўумладан, транспорт воситаси ёрдамида содир қилинган жиноятлар бўйича излари трасологик, йўл ҳаракат қоидасини қасдан бузиш ва йўловчини босиб кетиши ҳолатлари авто-техник экспертиза, айrim синган ва алоҳида бўлаклар бўйича бутун бир предмет – қуролни аниқлашда трасологик, жиноий ҳодисасига тегишли бўлган турли ҳужжат матнлари бўйича хатшунослик текширувлари ўтказилади.

Отиш қуроли воситасида содир қилинган қотиллик ишларида қурол ва унинг ҳарбий қисмлари юзасидан баллистик идентификациявий текширув ва совук қуролларнинг баллистик экспертизаси ўтказилади.

Жиноят содир бўлган жойда, жабрланувчининг ва ишда гумон қилинувчининг танаси-кийимида турли модда ва микроматериаллар топилиши мумкин, хусусан жиноятчи пойабзалининг тагчармида ҳодиса жойидаги тупроқ ва турли биологик заррачалар, жабрланувчи кийимининг устки қисмида жиноятчининг эгнидан микрозаррачалар ўтиш ҳоллари амалиётда кўп учраб туради. Бу микрозаррачаларни текшириш натижасида материал, модда ва маҳсулотларнинг қайси гурухга мансублиги, баъзида эса айнанлиги аниқланади

Келтирилган маълумотлар гумон қилинувчининг жиноят содир бўлган вақтда «мен бошқа жойда эдим, умуман ҳодиса жойида бўлмаганман» - деган важининг ёлгонлигини фош этиб, аксинча ҳолатни тасдиқлашга имкон беради.

Тергов жараёнида олинган хабарлар, турли экспертиза хулосалари, тергов эксперименти натижаларида янги ҳолатлар маълум бўлиши мумкин. Бу вазиятлар ва ҳолатларни ҳал қилиш учун баъзида дафн этилган жабрланувчининг жасадини кўмилган жойидан қайта очиб олиш, эксгумация қилиш ва турли экспертиза текширувидан қайта ўтказиш ҳаракатлари ҳам амалга оширилади. Эксгумация ўтказиш учун зарурат судтибиёт экспертизасини қайта-такрорий ўтказиш ва номаълум матннинг шахсини аниқлаш учун ҳам туғилади. Мазкур тергов ҳаракати маҳсус қарор ва прокурор рухсати асосида, дафн этилганинг яқин қариндош-уруғларининг рози-норозилигидан қатъи назар, ўтказилади.

Терговнинг бу босқичида айбланувчини сўроқ қилиш зарур бўлади. Сўроқ ўтказиш учун иш юзасидан йигилган далиллар, гувоҳларнинг кўрсатувлари, экспертиза хулосалари ва бошқа маълумотлар яна бир бор таҳлил этилиб, улар ўзаро бир-бирлари билан боғлиқми, орасида зиддият вазиятлар мавжудлиги текширилиб, айбланувчини сўроқ қилиш давомида уни ёлгон кўрсатув беришига қарши қўлланилиши мумкин.

Айбланувчининг ёлгон кўрсатувини текшириш ва ҳақиқатни исботлаш учун уни таниб олишга кўрсатиш, айрим берган маълумотлари асосида тергов эксперименти юзлаштириш ўтказилади. Шунингдек, айбланувчининг кўрсатувларини ҳодиса ва жиноят жойида қайта текшириш билан ҳам тўгри-нотўғри эканлигини аниқлаб олиш мумкин бўлади.

Қотиллик жиноятини содир қилишда қўлланилган усууллар, алоҳида ўта раҳмсизлик ҳаракатлари, қурол хусусияти, жиноят қурбони бўлган шахс мурдасини бўлаклаш ҳолатлари юзасидан айбланган шахснинг ақли расолигини аниқлаш учун албатта суд-психиатрия текширувидан ўтказилиши лозим.

Жиноятда айбланганинг ушланган жойида, яшаш манзилида зарур бўлганда тинтуб ўтказмоқ мумкин. Тинтувнинг мақсади жиноят қуролини, изларини, ўғирланган қимматбаҳо буюм, пул маблагларини топишдан иборатdir.

Таниб олишга кўрсатиш, тергов эксперименти, юзлаштириб сўроқ қилиш ҳаракатларини криминалистик тактиканинг умумий қоида тартибига риоя қилган ҳолда амалга оширмоқ лозим. Айрим вазиятларни ҳал этишда ишнинг ўзига хослик томонларини назарда тутган ҳолда у ёки бу тактик қоидаларни қўллаш лозим.

Терговнинг сўнгги босқичида ўтказиладиган тергов ҳаракатларининг олдинма-кетинлиги, баъзида такрор ўтказилиши, аниқлананаётган ҳолатнинг хусусиятига боғлик бўлиб, ҳар хил вазиятни ҳал этиш терговчининг мутахассис сифатидаги савиясига ва ишдаги тажрибаси ва ижодий ёндошувига боғлик бўлади.

## **26-боб. НОМУСГА ТЕГИШ ЖИНОЯТИНИ ТЕРГОВ ҚИЛИШ**

### **1-§. Номусга тегишининг криминалистик тавсифи**

Номусга тегиши жинояти - шахсга қарши қаратилган оғир жиноятлардан биридир. Криминалистик тавсиф шу билан белгиланадики, бунда терговчи номусга тегиши ким томонидан содир этилганлигини аниқлаш билан бир қаторда, жабрланувчи ушбу жиноятни содир этган деб кўрсатаётган шахсга тухмат қилмаётганлигини аниқлаши лозим бўлади. Ушбу жиноят асосан гувоҳларсиз содир этилади, шунингдек ҳар бир одамнинг шахсий ва жинсий хиссиятларига дахлдордир. Бу ҳолатлар жабрланувчи томонидан кўрсатув берилганда ўз ифодасини топади.

Бу каби жиноятларни тергов қилиш амалиёти жабрланувчига ўтказиладиган таъсир кучлилигидан далолат беради. Манфаатдор шахслар жабрланувчини алдаб ўзига оғдириб олиши, уйланишни вайда қилиши ёки турли хил таҳдидлар, қўрқитишларни амалга ошириши ва бошқа йўллар билан руҳий таъсир ўтказиши мумкин. Кўп ҳолларда жабрланувчи ўз кўрсатувларини ўзгартиради, яъни ҳодиса содир бўлмаган ёки умуман бошқа номаълум шахс томонидан содир этилган ёхуд жинсий алоқа ихтиёрий бўлган, деб аризалар берадилар.

Бу тоифадаги жиноятларда жабрланувчининг кўрсатувлари далилларни баҳолашда муҳим аҳамиятта эга. Шунинг учун жабрланувчининг кўрсатувларини ҳар томонлама ва синчковлик билан холисона текшириш лозим. Чунки айрим ҳолатларда жабрланувчи турли мотив-мақсадларда айбланувчига тухмат қилиши ҳам мумкин.

Номусга тегиши жиноятларининг содир этилиш усулини иккига бўлиш мумкин. Биринчи усулда жабрланувчига тўсатдан хужум қилиш орқали содир этилади, тажовуз очик жойда ёки биноларда бўлиши мумкин. Бу ҳолатда ҳақорат сўзлар ва жисмоний куч ишлатиб ёки бирон-бир восита орқали таҳдид қилиниши мумкин. Ёрдамга чақириш, қаршилик кўрсатишни бартараф қилиш мақсадида жабрланувчининг оғзи ёпилади, қўллари боғланади, наркоз ҳам ишлатилиши мумкин. Кўп ҳолларда жабрланувчининг кийимлари йиритиб ташланади.

Иккинчи усулда жиноятчи жабрланувчи билан таниш бўлган ёки биринчи танишиш пайтида қўлланилади. Бундай ҳолатда ҳам хужум тўсатдан бўлиши мумкин. Лекин, бундан ташқари бошқа усувлар ҳам қўлланилади. Жабрланувчи дастлаб маст ҳолатга

келтирилади, унинг диққатини турли сухбатлар, турли предметлар, пейзажлар, парнографик суратлар томоша қилиши билан чалгитадилар. Жабрланувчининг иссиқ хонада ўзининг устки кийимини ечишидан фойдаланадилар. Баъзан жинсий мулоқотга оид гаплар ва ҳатти-ҳаракатлар қўлланилади. Бу охирги усууллар одатда вояга етмаганлар ва ақли заифларга нисбатан қўлланилади.

Юқоридаги усууллар шуни кўрсатадики, бундай жиноят ишларида жабрланувчи ва айбланувчининг хулқини далиллар йигиндиси асосида номусга тажовуз қилинганми ёки йўқлигини баҳолаш мухим аҳамиятга эгадир.

Бундай тоифадаги ишларда излар ва ашёвий далиллар, жабрланувчи, айбланувчининг танасидан, кийимларидан ва ҳодиса содир бўлган жойдан олинади (тан жароҳатлари, биологик излар, микрозаррачалар, ҳодиса содир бўлган жойнинг ҳолатини ўзгариши).

Номусга тегиши жиноятидан қолган айрим излар тезда йўқолиш характерига эга (қон, сперма, жинсий аъзоларидағи айрим излар). Шунинг учун терговчи бу изларни тезда топиши ва қайд қилиши, уларни синчиклаб текшириши лозим. Бу далиллар кейинчалик жабрланувчи ва айбланувчи, гувоҳларни кўрсатувларини текшириш имкониятини беради.

Номусга тегиши жинояти бўйича қўйидаги версиялар юритилади.

**Айблов версияси:** айбланувчи, жабрланувчининг эркига қарши унинг номусига теккан; айбланувчи ҳодиса жойида бўлган деган версия илгари сурилади.

**Химоя версияси:** айбланувчи ҳодиса содир бўлган жойда бўлмаган, жинсий алоқага киришмаган ёки аризачининг хоҳиши билан жинсий алоқага киришган, жабрланувчи айбдор шахсни таърифлашда янглишган ёки атайлаб қасдан ушбу шахсни кўрсатмоқда, аризачига ҳеч ким тажовуз қилмаган деган фикр илгари сурилади.

Номусга тегиши жинояларини тергов қилишда қўйидаги ҳолатлар исботланиши лозим:

## НОМУСГА ТЕГИШНИ ТЕРГОВ ҚИЛИШ УСЛУБИНИНГ АСОСЛАРИ

### АНИКДАНИШИ КЕРАК БҮЛГАН ҲОЛАТЛАР

Жинсий алоқа бўлганми, у табиий ҳолдами ёки бузук кўринишда содир этилаганми?

Зўрлик шилатилганми, у қандай йўсингда бўлган: номусга тегиши вактида жабрланувчининг қаршилиги қандай усулада бартараф этилган (жисмоний күч, дўж ва пўниса кўлланилган, жабрланувчининг ожизлигидан фойдаланилган)?

Номусга тегиши қачон ва қаерда содир этилган?

Номусга тегишининг оқибатлари қандай?

Ким номусга теккан: унинг тавсифи: номусга тегиши бир дурух шахслар томонидан содир этилмаганми: улардан ҳар бирининг иштироки қай дарожада бўлган?

Жабрланувчи ким? Унинг ёши, тавсифи

Содир этилган номусга тегишидан ёки унга тайёргарликдан ким ҳабардор эди: ким уни яшириш чораларини кўрган?

Номусга тегиши имконини берган сабаб ва шароитлар

- зўрлаш алломатлари мавжуд ёки мавжуд эмаслиги;
- агар зўрлаш алломати мавжуд бўлса, қачон, қаерда ва қандай ҳолатда содир этилган;
- зўрлаш жисмонан ёки руҳий кўринишга эга эканлиги;
- жабрланувчи оғир аҳволга тушганми, у нимада ифодаланади;
- жабрланувчининг аҳволи қандай, унинг ёши, соғлиги, (жинсий алоқага бўлган умумий муносабати қандай);
- айбланувчининг тавсифи, ёши, жабрланувчига бўлган муносабати, руҳий ҳолати, судланганлиги;
- номусга тегиши турух томонидан содир этилганда, зўрлаганларнинг ҳар бирини роли;
- номусга тегиши қандай оқибатларни келтириб чиқарган;
- тан жароҳатларининг сабаби;
- ҳомиладорлик ҳолати;
- таносил касаллиги билан заарланмаганми;
- моддий ва маънавий зарар;
- жиноятнинг сабаби ва содир этиш шароити.

## 2-§. Дастлабки тергов ҳаракатлари

Бундай жиноят ишларига икки ҳолат ҳосдир: айбланувчи, жабрланувчи билан таниш ёки нотаниш. Бу ҳолатларни бирбиридан фарқи шундаки, айрим ҳолатларда нотаниш киши жабрланувчига бирдан тажовуз қилмайди, балки танишиш учун ҳаракат қиласи. Таниш шахслар кутилмаганда тажовуз қиласидар, жабрланувчи бундай ҳолатни кутмайди, чунки эркак кишини танийди ёки уни тажовуз пайтида кўрмай қолиши ҳам мумкин.

Юқоридаги икки ҳолатни текширишда қуийдаги масалалар ҳал қилинади; жинсий алоқада бўлганлик факти мавжудми, жисмоний ёки руҳий зўрлик излари мавжудми ва қандай даражада.

Жинсий алоқада бўлганлик изларини, зўрлик аломатларини ва жиноягини аниқлашда жабрланувчи сўроқ қилинади, тезкорқидирув ҳаракатлари ўтказилади, ҳодиса содир бўлган жой текширилади, жабрланувчи, гумон қилинувчига нисбатан суд тиббиёт экспертизаси тайнланади, тинтуб ва бошقا тергов ҳаракатлари ўтказилади.

**Жабрланувчини сўроқ қилиш.** Жабрланувчини сўроқ қилиш муҳим аҳамиятга эга. Терговнинг йўналиши унинг натижасига боғлиқ. Шуни эътибордан четда қолдирмаслик керакки, жабрланувчи руҳий тушкунлик ҳолатида янгилиши мумкин. Шунинг учун сўроқ қилиш режа асосида, натижаси эса ҳар томонлама текширилиб кўрилиши лозим.

Сўроқда жиноят содир қилинган вақт, тажовуз жойи, тажовуз тўсатдан қилинганми ёки жабрланувчи қандай усулда қаршилик кўрсатган, бақирганми, ёрдамга чақирганми, қандай овозда, тажовузчини тишлаганми ёки тирнаганми, жинсий алоқа охирига етказилганми, агар охирига етказилмаган бўлса нима сабабдан, тажовуз натижасида жабрланувчининг танасида қандай жароҳатлар мавжуд.

Жабрланувчи тажовузга қадар жинсий алоқада бўлганми, бўлган бўлса қачон (аниқ вақти) ҳомила ёки ҳайз (ой кўриш) ҳолати мавжуд ёки мавжуд эмаслиги аниқланади. Шунингдек, тажовуз пайтида жабрланувчининг устида бўлган кийимлари сақланиб қолганми ёки қолмаганлиги ҳақида батафсил маълумот олинади.

Сўроқ жараёнида руҳий зўрлик ишлатилганлигини аниқлаш мақсадида қуийдагилар аниқланади: тажовузчи қандай таҳдид ишлатган, қандай зарар етказишни кўзлаган, қандай хуқуқлар бузилган, тажовузчи қачон таҳдидни амалга оширишни кўзлаган,

таҳдид қандай кўринишга эга бўлган (сўз билан, ҳаракат орқали, ишора орқали) айбланувчидан таҳдидни амалга ошириш учун имкониятлар мавжудмиди ёки шу усуlda таъсир ўтказмоқчи бўлганми, жабрланувчи таҳдидни қандай қабул қилган ҳолатни реал ҳолат ёки оддий қўрқитиш сифатида.

Жабрланувчи ожизлик ахволда бўлганми ёки йўқлигини аниқлаш учун ундан содир бўлган ҳодисани фаҳмлаганми, қаршилик кўрсатиш имконияти бўлганми, ҳодиса содир бўлишидан олдин спиртлик ичимликни истеъмол қилганми, агарда истеъмол қилган бўлса, қанча ва қандай ичимлик эканлиги аниқланади.

Жиноятчи номаълум бўлган ҳолатда батафсил унинг ташқи кўриниши белгилари, идрок этиш шароити аниқланади. Жиноятчини ташқи белгиларини аниқлашда, унинг алоҳида белгиларини назардан четда қолдирмаслик керак. Юриши, гапириш усули, товуши, ўзига хос ҳаракатлари, кийимидағи ва юзидаги алоҳида белгилари аниқланиши лозим. Булардан ташқари, жиноятчи қайси томондан келгани ва қайси томонга кетгани, иш жойи ёки ўртоқларидан бирортасини исмини тилга олган ёки олмаганлиги мухим аҳамиятга эга.

Терговчи жабрланувчининг кўриш, эшитиш, идрок этиш қобилиятига ҳам эътибор бериши лозим. Жабрланувчидан жиноятчини қўрса таниб олиши мумкинлиги сўралади. Жабрланувчидан жиноятчи уни кузатганми, қачон ва у буни қаерда сезиб қолган, жиноятчи билан руҳий алоқага киришганми, қайси йўл билан ҳодиса содир бўлган жойга келганлиги, тажовуздан кейин жиноятчи уни кузатиб қўйганми, деган саволлар бўлиши лозим.

Агар жиноятчи жабрланувчи билан таниш бўлса қўйидаги ҳолатлар аниқланиши лозим; содир этилган ҳодисага қадар у айбланувчи билан қандай муносабатда бўлганлиги, учрашганми, қачон, қаерда неча марта; учрашув қандай кечган, айбланувчи жабрланувчини жинсий алоқа қилишга иштиёқ уйготишга ҳаракат қилганми, уларни муносабатларини бузилишига олиб келган далиллар мавжуд бўлганми (хиёнат, ҳақорат, никоҳдан ўтишни рад қилиш), жабрланувчи айбланувчидан хизмат юзасидан ёки моддий жиҳатдан қарам бўлганми, тажовуздан кейин айбланувчи томонидан жабрланувчига нисбатан ҳуқуқни муҳофаза қилувчи органларга хабар бермаслик тўғрисида бирор таҳдид қилинмаганми?

Жабрланувчини сўроқ қилиш тактикасига алоҳида эътибор қаратиш лозим. Агар номуусга тегиши содир этилган пайтдан бошлаб тергов ҳаракатлари олиб борилса, аёлга биринчи навбатда имконият яратиши, кийимларини тартибга солишга вақт

ажратиши лозим. Ҳар қандай ҳолатда ҳам жабрланувчини ахволини тўғри баҳолай олиш керак. Бундай ҳолат терговчидан хушмуомалалик, зийраклик, ғамхўрлик талаб қиласди.

Агар жабрланувчи тажовуз тўғрисида гапиришга уялса, унга бу ҳақда ҳеч ким билмаслигини ва айбланувчини жавобгарликка тортиш учун асос бўлишини тушунтириш лозим. Жабрланувчи ўз кўрсатувларида тиббий атамалардан қўллаши ва ёзма тариқасида тақдим этиши мумкинлигини таклиф этиш керак. Сўроқ натижалари ижобий бўлиши учун жабрланувчини катта ёшдаги терговчилар сўроқ қилгани мақсадга мувофиқдир. Жабрланувчини ҳодиса ҳақида сўроқ қилишнинг охирида жабрланувчидан ушбу шахсни жавобгарликка тортиш тўғрисидаги аризани ихтиёрий равишда бераётганлиги сўралади.

Агар жабрланувчи ҳодиса содир бўлгандан кейин ўша заҳоти ҳуқуқни муҳофаза қилувчи органларга хабар берса (жиноятчи номаълум бўлса), тезда уни қидирав ҳаракатлари ташкил этилади. Терговчи қидирав ҳодимларга ўргатилган хизмат итлари билан ҳодиса жойига етиб борадилар ва гумон қилинувчи қайси томонга кеттан бўлса, шу йўналиш текширилади. Жабрланувчи ва гувоҳлар кўрсатувлари асосида қидирав ҳаракатлари ташкил этилади. Топшириқда нафақат гумон қилинувчининг анатомик белгилари, балки функционал белгилари ҳам баён этилади. Айрим ҳолатларда жиноятчи бўлиши мумкин жойларда қўриқчи, патруллар ташкил этилади.

Агар гумон қилинувчи шахс тўғрисида бирон-бир маълумот бўлса, терговчи суриштирувчига бу маълумотларни етказиб гумон қилинувчининг терговдан яшириниши мумкинлиги ва уни олдини олиш чораларини кўриш тўғрисида топшириқ бериш лозим. Бундай ҳолатларда гумон қилинувчини прокуратура ёки ички ишлар органларига олиб келиш буюрилади.

**Ҳодиса жойини қўздан кечириш.** Ҳодиса жойини қўздан кечириш жабрланувчини сўроқ қилгандан кейин, иложи бўлса, унинг ҳамкорлигида амалга оширилади. Қўздан кечириш натижасида қуйидагилар қайд этилиши мумкин: биологик ҳарактердаги излар (сперма, қон, сўлак, хид, тер) олишувдан қолган қўл, бармоқ излари, жабрланувчи ва жиноятчини ҳодиса жойига қайси томондан келганлиги ва унинг пойабзал излари, қолдирган ёки тушиб қолган бошқа предметлар. Жабрланувчининг кўрсатувлари ҳодиса жойида қўздан кечириш, топилган изларни, предметларни аниқлашда муҳим аҳамият касб этади. Бундан ташқари, ҳодиса жойини кўрсатиш вақтида жабрланувчи сўроқ пайтида ёдидан чиқарган ҳолатларни қайта эслалиши ва бу ҳақда терговчига тушунча бериши мумкин.

Жабрланувчининг ҳодиса жойини қўздан кечиришда

иштироки күп ҳолларда айбсиз шахсларга тухмат құлмаётгәнлигини аниқлаш мақсадыда ҳам ташкил этилади. Бундай ҳолларда уни күрсатувлари батағсил текшириләди. Акс ҳолда у тажовуз түгрисида ўйдирма күрсатув бериши ҳам мумкин.

Ҳар қандай ҳолатда ҳам жабрланувчини ҳодиса жойини күздан кечириш жараёнига жалб қилиш ижобий натижалар бериши мумкин. Жабрланувчини иштироки ва ҳар бир берган күрсатуви баённомага қайд этилиб борилади. Жиноятчи ҳодиса жойидан ўзи билан тупроқ, чанг ва бошқа моддаларни олиб кетгәнлигини күздан кечириш чогида эътиборга олиш керак. Шунинг учун бу нарсалардан нусхалар олиш лозим.

**Суд-тиббиёт экспертизаси.** Жабрланувчини суд-тиббиёт экспертизасидан ўтказиш, олинган күрсатувларини текшириш ва масалани ҳал қилиш учун жуда зарур. Экспертиза имкон қадар зудлик билан ўтказилиши лозим, акс ҳолда тажовуз ва жинсий алоқа изләри йўқолиши мумкин.

Суд-тиббиёт экспертизаси қуйидаги масалаларни ҳал этади: жабрланувчининг жинсий аъзолари ва танасида жароҳатлар мавжудми, унинг ҳарактери, муддати, пайдо бўлиш сабаби, даражаси, нима орқали зарар етказилганлиги, номусга тегиши орқали етказилган бўлиши мумкинми, жабрланувчи маст ёки потологик ҳолатда бўлган ёки бўлмаганлиги аниқланади. Бундан ташқари, жабрланувчи олдин ҳам жинсий алоқада бўлганми, таносил касаллигига чалинмаганми, ҳомиладорлиги, жинсий аъзоларида ва танасининг бошқа қисмларида сперма, қон, изларини мавжудлиги, уларнинг гуруҳи аниқланади.

Ашёвий далиллар бўйича суд-тиббиёт экспертизаси ўтказиш муҳим аҳамият касб этади. Яъни жабрланувчининг кийимлари, унда кўпгина биологик ҳарактердаги излар қолиши мумкин. Булардан ташқари, экспертизага ҳодиса жойида топилган предметлар ҳам юборилади. Айрим ҳолларда жабрланувчининг кийимлари экспертизадан ўтказишда, унинг ўзи ҳам иштирок этиши мумкин. Чунки бу тажовуз изларни тезда топишга ёрдам беради.

Суд-тиббиёт экспертизаси ашёвий далилларни текшираётганда қуйидаги ўзига хос саволларга жавоб беради: текширилаётган обьектда қон, сперма, сўлак, соч қолдиқлари мавжудми, улар инсонга тегишлими, қон гуруҳи қанақа, бу биологик излар аниқ шахсга хос эканлиги ҳам аниқланади. Бундан ташқари, суд-тиббиёт экспертизаси доғ, қон, соч, изларни айнан тана қисмини қайси жойидан ажralиб чиққанлигини аниқлаб бера олади.

Сочга оид қуйидаги ҳолатлар аниқланади: узилганми,

қирқилганми, агар қирқилган бўлса, қачон, унда ифлосланиш, зарарланиш ёки аниқ предмет излари мавжудми.

Гумон қилинувчини суд-тиббиёт экспертизасидан ўтказиш қўйидаги ҳолатларни аниқлашга ёрдам беради: жабрланувчи жинсий алоқада бўлганми, гумон қилинувчининг танасида жабрланган шахс томонидан қаршилик кўрсатиш пайтида етказилган жароҳат мавжуд ёки мавжуд эмаслиги. Гумон қилинувчининг кийимидан топилган биологик излар кечиктирилмай олиниши ва суд-тиббиёт экспертизасига юборишли лозим. Бундан ташқари, суд-тиббиёт экспертиза ходими томонидан гумон қилинувчининг танасида жабрланувчи кўриши мумкин бўлган татуировка ва ўзига хос бошқа алоҳида белгилар қайд этилиши лозим. Айрим ҳолатлар эксперт олдига гумон қилинувчи таносил касаллиги билан касалланганми ёки йўқми, агар касалланган бўлса унинг муддатини аниқлаш тўғрисида саволлар ҳам қўйилиши мумкин.

Жабрланувчи ва гумон қилинувчининг кийимларидан ииртилган парчаларни, пойабзалда ёки кийимларда ҳодиса жойидан олиб кетилган моддаларни ва бошқа изларни аниқлаш мақсадида криминалистик экспертизаси тайинланади. Бу экспертиза ёрдамида жабрланувчи ва гумон қилинувчининг ҳодиса жойида бўлганлигини, қолдирилган микроизларни аниқлаш мумкин.

**Тинтуб.** Гумон қилинувчидан нарсаларни олиш ва текшириш зарурияти тинтуб ўтказиши тақозо этади. Тинтубда ҳодиса жойидан олиб кетилган жабрланувчига ёки яқин қариндошларга тегишли нарсалар, шунингдек жабрланувчига таҳдид солинган вактида гумон қилинувчининг устида бўлган кийимлар топилиши мумкин.

Топилган ва олинган нарсалар ўша жойда баённомада қайд этилади (қаердан, қай ҳолатда олинганлиги) ва далилий ашё сифатида маҳсус идишларга солиниб муҳрлаб қўйилади.

**Номаълум жиноятчини топиш.** Номаълум жиноятчини аниқлашда жабрланувчининг кўрсатувларидан ташқари ишдаги барча маълумотлар ва версиялардан фойдаланилади. Гумон қилинувчининг ташқи кўриниши, белгиларига эътибор берилади. Жиноятчини ташқи кўриниши ўзига хос анатомик ва функционал белгилари, алоҳида белгилари, жиноят содир этилиш жараёнида шикастланганлиги, кийими, папкаси ва жиноятчи фойдаланган бошқа нарсалар ҳам аниқланади. Юқорида санаб ўтилган маълумотларни жабрланувчи, шунингдек, ҳодиса содир бўлган жойни кўздан кечириш натижасида ҳамда тезкор- қидирув ҳаракатлари орқали олиши мумкин.

Номусга тегиши жинояти бўйича жиноятчининг субъектив хусусиятлари ўзига хос аҳамиятга эгадир. Масалан, жабрланувчи билан дастлабки танишишдаги одати қандай бўлганлиги, унинг машгулоти тўғрисидаги маълумотлар жиноятчими аниқлашга ёрдам беради. Субъектив хусусиятлар шахслар билан муносабатда намоён бўлади. Буларга жабрланувчими, унга тажовуз қилиш вақти, жойи ва жиноятни содир этиш усулини танлаши киради. Жабрланувчи билан бўлган жойда қолган изларни таҳлил қилиб фақат жиноятчининг бўйи, вазни эмас, балки ўзига хос ҳаракатлари, одати, индивидуал белгилари ҳам аниқланиши мумкин.

Шубҳаланган шахсни номусга тегиши жиноятини содир этгандан кейинги хулқи (яқин кишиларига бу ҳақда баён қилиши ёки сукут сақлаши) ҳам жиноятчи шахси тўғрисида версия юритишга асос бўлади.

Жиноятчи шахси тўғрисида маълумот гувоҳнинг кўрсатувида ҳам бўлади. Шунинг учун терговни боришини режалаштириш жараёнида гувоҳларни топиш масаласига эътибор бериши лозим. Бу масалани ҳал қилиш жиноятчи жиноят содир этунга қадар ва ундан кейин қаерларда бўлганлигини аниқлашдан бошланади. Кайси ҳудуддан излаш кераклиги жабрланувчининг кўрсатувлари орқали билиш мумкин.

Терговчи бундай ҳудудни аниқлаб, кайси гуруҳдаги шахс гувоҳ бўлиши мумкинлигини фараз қиласди. Бу мақсадда терговчи ички ишлар ходимларига ҳодиса содир бўлган жойда ҳодисани кўрган шахсларни қидириш вазифасини топширади. Ундан ташқари, тергов органи иш юзасидан қидирив ҳаракатлари бўйича радио, телевидение, газета орқали аҳолига мурожаат қиласди. Гувоҳдан жиноятчининг анатомик ва функционал белгилари, унинг ва жабрланувчими хулқи тўғрисида, жиноятни тавсифловчи бошқа ҳолатлар тўғрисида маълумот олинади. Гумон қилинувчининг жиноят содир этган жойда бўлганлигини, жабрланувчининг қаршилигига қарамай зўрлик ишлатиб жинсий алоқа қилганлигини аниқланади. Гумон қилинувчини ҳодиса содир бўлган жойда бўлганлигинг гувоҳнинг кўрсатувларидан, ҳодиса содир бўлган жойда қолган излар: қўл, оёқ ва пойабзал, тиш, қон, сперма, сўлак, кийим парчалари кабиларни текшириб аниқлайди. Қолдирилган нарсалар айнан гумон қилинаётган шахсга тегишли эканлигини у билан бирга ишловчи ходимларга, қўшниларга кўрсатиб аниқлаш мумкин. Бундай предметларга кийим, пойабзал, тақинчоқ ва бошқалар киради. Ҳодиса жойидан топилган нарсалардан, қолган излардан экспертиза ёрдамида гумон қилинувчига ёки бошқа шахсга тегишли эканлиги аниқланади. Агарда жабрланувчи тажовуз қилган шахснинг тавсифини

сўзлаб, қандай предметлардан фойдаланганини аниқ айтиб берса, терговчи гумон қилинувчидан ушбу предметларни топишига ҳаракат қилмоғи лозим. Гумон қилинувчини ёнидан ёки уйидан ушбу предметлар топилмаса, бошқа жойлардан, яъни гумон қилинувчининг сақлаш камерасига қўйганлиги ёки сотиб юборганини эҳтимол. Бундан ташқари, гумон қилинувчи бу нарсаларни ўртоғидан вақтингчага олган бўлиши мумкин. Буни ҳам назардан четда қолдирмаслик керак. Синчковлик ва маҳсус сўрок қилиш бундай ҳолатларда ижобий натижалар беради.

Гумон қилинувчи ўзини химоя қилиш мақсадида ҳар хил версияларни келтириши табиий ҳол, албатта. Яъни танасида то-пилган тирналган жойлар бошқа аёл билан бўлган жинсий алоқа натижасида пайдо бўлган деб важлар келтириши мумкин. Бу версияни аниқлаш учун гумон қилинувчига, қўйидаги саволлар берилади: бошқа аёл билан жинсий алоқада бўлганми, охирги пайтда ким билан, қаерда ва қачон. Бундай ҳолатларда судтиббиёт экспертизаси тайинланади.

Жинсий алоқани аёлнинг эркига қарши амалга оширилган лигини исботлаш мақсадида терговчи суд-тибиёт ходими иштирокида гумон қилинувчи баданидаги олишув изларини, тирналган, тишланган жойларни, кийимлардаги шикастланган қисмини аниқлади. Жиноятчи мен фақат аёлнинг табиий уялишини енгиб ҳаракат қилдим, аёл бунга қаршилик кўрсатмади ва менинг томонимдан тажовуз бўлгани йўқ, деган важни билдириши мумкин. Бу ҳолатни аниқлаш мақсадида гумон қилинувчига қўйидаги саволлар берилиши мумкин: айнан аёл томонидан жинсий алоқа қилиш хоҳиши борлигини қандай ҳис қилди, танасидаги тирналган, тишланган ҳолатни жабрланувчига етказилган тан жароҳатларни қандай изоҳлади. Юқоридаги ҳолатларни аниқлашда нафақат ҳодиса содир бўлган жойдан изларни анализ қилиш орқали, балки қаршилик кўрсатишнинг давомийлиги, чақирик, ёрдамга чорлаш каби ҳолатлар ҳам эътиборга олинади. Агар қаршилик шунчаки ёки умуман бўлмаган бўлса, бу гумон қилинувчининг жисмоний устунлиги билан боғлиқ эмасми, ҳодиса содир бўлган жой шароити қаршилик кўрсатиш бефойдалиги сабабли эмасми? Бундан ташқари, жабрланувчи қўрқиши ёки жисмоний, руҳий ҳолати, касаллиги туфайли қаршилик кўрсата олмаганлиги ҳам текширилиб кўрилади. Суд психиологик ва суд-психиатрия экспертизалари терговчига бундай масалани ҳал қилишда ёрдам беради.

Терговчи тажовуз жараёнида жабрланувчи ночор аҳволда бўлганлигини аниқласа, бу ҳолатга гумон қилинувчи олиб келдими ёки у бундан фақат фойдалангандими аниқланади. Жабрланувчи руҳий касалликка чалинган ёки руҳий ҳолатига таъсир

қилувчи бошқа воситалар (спиртли ичимлик, руҳиятга таъсир қилувчи моддалар)дан истеъмол қилган бўлса, тажовузнинг моҳиятини англай олмаган ва қаршилик кўрсатишга ожизлик қилган бўлиши эҳтимол. Юқоридаги ҳолатлар жабрланувчидан, гумон қилинувчи ва гувоҳлардан сўроқ орқали аниқлаштирилади.

Гувоҳлар сўроқ қилинганда жабрланувчининг ҳолатини таърифловчи саволлар: юриши, гапириши, сабабсиз бақириши, кулиши ёки йиглаши каби далиллар аниқланади. Терговни обьектив олиб бориш мақсадида қуйидаги ҳолат аниқланади: айбланувчининг ҳаракатини жабрланувчи игво йўли билан тажовуз деб кўрсатмоқчи эмасми, у билан бирга спиртли ичимлик истеъмол қилмаганими?

Шахсга тухмат қилаётган бўлиши мумкин, деган версияни алоҳида текшириб кўриш лозим. Бундай версия юритишга асос қилиб аризани кечиктириб берилиши, бундай қилишга яқин қариндошларининг таъсири бўлганлиги, тажовуз вактини ва жойини тахминий тасвиrlаши, жабрланувчининг кўрсатуви ва иш юзасидан йигилган маълумотлар ўртасида жиддий зиддиятлар мавжудлиги, айрим кўрсатувларнинг нотўғри эканлиги, бўлиб ўтган воқеа тўгрисида эркин, бепарволик билан сўзлаш ҳолатлари олинади. Бундан ташқари ушбу версияни текшириб кўриш учун қуйидаги масалалар: жабрланувчининг номусига тегилганлиги унинг яқин қариндошларга қандай маълум бўлди, аризани ўзининг хоҳиши билан ёки бошқа шахслар таъсирида берганлиги, тажовуз излари мавжудми, жабрланувчи ва гумон қилинувчилар ҳодисага қадар ўзаро муносабати, улар қандай танишишган, тухмат мотиви мавжудлиги ёки мавжуд эмаслиги аниқланади. Бу саволларга жавоб топиш учун нафақат гумон қилинувчи ва жабрланувчи сўроқ қилинади, балки гумон қилинувчи ва жабрланувчини танувчи гувоҳлар, улар ахволидан хабардор (ҳодисага қадар ёки ҳодисадан сўнг ўз кечирмалари билан ҳамсуҳбат бўлган) шахсларни топиб сўроқ қилиш лозим.

**Гумон қилинувчи (айбланувчи)ларни сўроқ қилиш тактикаси.** Терговчи гумон қилинувчи (айбланувчи)ни сўроқ қилиш режасини тузганда гумон қилинувчи ўзини ҳимоя қилиш учун келтириши мумкин бўлган важларни эътиборга олиб версиялар тузади. Гумон қилинувчининг алибисини текшириш учун номусга тегиш жинояти содир этилган вактда қаерда ва қандай машгулот билан шуғулланганлиги тўгрисида гумон қилинувчининг важини тасдиқловчи шахслар сўроқ қилинади.

Гумон қилинувчи жинсий алоқани ихтиёрий бўлган деб жабрланувчи билан жинсий муносабати мавжудлигини асос қилиб кўрсатиши мумкин. Бу версияни текшириш учун у сўроқ

қилингандан ўзаро алоқалари қачондан бери давом этгани, бундан ўзининг ва жабрланувчининг яқин қариндошлари хабардорми ва бунга уларнинг муносабати аниқланиши лозим.

Гумон қилинувчи жабрланувчи билан учрашганлигини инкор этмаслиги мумкин. Лекин улар ўртасида ҳеч қандай жинсий алоқа бўлмаганлиги тўғрисида кўрсатуви танасида тажовуздан қолиши мумкин бўлган излар бор ёки йўқлиги орқали аниқланади. Гумон қилинувчини сўроқ қилишда қуидаги саволлар берилиши мумкин: охирги пайтда ким билан жинсий алоқага киришган ва қачон, учрашув қандай характерда бўлган, ўша учрашувдан унинг танасида, кийимида қандай излар қолганлиги тўғрисида сўралиши мумкин. Гумон қилинувчи билан жабрланувчининг учрашуви характерини аниқлаш мақсадида қуидаги саволлар аниқланади: қаерда ва нима сабаб билан учрашганлар, улар қанча вақт бирга бўлишган, нима қилишган, нима ҳакида гаплашишган, уларни бирон киши кўрганми, учрашувдан қайтишда кимларни учратган ва бу учрашув ҳакида кимлар хабардор эканлиги масалаларига аниқлик киритилади.

Айбланувчи тергов давомида ўз кўрсатуви ва жабрланувчи билан учрашганлик ҳолатини инкор этиши мумкинлигини назарда тутиб, ҳодиса содир бўлган жойда унинг кўрсатуви текширилиши ва бу баённомада, фотосуратда, видеоёзув орқали қайд этилиши лозим.

Айбланувчининг кўрсатувлари ёлғон эканлигини фош қилиш мақсадида унга қуидаги далилларни кўрсатиш лозим: сўроқ баённомаси, эксперт хulosаси, тинтуб ва ҳодиса содир бўлган жойдан топилган ашёвий далиллар, гувоҳларнинг кўрсатувлари.

Кўп ҳолларда сўроқ қилишдан ташқари, юзлаштириш тергов ҳаракати ҳам режалаштирилади. Чунки бу тергов ҳаракати жабрланувчининг рухий ҳолатига салбий таъсир кўрсатиши мумкин. Юзлаштириш зарурият туғилганда, яъни қарама-қаршиликни бошқа тергов ҳаракатлари билан аниқлаш иложи бўлмаганда ҳамда бу тергов ҳаракати орқали кутилган натижага эришиш мумкинлигига етарли асос бўлгандагина ўтказилади. Жабрланувчи сўроқда айбдорнинг анатомик ва функциявий белгилари ҳақидаги кўрсатувини текшириш гумон қилинувчини гувоҳлантириш, суд-тибиёт экспертизасидан ўтказиш орқали аниқлаш мумкин.

### **3-§. Вояга етмаганлар номусига тегиши жиноятини тергов қилиш**

Вояга етмаган жабрланувчилар содир бўлган ҳодиса ҳақида тўла маълумот бера олишмайди. Жабрланувчининг шахсий хусусиятларини инобатга олиш ва кўрсатувларини синчиклаб текшириш лозим.

Бундай ҳолатда жиноятчини кўпинча вояга етмаган шахслар номусига тегиб судланганлар орасидан қидирмок лозим.

Жабрланувчи ёки унинг қариндошлари томонидан номусга тажовуз қилинганлик тўғрисидаги маълумотлари ҳар томонлама текшириб кўрилади. Чунки ўзаро жанжаллашиш натижасида қасд олишни мақсад қилиб, иғво уюштириш ҳолатлари мавжуд бўлиши мумкин.

Айрим ҳолатларда жабрланувчининг яқин қариндошлари гап-сўзлардан қўрқиб жиноятни яширадилар. Буни ҳам инобатга олиш зарур.

Агар тажовуз 16-17 ёшли бўлган жисмонан яхши ривожланган қизга нисбатан содир этилган бўлса, айбланувчи уни вояга етмаганлигини билган ёки билиши мумкин бўлганини исботлаш лозим. Вояга етмаган шахсларнинг руҳий (психологияси) ҳолатини синчиклаб аниқлаш учун суд психологик экспертизаси ўтказаш мақсадга мувофиқ.

**Гуруҳ томонидан содир этилган номусга тегиши жиноятини тергов қилиш.** Бундай туркумдаги жиноятлар кўпинча вояга етмаган шахслар томонидан гуруҳ бўлиб содир этилади.

Тажовуз ҳам вояга етмаган шахсларга қаратилади. Айбланувчиларнинг кўрсатувлари бир-бирига қарама-қарши бўлади, яъни ўз айбини енгиллаштиришга ҳаракат қилиш, воқеа қоронғуда, маст ҳолатда содир этилганлиги туфайли ўзини бошқара олмаганлик важлари асос қилиб кўрсатилиши мумкин. Бундай ҳолатда терговчи нафақат айбланувчилар ва жабрланувчини батафсил сўроқ қиласди, балки айбланувчиларнинг ҳар бирини жиноят содир этишдаги иштирокини аниқлаш мақсадида кўрсатувларни ҳодиса содир бўлган жойда текшириш тарзидаги тергов ҳаракатини ўтказади. Бундан ташқари, суд-тиббиёт экспертизаси тайинланиб, экспертга аниқланиши лозим бўлган ҳолат юзасидан саволлар ва ашёвий далиллар жўнатилиади.

## **27-боб. ДАВЛАТ ВА ЖАМОАТ МУЛКИНИ МАНСАБДОР ШАХСЛАР ТОМОНИДАН ТАЛОН-ТАРОЖ ҚИЛИШ ЖИНОЯТЛАРИНИ ТЕРГОВ ҚИЛИШ**

### **1-ғ Талон-тарож қилиш жиноятларининг криминали- стик тавсифи**

Давлат ва жамоат мулкини талон-тарож қилиш жиноятини таҳлил қилишда айбланувчининг ҳатти-ҳаракатини тўғри баҳолаш ва бу ҳаракатнинг ижтимоий хавфлилик даражасини аниқлаш мухим ўрин тутади. Жиноятнинг таркибини аниқлашда давлат ва жамоат мулкини мансабдор шахслар томонидан талон-тарож қилинишига криминалистик тавсиф бериш керак. Талон-тарож қилиш жиноятларини криминалистик тавсифига қўйидаги элементлар киради:

- 1) жиноий тажовуз предмети;
- 2) жиноятни содир этиш усули, ҳолати ва аниқ вазияти;
- 3) жиноятчининг шахсий хусусиятлари;
- 4) жиноятнинг оқибати.

Жиноий тажовузнинг предметига кўра, талон-тарожни қўйидаги икки гурухга бўлиш мумкин:

- а) пулларни талон-тарож қилиш;
- б) моддий қимматликларни талон-тарож қилиш.

Бу маълум даражада шартли, чунки кўп ҳолларда жиноятчилар моддий қимматликларни пулга айлантиришга ҳаракат қиласидилар. Озиқ-овқат, енгил саноат маҳсулотлари, моддий қимматликларни пулга айлантириш талон-тарож қилинганда кўпроқ учрайди. Масалан, гўшт комбинатида гўшт маҳсулотларини талон-тарож мақсадида қалбаки ҳужжатлар тўлдирилиб, улар мол етказиб берадиган тайёрлов ташкилотлига юборилади. Тайёрловчилар бу маҳсулотлар сотиб олинганилиги тўғрисида қалбаки квитанциялар ёзадилар ва натижада нақд пул ўзлаштирилади.

Баъзи ҳолларда раҳбарнинг хизмат мавқеи моддий қимматликларни ва пул воситаларини олишга кенг имконият беради. Бундай шахсларнинг талон-тарож қилиш усули бошқаларнидан фарқ қиласиди. Омбор мудири ва шоғёрнинг содир қилган талон-тарож жиноятларида гарчи жиноят обьекти битта бўлса-да, содир қилиш усули бир-биридан кескин фарқ қиласиди.

Давлат ва жамоат мулкини талон-тарож қилиш жиноятларини тергов қилиш ва очишда жиноятни яшириш усулларини аниқлаб берадиган турли излар қолади. Жиноятчи олдиндан кўра билмаган бу излар жиноятни очишда мухим роль ўйнайди. Дав-

лат ва жамоат мулкини талон-тарож қилиш жиноятининг криминалистик тавсифини кўрсатувчи изларнинг пайдо бўлишида жиноятни содир қилиш усули асосий рол ўйнайди.

Агар талон-тарож жинояти мансабдор шахслар томонидан содир этилган бўлса, уни содир этиш усули икки турга бўлинади: оддий талон-тарож, яъни ҳеч қандай никобсиз мулкни қонунсиз эгаллаб олиш ва никоблаб содир этилган жиноят. Бу турдаги жиноятлар қўйидаги усуллар билан содир этилади:

а) ҳисоб-китоб ҳужжатларини, ҳисоб-китоб реестридаги кирим-чиқим ёзувларини қалбакилаштириш;

б) савдо базаларида ва омборларда ҳисобга олинмаган ортиқча маҳсулотларни вужудга келтириш;

в) ишлаб чиқариш жараёнида ҳисобга олинмаган ортиқча маҳсулотларни вужудга келтириш;

г) ғаразли мақсадларда пулни бошқа шахсларга бериш;

д) пул воситаларини ноқонуний равишда, алдов йўли билан олиш.

Мансабдор шахслар томонидан талон-тарож жиноятлари ўзлаштириш, растрата, мансаб ваколатини суистеъмол қилиш, сохтакорлик, ваколат доирасидан четга чиқиш орқали ҳам содир этилади.

Давлат ва жамоат мулкини талон-тарож қилиш жиноятларини ўрганишда жиноятчининг шахсий хусусиятларини ҳам эътиборга олиш лозим. Агар талон-тарож бир гуруҳ мансабдор шахслар томонидан ташкилий равишда содир этилган бўлса, жиноят иштирокчиларининг ҳар бирининг роли, ташкилотчилари аниқланиши лозим. Кўпинча бундай жиноятлар фирибгарлар, юлгичлар томонидан содир этилади, улар молия-хўжалик ишлари, ишлаб чиқариш жараёнида ҳисоб-китобни яхши биладиган одамлар ҳисобланадилар.

Талон-тарож жинояти айрим шахслар томонидан содир этилган бўлса, бундай жиноятчилар таркибини асосан ўғрилар, талончилар, босқинчилар, олдин судланган шахслар, аксарият қисмини текинхўр элементлар ташкил этади.

Талон-тарож жиноятининг криминалистик тавсифига яна талон-тарож қилиш мотиви, айбланувчининг айбордлик даражаси, келтирилган зарар миқдори, жиноят содир этилган вақт, жой ва шарт-шароитлар ҳам киради.

Жиноят процессал қонуни ва жиноят процесси назарияси дастлабки терговни ўtkазиш ва ишни судда кўришда исботлаш предмети ҳақида умумий ва бошлангич ҳолатларни аниқлаб беради. Исботлаш предметини белгилаётганда жиноят таркибига ҳамда улар ўртасидаги объектив болганишга аҳамият бериш лозим.

Талон-тарож ишлари бўйича мухим ҳолатларини аниқлаш учун жиноий гурух фаолиятининг ҳамда бир жиноятчи фаолиятининг бошланиши ва тамом бўлиши пайтини аниқ исботлаш жуда катта аҳамиятга эга. Талон-тарож қилингган вақт тўла ва батамом аниқланса, жиноий гурух иштирокчилари сонига ҳам аниқлик киритиш мумкин: Энг аввало, жиноятни қаерда, яъни қайси ташкилот ёки муассасада содир бўлганлигини аниқлаш лозим.

Жуда кўп ҳолларда талон-тарож жиноятлари кўзга ташланмаса-да, лекин дастлаб қайси ташкилотда талон-тарож содир бўлган, ҳодисанинг асосий воқеалари қаерда ривожланганлиги маълум бўлади. Бизга маълумки, талон-тарож жиноятлари турли хил йўллар билан амалга оширилади ва жуда кўп ҳодисалардан иборат бўлади.

Куйида мансабдор шахслар томонидан талон-тарож жиноятларини очиш учун мухим аҳамиятга эга бўлган ҳодисалардан бир нечтасини кўриб ўтамиш:

- 1) мулкни талон-тарож қилиш факти;
- 2) талон-тарож жиноятчиларининг мансаблари - бу жиноят ҳодисасининг асосий белгиларидан бири ҳисобланади, шунинг учун уларни аниқлаш жиноятни тўла-тўқис очишга ёрдам беради. Бунда икки ҳолат эътиборга молик:
  - соҳта ҳужжатлар билан талон-тарож қилингган мулк;
  - умуман ҳужжатлар расмийлаштирилмасдан ўғирланган мулк.

Талон-тарож қилингган мулкнинг миқдори исботланиши лозим бўлган ҳолатларга киради, бунда жиноят ҳодисаси етказилган заарнинг миқдори ва ҳарактери аниқланади.

Жиноий гурух таркиби ва шу гурух иштирокчиларининг тавсифини аниқлашда айниқса қуйидагиларни эътиборга олиш лозим:

айбланувчининг турмуш тарзини ўрганишда:

- а) даромад манбаларини аниқлаш билан боғлик бўлган ҳолатлар;
- б) харажатлар миқдори: бу ерда кунлик харажатлардан ташқари, ҳовли жой, автомашина ва бошқа қимматбаҳо нарсалар сотиб олиш ҳолатлари.

Талон-тарож қилувчи мансабдор шахс томонидан жиноий йўл билан эгалланган мулк, қимматбаҳо нарсалар фақат айбланувчининг айбдорлик даражасини кўрсатиб қолмасдан, балки талон-тарож натижасида етказилган заарни қоплашнинг мухим воситасидир.

Давлат ва жамоат мулкини талон-тарож қилиш жиноятларининг аниқ белгилари қуйидагилар бўлиши мумкин:

- товар-материал қимматликларининг ортиқ ёки оз чиқиш факти;
- ҳужжатларни расмийлаштирумасдан мулкни олиб чиқиш ёки олиб кириш;
- ҳужжатда кўрсатилганидан кўп миқдордаги мулкни сотиш;
- моддий қимматликка эга бўлган айрим ҳаракатларда товарнинг белгиланганидан кўплиги;
- тайёр маҳсулотларни, ярим фабрикатларни, хомашёни яширин реализация қилиш факти;
- товарларни савдо корхоналарининг ёрдамчи биноларидан сотиб юбориш;
- мулкни сарф қилгандан кўп деб кўрсатиш;
- маълум қимматга эга бўлган материалларни қийматини йўқотган, деб олиб кетиш;
- пул воситасини ва қимматбаҳо материалларни ҳисобдан чиқариш тўғрисидаги қалбаки ҳужжатларни тақдим этиш;
- моддий қимматликлар ишониб топшириб қўйилган мансабдор шахснинг маошига тўғри келмайдиган турмуш тарзи;
- моддий жавобгар шахслар мулкнинг сақланишини ҳисобкитоб ва назорат қиладиган маъмурият вакиллари ва хизматчилари билан мунтазам ичкилиkbозлик қилиши.

Кўп ҳолларда талон-тарож ҳақидаги маълумотлар улар содирик этилганлигини кўрсатиб туради. Давлат ва жамоат мулкини талон-тарож қилиш жиноятлари ҳақидаги хабарларни текширишда маълумот йиғишининг қўйидаги усулларидан фойдаланиш лозим:

- товарлар ва қимматбаҳо буюмларнинг сонини текшириш учун қўққисдан инвентаризация ташкил этиш;
- муассаса, корхона ва уларнинг бўлимларининг молия хўжалик фаолиятини ревизия этиш;
- товар ва қимматбаҳо нарсалар юкланаётган ва туширилаётган пайтда фойдаланилган қалбаки ҳужжатларни талаб қилиб олиш;
- текширилаётган операцияга алоқадор мансабдор, моддий жавобгар ва уларнинг устидан назорат қиладиган шахслардан тушунтириш хатлари олиш;
- предметларни хусусияти, ўзаро боғлиқ бўлган процесслар ҳақида мутахассисларнинг фикрини олиш:
- тезкор-қидирув органларига қидирув тадбирлари ўтказиш тўғрисида топшириқлар бериш;
- ташкилот, корхонанинг молиявий хўжалик фаолиятини тартибга соладиган меъёрий ҳужжатларни ўрганиш;

- муассаса, корхонанинг давлат ва жамоат мулкини сақлаш шароитлари, технологик процессларининг хусусиятларини ўрганиши.

## **2-ғ Дастлабки материалларни таҳлил этиши, жиноят иши қўзгатиш ва дастлабки тергов ҳаракатлари**

Жиноят ишини қўзгатиш учун кўп ҳолларда қўйидаги ҳолатлар асос бўлиб хизмат қилиши мумкин: ўтказилган тафтиш, инвентаризация ва бошқа текширув материаллари, шунингдек, тезкор-қидириув йўли билан тўпланган материаллар, агар бу материалларга кўра корхона муассаса ва ташкилотларда текширув натижасида растрата ёки моддий қимматликлар камомати аниқланган бўлса;

Булардан ташқари суриштирувчи, терговчи, прокурор ёки суд бевосита ўзи аниқлаган жиноят белгилари ҳам талон-тарож ҳақида жиноят ишини қўзгатиш учун асос бўлади.

Терговнинг қанчалик тез ва самарали бўлишлиги тергов органларига талон-тарож жиноятларининг белгилари мавжудлиги тўғрисидаги фактларни аниқлаш тафтиш материалларининг қанчалик тез ва ўз вақтида берилишига боғлиқ.

**Тафтиш** молия-хўжалик органлари томонидан белгиланган режа асосида ёки тўсатдан ўтказилади ва бу тўғрида акт тузилади. Акта қандай корхонада талон-тарож фактлари топилганлиги, ким томонидан ва қаерда аниқланганлиги тўлиқ кўрсатилган бўлишлиги лозим. Акт беш кундан кечиқтирилмасдан прокуратура ёки ички ишлар органларига берилиши керак.

Тафтиш материалларини таҳлил қила туриб терговчи қўйидаги ҳолатларга эътибор қаратмоғи лозим:

а) текширув ваколатли шахслар томонидан тегишли мутахассисларни (хисобчи, муҳандис ва ҳ.к.) жалб этиб ўтказилганлиги;

б) текшириш ушбу хўжалик тармоғида ўрнатилган тартибда ўтказилганлиги;

в) тафтиш актида у ёки бу хатоликлар аниқ далиллар асосида ифодаланганилиги ва уларнинг ҳар тарафлами текширилганлиги;

г) текширув материаллари тегишли идора раҳбарлари томонидан кўриб чиқилганлиги ва уларнинг бу тўғридаги хулосалари;

д) тўпланган материалларнинг тўлиқлилиги;

е) аниқланган далиллар бўйича жавобгар бўлган шахсларнинг қандай тушунтириш берганлиги ва бу тушунтириш бўйича тафтишчи қандай хулоса берганлиги.

Агар жиноят иши тафтиш материаллари асосида кўзгатилган бўлса, қуидаги дастлабки тергов ҳаракатлари амалга оширилади:

- а) тафтиш асосида аниқланган ва шубҳали ҳисобланган ҳужжатларни кўздан кечириш ва олиб қўйиш;
- б) тафтиш томонидан аниқланган қалбакилаштирилган ҳужжатларни тайёрлаган шахсларни сўроқ қилиш;
- в) далилий ашё бўладиган ҳужжат ва предметларни қидириб топиш мақсадида айбланувчиларнинг турар жойларида, иш жойида тинтув ўтказиш, моддий зарарни қоплашни таъминлаш учун мулкларни аниқлаш ва рўйхатга олиш;
- г) тафтиш материалларида кўрсатилган шахсларни сўроқ қилиш.

Тезкор-қидириув органлари томонидан тўпланган маълумотлар асосида кўзгатилган жиноят ишлари бўйича қуидаги дастлабки тергов ва ташкилий тадбирлар ўтказилиши мумкин:

- а) жиноят устида ушлаш;
- б) ушланган шахснинг уйида ва иш жойида тинтув ўтказиш, айбланувчининг мулкига банд солиш;
- в) ҳужжатларни кўздан кечириш, зарур ҳолларда олиб қўйиш;
- г) далилий ашё бўладиган предметларни кўздан кечириш ва олиб қўйиш;
- д) ишлаб чиқариш бинолари ва омборхоналарни кўздан кечириш;
- е) гумон қилинувчиларни сўроқ қилиш;
- ж) инвентаризация ва тафтиш ўтказишни ташкил этиш.

Агар жиноят иши фуқароларнинг, мансабдор шахсларнинг берган шикоят ва аризаларини текширилиши асосида кўзгатилган бўлса, дастлабки тергов ҳаракатлари ва ташкилий тадбирлар ушбу материалларда мавжуд бўлган маълумотлар асосида аниқланади. Кўп ҳолларда бундай вақтларда тергов ишини бошлашдан олдин инвентаризация ва тафтиш ўтказиш ташкил этилади.

Терговчи жиноят иши бўйича зарур барча ҳужжатлар билан таъминланган бўлиши муҳим аҳамиятга эга. Бундай ҳужжатлар терговчига дастлабки материаллар ва тафтиш материаллари билан келиб тушиши мумкин. Бундай материалларни тегишли ташкилотлардан, шикоятчилардан, гумон қилинувчи ва айбланувчилардан, гувоҳлардан талаб қилиб олиш ҳам мумкин.

ЖПКнинг 161-моддасига мувофиқ терговчи зарур бўлган ҳужжатларни олиб қўйиш ҳуқуқига эга. Терговчи жиноят ишини тергашда қандай ҳужжат зарурлигини ва олиб қўйилиши лозим бўлганларини белгилаб қўйиши зарур. Бундай вақтларда тергов-

чига мутахассис - ҳисобчи, иқтисодчи, криминалистлар катта ёрдам кўрсатишлари мумкин. Ҳисобчи ёки иқтисодчилар терговчига хужжатларни таҳлил қилишнинг қандай усусларидан фойдаланиши, терговчини қизиқтираётган операция қандай хужжатлар билан расмийлаштирилиши тўгрисида, криминалист эса кўздан кечирилаётган хужжатда қандай ўзгартиришлар, қалбакиликлар мавжудлиги тўгрисида маълумотлар беришлари лозим.

Хужжатларни кўпроқ йиғиш учун ўтказилаётган дастлабки тергов ҳаракатлари тезкорлик билан ўтказилиши лозим. Тез кўздан кечиришга улгуролмаса хужжатлар сақланаётган жой муҳрлаб қўйилади. Кейинчалик бу хужжатлар тўлиқ ўрганилиб, кераклilari жиноят ишига қўшиб қўйилади, қолганлари эса қайтариб берилади.

Инвентаризация терговчининг талабига мувофиқ маҳсус тайинланган комиссия томонидан корхоналарда, ташкилотларда маълум вақт оралигида товарлар, пул маблаглари мавжудлигини текшириб кўриш учун ўтказилади. Терговчи инвентаризация комиссия таркибига кирмаса-да, бу тадбир ўтказилаётган вақтда иштирок этиши мумкин.

**Инвентаризация** товар ва моддий қимматликларнинг ҳақиқий ҳолатини, мавжудлигини кўрсатиш учун куйидаги шартларни бажариши керак:

а) инвентаризацияни ўтказишдан олдин: ёрдамчи хоналар, бинолар, ертўла ва бошқа кириш, чиқиш, моддий қимматликлар сақланаётган жойлар пломбаланиши ёки муҳрланиши лозим; кассадаги кундалик пул маблагларини ҳисоблаб чиқиш, барча тарози ва бошқа ўлчагич асбобларининг тўғри ишлашини текшириб кўриш, моддий жавобгар шахсдан барча кирим ва чиқим хужжатлари ҳисботга киритилганлиги тўгрисида тилхат олиниши лозим;

б) барча товар ва моддий қимматликлар қайтадан санаб чиқилиши, ўлчаниши, тортиб кўрилиши лозим;

в) инвентаризацияни ўтказища моддий жавобгар шахс иштирок этиши шарт. Агар моддий жавобгар шахс қамоқда бўлса, олиб келиш таъминланиши лозим, у оғир касал ёки атайлаб келмасагина, инвентаризация унинг иштирокисиз ўтказилиши мумкин;

г) инвентаризация жиноят иши билан боғлиқ бўлган барча обьектларда бир вақтнинг ўзида ўтказилиши шарт;

д) инвентаризация моддий жавобгар шахсга аввалдан билдирилмай, тўсатдан ўтказилиши лозим;

е) инвентаризация натижалари инвентаризация рўйхатларида қайд этилиб, инвентаризация комиссия аъзолари ва моддий жавобгар шахс томонидан имзоланиши керак;

ж) инвентаризация мумкин қадар қисқа вақт ичидә ўтказилиши лозим. Агар инвентаризацияни ўтказишга күпроқ вақт талаб этилса, унда иш куни тамом бўлгандан кейин инвентаризация комиссия аъзолари милиция ходимлари билан биргаликда омбор ва моддий қимматликлар сақланаётган бино эшиклигини муҳрлаб кетиши лозим;

з) инвентаризация рўйхатига киритилган қолдиқ маҳсулотлар, моддий қимматликлар ҳисобга олиниб, маълумотлар билан солишириб кўрилиб, алоҳида тузилган ҳужжатда қайд этилади.

Тафтиш ўтказадиган мутахассис, тафтишчи томонидан корхона, ташкилот, муассасаларнинг молия-хўжалик фаолиятини бухгалтерия маълумотлари асосида текшириб кўриш учун ўтказилади. Тафтиш асосан жиноят ишини қўзғатишидан олдин ўтказилади. Мабодо, у жиноят иши қўзғатишидан олдин ўтказилмаган бўлса, терговчи иш қўзғатилганданоқ дарҳол ўтказиш чорасини кўриши лозим. Бу тўғрида у қарор чиқариб, унда қисман ёки тўлиқ тафтиш ўтказиш зарурлиги ёки зарур эмаслиги, аниқ обьект ёки мансабдор шахснинг қайси давр ичидаги фаолияти тафтиш қилиниши лозимлиги ва тафтиш далолатномасини қачон тақдим этиш зарурлиги ҳақидаги маълумотлар кўрсатилади.

Тафтиш тайинлаш тўғрисида чиқарилган қарор назорат-тафтиш органларига юборилади. Тафтиш олдига қўйиладиган вазифалар аниқ бўлиши лозим. Қоидага биноан муассаса ва ташкилотларнинг катта давр ичидаги фаолиятини тафтиш қилиш тавсия этилмайди, чунки у кўп вақтни талаб этиб, тафтиш ишларини чукур ва тўлиқ амалга оширилишига халақит беради. Агар тафтиш корхона ва ташкилотларнинг катта давр ичидаги фаолиятини текшириш билан боғлиқ бўлса, унда терговчи тафтишни бир гурӯҳ тафтишчилар томонидан ўтказиш масаласини ҳал этиши лозим.

Тафтиш тўсатдан ўтказилиши мақсадга мувофиқ. Бир вақтнинг ўзида тафтиш қилинадиган обьектдан ташқари у билан ўзаро алоқада бўлган бошқа обьектларда ҳам тафтиш ўтказилиши шарт. Тафтишни тайинлаш билан бирга терговчи тафтишчиларга олдиндан талон-тарож қилиш, жиноятни яшириш усууларини, ҳатто тахмин этилаётган жиноятчиларнинг фамилияларини ҳам айтиш мумкин.

Терговчи тафтишчи билан доимий алоқада бўлиши лозим. Тафтишчи терговчига суиистеъмол қилиниш фактлари тўғрисида ахборотлар бериб турса, терговчи эса тафтишчига жиноят иши бўйича тўпланган янги материаллар тўғрисида маълумот бериб туради. Тафтишчи суиистеъмол қилиниш фактларини

аниқлагандан кейин бу тұғрида хусусий далолатнома тузади ва уни дархөл терговчига тақдим этади. Бу далолатноманинг мазмұни билан манфаатдор шахсларни таништириш шарт әмас, чунки улар кейинчалик түзилган умумий далолатнома мазмұни билан таништирилади.

Тафтиш үтказишдан мақсад фақат камчиликтар ва ортиқча маҳсулотларни аниқлаш әмас, шу билан бирга үтказилған у ёки бу операцияларнинг қонунийлигини текшириш, журналларда қайд этилған ҳужжат ва ёзувларнинг сифатлы ва ҳақиқий экан-лигини баҳолаш, натижалар математик жиһатдан тұғрилигини аниқлашдан иборат. Бундан ташқари, тафтишлар ҳужжатларда қайд этилған операциялар ҳақиқатан ҳам амалға оширилғанлигини ва уларнинг қонуний характерда эканлигини ҳам текширишлари зарур.

Мансабни суиистеъмол қилиш орқали давлат ва жамоат мулкими талон-тарож қилиш жинояти үзининг мураккаблиги ва күп ҳодисалардан иборат бўлганлиги учун терговчидан катта ташкилий чора тадбирлар үтказишни талаб этади. Терговчи тафтиш ва инвентаризация материаллари асосида ва тезкор-қидириув органлари, фуқаро ва мансабдор шахслардан тушган шикоятлар бўйича қўзгатилған жиноят ишлари бўйича баъзи предмет ва ашёвий далилларни қидириб топиши мухим аҳамиятга эга.

Терговчи терговнинг бошлангич босқичида қуйидагиларни қидириб топиши жуда зарур деб ҳисобланади:

- 1) талон-тарож қилинган мулк;
- 2) жиноий йўл билан топилған пуллар; қимматликлар, омонат касса дафтарчаси, жиноий йўл билан топилған мулклар;
- 3) талон-тарож қилиш учун тайёрланган, ҳисобда бўлмаган хомашё, яримфабрикатлар ва тайёр маҳсулотлар;
- 4) жиноий битим билан алоқадор бўлган турли ёзувлар;
- 5) тергов учун керакли бўлган талон-тарож жинояти иштирокчиларининг уй манзиллари, телефон рақамлари ва бошқа маълумотлар;
- 6) турли ҳужжатлар ва ёрлиқларнинг тоза бланкалари;
- 7) терговчини қизиқтираётган ташкилот ва корхоналарнинг молия-хўжалик фаолиятини ифода этадиган бухгалтерия ҳужжатлари ва бошқалар.

Қайд этилған ҳолатларни аниқлаш ва далиллар тұплаш учун терговчи қуйидаги дастлабки тергов ҳаракатларини ва ташкилий тадбирларни қўриши зарур:

- 1) жиноят устида ушлаш (хом ашёни ҳеч қандай ҳужжатсиз сотиш, қабул қилиш);
- 2) ушланганларни шахсий тинтув қилиш;

3) хизмат хоналарида тинтув ўтказиши ва уларни кўздан ке-чириш;

4) тинтув ўтказиши ва кўздан кечиришда тайёрланаётган ҳужжатлар, предметлар, тайёр маҳсулотларни муҳрлаш зарурати бўлса, айримларини олиб қўйиш;

5) пул ва мулкни банд қилиш, уларни олиб қўйиш ва қўриқлашга топшириш;

6) талон-тарож қилишда гумон қилинган шахсни сўроқ қилиш;

7) талон-тарож фактларини кўрган гувоҳларни сўроқ қилиш;

8) омборларда, савдо-муассасаларида ва ташкилотларда, кассадаги пул маблағларини инвентаризация қилиш ёки моддий қимматликларнинг қолдиқларини ҳисобга олиш;

9) харидорларни алдаш ҳолатларини аниқлаш мақсадида назорат тарзда харид қилиш ёки қишлоқ хўжалик маҳсулотларини назорат учун топширишни ўтказиши.

Кайд этилган дастлабки тергов ҳаракатлари ва ташкилий тадбирларни бажаришда топилган объектларнинг ҳолати, қўриқланиши, ҳужжатларнинг сақланиши аниқ ва батафсил қайд этилиши жуда муҳим ҳисобланади.

Тафтиш ва инвентаризация материаллари асосида қўзгатилган жиноят ишлари бўйича қуийдаги дастлабки тергов ҳаракатлари ўтказилади:

1) тафтишли ва инвентаризация ўтказган шахсни сўроқ қилиш;

2) далолатномада кўрсатилган шахсларни сўроқ қилиш;

3) камчилик борлигини тасдиқловчи ҳужжатларни ўрганиш, тафтиш далолатномаси билан бирга, берилган ҳужжатларни олиб қўйиш ёки уларнинг йўқолмаслик чорасини кўриш;

4) камчилик учун жавобгар шахсни сўроқ қилиш; уларни тинтув қилиш;

5) уларнинг пул ва мулкига ҳибс солиш.

**Жиноят устида ушлаши.** Терговчи ички ишлар органи ходимлари билан биргаликда жиноятчини жиноят устида ушлаб, ундан тегишли ҳужжат ва предметларни олади, ушлаган жойи ва вақтини белгилаш қўяди. Талон-тарожчи кўп ҳолларда талон-тарож қилинган товар маҳсулотларини сотишда, уларни олиб кетишида, ортиқча хомашёдан маҳсулот тайёрлашда, хомашёни яширинча олиб кетишида ушланади. Жиноятчини жиноят устида ушлашга пухта тайёргарлик кўрилмоғи лозим: ушлаш бўйича тузиладиган тезкор гурух таркибини аниқлаш, вазифаларини белгилаш олиш, ушлаш вақти ва жойини аниқлаш, тўсатдан ушлашини таъминлаш, жиноят гуруҳнинг барча иштирокчиларини бир вақтда ушлаш масаласини ҳал этиш имконияти борича ушлаш

тезкор гурухни зарурий .транспорт воситаси билан таъминлаш лозим.

Ушлаш вақтида талон-тарож қилган шахсдан барча ўғирланган мулклар, хомашё, яримфабрикатлар, тайёр маҳсулотлар, пуллар, ҳужжатлар олиб қўйилиши зарур.

Талон-тарожчини жиноят устида ушлаш фактининг ўзи унга маълум дараҷада психологияк таъсир кўрсатиши мумкин, шунинг натижасида у ўзи содир этган жиноят ва унинг иштирокчилари тўғрисида ноилож тўғри кўрсатув бериши мумкин.

**Ушланганларни шахсий тинтув қилиш, уларнинг турар жойи ва иш жойларида тинтув ўтказиш.** Шахсий тинтув талон-тарожчи ушлангандан кейин дарҳол ўтказилади. Шахсий тинтувни ўтказишидан мақсад ушлангандан иш бўйича далил бўла оладиган прёдметлар ва ҳужжатларни олиш ҳисобланади. Баъзи вақтларда ушланган шахс ўзини фош қиласидиган предметлар ёки ҳужжатларни ташлаб юбориши ёки йўқ қилишга ҳаракат қилиши мумкин. Шунинг учун, ушланган шахсни дикқат билан кузатиш лозим бўлади, бундай ҳаракатлар қилиш сезилса, дарҳол унинг олдини олиш чорасини кўриш зарур.

Талон-тарожчи шахс ушлангандан кейин унинг уйида ва иш жойида тинтув ўтказилиши зарур. Тинтув вақтида топилган ва олинган мулклар ҳамда жиноий йўл билан йигилган мулк ва қимматликлар иш бўйича муҳим далил бўлиб ҳисобланиши ва келтирилган моддий зарарни таъминлаш учун зарур ҳам бўлиши мумкин.

Хизмат биноларида, хоналарда тинтув ўтказишида талон-тарожчининг пули, қимматли буюмлари, хизмат билан боғлик бўлган турли ҳужжатларни, уларнинг жиноий операциялари тўғрисидаги ёзувларини қидириб топишга ҳаракат қилиш керак. Бундай вақтларда хуфия жойларни қидириб топишга ҳам ҳаракат қилиш лозим.

Тинтув ўтказишига тайёргарлик кўришда умумий масалалардан ташқари мутахассис сифатида товаршуносларни, ҳисобчиларни, криминалистни жалб этиш масаласини ҳам ҳал этиш зарур бўлади.

### **3-ғ. Давлат мулкини талон-тарож қилиш жиноятларини тергашни режалаштириши**

Давлат мулкини талон-тарож қилиш жиноятлари бўйича тушган материалларни терговчи ўз юритувига қабул қиласи, бевосита шу ишда мавжуд бўлган маълумотлардан фойдаланиб тергов ҳаракатларининг бошланғич тайёрлаш ҳамда ташкилий чораларини ўтказиш режасини тузади.

Тайёрлов босқичи режаси терговчи томонидан ишни қўзғатилганга қадар тузилади ва қўйидагиларни аниқлаш мақсад қилиб қўйилади.

а) талон-тарож содир бўлган жойни, яъни муассаса, ташкилот ёки корхонанинг ишлаш шароити билан танишади, шу билан биргаликда, ўша муассаса, ташкилот, корхона маҳсулот билан таъминлаб турадиган ёки шу корхоналарни тайёр маҳсулотлари қайси ташкилот орқали реализация қилинганлиги ҳисобга олиниб, бу корхоналарнинг ишлаш шароити билан ҳам танишади;

б) ўша ташкилот ёки корхонанинг ҳисоб-китоб ҳамда ҳужжат обороти тизимини ўрганади, шу билан биргаликда баъзи бир звено, цех ўртасидаги биргалашиб қилинадиган ҳаракатни аниқлайди;

в) гумон қилинаётган мансабдор шахслар тўгрисида маълумотлар тўплайди, бу маълумотлар ўз ичига гумон қилинаётган шахсларнинг яқин алоқалари, таниш-билишлари, яшаш жойлари, мулкий аҳволи (автомашинаси, қимматбаҳо буюмлари, дачаси бор ёки йўқлиги) каби факторларни ўз ичига олади;

г) жиноий йўл билан талон-тарож қилинган мулк яширилиши мумкин бўлган жой аниқланади.

Ташкилий чораларни кўриш босқичи тергов ҳаракатларини бошлангич даврини тўғри ташкил қилишни таъминлайди, бу давр эса ўз мобайнида иш учун зарур бўлган далилларни тўплашда ва улардан унумли фойдаланишда хизмат қиласди.

Терговнинг бошлангич босқичида бир қатор ташкилий чоратадбирлар ўтказиш зарурати туғилади, булар инвентаризация, тафтиш ва шунга ўхшаш текширишлар ҳисобланади.

Инвентаризация ва тафтиш материалларига кўра дастлабки тергов ҳаракатини бошлангич босқичини ўтказиш қўйидагиларни ўз ичига олади:

- текшириш давомида камомад ёки ортиқча маҳсулот чиққанлиги сабаблари ҳақида мансабдор шахс сўроқ қилинади;

- инвентаризацияда иштирок этган тафтишчилар ва ҳисоб-китоб ишлари билан шуғулланадиган шахслар сўроқ қилинади;

- жиноят иши учун керакли ҳужжатлар олинади ва кўриб қиқилади.

Шунинг учун ҳам давлат ва жамоат мулкини талон-тарож қилиш жинояти юзасидан муваффақиятли тергов олиб боришнинг шартларидан бири терговни режалаштириш бўлиб ҳисобланади. Терговни **режалаштириш** тергов жараёнини мақсадга мувофиқ ташкил қилишга катта ёрдам беради, воқеа ҳолатини объектив, тез, тўла ва ҳар томонлама ўрганиш,

шунингдек жиноятчани қидириш ва уни фош қилишда катта аҳамиятта эгадир.

Бу маълумотлар процессуал ҳамда тезкор-қидириув йўли билан тўпланганд бўлиши мумкин. Тезкор-қидириув йўли билан тўпланганд материаллар, иш бўйича далил кучига эга эмас. Лекин улардан терговчи режалаштириш ва тактик масалаларни ҳал қилишда фойдаланиши мумкин.

Фактик маълумотлар мажмуасининг тўлалиги ва мазмунига қараб, терговчи тергов вазифаларини аниқлайди, версиялар тузади, уларнинг текшириш йўллари ва усулларини белгилайди.

Терговнинг дастлабки вақтида жиноят изини ўзида ақлаган маълумотлар сони кам бўлади. Бу эса ишни режалаштиришини қийинлаштиради, чунки терговчи ҳар бир янги очилган ҳолатдан кейин режани кўриб чиқиши ва уни тўлдириб туриши лозим Шунинг учун ҳам режалаштириш узлуксиз давом этадиган жараёндир, у факат тергов тугаши билан тугайди. Режалаштиришда икки асосий қисмни ажратиш мумкин:

а) ҳар бир босқич учун терговчининг мақсад ва вазифаларини аниқлаш;

б) бу вазифаларни ҳал қилишнинг кўпроқ самарали усулларини ва тергов олиб боришининг тўгри йўналишини танлаш.

Тергов йўналишини аниқлашда қўйидаги асосий ҳолатлар ҳисобга олиниши керак:

1. Аввало дастлабки тергов ҳаракатлари режалаштирилади, бу ҳаракатларнинг бажарилиши жиноят излари ва бошқа далилларни тез топиш, жиноятчани аниқлаш ва ўзлаштирилган мулк яширилган жойни аниқлашга ёрдам беради. Бундай тергов ҳаракатларига асосан ҳодиса жойини, ҳужжатларни кўздан кечириш, гувоҳларни сўроқ қилиш, тинтуб, жиноятчани қидириш каби ҳаракатлар киради. Терговнинг кейинги босқичида ўтказиладиган ҳаракатларга - таниб олиш учун кўрсатиш - тергов эксперименти, юзлаштириш, сўроқ қилиш, экспертиза тайинлаш каби ҳаракатлар киради.

2. Режалаштириш тергов ҳаракатларининг содир қилинган жиноят характеристи, гумон қилинувчининг шахси, унинг кўрсатувлари, далилларининг мазмуни, илмий-техник ва бошқа воситаларни қўллашда мутахассисларни ишга жалб қилиш кабиларни ҳисобга олган ҳолда амалга оширилади.

3. Тергов олиб боришининг усул ва йўналишини белгилашда, суриштирув органлари ҳодимларига қандай топшириқлар бериш кераклигини илгаридан кўзда тутмок зарур. Бундан асосий мақсад, далиллар манбани топиш, тезкор-қидириув тадбирчораларини мувофиқлаштириш кўзда тутилади.

Терговни режалаштиришнинг асосий тамойилларига қўйидагилар киради:

- а) индивидуаллик;
- б) ҳаракатчанлик (динамиклик).

Индивидуаллиги шундаки, режанинг бир типлиги, яъни бир нечта худди шундай жиноятлар бўйича ҳам режаларнинг бир хил бўлмаслигидир.

Ҳаракатчанлиги шундаки, режалаштириш тергов олиб бориши процессининг ҳамма босқичи давомида бирдай олиб борилади.

Шунингдек, ҳаракатчанлиги деганда режанинг ўзгарувчанлиги тушунилади.

Йигилган далилларга кўра, режа ўзгариши, унга қўшимчалар киритилиши, баъзи вақтларда эса умуман қайта тузилиши мумкин. Дастробки тергов ҳаракатларини олиб бориши босқичида жуда кенг ва турли-туман ҳаракатлар олиб борилади, улар ўз навбатида бир-бири билан боғлиқ, мувофиқлашган ва қисқа муддат ичида ижро этилиши керак бўлган ҳаракатлардир. Бу ҳаракатларни яхши ишлаб чиқиб, режа асосида амалга ошириш керак.

Режада ишлаб чиқилган версиялар кўрсатиласлиги ҳам мумкин, чунки бу дастробки тергов ҳаракатлари босқичининг асосий вазифаси бўлиб, иложи борича кўпроқ далил тўплаш, уларни кейинчалик аниқлаш, яъни уларни тасдиқлаш чораларини таъмин этиш, ҳужжатларни қалбакилаштириш, далилий ашёларни йўқотиш, ўзлаштирилган мулк ҳамда пул-сармояларини яшириш фактларининг олдини олиш, мансабдор шахсларнинг тил биректириши, гувоҳларни ёлгон кўрсатув беришга кўндиришнинг олдини олиш чораларини кўриш зарур.

Режада барча тахминлар, ҳар бир тахминни текшириш учун белгиланган барча тергов ҳаракатлари ва бошқа чоралар кўрсатилади. Давлат ва жамоат мулкларини мансабдор шахслар томонидан талон-тарож қилиш жиноятларини тергов қилишда бригада методи қўлланилади.

Бригада терговчиларининг иш режаси ҳар хил тузилиши мумкин.

1. Умумий режа бригада раҳбари томонидан ишлаб чиқилади ва бригада аъзолари ўртасида муҳокама қилинади.

2. Индивидуал режа ҳар бир терговчига топширилган вазифа юзасидан тузилади.

3. Ҳар бир ходисага оид режа. Жиноят ишидаги алоҳида ходисалар юзасидан бажариладиган ишлар юзасидан тузилади.

Режалаштирилган тергов олиб бориши натижасида тахмин кўринишдаги гипотеза муҳим аҳамиятга эга. Тахмин бу терговчи кўл остида бўлган материаллардан келиб чиқувчи ҳамда етарли

даражада асослантирилган, жиноий воқеа ёки уни содир қилган шахслар тўғрисидаги эҳтимоллардир. Содир қилингандан жиноят бўйича, терговнинг дастлабки даврида, терговчига маълум бўлган далиллар етарли даражада бўлмаганлиги учун ҳам бир қанча тахминлар орқали уларни аниқлашга киришади. Тахминлар тўла ва аниқ бўлмаган маълумот беради. Лекин бу маълумот албатта текширилиши керак. Натижада илгари сурилган тахмин тўғри ёки нотўғри эканлиги ҳақида хулоса чиқаришга имкон бўлади.

Тергов жараёнида аниқ маълумотларни таҳжил қилиш билан асослантирилган тахмин юритиш моменти пайдо бўлганга қадар терговни режалаштиришда тахмин асосий роль йўнайди.

Режалаштиришда тергов тахминларининг роли, терговнинг йўналишини аниқлаш билан чегараланиб қолинмайди. Тахминлар алоҳида тергов ҳаракатларининг мазмуни ва тактикасини аниқланиши билан ўзгартилиши керак. Лекин камомадни аниқлашнинг ўзи моддий жавобгар шахсларнинг давлат ва жамоат мулкини талон-тарож қилиш жиноятида айбдор деб топиш учун ҳамма вақт асос бўла олмайди, чунки бу камомад бошқа сабаб натижасида бўлиши ҳам мумкин.

Мулкда камомаднинг аниқланиши муносабати билан қуйидагича тахмин юритиш мумкин:

- а) давлат ва жамоат мулки моддий жавобгар мансабдор шахс томонидан уюштирилган ёки растарагат қилинган;
- б) мулк бошқа шахслар томонидан талон-тарож қилинган;
- в) камомад моддий жавобгар шахснинг ўз хизмат вазифасига совуқонлик билан қарashi натижасида вужудга келган.

Моддий жавобгар шахснинг тушунтиришларидан келиб чиқадиган барча тахминлар албатта илгари сурилиши ва текширилиши зарур. Кўп ҳолларда талон-тарож жинояти у ёки бу усуслар билан яширилган бўлади, бу эса жиноятнинг ўз вақтида очилишга маълум даражада ҳалақит беради. Ҳужжатларни сохталаштириш - жиноятни яширишда кўп қўлланилади. Сохталаштирилган ҳужжатнинг топилиши, давлат ёки жамоат мулкининг талон-тарож қилинганилик фактини исботлашдан озод қилмайли, чунки ҳужжатни сохталаштириш турли сабаблар билан ҳам тушунтирилиши мумкин. Масалан, мулкни қабул қилиб олишда қўйилган хато оқибатида келиб чиқсан камомадни қоплаш мақсадида ҳужжат сохталаштирилган.

Ҳужжатларни сохталаштириш натижасида мулкнинг маълум қисми асл ёки пул формасида ҳисобга олинмай қолади ва ҳисобга олинмаган мулк талон-тарож қилинади.

Сохталаштирилган ҳужжатларга нисбатан қуйидагича тахмин юритиш мумкин:

а) қўл остидаги ҳисобга олинмаган мулк бўлган моддий жавобгар шахс, шу мулкни ўзлаштириш мақсадида хужжатни сохталаширган;

б) жавобгарнинг иштирокисиз сохта хужжатлардан фойдаланиш ёки уларнинг иштироки билан хужжатлардан фойдаланишини енгиллаштирувчи бошқа шахслар томонидан хужжатлар сохталаширилган;

в) ҳужжат бошқа камчиликларни ёпиш мақсадида қалбакилаширилган.

Ортиқча мулк турли сабаблар билан пайдо бўлиши мумкин. Кейинчалик ўзлаштириш учун ортиқча мулкни қасдан ҳосил қилинганилик тўғрисида, бу мулкларнинг узоқ вақт ҳисобга олинмаганлиги, ортиқча мулкнинг муңтазам равишда пайдо бўлиб туриши каби фактлар гувоҳлик бериши мумкин.

#### *4-ғ. Ҳужжатларни кўздан кечириш*

Ҳужжатлар талон-тарож жиноятларини тергашда муҳим далиллардан бири ҳисобланади. Талон-тарож жиноятларини тергашда терговчи ҳужжатларни тўплаш, кўздан кечириш ва текшириш ишларини амалга оширади. Терговчи мутахассис-бухгалтер ёрдамида муҳрланган ҳужжатларни тўплайди, зарур ҳолларда меъёрий ҳужжатларни тегишли корхоналардан талаб қилиб олади. Терговчи тўплаган барча ҳужжатларни диққат билан таҳлил қиласи, уларни текшириб чиқади. Ҳужжатларни текшириш усувлари уч турга бўлинади:

- 1) Айрим ҳисоб-китоб ҳужжатларини текшириш усули;
- 2) Бир бири билан ўзаро боғлиқ операцияларни ифода этувчи бир неча ҳужжатларни текшириш усули;
- 3) Бир турдаги ходимларнинг ҳаракатини ифода этувчи ҳужжатларни текшириш усули.

Айрим ҳисоб-китоб бухгалтерия ҳужж. т. ари ўрнатилган тартиб бўйича текширилади, яъни ҳужжатларда барча зарурий реквизитларнинг борлиги ва уларда шубҳали реквизитларнинг бор ёки йўқлиги аниқланади.

Ҳужжатлар форма бўйича текшириб кўрилгандан кейин арифметик ва норматив текширувдан ўтказилади. Арифметик текширувда ҳужжатлардаги горизантал ва вертикал графаларда чизилган ёзувлар (ракамлар) солишириб текширилади. Норматив текширувда эса ҳужжат мазмунининг ҳаракатдаги норматив актларга - инструкциялар, низомлар, қоидалар, харажат, чиқим нормаларига мос келиши текширилади.

Бир-бири билан боғлиқ ўзаро операцияларни ифода этувчи бир неча ҳужжатларни текширишда муқобил текширув ва ўзаро

назорат усууллардан фойдаланилади.

Муқобил текширув усулида бир турдаги ҳужжатларнинг турли нусхаларини бир-бири билан ўзаро солиштириб текширишадир. Бу нусхалар бир ташкилотнинг турли бўлимларидан ёки бир неча ташкилотлардан олиниши мумкин.

Ўзаро назорат усулида бир турдаги операциянинг турли ҳужжатларда ифода этилиши солиштириб текширилади. Ўзаро назорат усули ҳар бир хўжалик операциясининг турли бухгалтерия ҳужжатларида ифода этилишига асосланган. Бухгалтерия ҳужжатлари бошқа турли-туман бошқа ҳужжатлар билан солиштириб кўрилиши мумкин. Масалан, кортатека ва омборлардаги журнал ёзувлари билан транспорт ҳужжатлари, меҳнат дафтарчалари, моддий жавобгар шахснинг ёзувлари ва бошқалар.

Бухгалтерия ҳужжатларини текширишнинг хусусий усуllibари ҳам мавжуд. Уларга қўйидагилар киради:

1) Товар-моддий қимматликлар ва пул маблаглари ҳаракатини бевосита ифода этувчи кирим-чиқим ҳужжакларида маълумотларни узбу операцияни бошқа тарзда ифода этувчи ҳужжатлар-маълумотлар билан солиштириб кўриш;

2) Моддий-товар бойликларни олиш ва бериш операциясини ифода этувчи ҳужжатлардаги маълумотларни биринчи операция билан ўзаро боғлиқ бўлган бошқа операцияларни ифода этувчи ҳужжат маълумотлари билан солиштириб кўриш;

3) Моддий-товар бойликларнинг бир жойдан бошқа жойга кўчирилганлиги тўғрисидаги маълумотларни улар ташиб ўтказилган тараалар тўғрисидаги маълумотлар билан солиштириб кўриш;

4) Бухгалтерия ҳисоботи тўғрисидаги маълумотларини тезкор учёт маълумотлари билан солиштириб кўриш;

5) Назорат касса тасмасидаги маълумотларни касса чеклар маълумотлари билан солиштириб кўриш;

6) Пул маблаглари ва моддий товар бойликларни бериш тўғрисидаги цул воситалари ва моддий товар бойликларни ёзиш ва бериш учун асос бўлган ҳужжатлардаги маълумотлар билан солиштириб кўриш.

Бир турдаги қийматларнинг ҳаракатини ифода этувчи ҳужжатларни текшириш усули моддий қийматлар ҳаракатининг одатдаги тартибдан нотўғри четга чиқиб кетганлигини аниқлаш мақсадида қўлланилади. Бу усул ёрдамида ҳужжатлардаги дастлабки ёзувлар тикланиб, талон-тарож жинояти содир этилганлик факти аниқланади. Узбу усул қўйида и ҳолатларни аниқлашда қўлланилади.

- 1) Бухгалтерия ҳисоби ўз ҳолига ташлаб қўйилган, чалкаштирилган бўлса;
- 2) Бухгалтерия ҳисоби реестрлари тасодифан ёки қасддан йўқ қилинган бўлса;
- 3) Дастрлабки хужжатлар тўлиқ хажмда мавжуд бўлса-да, таҳлилий ҳисобдаги ишларни қисқартириши тақозо этмаган бўлса;
- 4) Тажлилий ҳисоб етарли даражада деталлаштирилмаган бўлса, мавжуд суистеъмолликни аниқлаш учун тажлилий ҳисоб ўрнига миқдорига оид ва сортли ҳисобни тиклаш зарур бўлса.

Ҳисоб-китоб тиклангандан кейин моддий қийматларнинг одатдаги айланишдан четга чиқиб кетганлиги аниқланади. Ҳисоб ёзувларини тиклаш ёппасига, танлаб ўтказиладиган, тўлиқ ва натура турларга бўлинади. Ёппасига тиклашда маълум бир давр оралиғи ичida бажарилган маълум моддий қийматларнинг барча номлари бўйича тикланади. Танлаб ўтказиладиган тиклашда эса айрим ҳисоб ёзувлари ёки айрим қийматларнинг номлари тикланади.

Ҳисоб ёзувларини тўлиқ ва нотўлиқ ҳисобга олишнинг хусусий усуллари тўгрисида юқорида баён этилди. Ҳисоб ёзувларини нотўла равишда тиклаш ҳам мавжуд бўлиб, унга қолдиқларни контролъ солиштириб кўриш киради.

Қолдиқларни назорат тарзида солиштириб текшириш усулнинг можияти шундан иборатки, бу усул орқали текширилаётган маълум давр, вақт оралигига инвентаризациявий ведомостга бир хил турдаги товарлардан қолган қолдиқлар билан товарларнинг ҳаракатдаги бўлган миқдори текширилиб кўрилади.

### *5-§. Гувоҳ, жабрланувчи, гумон қилинувчилар ва айбланувчиларни сўроқ қилиш*

**Сўроққа тайёргарлик кўриш.** Дастрлабки терговдаги сўроққа мувофиқ равишида, криминалистика тактикаси тавсия этган усуллар асосида талон-тарож жинояти бўйича сўроқ қилишга пухта тайёргарлик кўриш лозим.

Талан-тарож жинояллари бўйича сўроқ қилиш қўйидаги таркибий қисмлардан иборат:

- жиноят содир бўлган ташкилот ёки корхоналарнинг асосий хусусиятларини ўрганиш;
- сўроқ қилинаётганинг шахсини аниқлаш;
- сўроқни режалаштириш;
- сўроққа чақиришни ташкил этиш;
- сўроқ давомида фойдаланиши лозим бўлган далилларни тайёрлаш.

Сўроққа тайёрлаш жараёнида терговни режалаштириш лозим. Олдиндан ўйлаб тузилган режа асосида сўроқни олиб бориш уни тўғри ташкил этишга ва терговчи томонидан бошқа ҳолатларни аниқлашга имкон беради. Терговни олиб бориш жараёнида тегишли равишда гувоҳларни гурухларга ажратиб олиш зарур;

1. Талон-тарож жинояти содир бўлган ташкилот раҳбарлари, бухгалтерлари ҳам давлат мулки ўзлаштирилганига маълум даражада айбдордирлар, баъзан эса мансабдор шахс билан алоқадор бўлиб чиқиши ҳам мумкин.

Шунинг учун ҳам терговчи бундай гувоҳларни сўроқ қилишда ниҳоятда эҳтиёт бўлиши керак, чунки улар терговни чалкаштириши ёки йўналишни бошқа тарафга ўзgartириб юборишлари мумкин.

2. Талон-тарож қилинган мулк билан бевосита алоқадор бўлган ишчилар. Бу омбор ходимлари, мулкни юклаштуширишда иштирок этган ҳамда ортиқча мулк ҳосил қилинишини билган ишчилар бўлиши мумкин. Бундай гувоҳларнинг кўрсатувлари ўзлаштириш фактларини, ўзлаштирилган мулкнинг миқдори, жиноят бир гурух шахслар томонидан содир қилинган бўлса, иштирокчиларнинг кимлигини, иштирокчилардан ҳар бирининг жиноятдаги ролини аниқлашга маълум даражада ёрдам беради. Бундай гувоҳларни сўроқ қилиш кўпинча ижобий натижка беради.

3. Талон-тарож қилинган мулкни ташишда ёрдам берган шахслар. Булар автомашина шофёрлари, юкни олиб боришда иштирок этган шахслар, яъни ишчилар бўлиши мумкин. Кўпинча маълум жойга юк олиб борган, лекин маршрут йўл варагасида акс эттирилмаган бўлса шофёрлар гувоҳ тариқасида қатнашадилар.

4. Юқори турувчи ташкилот ходимлари, тафтишчи ва назоратчилар.

Гувоҳларни кўрсатув бериш мазмунига қараб яна уч гурухга бўлиш мумкин.

Биринчи гурухдаги гувоҳлар ўз хизмат мансабидан фойдаланиб талон-тарож ишлари юзасидан бўлган фактларни бўрттириб кўрсатишга ҳаракат қиласидилар. Булар корхона, муассасаларнинг бухгалтерлари, тафтишчилари ва раҳбарлари бўлиши мумкин. Уларни сўроқ қилишда кўрсатувларини аниқлаштириб, ҳужжатларга асосланган ҳолда исботлашлари ва атрофлича тушунириб беришлари талаб қилинади.

Иккинчи гурух гувоҳлар аниқланган камомад, ортиқча маҳсулотларни яшириб қолишга уринадилар. Шунинг учун ҳам

уларнинг кўрсатувларини диққат билан тинглаш, ҳодисани тўғри баҳолаш муҳим аҳамиятга эга.

Учунчи гурух гувоҳларга жиноятни фош этиш зарур фактлар маълум бўлса ҳам бу ҳақида ҳеч нарса билмасликларини пеш қиласидилар. Аслида улар талон-тарож қилган шахслар билан алоқада бўладидилар. Булар шофёрлар, юк ташувчилар, қоровуллар, оддий сотувчилар ва бошқалардан иборат муҳим гувоҳлар ҳисобланади.

Юқорида қайд этилган шахсларни сўроқ қилишда қуйидаги ҳолатларни аниқлаш керак:

- а) гувоҳнинг айбланувчига нисбатан бўлган муносабати;
- б) гувоҳда ўз кўрсатувини тасдиқлайдиган ҳужжатлар ва ёзувларни бор ёки йўқлигини аниқлаш;
- в) сўроқ мобайнида бошқа шахслардан олинган кўрсатувларни тўғрилигини аниқлаш;
- г) талон-тарож қилиш билан боғлиқ бошқа фактларни унга қанчалик маълумлиги ёки маълум эмаслигини сўраб билиш.

Гувоҳни сўроқ қилишда факат унинг шахсини ўрганиб қолмай, балки шу билан биргаликда унинг тўғри кўрсатув беришига халақит берадиган ҳолатларни аниқлаш терговчининг ўзига хос санъати ҳисобланади, чунки давлат ва жамоат мулкини талон-тарож қилиш жиноятида мансабдор шахслар одатда гувоҳларни йўқ қилишга, алдашга, сотиб олишга ҳаракат қиласи.

Айбланувчи ва гумон қилингандан тўла ва ҳақиқий кўрсатув олиш учун терговчи сўроқ қилиш жараёнида бир қанча тактик усуулларни кўллаши керак бўлади. Гумон остидаги шахс терговчи қўлида ўзини айблаш учун материал гўла эмаслигини яхши тушунади, акс ҳолда унга айб эълон қилинган бўлар эди.

Шунинг учун ҳам содир бўлган жиноятда ўз айби борлигини инкор этишга ҳаракат қиласи. Талон-тарож жиноятида гумон остидаги шахс камомад келиб чиқишига ўзининг бевосита алоқаси йўқлигини, кўпинча улар ҳужжатларидағи католик ёки обьектив омииллар асосида келиб чиқсанлигини асос қилиб кўрсатадилар. Талон-тарож жиноятларини тергаш бўйича гумон остидагиларни сўроқ қилишда қуйидаги ҳолатларга эътибор бериш катта аҳамиятга эга.

- а) гумон остидаги шахсни сўроқ қилишда унинг асосий вазифаси, иш бўйича ҳақиқатни аниқлаш учун тўла ва ҳақоний кўрсатув бериши;
- б) унинг ўз айбига икror бўлиши ҳал қилувчи аҳамиятга эга бўлмаса-да, бу бошқа даяиллар каби муҳимлиги;
- в) ўз айбини бўйнига олиш айбдор эканлигини ишботлаш учун этарли эмас, чунки унинг айбдорлиги бошқада ли ёш бўла ҳам тасдиқланиши зарурлиги;

г) шахснинг айбига иқрор бўлиши билан чегараланиб бўлмайди, бошқа жиноят иштирокчиларини ҳам «ҳиссаси»ни аниқлаш лозимлиги.

Иштирокчиларни аниқлаш ўзлаштирилган давлат ёки жамоат мулкининг миқдорини аниқлаш имконини беради.

Агар иш бўйича бир неча гумон остидаги шахсларни сўроқ қилишга тўғри келса, терговчи аввало сўроқни кимдан бошлаш масаласини тўғри ҳал қилиш, иш учун катта аҳамият касб этади.

Сўроқни аввало жиноятнинг иккинчи даражали иштирокчиларидан бошлаш зарур, бундай иштирокчилар кўпинча жиноятга тасодифан қўшилиб қолган шахслар бўлади ва объектив кўрсатув беришга ҳаракат қиласидилар.

#### **6-§. Талон-тарож жиноятини тергаш бўйича экспертизалар тайинлаш**

Давлат ва жамоат мулкини талон-тарож қилиш жиноятларини тергашда турли-туман масалаларни у ёки бу турдаги экспертизаларни тайинлаш орқали ҳал қилинади. Қуйида талон-тарож жиноятларини тергашда тайинланадиган айрим турдаги экспертизаларга тўхталиб ўтамиш:

1. Бухгалтерия экспертизаси қўйидаги масалаларни ҳал этиш мақсадида тайинланади:

а) моддий товар қимматликлар, пул маблағларининг кам ёки ортиқча чиқиш ҳажмини текшириш ва аниқлаш;

б) хом-ашё, материаллар ва тайёр маҳсулотларни сарфлаштнинг асосли эканлигини текшириш;

в) молия интизомининг бузилганлик ҳолатларини аниқлаш;

г) мазкур обьектда ҳисоб-китобнинг тўғри олиб борилганлигини текшириш;

д) талон-тарож жиноятининг содир этилишига сабаб бўлган шароитларни аниқлаш.

Экспертизани тайинлашдан олдин терговчи эксперт бухгалтер билан маслаҳатлашиб экспертиза предмети ва вазифалари, текшириш учун олинадиган ҳужжатларнинг сони ва турларини, эксперт томонидан ҳал этиладиган саволларнинг мазмунини аниқлайди

2. Криминалистика экспертизаси қўйидаги масалаларни ҳал этиш мақсадида тайинланади.

а) дастхатни бажарган шахсни идентификация қилиш;

б) бир неча ҳужжатларни бажарган, тайёrlаган шахсларни аниқлаш;

в) ҳужжатлар матнидаги ўзгарган хат ва рақамларни ва уларнинг бажариш усусларини аниқлаш;

- г) хужжатлардаги дастлабки ёзув мазмунини аниқлаш;
- д) ёзув машинкаларини идентификация қилиш;
- е) муҳр ва штампларни идентификация қилиш ва ҳ.к.

Талон-тарож жиноятларини тергашда кўпинча дастхат ва текстларни экспертиза қилиш, хужжатларни криминалистик асосда текшириш учун трасологик экспертизалари тайинланади.

3. Технологик экспертиза қўйидаги масалаларни ҳал этиш мақсадида тайинланади:

- а) технологик режимдан четга чиқиш ҳолларини, уларнинг нималарда ифода этганлигини, ишлаб чиқилган маҳсулот сифатига қандай таъсири қилганлигини аниқлаш учун;
- б) ҳар бир ишлаб чиқарилган маҳсулот учун қанча хомашё яримфабрикатлар сарф этилганлигини аниқлаш;
- в) тайёр маҳсулотларнинг давлат стандарти шартларига мос келиши;
- г) маълум материаллар ёки маҳсулотларни тайёрлашда ёки ишлаб чиқаришда сарф этилган хомашё техник шартлар (тадаб)ларга мос келиши ва ҳ.к.

Экспертиза ўтказиш учун етарли материалларни ўз вақтида етказиб бериш муҳим аҳамиятга эгадир. Терговчи талон-тарож содир этилган давр ичida тайёрланган барча маҳсулотларни тошишга ҳаракат қилиши лозим.

4. Товаршунослик экспертизаси асосан саноат ва савдо соҳасида содир этилган жиноий ишларни тергашда тайинланади. Экспертизанинг обьекти бўлиб, тайёр маҳсулотлар ҳисобланади. Товаршунослик экспертизаси орқали тайёр маҳсулотларнинг сифати тўғрисидаги тайёр маҳсулотларнинг техник шартлар ва давлат стандарти талабларига мос келиши, номи, сорти ва баҳосининг тўғрилиги каби масалалар ҳал этилади.

5. Курилиши техника экспертизаси асосан қурилиш ишларини олиб бориш жараёнида содир этилган талон-тарож жиноятларини тергашда тайинланади ва қурилиш обьектининг смета баҳоси, қурилиш ишлари материаллар нархи сметага мувофиқ аниқланганлиги қурилиш баҳоси қанча суммага ошириб кўрсатилганлиги каби масалалар ҳал этилади.

Булардан ташқари яна химия, агротехник, ветеринария ва зоотехника экспертизалари ҳам тайинланиши мумкин. Бу турдаги экспертизалар давлат ва жамоа хўжаликларида, тайёрлов ташкилотларида содир этилган талон-тарож жиноятларини тергашда тайинланади.

## **7-§. Талон-тарож жиноятларининг олдини олиш тадбирлари**

Талон-тарож жиноятларининг олдини олиш бўйича олиб бориладиган чораларга қўйидагилар киради:

1) талон-тарож жиноятларининг содир этилишига сабаб бўлган ҳолатлар ва шарт-шароитларни аниқлаш;

2) уларнинг олдини олиш тадбир тадбирларини ишлаб чиқиши.

Талон-тарож жиноятларининг содир этилишига олиб келган ҳолатлар ва шарт-шароитлар 2 гурухга бўлинади: жиноятнинг содир этилишидаги вазият билан боғлиқ бўлган ҳолатлар; жиноятчининг шахси билан боғлиқ бўлган ҳолатлар.

Жиноятнинг содир этилишидаги вазият билан боғлиқ бўлган ҳолатларга қўйидагилар киради:

- мансабдор шахслар томонидаги давлат ва жамоат мулкининг қўриқланишига хўжасизларча ва совуққонлик билан муносабатда бўлиш; - моддий қийматлар ва пул воситаларини ҳисобга олиш қоидаларининг бузилиши;

- назорат қоидаларининг бузилиши;

- қабул қилинган ва берилаётган мулкларнинг сон ва сифати бўйича қайд этиш қоидаларининг бузилиши;

- юкларни транспортда ташиш қоидаларининг бузилиши;

- моддий қийматлар, мулкнинг етарли даражада қўриқланмаганлиги;

- кадрларни танлаш принципларининг бузилганлиги;

- мулкнинг ҳаракатда бўлишини ифода этувчи ҳужжатларни тузиш қоидаларининг бузилиши.

Бу қўрсатилган ҳолатлар умумий гурухлар категориясига киради. Ҳар бир ҳолатда улар деталлаштирилиши ва аниқликлар киритилиши мумкин.

Талон-тарож жиноятларини содир бўлишига олиб келадиган ҳолатлар содир этиш усуслари билан боғлиқ бўлади. Жиноятчилар жиноят содир этиш усулини танлашда корхоналарда ишлаб чиқаришни ташкил этишдаги кирим-чиқим ҳужжатларини расмийлаштиришда ҳисоб-китобнинг яхши йўлга қўйилмаганлиги, ички тартиб қоидаларининг бажарилиши устидан олиб бориладиган назоратнинг бўшлиги, ўлчов асбобларининг носозлиги, тафтиш ва инвентаризация текширишларининг юзаки ўтказилиши ва кадрлар танлашда йўл қўйиладиган камчиликларни ўрганиб, улардан ўзларининг жиноий ҳаракатларини амалга оширишда фойдаланилади.

Талон-тарож жиноятларининг содир этилишга олиб келган, ёрдам берган ҳолатларни аниқлаш ва унинг олдини олиш тадбир

чоралари жиноий ишни қўзгатишдан бошлаб, дастлабки терговни тугатишгача бўлган давр ичидан терговчи ички ишлар органи ходимлари ва жамоатчилик вакилларининг ёрдами асосида ушбу жиноятларнинг олдини олиш чора тадбирларини ишлаб чиқади ва улар берган маълумотлар асосида тайёрлананаётган кейинги жиноятларни бартараф этиш чораларини кўради.

Талон-тарож жиноятларининг олдини олишдаги терговчининг профилактик йўналишдаги фаолиятига қуийдагилар киради: тақдимнома киритиш, корхона, муассаса ва ташкилотлар жамоатларининг йигилишларида маъруза қилиш, умумий ахборот воситалари, радио, телевидение орқали чиқишилар қилиш ва ҳ.к.

Терговчининг талон-тарож жиноятининг олдини олишдаги асосий иш формаси жиноят содир этилган корхона ва ташкилотларга тақдимнома киритиш ҳисобланади. Тақдимномада жиноятни тергаш жараёнида ушбу корхонада талон-тарож содир бўлиш сабаблари, уни содир этишда яратилган шароитлар ва кимнинг айби билан содир этилганлиги кўрсатилади. Шунингдек, тақдимномада талон-тарож жиноятининг олдини олиш йўллари ва воситалари ҳам кўрсатилади. Тақдимноманинг самарадорлиги кўрсатилган талаблар риоя қилинганлигига, адресатнинг тўғри танланганлигига ва унинг бажарилиши устидан тегишли назорат қилинишига боғлиқ.

## **28-боб. ЎГИРЛИК, ТАЛОНЧИЛИК ВА БОСҚИНЧИЛИК ЖИНОЯТЛАРИНИ ТЕРГОВ ҚИЛИШ**

### **1-ғ. Ўгирлик, талончилик ва босқинчилик жиноятларининг криминалистик тавсифи**

Давлат, жамоат ва шахсларнинг мулкини ўғирлаш энг кўп тарқалган жиноятлардан хисобланиб, мазкур турларнинг бевосита объектлари давлат, жамоат ёки фуқароларнинг шахсий мулклариридир.

**Ўгирлик** - давлат, жамоат ва шахсий мулкларнинг яширин равища ўзлаштиришдан иборат.

**Талончилик** жинояти деганда жабрланувчига нисбатан зўрлик ишлатиб ёки ишлатмасдан мулкни очиқчасига талаш тушунилади. Бу ҳаракат ўзгалар мулкини очиқдан очиқ зўрлик ишлатиб қўрқитиш йўли содир қилинади.

**Босқинчилик** жинояти дейилганда эса, жабрланувчининг шахсий мулкини унинг соғлиги ёки ҳаёти учун хавфли бўлган зўрлик ишлатиб ёки зўрлик ишлатиш йўли билан қўрқитиб эгаллаш тушунилади.

Мазкур жиноятларни содир этишдан олдин унга пухта тайёргарлик қўрилади. Жиноятчилар олдиндан жиноят содир этиладиган жойни (омбор, дўкон, хонадон) ёки ҳужум уюштирилиши лозим бўлган шахсни (инкассатор, газначи, сотовучи, қоровул) белгилаб олишади, зарур бўлганда олдиндан қуролларни тайёрлашади, транспорт воситаларини ҳозирлаб қўядилар, бажариладиган вазифаларни ўзаро тақсимлаб олишади.

Ўгирлик, талончилик ва босқинчилик жиноятлари аксарият ҳолларда уюшган гурух томонидан содир этилади. Кўпинча шундай гурухлар жуда турғун бўлиб, доимий равища қатор жиноятларни содир этишлари ҳам мумкин.

Жиноятчилар жамгарма ва давлат банкларига, дўконларга, инкассаторларга ҳужум қилиш учун маҳсус тайёргарлик ишларини амалга оширадилар, корхона ва муассасаларнинг иш режимларини ўрганадилар. Инкассатор ва савдо ходимларининг йўналишларини кузатадилар. Етарлича маълумот тўплаганларидан кейин ҳужум қилиш вақтини ва жойини, гурух таркибини аниқлайдилар, қурол ва транспорт воситасини ҳозирлайдилар. Орқага қайтиш йўлларини ва талон-тарож қилинган мулкни яшириш жойларини белгилаб олишади.

Жиноятчилар баъзи вақtlарда мазкур жиноятни ҳеч қандай олдиндан тайёргарлик кўрмасдан амалга оширишлари мумкин.

Бундай жиноятлар агар жиноий тажовуз объекти олдиндан белгилаб қўйилмаган бўлса амалга оширилади. Масалан: жиноятчилар бир қатор хонадонларни айланиб, эшикларни тақиллатадилар агар ҳеч ким чиқмаса, эшикни бузиб ўзларини қабиҳ ниятларини амалга оширадилар. Бундай жиноятлар кўпинча кундуз, дам олиш ва байрам кунлари содир этилади, чунки бундай кунларда уй эгалари ишда бўлишади ёки дам олгани кетган бўлишади.

Талончилик ва босқинчилик жиноятларини содир этишда жиноятчилар кўпинча тўсатдан ҳужум қилишта (агар кўчада бўлса) ҳаракат қилишади, хонадонларга киришнинг эса турли йўлларини излайдилар, почта, газ, электр энергияси хизмати ходими сифатида келганлигини билдириб, уйга ҳеч қандай қаршиликсиз киришга ҳаракат қиласидилар.

Агар жиноят очик жойларда содир этилса, жабрланувчига тўсатдан пана жойдан, дараҳт орқасидан туриб ҳужум қилинади ёки унга яқинлашиш учун турли йўлларни қидиради. Масалан: чекиш учун гугурт сўраш, бирон-бир кўча ёки адресни сўраш орқали жабрланувчига яқин келишга, кейин эса ҳужум уюстиришга ҳаракат қиласиди. Талончилик ва босқинчилик жиноятларининг обьекти аксарият ҳолларда аёл кишилар ва маст ҳолатда юрган эркаклар бўлиб чиқишади.

Ўғирлик жиноят ишлари бўйича аниқланиши лозим бўлган ҳолатларга қуйидагилар киради:

- 1) ўғирлик жинояти ҳақиқатан ҳам содир этилганлиги;
- 2) ўғирлик жинояти содир этилган жой (корхона, муассаса, ташкилотларнинг аниқ номи ва жойлашган жойи, жабрланувчинг манзили), вақти ва қўлланган усули;
- 3) ўғирланган мулк кимга тегишли эканлиги (корхона, муассаса, ташкилот ёки фуқаролар);
- 4) аниқ нима ўғирланганлиги, ўғирланган мулкнинг белгила-ри, унинг сони ва нархи;
- 5) ўғирлик жиноятини содир этишда қандай техника восита-ларидан фойдаланганлиги;
- 6) ўғирлик кимлар томонидан содир этилганлиги, иштирок-чилар ва уларнинг вазифалари;
- 7) ўғирланган мулк кимга берилган ёки сотилганлиги;
- 8) келтирилган заарар микдори;
- 9) ўғирлик жиноятининг содир этилишига олиб келган сабаб ва ҳолатлар;
- 10) келтирилган моддий заарарни қоплаш учун қандай чоратадбирлар кўриш талаб этилади.

Ўғирлик жинояти содир этилган жой ва унинг манзили жабрланувчи, мансабдор шахслар, қоровул, гувоҳ, суриштирув органлари вакиллари берган маълумотларда аниқ кўрсатилган

бўлади. Ўғирлик жиноятигининг содир этилиши вақти, усули ва қандай техникавий воситалардан фойдаланганлиги воқеа жойини кўздан кечиришда аниқланади, шунингдек ўғирлик жиноятини тергашда аниқланиши лозим бўлган барча ҳолатлар дастлабки тергов ҳаракатларини ўтказиш даврида аниқланади.

Ўғирлик жиноятини тергашда ўғирлик саҳналаштириб кўрилади, яъни ўғирлик жинояти содир этилмаган бўлса-да, хонадонларда, дўкон ва давлат мулки сақланадиган омборларда мазкур жиноят содир этилиши билан боғлиқ ҳолат, вазият яратилади. Воқеа жойини синчковлик билан кўздан кечирганда бундай мугомбирликни фош этадиган асосларни топиш мумкин. Масалан: эшик ичига ўрнатилган қулфни кўздан кечирганда бузишдан қолган излар ташқаридан эмас ичкаридан топилганда, дўкон деворида ҳосил бўлган тешик ўйилиши ташқаридан эмас, ичкаридан ўйилганлигини кўрсатувчи белгилар мавжуд бўлса ёки жабрланувчи ўғирланган буюмларнинг (пальто, магнитафон, соат) ранги, размери, маркаси, номи, тузилиши қандайлиги сўралганда аниқ жавоб бера олмаса, ўғирлик жиноят саҳналаштирганликдан далолат беради. Терговчи жабрланувчини сўроқ қилаётганда бундай ҳолатларга ҳам жиддий эътибор қаратмоги лозим.

Талончилик ва босқинчилик жиноятларини тергашда аниқланиши лозим бўлган ҳолатлар мавжуд бўлиб, уларга қуийдагилар киради:

- 1) талончилик ёки босқинчилик жиноятлари қачон, қаерда ва қандай шароитда ва кимга нисбатан содир этилганлиги;
- 2) жиноятнинг содир этилишида нечта шахс иштирок этганлиги, уларнинг умумий ва хусусий белгилари;
- 3) жиноячилар қуролланган бўлса, нималар билан қуролланганлиги;
- 4) жиноятни содир этишда зўрлаш ишлатилган бўлса, у қандай ҳажмда эканлиги;
- 5) етказилган тана жароҳатининг тавсифи ва оғирлик дараҷаси;
- 6) жабрланувчига етказилган тана жароҳатлари тўгрисидаги кўрсатувнинг гувоҳ берган маълумотлар билан таққослаб кўриш ва унинг тасдиқланиши;
- 7) босқинчилик натижасида жиноячилар қандай мулк ёки предметларни олганлиги;
- 8) жиноятларнинг содир этилишига сабаб бўлган шароитлар;
- 9) жабрланувчидаги катта пул суммаси борлигини билган шахсларни аниқлаши.

Талончилик ва босқинчилик жиноятларини содир этишда жиноячилар пухта тайёргарлик кўрадилар, жиноятни содир этиш усулларини, иштирокчиларни ва вақтни танлайдилар. Ис-

ботланиши лозим бўлган ҳолатлардан бири жиноятни содир этиш усулини аниқлаш ҳисобланади. Жиноятчиларнинг жиноятни содир этишда қўллайдиган усулларидан бири ҳужум қилинадиган шахсни, хонадонни, қимматбаҳо давлат мулклари сақланадиган жойларни, инкассаторнинг разнацидан қачон пулни олиши ва унинг қаерга бориш йўналишларини зимдан кузатадилар ва ундан кейин ҳужум уюшириш усулларини танлайдилар. Кўп ҳолларда, жиноятчилар ўзларини расмий вакил сифатида электромонтёр, ЖЭК ходими деб танишириб хонадонларга киришга ҳаракат қиласидилар, якка шахсларга нисбатан эса у билан танишиш мақсадида яқин борадилар ва дарҳол ҳужум қиласидилар.

Жиноятчиларнинг қўллайдиган асосий усули бу обьектга тўғридан-тўғри ҳужум қилиб мулкни эгаллаш ҳисобланади. Агар жиноятни содир этишда кўп одам иштирок этган бўлса, терговчи ҳар бир иштирокчининг бажарган вазифасини ва ролини аниқлаши лозим. Жиноятни содир этиш усулларини жиноятчилар шахси, яширган жойлари аниқлангандан кейин уларни қидириб топиш ва ушлаш амалга оширилади.

## **2-§. Ўғирлик жиноятларини тергов қилиш**

Ўғирлик жинояти ўзининг обьектлари бўйича икки турга бўлинади:

- 1) давлат ва жамоат мулкини ўғирлаш;
- 2) фуқароларнинг шахсий мулкини ўғирлаш.

Бу турдаги жиноятларни тергашда ўғирлик жиноятининг содир этилиши усулларини албатта инобатга олиш зарур. Давлат, жамоат ва шахсий мулкларни ўғирлаш жиноятларини содир этиш усуллари қуидагилар ҳисобланади:

- 1) Ўғирлик жиноятини содир этишга тайёргарлик кўришдаги ҳаракатлар;
- 2) Ўғирликни бевосита содир этишдаги ҳаракатлар;
- 3) Ўғирлик жинояти изларини яширишдаги ҳаракатлар.

Ўғирлик жиноятини тергаш услуги нуқтаи назаридан жиноятчиларнинг жиноий тажовуз обьектига киришда қўллаган усулларини аниқлаш айниқса дикқатга сазовордир. Моддий қийматлар, пул воситалари сақланадиган бинога, турар жойга киришнинг энг кўп тарқалган усуллари қуидагилардир:

- қулф ва сим тўсиқларини бузиш;
- қулфларни калит ёки маҳсус тайёрланган мослама ёрдамида очиш;
- ром ёки унинг ойнасини чиқазиб қўйиш;
- витрина ойнасини тутиб чиқазиш;
- пол тагидан ковлаб кириш;

- девор ёки шифтни тешиб кириш;
- тўсиқларни электр (газ) пайвандлаш аппаратлари ёрдамида бузиш.

Ўғирлик жинояти бўйича жиноят иши қуйидаги асосларга биноан қўзатилади.

1) корхона, муассаса, ташкилот раҳбарлари, мансабдор шахсларнинг берган хабарлари асосида;

2) фуқароларнинг (жабрланувчиларнинг) берган хабарлари асосида;

3) моддий жавобгар шахслар ва қоровуллар берган хабарлари асосида;

4) ўғирлик содир этилганини кўрган ва эшитган гувоҳлар берган маълумотлар асосида;

5) суриштирув ва тергов органлари томонидан ўғирлик жинояти изларини топган ҳолларда;

6) ўғирлик жиноятини содир этилишида гумон қилинувчи сифатида ушланган шахсдан унга тегишли бўлмаган буюмларнинг мавжудлиги (масалан: ушланганда кўп қўл соати, моддий қийматлар олинган бўлса).

Ўғирлик жиноят ишлари бўйича қуйидаги тергов ҳаракатлари ўтказилади:

- 1) воқеа жойини кўздан кечириш;
- 2) инвентаризация ва тафтиш ўтказиш;
- 3) гувоҳларни сўроқ қилиш;
- 4) жабрланувчини сўроқ қилиш.

Шахсий мулкларни ўғирлаш жиноят ишларини тергаш бўйича қуйидаги дастлабки тергов ҳаракатлари ўтказилади:

- 1) жабрланувчини сўроқ қилиш;
- 2) воқеа жойини кўздан кечириш.

Дастлабки тергов ҳаракатларини ўтказиш тезкор-қидирув ҳаракатлари билан ўзаро ҳамкорликда амалга оширилади. Терговнинг мазкур шаклда ташкил этилиши ўғирлик жиноятини содир этган шахс тўғрисида мумкин қадар тезроқ маълумотлар тўплаш ва дастлабки тергов босқичидаёқ уни аниқлаш ва ушлаш имконини беради. Терговчи дастлабки тергов ҳаракатларини амалга оширишда ички ишлар органлари ходимларига дастлабки тезкор-қидирув ҳаракатларини ўтказиш тўғрисида топширик беради:

- 1) жиноятчини изидан қувиш;
- 2) из қидирув итидан фойдаланиш;
- 3) жиноятчининг қочиши мумкин бўлган йўлларга кузатувчилар қўйиш;

4) ЙҲҲХ ходимларига, транспорт милицияси ва территориал ички ишлар органлари ходимларига жиноятчининг ва ўғирланган

мулк белгилари тұғрисида хабар бериш;

5) жиноятынинг бориб яшириниши тахмин этилган худуддаги манзил тұғрисида тегишли органларга хабар бериш ва кузатувни ташкил этиш;

6) жиной рүйхат маълумотлари асосида қидирудвни ташкил этиш.

Үгирлик жиноятыни тергаш воқеа жойини күздан кечиришдан бошланади. Үгирлик жинояты содир этилганлиги тұғрисида хабар олгач терговчى тезкор-қидирудв ходимлари билан биргаликда зудлик билан воқеа жойига етиб бориши зарур.

Воқеа жойига етиб келиши билан оқ терговчى воқеа жойидан бегона шахсларни четлатиши ва үгирлик жиноятынинг содир этилишини ўз күзи билан күрган гувоҳларни сўрек қилиб жиноятычи тұғрисида айрим маълумотларни билиб олишга ҳаракат қилиши керак. Күздан кечиришни бошлашдан олдин терговчى моддий жавобгар шахс, корхона маъмурятидан моддий қийматлар, пул маблағлари қаерда ва қандай сақланганлиги тұғрисида маълумот олади. Күздан кечиришни бошлашдан олдин терговчى үгирлик содир этилган бино (квартира)нинг ташки күриниши, унинг атрофидаги биноларга нисбатан қандай жойлашганлиги, келиш кетиши йўлакчалари, кўрикланиш тартибини ұрганади, ундан кейин үгирлик содир этилган жойни күздан кечиради.

Воқеа жойи тұғрисида тұлиқ маълумот олгач, күздан кечиришнинг кетма-кетлиги ва чегараси белгиланади, сунгра терговчى қуидаги ҳолатларни аниқлади:

- үгирлик содир этилган жойга жиноятычи қандай кирганлиги, қандай усул ишлатганлиги, қайси томонга қараб кетганлиги;
- қандай техника воситаларидан фойдаланганлиги;
- воқеа жойида қандай излар қолдиранганлиги, қандай буюмларни ўзи билан олиб кетиши мумкинлиги;
- жиноятынинг касбини кўрсатувчи белгилар бор ёки йўқлиги;
- жиноятын содир этишда қанча шахс иштирок этганлиги;
- сохта жиноят белгилари бор ёки йўқлиги.

Воқеа жойини күздан кечиришда бинога (омбор, дўкон) ёки хонадонга кириш жойлари дикқат билан ұрганилиши лозим, чунки у ерларда жиноятынинг бузиши куроллари, пойабзалидан, кийимларидан қолдирилган излар бўлиши мумкин. Жиноят содир эта туриб шахс эҳтиётсизлиги натижасида қўлинин шикастлантириб қўйиши ва ўзи билмаган ҳолда воқеа жойида қон томчиларини қолдириб кетиши мумкин, булар эса жиноятынинг қон гурӯхини аниқлашга имкон беради.

Үгирлик содир этишда жиноятычилар шошилганидан воқеа

жойида баъзи буюм ва предметларини қолдириб кетиши мумкин. Масалан: дастрўмолини, бош кийимини, чекиб ташланган папирос қолдигини ва ҳоказо. Улар далилий ашё сифатида олиб маҳсус мосламаларга солиниши, жойлаштирилиши лозим.

Воқеа жойини кўздан кечиришда, айниқса давлат ва жамоат мулкини ўғирлаш жиноятлари бўйича воқеа жойида буюм ва предметларнинг тартибсиз ётганлигига (товарларнинг ҳар томонга сочиб ташланганлиги, полда пул ва бошқа қийматларнинг тартибсиз ётиши ва ҳ.к.) конфет, шакар ва бошқа озиқ-овқат маҳсулотларининг ерда сочилиб ётиши каби ҳолатларга асосий эътиборни қаратмоқ зарур. Бундан ташқари, воқеа жойини кўздан кечиришда сохта ўғирлик белгиларини кўрсатувчи салбий ҳолатларга ҳам эътибор бериш лозим.

Давлат ва жамоат мулкини ўғирлаш жиноятини сохталаш белгилари қуидагилар:

1) полда ётган ҳалқаси кесилган қулфда арраланганик аломатларини кўрсатувчи белгилар (қириндилар)нинг йўқлиги;

2) деворда ўйилган тешик ҳажми билан ўғирланган деб кўрсатилган буюмнинг ҳажми ҳақиқатга тўғри келиш ва келмаслиги: масалан, дўкон деворидан ўйилган тешикдан бир одам кириб чиқиши мумкин бўлсада, музлатгич ёки мазкур тешикка сифмайдиган катта габаритли буюм ўғирланганлиги тўғрисида шикоят қилинган бўлса;

3) девордаги тешикни ичкаридан ўйилганлигини кўрсатувчи белгилар мавжуд бўлса-да, эшик қулфини бузилганлиги тўғрисида ҳеч қандай из бўлмаса;

4) ўта қимматбаҳо предметларнинг йўқлиги тўғрисида маълумот мавжуд бўлса-да, уларнинг қаерда сақланиши фақат моддий жавобгар шахсга маълум бўлса.

Воқеа жойини кўздан кечириш тамом бўлгандан кейин дарҳол инвентаризация ўтказиш тайинланади, ўғирлик сохталаштирилган деған тахмин туғилганда эса корхона ва ташкилотда тафтиш ўтказиш тайинланади.

**Гувоҳларни сўроқ қилиш.** Давлат ва жамоат мулкини ўғирлаш ишлари бўйича дастлабки тергов ҳаракатларидан бири моддий жавобгар шахсларни, раҳбар, қоровул ва ўғирлик содир этилаётганда жиноятчиларни бевосита ўз кўзи билан кўрган шахсларни гувоҳ сифатида сўроқ қилиш хисобланади. Шахсий мулкларни ўғирлаш жиноят ишлари бўйича гувоҳ сифатида ўғирлик содир этилган хонадон аъзолари, қўшнилари сўроқ қилинади. Мазкур гувоҳларни сўроқ қилишда ўғирлик содир этилган объектга нисбатан ушбу гувоҳнинг қандай муносабатда эканлиги аниқланмоги лозим.

Юқорида кўрсатилган шахсларни сўроқ қилишда терговчи

қуйидаги масалаларни ҳал этишга эътибор бериши керак:

1) терговчи етиб келгунча воқеа жойидаги ҳолатга қандай ўзгартиришлар ким томонидан ва қандай мақсадда киритилганлиги;

2) ўғирлик қачон ва қандай ҳолатларда сезилганлиги;

3) мулк сақланнаётган жойдан нималар ўғирланганлиги (ўғирланган мулкнинг номи, тахминий сони, нархи ва ҳ.к.)

4) ўғирланган мулк қаерда турганлиги;

5) мулк сақланадиган жойни қўриқлаш қандай ташкил этилганлиги (қоровул, сигнализация орқали);

6) мулк сақланнаётган жой (омборхона, база ва ҳ.к.) қандай кулфланганлиги, калит кимда ёки қаерда сақланганлиги;

7) объектнинг ҳолати, унда қандай моддий қийматлар сақланнаётганлиги тўғрисида кимлар қизиқиб сўраганлиги;

8) ўғирлик содир этилиши даврида объектнинг яқинрогида кимни кўрганлиги;

9) сўроқ қилинувчи мазкур жиноятнинг содир этилишида кимни гумон қилиши.

Бу кўрсатилган ҳолатлар албатта йўналиш олиш хусусиятига эга бўлиб, аниқ воқеа шароитига ва ким сўроқ қилинишига қараб ўзгариши ҳам мумкин. Масалан: жабрланувчини ва моддий жавобгар шахсни сўроқ қилишда ўғирланган товар ва моддий қийматликлар ўғирлангани, уларнинг ҳажми тўғрисида маълумот олиши керак. Бундан ташқари моддий жавобгар шахс ўзини-ўзи ҳисоб-китоб, кирим-чиқим ишлари бўйича текшириб кўрилганлигини аниқлаш лозим. Бу текширув ўғирланган мулкнинг тури, нархи ва қийматини аниқлашга катта ёрдам беради. Бу ҳолатларни аниқлаш жиноятини ўз вақтида очишга катта ёрдам беради.

**Жабрланувчи ва моддий жавобгар шахсларни сўроқ қилиши.** Жабрланувчилар ва моддий жавобгар шахсларни сўроқ қилиш ўғирлик жиноятларини тергашда ўтказиладиган дастлабки тергов ҳаракатларидан ҳисобланиб, у орқали нафақат жиноятчни аниқлаш, ҳатто ушбу ишлар бўйича муҳим бўлган дастлабки маълумотларни ҳам олиш мумкин.

Кўрсатилган шахсларни сўроқ қилиш ўғирлик жинояти қандай ҳолатларда содир этилганлигини аниқлашдан бошланади. Сўроқ қилинувчидан ўғирланган мулкни ёки моддий қийматликларни қачон кўрганлиги ва қачон йўқолганлигини аниқлаб олиш зарур бўлади. Жабрланувчини сўроқ қилишда ўғирлик қачон ва қаерда содир этилганлигини, нима ўғирланганлигини, уларнинг номи, қиймати аниқланиши лозим. Ўғирланган мулкнинг баҳосини (суммасини) баъзи вақтларда

жабрланувчи ёки моддий жавобгар шахслар ўз нархидан ошириб айтишлари ҳам эҳтимол, ҳатто ўғирланган мулкнинг ўзига хос белгиларини айтолмаслиги ҳам мумкин. Бундай ҳолларда бошқа оила аъзоларини ҳам сўроқ қилишга тұғри келади. Агар хонадондан соат, радиоприёмник, магнитофон, фотоаппарат каби буюмлар ўғирланган бўлса, уйда уларнинг техник паспортлари бор ёки йўқлиги ҳам аниқланиши лозим.

Сўроқ вақтида жабрланувчидан ўғирликда кимни гумон қилишини сўраб билиш керак. Тураг-жойлардан ўғирлик содир этилганда жабрланувчидан у билан қўшни бўлиб шубҳали шахслар яшаш ёки яшамаслиги, уйида қимматбаҳо буюм ёки предметларнинг борлигини кимлар билиши мумкинлигини, уйида охирги марта ким бўлганлиги, уйдаги қимматли буюмлар билан кимлар қизикқанлиги каби масалалар аниқланиши лозим. Агар жабрланувчи ўғирликни кимлар содир этиши мумкинлиги, ҳатто аниқ шахснинг исми шарифини айтса, унда гумон қилиш асослари аниқланиши лозим.

Моддий жавобгар шахсни сўроқ қилишда қўйидаги ҳолатлар аниқланиши лозим: ўғирлик содир этилганлик вақти ва ким хабар берганлиги; ташкилотнинг иш тартиби қандайлиги; мулк сақланадиган жойга кимлар кириш ҳуқуқига эга эканлиги; объектнинг қўриқланиши тартиби; ушбу ташкилотда шубҳали шахслардан ишлаши ёки яқинда кимлар ишдан бўшатилганлиги; терговчи келгунча умумий ҳолат ўзгармаганлиги; қаердан нима ўғирланганлиги; агар пул ўғирланган бўлса, улар қанча эканлиги ва қаерда сақланганлиги.

Гумон қилинувчини сўроқ қилиш ўғирлик жинояти содир этилган пайтда унинг қаерда эканлигини аниқлашдан бошланади. Жиноятни содир этиши вақтида ушланган жиноятчилар асосан тўғри кўрсатув беришади. Гумон қилинувчи сифатида ушланган шахс эса жиноят содир этилган вақтда бошқа ерда эканлигини айтиб жиноятга ҳеч қандай алоқаси йўқлиги тўғрисида кўрсатув бериши ҳам мумкин. Бундай ҳолларда унинг берган кўрсатувлари деталлаштирилиб, текширилиб кўрилади. Бунинг учун воқеа жойидан топилган излар, тинтуб вақтида олинган ашёвий далиллар, ўғирлик жинояти содир этилаётганини ўз кўзи билан кўрган гувоҳлар кўрсатувлари жиноятчиларнинг ёлгон кўрсатувларини фош этиш мақсадида фойдаланилади. Агар гумон қилинувчи ўз айбига иқрор бўлиб, жиноят содир этилганини тан олса, жиноятни содир этиш билан боғлик бўлган барча ҳолатлар, унга тайёргарлик кўриш, қандай қуроллардан фойдаланганлиги, иштирокчилар аниқланади.

Гумон қилинувчи (айбланувчи) ларни сўроқ қилишда қатор масалалар ҳал этилиши лозим: гумон қилинувчи (айбланувчи)

нинг шахси тўғрисидаги маълумотлар, ўғирлик қаерда содир этилганлиги, уни содир этиш вақти ва усули, ўғирланган буюмлар ва уларнинг ўғирлангандан кейин қаерда сақланаётганлиги.

Агар иш бўйича бир неча гумон қилинувчи бўлса, унда терговчи қайси бирини биринчи сўроқ қилиш масаласини аниқлаши керак.

Айбини тан олган жиноятчиларни сўроқ қилишдаги асосий шарт-шароитлардан бири уларнинг берган кўрсатувларини деталлаштириш ҳисобланади. Ўғирлик содир этилган жой аниқлангандан кейин сўроқ қилинаётган шахсдан ўғирлик содир этилган объект қаерда жойлашганлиги, унинг ташки кўриниши, унга бориши йўллари ва ўғирлик содир этилган хона, дўкон, омбор ва бошқаларнинг ички ҳолати қандайлиги ҳам аниқланиши лозим. Жиноятни содир этиш усулини аниқлаш пайтида ўгри нима учун айнан ушбу усул танлаганлиги, тўсиқдан қандай ўтганлиги, тўсиқдан ўтишда, уни бузища қандай қурол ва предметлардан фойдаланганлиги, уларни қаердан олганлиги ва ўғирланган буюмларни қаерга қўйганлиги, қандай буюм ва моддий қийматлар ўғирланганлиги, улар хонанинг, дўконнинг қаерида турганлиги, ўғирланган буюмнинг ўзига хос хусусиятлари аниқланиши лозим. Кўрсатувнинг бундай деталлаштириш, уни тергов ва тезкор қидирив ҳаракатларини амалга ошириш даврида тўпланган маълумотлар билан солиштириб кўриш учун имкон беради.

Гумон қилинувчи ушлангандан кейин дарҳол шахсий тинтуб қилинади ва унинг турар жойида тинтуб ўтказилади. Агар гумон қилинувчи сифатида бир неча шахс ушланган бўлса, уларнинг турар жойларида бир вақтнинг ўзида тинтуб ўтказилади. Шахсий тинтубни ўтказишида асосий эътибор ўғирлик содир этилишида фойдаланилган қуроллар ёки мосламаларни, турли ҳужжатларни, ўғирланган буюмлар, предметларни қидириб топишга қаратилмоғи лозим. Тинтуб ўтказилалётган шахсларнинг чўнтагидан унинг шахсини билдирувчи ҳужжатлар, тўсиқни бузища (эшик, ром, девор ва ҳ.к.) кийимларида, баданида турли чанг, металл қириндилари қолиши мумкин. Бу изларга асосий эътиборни қаратмоқ лозим бўлади.

Гумон қилинувчилар ва ўғирланган мулклар яширилиши мумкин деб гумон қилинган шахсларнинг турар жойларида ҳам тинтуб ўтказилади. Кўпинча жиноятчилар ўғирланган буюмларни ертўла, чердак, молхона ва шунга ўхшаш жойларда сақлашлари мумкин. Шунинг учун бундай жойлар дикқат билан текширилиши лозим. Бундан ташқари ҳовли жойларда дараҳт таглари, томорқа жойлари ҳам албатта текширилиши шарт.

Тинтуб жиноятчини қидириб топиш мақсадида ҳам

ўтказилиши мумкин. Бундай вақтларда жиноятчининг яшириниб турган жойини у билан алоқа қилиб турган шахсларни кўрсатувчи турли ёзишмалар, почта квитанциялари ва ҳ.к.ларга алоҳида эътибор қаратилмоғи лозим.

Гумон қилинувчининг баданида жиноят изларини, белгиларини аниқлаш мақсадида гувоҳлантириш ҳам ўтказилади. Кўпинча жиноятчилар ўғирликни содир этишда шошилиб бирон аъзосини жароҳатлантириши, қўлида турли доғлар, чанг, тирнок тагида ёғ, ун, шакар ва ҳоказо маҳсулотларнинг қолдиқлари бўлиши мумкин. Бундай ҳолатларга ҳам алоҳида эътибор қаратилмоғи лозим.

Гувоҳ ва гумон қилинувчиларнинг кўрсатувларини текшириб кўриш учун тергов эксперименти ҳам ўтказилади. Ўғирлик жиноятини тергашда у ёки бу ҳаракатни бажариш қобилиятини текшириб кўриш мақсадида тергов эксперименти ўтказилади. Масалан: тинтуб вақтида гумон қилинувчидан олинган қалит билан ўғирлик содир этилгани, уй ёки бино эшигидаги қулфни ечиш мумкин ёки мумкин эмаслик ҳолатини текшириб кўриш.

Ўғирликни тергашда турли суд экспертизалиари ҳам тайинланиши мумкин. Кўпинча криминалистик, суд-тибиёт, суд-химия, товаршунослик экспертизалиари тайинланади.

Криминалистик экспертизаси энг кўп тарқалган экспертиза турларидан ҳисобланиб, ўғирлик жиноятларини тергашда трасологик хатшунослик (дастхатлик) экспертизалиари тайинланади. Воқеа жойидан кўпинча бармоқ излари, пойабзаллардан, бузиш қуролларидан қолган излар топилади. Терговчи излардан нусхалар (намуналар) олиб дактилоскопик ёки бузиш қуроллари, оёқ излари бўйича трасологик экспертиза тайинлайди. Суд-тибиёт экспертизаси ўғирлик содир этилган жойдан қонга ўхшаш доғлар, бузиш қуроллари, буюмлар, ойна синиқлари ҳамда чекиб ташланган папирос қолдиқлари, соч толалари топилганда тайинланади. Экспертиза ёрдамида воқеа жойидан қон доғлари мавжуд бўлган предметлар, бузиш қуролларидаги қон гуруҳи гумон қилинувчи сифатида ушланган шахснинг қон гуруҳига тўғри келиши ёки келмаслиги масалалари ҳал этилади. Бу маълумотлар гумон қилинувчининг ўғирлик содир этишга алоқадор эканлигини ҳал этишда муҳим аҳамиятга эга.

Суд-химия экспертизаси гумон қилинувчидан ёки бузиш қуролларидан топилган турли моддалар (клей, буёқ, чанг, турли кимёвий модда доғлари) таркиби воқеа жойидан олинган моддалар таркибига мос келиши масаласини ҳал этиш мақсадида тайинланади.

Товаршунослик экспертизаси асосан ўғирланган предметларнинг гумон қилинувчидан топилган предметлар билан бир

таркибли ёки фарқ қилиши масаласини ҳал этиш мақсадида тай-инланади.

### **3-ғ. Талончилик ва босқинчилик жиноятларини тергаш**

Талончилик ва босқинчилик жиноятлари хавфли ва оғир жиноятлар туркумiga кириб, давлат ва жамоат ҳамда фуқароларнинг шахсий мулкини эгаллашга қаратилган бўлади.

Талончилик ва босқинчилик жиноятлари бўйича жиноят ишини қўзгатиш учун асос қилиб қуидагилар олинади:

- 1) жабрланувчиларнинг берган аризалари;
- 2) мансабдор шахсларнинг давлат мулки сақланаётган жойга ёки уни қўриқлаётган қоровулга ҳужум қилиб мулкни ўғирлаганлиги тўғрисидаги аризаси;
- 3) талончилик ва босқинчилик қилиш мақсадида шикаст етказилган шахсга тиббий ёрдам кўрсатаётган тиббий муассасалардан берилган хабарлар;
- 4) ички ишлар органлари бевосита талончилик ва босқинчиликни аниқлаганлиги.

Талончилик ёки босқинчилик жинояти содир этилганлиги тўғрисида хабар олингандан кейин ўтган вақтни инобатта олган ҳолда ички ишлар органи тезкор ходимлари ёрдамида зудлик билан жиноятчини ушлашга қаратилган тезкор-қидирув ишларини амалга ошириш лозим. Ундан кейин жабрланувчидан ҳодиса қандай ҳолатда содир этилганлиги тўғрисида сўраб олинади. Сўраш қисқа бўлиши, бу вақт ичida терговчи ёки суриштирувчи жиноят белгилари борлиги тўғрисида бир ҳulosага келишлари лозим. Шу ҳолатнинг ўзи жиноят ишини қўзгатишга асос бўлади.

Ўтказиладиган дастлабки тергов ҳаракатларининг кетма-кетлиги жиноятчининг жиноят содир этиш вақтида ушлангани ёки жиноятнинг содир этиш ҳолати бўйича жиноят иши қўзгатилганлигига боғлиқ. Агар жиноят иши жиноятнинг содир этиш ҳолати бўйича қўзгатилган бўлса, тергов дарҳол жабрланувчини сўроқ қилиш, воқеа жойини кўздан кечириш, жабрланувчининг кийимларини кўздан кечириш ва гувоҳлантириш, жабрланувчини суд-тиббиёт экспертизасидан ўтказиш, гувоҳларни сўроқ қилишдан бошланади.

**Жабрланувчини сўроқ қилиш.** Талончилик ва босқинчилик жиноятларини тергашда жабрланувчилар иш учун муҳим аҳамиятга эга бўлган маълумотларни беришлари мумкин. Сўроқ жараёнида жабрланувчининг руҳий ҳолати албатта инобатта олиниши зарур. Жабрланувчи унга ҳужум уюштирилганда қўрққанидан ҳушидан кетиб қолиши ёки содир этилган ҳодисани барча деталларигача эслаб қоломаслиги мумкин. Ушбу турдаги

жиноялтлар кўпинча қоронгулик пайтида содир этилади. Жабрланувчи жиноячиларнинг ташки кўриниш белгиларини яхши эслаб қололмаслиги, қоронгуликда уларнинг қўлидаги қурол турларини яхши ажратса олмай қолишлари мумкин. Баъзи вақтларда жиноячилар ҳакиқий тўппонча ўрнига ёғочдан ясалган ёки ўйинчоқ тўппончалардан фойдаланишлари ҳам учраб туради. Жабрланувчи қўрқув ёки яхши эътибор бермаганлиги натижасида, жиноячилар қуролланган эдилар, деган кўрсатув беради.

Жабрланувчи ўзига нисбатан ҳужум уюштирилгандан кейин тўлалигича ўзига келмаган ёки бўлиб ўтган ҳодисани батафсил эслай олмайдиган ҳолатда бўлади. Шунинг учун терговчи уни тинчлантириши зарур, хавф ўтиб кетганлиги, ўзини қўлга олиши ва бўлиб ўтган воқеани яхши эслашини тушунтириши керак. Жабрланувчи эс-хушини таклагандан кейин сўроқ қилиниб, қўйидагилар аниқланади:

- талончилик ва босқинчилик қачон ва қаерда (шахар, кўча, парк ва ҳ.к.) содир этилганлиги;
- ҳужум уюштирилганда жабрланувчи бир ўзи ёки у билан бошқа шахслар ҳам борлиги, агар бўлган тақдирда ким бўлганлиги ва уларни қандай топиш мумкинлиги;
- ҳужум қилинган жойга нима мақсадда борганлиги;
- талончилик ва босқинчилик содир этилаётган вақтда жиноячиларнинг ҳаракатлари нималарда ифода этилганлиги: жиноячилар пул талаб қилганлиги ёки қўлидан сумкачасини тортиб олганлиги, жиноячилар бир неча шахс бўлса улар ўзаро нималар тўғрисида гаплашганлиги, бир-бирига исми шарифи ёки лақаб билан мурожаат этганлиги;
- жабрланувчи талончилик ёки босқинчилик натижасида қандай зарар кўрганлиги: қанча сўм пулини олганлиги, қандай нарсаларни олган бўлса уларнинг номи, қиймати, ўзига хос белгилари ва рақамлари;
- жабрланувчининг қаршилиқ кўрсатган ёки кўрсатмаганлиги;
- воқеани кимлар кўрганлиги ёки унга ҳужум қилинганлигини кимлар тасдиқлаши мумкинлиги;
- жиноячилар транспорт воситасидан фойдаланган бўлсалар, унинг маркаси, ранги ва қайси томонга кетганлиги.

Сўроқ вақтида жабрланувчининг кўрсатуви мумкин қадар аниқлаштирилиши ва деталлаштирилиши лозим. Айниқса, баён-номада жиноячиларнинг ташки кўриниш белгилари жинси, ёши, бўйи басти, ташки қиёфаси, бош ва оёқ кийимининг тури, ранги батафсил ёритилиши лозим. Агар жиноячилар жабрланувчиларнинг устки кийимини ечиб олган бўлса, уларнинг чўнтағида ни-

малар бўлганлиги аниқланади, агар давлат ва жамоат мулки босқинчиллик ёки талончилик билан талон-тарож қилинган бўлса, жабрланувчи сифатида ушбу корхонанинг ходими сўроқ қилиниб ўғирланган мулк қаерда, қандай сақланганлиги, уларни ким тасарруф этганлиги аниқланади.

Жабрланувчи хужум натижасида қўрқани туфайли жиноятчиларнинг сони, ташқи кўриниш белгилари, жиноятнинг содир этилиш холати тўғрисида нотўғри кўрсатув бериши ҳам мумкин. Бундай вақтларда жабрланувчининг берган маълумотлари танқидий нуқтаи назардан баҳоланиб, улар иш бўйича тўпланган, маълумотлар билан солишириб кўрилиши шарт. Жабрланувчининг дастлабки сўроқ вақтида берган кўрсатувларини деталластириш, аниқлаштириш мақсадида сўроқни жиноят содир этган жойга чиқиб ўтказиш мақсадга мувофиқдир. Бу ўз навбатида кўрсатувнинг тўғрилигини, тўлалигини таъминлашга ёрдам беради.

Талончилик ва босқинчиллик билан bogлиq бўлган ҳодиса содир бўлган жойни кўздан кечириш жабрланувчи сўроқ қилингандан кейин дарҳол ўтказилади. Ҳодиса жойи, кўчалар, курилиш майдонлари, шаҳар дам олиш боғлари, шаҳар транспорт воситалари (автобус, троллейбус, трамвай ва ҳ.к) салонлари, турар жойлар бўлиши мумкин. Кўздан кечиришни ўтказища жабрланувчи ва ҳодисани ўз кўзи билан кўрган гувоҳнинг иштирок этиши мақсадга мувофиқдир, чунки уларнинг иштироки кўздан кечириш чегарасини аниқлаб олишда ва жиноят изларини кидириб топишда ёрдам беради.

Воқеа жойини кўздан кечиришда мутахассис криминалистнинг иштирок этиши ҳам жуда зарур, чунки у топилган бармоқ изларидан, пойабзал, транспорт воситалари ва бузиш қуролларидан кўчирма нусхалар олишда терговчига ёрдам беради. Шу боисдан воқеа жойига чиқадиган гурух таркиби мутахассис-криминалистни ҳам киритиш зарур.

Талончилик ва босқинчиллик жиноятлари бўйича воқеа жойини кўздан кечиришда инспектор-кинолог ҳам иштирок этиши мумкин.

Воқеа жойини кўздан кечиришда терговчи қўйидаги вазифаларни бажаришга ҳаракат қилиши лозим:

1. Жиноятчилар томонидан воқеа жойида ва унга туташ бўлган ҳудудларда қолдирган турли изларни пойабзал, транспорт воситаси, бузиш қуролларидан қолдирилган излар, қон доғларини кидириб топиш;

2. Жиноятчилар томонидан эсидан чиқиб қолдириб кетган ёки ташлаб юборилган турли предметларни ёки ўzlари билан жабрланувчи ўртасида хужум вақтида олишув бўлганда

қолдириб кетган предметларни (қурол, папирос қолдиги, бош кийими ва ҳ.к.) қидириб топиш;

3. Жиноятчининг воқеа жойида бўлганлигидан далолат берувчи излар ва предметларни, жиноятчиларнинг кийимларида, фойдаланган транспорт воситасида қолдирилиши мумкинлигини аниқлаш (Масалан: лой, тупроқ, чанг, бўёқ, қон излари ва ҳ.к.);

4. Воқеа жойи ҳолатини ва изларни криминалистик-техникавий воситалар ёрдамида қайд этилишини таъминлаш чорасини кўриш лозим. (Масалан: фотосуратга олиш, видеотасвирга тушириш, нусхалар олиш).

Кўздан кечиришни ҳужум уюштирилган жойдан бошламоқ лозим. Бу жойлардан жиноятчининг оёқ излари, ташлаб юборилган ёки тушириб қолдирилган жиноят қуроллари (пичоқ, устара, кастет ва ҳ.к.) отилган гильза ва ўқлар, жиноятчиларнинг тиши излари қолган предметлар, папирос қутичаси ва қолдиги, дастрўмол, гугурт, олишув вактида юлинган тугма, кийим парчалари, бош кийим ва бошқа буюмлар топилиши мумкин. Бу топилган из ва буюмларда жиноятчилар тўғрисида муҳим маълумотлар бўлиши мумкинлигини назарда тутиб, улар диққат билан кўздан кечирилиши лозим. Масалан: воқеа жойидан топилган пойабзal излари жиноятчилар кийиб юрган пойабзal тури, размери, жиноятчиларнинг қаёқдан келиб, қайси томонга кетганлигини, транспорт воситаси протекторидан қолган излар бўйича жиноятчилар қандай транспортдан фойдаланганлигини, бош кийимидан топилган сочи бўйича, сочнинг ранги тўғрисида хуносага келиш мумкин.

Хужум қилинган жой кўздан кечирилгандан кейин, унга туташ бўлган жойлар кўздан кечирилади. Воқеа жойидан жиноятчилар кетган из бўйича кузатиб борилса, йўлма-йўл унча аҳамиятли бўлмаган, арзимайдиган предмет ёки буюмларни ташлаб кетган ёки тушириб қолдирганлиги аниқланиши мумкин.

Масалан, жиноятчилар сумкача ёки ҳамённи тортиб олгандан кейин ичидаги пул ва бошқа қимматли буюмларни олиб, ўша ернинг ўзидаёқ ёки воқеа жойидан бир оз узоқлашгандан кейин отиб юборишлари мумкин. Жиноятчилар ташлаб кетган предметлар, ўгирланган буюмлар топилганда улар диққат билан кўздан кечирилади, чунки уларда жиноятчилар ўзларининг бармоқ изларини қолдирган бўлишлари мумкин.

Агар талончилик ёки босқинчилик турар жойларда содир этилган бўлса, юқорида қайд этилган из ва предметлардан ташқари хонадонларга кириш жойларида, эшикда ва ичидаги бузиш аломатлари мавжуд бўлганда, бузиш қуролларининг турини аниқлаш мақсадида улар диққат билан кўздан кечирилади, бузиш қуролини қидириб топиш чоралари кўрилади.

Жабрланувчини сўроқ қилгандан ва воқеа жойида кўздан кечиришни ўтказгандан кейин, кечикириб бўлмайдиган баъзи тергов ҳаракатларини ўтказиш лозим бўлади. Уларга гувоҳларни сўроқ қилиш, суд-тиббиёт экспертизасини тайинлаш, жабрланувчининг кийимини кўздан кечириш ва гувоҳлантириш каби тергов ҳаракатлари киради.

Гувоҳларни сўроқ қилишда уларнинг кузатувига таъсир этувчи объектив ва субъектив омилларга ҳам эътибор бериш лозим. Масалан, жиноят содир этилган жойнинг ёритилганлиги, масофа, ҳодисанинг тез бўлиб ўтганлиги, кўриш ва шунга ўхаш ҳолатлар. Шунинг учун ҳам уларни сўроқ қилишда биринчи навбатда ҳодиса қачон содир этилганлигини, об-ҳаво қанақалиги, ёритилиш қандай эканлиги, ҳодиса содир этилаётганда қаерда турганлиги, кўриш қобилияти қандайлиги, нима учун ҳодиса содир этилган жойга ўз эътиборини қаратганлиги аниқланади. Кузатиш жараёнида у нималарни кўрганлиги, яъни жабрланувчини кўрган бўлса, у қандай кийимдалиги ва ҳужум вақтида нима қилганлиги, агар жиноятчиларни кўрган бўлса, кўриниши қандай эканлиги, қайси томондан келганлиги ва ҳар бирининг ҳаракати нималарда ифода этилганлиги ва қайси томонга қараб кетганлигини аниқлаш муҳим аҳамиятга эгадир.

Суд-тиббиёт экспертизасида жабрланувчига етказилган тан жароҳати, унинг даражаси, танага етказилган шикаст (жароҳат) вақти, қўлланилган қурол, натижада жабрланувчининг меҳнат қобилиятини йўқотганлиги аниқланади. Баъзан жабрланувчи баданига жароҳатни ўзи етказиши мумкинми, шикаст етказилишида жабрланувчи билан жиноятчи (ҳужум қилган шахс)нинг ўзаро жойлашиши қандай бўлганлиги каби ҳолатлар аниқланиши лозим.

Агар суд-тиббиёт экспертизасини тайинлаш зарурати бўлмаса, жабрланувчининг баданида шикастланиш белгилари бор-йўқлигини аниқлаш мақсадида гувоҳлантириш ўтказилади. Гувоҳлантириш Жиноят процессуал кодексининг 142-147-моддаларида кўрсатилган талаблар асосида ўтказилади.

Талончилик ва босқинчилик жиноятларини содир этиш вақтида, агар жабрланувчи қаршилик кўрсатган бўлса, улар олишув пайтида ҳар иккаласининг ҳам ташқи кийимида уларнинг толалари қолиши мумкин. Уларнинг кийимлари олиниб, ЖПКнинг 135, 140-моддалари талабларига риоя қилган ҳолда кўздан кечириш ўтказилади. Кийимларни кўздан кечириш яхши ёритилган хонада катталаштириб кўрсатадиган лупалар ёки микроскоплардан фойдаланиб ўтказилади. Кўздан кечиришда ҳосил бўлган шикастлар асосида жиноятчилар қандай қуроллардан фойдаланганлиги ҳамда жабрланувчининг кийимида

қолган қон дөглари ва микрозаррачалар аниқланади.

Дастлабки тергов ҳаракатларини ўтказиш билан бирга ички ишлар органлари ходимларига жиноятчилар ва ўғирланган мулкни қидириб топиш учун тезкор-қидириув ишларини амалга ошириш тўғрисида кўрсатмалар берилади. Жиноят содир этилишидаги аниқ ҳолатни, ўтказилган дастлабки тергов жараёнида тўпланган маълумотларни инобатга олган ҳолда ўтказиладиган тезкор-қидириув тадбирларига қўйидагиларни киритиш мумкин:

- 1) жиноятчи қочиб улгурган бўлса, унинг изидан қувиш гурухи таркибига жабрланувчи ёки гувоҳни киритиш зарур;
- 2) яширган жиноятчини қидириб топиш мақсадида атрофдаги ҳудудларни қараб чиқиши;
- 3) хизмат итидан фойдаланиш;
- 4) жиноятчилар қочиб кетишининг олдини олиш мақсадида милиция ходимлари ва жамоатчилик вакиллари ёрдамида йўлларда, станцияларда, пристанларда тўсиқ ўрнатиб уларнинг йўлини тўсиш ишларини ташкил этиш;
- 5) жиноячилар келиши мумкин бўлган жойларда кузатишини ташкил этиш;
- 6) жиноятчиларни кўрган шахсларни аниқлаш;
- 7) жиноятчилар ўтиши мумкин бўлган аҳоли пунктлари, милиция органларини, темир йўл станцияларини ва қўшни туман ва вилоят ички ишлар органларини жиноятчиларнинг белгилари ва ўғирланган мулк турлари маркаси ва бошқалар тўғрисида хабардор қилиш;
- 8) бозорларда, ломбардларда, дўконларда қўл юкини сақлаш камераларида, вокзал ва аэропортларда ўғирланган мулкни сотаётган ёки сақлашга топшираётган шахсларни ушлаш мақсадида кузатувни ташкил этиш.

Ушбу тезкор-қидириув тадбирларининг қанчалик тез ва мохирона ўтказилиши жиноятчилар ва ўғирланган мулкларни ўз вақтида ушлаш ва қидириб топишда катта аҳамиятга эга.

Терговнинг вазифасига мазкур жиноятларнинг олдини олиш масаласи ҳам киради.

Ўғирлик, талончилик ва босқинчилик жиноятларининг содир этилишига олиб келган ҳолатлар ва сабабларни аниқлашни терговчи жиноят иши қўзгатиш босқичидан бошлайди ва дастлабки тергов тамом бўлгунга қадар давом эттиради.

Маълумки, бу жиноятларнинг содир этилишининг асосий сабаблари айрим шахсларнинг онгида жамият манфаатларига зид бўлган қарапшлар ҳисобланади. Терговчининг вазифалари, биринчидан, бундай қарапшларнинг пайдо бўлишига олиб келувчи омилларни, иккинчидан, бу омилларнинг амалга оширилишига

имкон яратувчи ҳолатларни аниқлашдан иборат.

Талончилик ёки босқинчилик жиноятларининг содир этилишига сабаб бўлган ҳолатлар икки гурухга бўлинади. Биринчи гурухга кирувчи типик ҳолатларга қўйидагиларни киритса бўлади: ёш ўспириналарнинг назоратсиз қолдирилиши, айрим оиласарда уларга нисбатан салбий таъсир кўрсатилиши оиласа сурункасига спиртли ичимликларнинг истеъмол қилиниши, оиласа эгоизм, қўпоплик, атроф-мухитга нисбатан месимаслик, баландимоғлик билан қарашиб. Бу ҳолатларга мактабларда, ўқув муассасаларида ҳамда ишлаб чиқариш жамоаларида тарбиявий ишларнинг сустлиги, яшаш жойидаги жамоат ташкилотларининг фаолиятсизлигини қўшиш мумкин.

Бирон-бир маънавий негизга эга бўлмаган, ўзининг бўш вақтларини қандай ўтказишни билмайдиган ўспирин ичкилиkbозлилкка, карта ўйинларига берилиб кетади, натижада аввал кичикроқ, кам аҳамиятли бўлган хукуқбузарликларни содир этадилар, кейинроқ унинг онгидаги жазосиз қолиб кетиши аломатларининг пайдо бўлиши натижасида оғирроқ, яъни талончилик ёки босқинчилик жиноятларини содир этишгача олиб келади.

Иккинчи гуруҳ ҳолатларига қўйидагилар киради: 1) маъмурӣ органлар фаолиятида йўл қўйиладиган камчиликлар: текинхўрларча турмуш кечираётган шахслар жиноятчилар мухитига тушиб (шахслар) қолиши, жиноий гуруҳлар билан ишлашнинг суст олиб борилиши; талончилик ва босқинчилик жиноятларининг тўла очилмай қолиши; ўқ-отиш ва совуқ қуролларни тортиб олишдаги бепарволиклар; жамоат тартибини қўриқлаш органларининг фаолиятсизлиги; турар жой атрофларининг яхши ёритилмаганлиги;

2) жабрланувчиларнинг маънавий ва ахлоқий бузуқлиги;

3) моддий қимматликлар билан муомала қилиш қоидаларининг бузилиши. Масалан: ғазначи ёки инкассаторларнинг пул маблағларини қўриқчисиз транспортда олиб юриши.

Талончилик ва босқинчилик жиноятларини келтириб чиқарган сабаблар, ҳолатлар аниқлангандан кейин терговчи тегишли корхона, муассаса ва ташкилотларга жиноятларнинг олдини олиш тўғрисида тақдимнома киритади. Тақдимномада жиноятнинг содир этилишига имконият яратиб берганликлари кўрсатилиши билан бирга ушбу ҳолат ва шарт-шароитларни бартараф этиш чораларини ҳам кўрсатади.

Талончилик ва босқинчилик жиноятларининг олдини олиш чора-тадбирларига қўйидагиларни киритиш мумкин:

1) ички ишлар органлари, пост-патруль хизматини яхши ташкил этиш;

2) кўча ва жамоат жойларидан маст ҳолатда юрган шахсларни четлатиш;

3) милиция органлари ва жамоатчилик ёшларнинг ўқ отиш ёки совуқ қуролларини тақиб юриши билан боғлиқ ҳолатларга қарши кураш олиб бориши;

4) жабрланувчининг хулқини иш жойи йигилишида муҳокама этиш.

Такдимномада, шунингдек, корхона раҳбарияти номига ёшларни ишга жойлаштириш, меҳнат шароитлари ва "дам олиш вақтларини яхши ўtkазишини таъминлаш масалаларига эътиборсизлик билан қараганликлари қайд этиб борилади.

## **29-боб. ФИРИБГАРЛИК ЖИНОЯТИНИ ТЕРГАШ УСЛУБИ**

### **1-§. Фирибгарликнинг криминалистик тавсифи**

Фирибгарлик деганда ўзгалар мулкини (давлат, жамоат ёки фуқароларнинг шахсий мулклари) алдаш ёки ишончни сунистеъмол қилиш йўли билан қўлга киритиш тушунилади. Мазкур жиноятни тергаш ўзига хос хусусиятларга эга. Биринчидан, фирибгарлик жиноятининг содир этилиши бошқа жиноятлар содир этилишидан фарқ қиласди. Жабрланувчилар фирибгарлар билан бир қанча вақт, баъзи вақтларда узоқ муддат давомида ўзаро муносабатда бўладилар. Шунинг учун ҳам жабрланувчилар жиноят содир этилгандан кейин фирибгарнинг ташки кўриниши, белгилари тўғрисида тўлароқ маълумот беришлари мумкин.

Иккинчидан, фирибгар маълум даражада бошқа жиноятчилардан (ўғри, талончи, безори) фарқ қиласди. Кўп ҳолларда фирибгарлик вояга етган, ёши катта шахслар томонидан содир этилади. Улар жиноятни содир этишда ўзларининг айё兒лик ва чапдастлик қобилиятларини ишлатиб одамларни ўзига жалб этадилар, уларда ўзларига нисбатан ишонч ва қизиқиши уйғотадилар.

Учинчидан, фирибгарлик баъзи вақтларда фуқароларнинг ўзларини ноурин истаклари натижасида содир этилади. Жабрланувчилар фирибгарга нисбатан ўта ишонч ва очиқ кўнгиллик билдирадилар ва шу билан ўзларини алданиб қолганларини билмайдилар.

Фирибгарларни шартли равишда беш гурухга бўлса бўлади: биринчи гурухга қўнимсиз, доимий равишда дайдиб юрадиган фирибгарлар- учарларни (гастролер) киритса бўлади. Улар жиноятни содир этиш биланоқ яширинади.

Иккинчи гурухга доимий яшаш ва иш жойи бўлмаган, фирибгарлик билан бир неча бор судланган шахсларни киритиш мумкин.

Учинчи гурухга майда фирибгарлик содир этадиган шахслар киради.

Тўртинчи гурух ўзларининг енгилтаклиги туфайли ёки бошқа шахслар ёки ҳолатлар таъсирида биринчи маротаба фирибгарликни содир этган шахслардан иборат.

Бешинчи гурухга олдин судланмаган, узок чўзилган фирибгарликни содир этган, жумладан, ноқонуний равишида нафақа (пенсия) олиб турган шахслар киради.

Фирибгарлик жиноятини тергашда исботланиши лозим бўлган ҳолатлар мавжуд бўлиб, уларга жиноятни содир этиш усули, жиноят содир этилишида жабрланувчининг роли, фирибгарлик жиноятининг содир этилишига имконият яратган шароитлар киради.

## ФИРИБГАРЛИКНИ ТЕРГОВ ҚИЛИШ УСЛУБИНИНГ АСОСЛАРИ

### АНИҚДАНИШИ КЕРАК БЎЛГАН ҲОЛАТЛАР

Фирибгарлик содир этилганми?

Фирибгарлик содир этилган жой, вақти шароитлари, усуллари, ким жиноятнинг шоҳиди бўлганлиги

Фирибгарлик кимга нисбатан содир этилган?

Фирибгарлик предмети, фирибгар қанча миқдордаги пулни ноқонуний йўл билан кўлга киритганлиги

Жиноятчининг шахси ҳақидаги маълумотлар

Фирибгарлик жиноий гурухи ва учинг ҳаракатларида иштирок этган бошқа шахслар ҳақида маълумотлар (таркиби, сони, техник жиҳозланганлиги, алоқалари, ихтинослашуви)

Жабрланувчининг шахси ҳақидаги маълумотлар, фирибгар билан муомала қилинган ҳолатлар

Фирибгарлик содир этилишига кўмаклашган шароитлар

### 2-ғ. Дастлабки тергов ва тезкор-қидирув ҳаракатлари

Фирибгарликнинг содир этилиш усулларини билиш терговни муваффақиятли олиб боришга имкон беради, чунки шу асосда у ёки бу тергов ҳаракатларини ўтказиши режалаштирилади, уларни ўтказишнинг кетма-кетлиги ва тактикаси аниқланади ҳамда тезкор-қидирув тадбирлари белгиланади. Фирибгарликнинг кўп

тарқалган усулларига қуидагиларни киритиш мумкин:

- 1) ижтимоий таъминот органларидан давлат нафақалари ва бошқа тұловларни сохта хужжатлар ёрдамида ноқонуний йүл билан олиш, бундай хужжатлар корхона, муассаса ва ташкилотлар мансабдор шахсларидан пора бериш орқали сотиб олинади;
- 2) у ёки бу товарларни кредиттә олиш йўли билан давлат мулкини эгаллаш ва қолган суммани тұлашдан бош тортиш;
- 3) давлат ва жамоат мулкини сохта ёки ўзгаларнинг хужжатини кўрсатиш йўли билан эгаллаш;
- 4) давлат ва жамоат мулкини кўп микдордаги пулларни майдалаб олишда кассирларни ҳисобда алдаш йўли билан эгаллаш.

Фуқароларнинг шахсий мулкини фирибгарлик йўли билан эгаллаш усулларидан бири:

1) харидорга у сотиб олаётган нарса ўрнига бошқа нарсани бериш тез-тез учрайди. Бу ҳолларда тергов режаси тузишда ва тегишли версиялар юритилади. Юритиладиган типик версияларга шартли равища қуидагиларни киритиш мумкин:

- 1) Фирибгарлик ҳақиқатан ҳам юз берганми?
- 2) фирибгарлик содир этилмаган, лекин аризачи вижданан адашган?
- 3) фирибгарлик содир этилмаган, лекин аризачи атайлаб ёлғон хабар берган (фирибгарлик).

Фирибгарлик жиноягини тергашда хусусий версиялар ҳам юритилиши мумкин, уларга қуидагилар киради.

- 1) фирибгарларни шахси тўғрисида;
- 2) содир этилган жиноят натижасида олинган мулкларни сақлаш ва сотиш ҳойлари тўғрисида;
- 3) фирибгарлик содир этилиш ҳолатлари тўғрисида;
- 4) фирибгарлик натижасида келтирилган зарар микдори тўғрисида.

Агар терговнинг бошланишида фирибгарнинг шахси аниқ бўлмаса, дастлабки тергов ҳаракатларида қуидагилар амалга оширилади: жабрланувчини сўроқ қилиш, кўздан кечириш, фотосуратлар орқали таниб олиш учун кўрсатиш, гумон қилинувчини ушлаш, тинтуб қилиш, сўроқ қилиш.

Жабрланувчи ёки моддий жавобгар шахсни сўроқ қилишда жиноят содир этилишидаги барча ҳолатлар аниқланиши керак. Шуни назарда тутиш керакки, баъзи вакъларда жабрланувчилар содир этилган жиноят тўғрисида қўрқиб ёки уялиб, истаристамас кўрсатув берадилар. Терговчи бу ҳолатларни эътиборга олиб у билан психологияк алоқа ўрнатишга ҳаракат қилиши керак

ёки шундай ҳолат яратиш керакки, жабрланувчи сўроқ вақтида ўзини эркин ҳис этсин.

Фирибгарлик жиноятини тергашда фирибгарларнинг алоҳида ва кўзга ташланиб турадиган белгиларини аниқлаш муҳим аҳамиятга эга. Баъзи ҳолларда сўроқ қилинувчига шахсларнинг ташки кўринишини характерловчи суратларни кўрсатиш мумкин. Агар жабрланувчи фирибгарнинг ташки кўриниши белгиларини эслаб қолган бўлса, унга юз тузилиши белгиларини чизиб кўрсатиш таклиф этилади.

Жабрланувчини сўроқ қилишда қуидаги ҳолатлар мумкин қадар мукаммал аниқланиши керак:

- 1) фирибгарлик қачон, қаерда содир этилганлиги;
- 2) жабрланувчи қандай ҳолатларга кўра, жиноят содир этилган жойда ҳозир бўлганлиги;
- 3) фирибгарлар неча киши бўлганлиги, улар ўзларини қандай тутганлиги, бир-бирлари билан қандай муомала қилганликлари;
- 4) жиноятчилар фирибгарликнинг қандай усувларидан фойдаланганлиги;
- 5) фирибгарлар жабрланувчига қандай предмет ёки ҳужжатлар берганлиги;
- 6) қандай буюмларни олганлиги;
- 7) содир этилган жиноят тўгрисида жабрланувчи кимга хабар берганлиги.

#### **Предметлар, ҳужжатлар ва воқеа жойини кўздан кечириш.**

Жиноят изларни ва бошқа ашёвий далилларни қидириб топиш, қайд этиш ва олиш мақсадида кўздан кечириш ўтказилади. Жабрланувчиларнинг ёnlаридан ёки жиноят содир этилган жойидан ҳужжатлар, нарсалар, қалбаки пуллар, турли ёзувлар, квитанциялар, паспорт, гувоҳнома, ишончнома топилиши биланоқ дарҳол кўздан кечирилиши лозим, бу ўз навбатида жиноятчининг шахси тўгрисида маълумотлар тўплаш имкониятини беради.

Жабрланувчилар томонидан терговчига берилган предмет ва ҳужжатларни улардан фирибгарларнинг бармоқ изларини қидириб топиш мақсадида диққат билан кўздан кечириш керак.

Фирибгарлик жинояти содир этилгандан кейин ўтган вақтни инобатга олган ҳолда воқеа жойида кўздан кечириш ўтказилади. Ушбу жиноят иши бўйича воқеа жойи тушунчаси кенгроқ маънога эга. Фирибгар жабрланувчи билан бир жойда танишиб олиши мумкин, бошқа жойда уни алдаши ва учинчи жойда эса ундан пул ёки қимматбаҳо нарсаларни олиб яшириниши мумкин. Аниқ вазиятга қараб қаерни ва қандай ҳолатларни кўздан кечиришни терговчи ўзи ҳал қиласи. Ҳар эҳтимолга кўра, фирибгар ва жабрланувчининг охирги учрашган жойи албатта кўздан ке-

чирилиши шарт.

Воқеа жойини кўздан кечиришда терговчи унинг умумий ҳолатини бевосита ўрганади, фирибгарликнинг қаерда содир этилганлитини, жиноятчи бу жойни олдиндан билиши ёки билмаслигини, кириш ва чиқиш йўлларини билиши каби ҳолатларни аниқлайди.

Фирибгарлар томонидан қолдирилган қўл изларини қидириб топишда, жабрланувчиларнинг иштирок этиши мақсадга мувоғиқ, чунки улар қандай предметларга фирибгар қўл урганлигини айтишлари мумкин.

Дастлабки терговни амалга ошириш билан бир вақтда фирибгар ва у гайриқонуний эришган мулкни қидириб топиш мақсадида тезкор-қидириув тадбирлари ҳам олиб борилади.

Фирибгарлик жиноятини очиш ва фирибгарларни қидириб топишда кенг жамоатчилик ёрдамига суюниш лозим. Уларнинг фирибгарларни қидириб топишдаги иштирок этиш имкониятлари турлича бўлиши мумкин: милиция ходимлари ишчи-хизматчилар йигилишларида, маҳаллий радио орқали, телевидение ва матбуот воситалари орқали чиқишларидан кейин уларнинг ёрдамлари тегиши мумкин.

Энг аввало, фирибгарларни иссиғида қидириб топиш тадбирлари амалга оширилади. Бу тадбирларни махсус тузилган тезкор-қидириув грухси амалга оширадилар. Улар дўконлар, бозорлар, вокзал ва метроларда патруллик қилиб фирибгарларни кузатадилар. Фирибгарларни қидириб топишда жиноий рўйхатдан ҳам кенг фойдаланилади.

Фирибгарлар ушланиш вақтида турли ҳийла-найранг ишлатишилари мумкин. Бундай вақтларда ушланганларнинг хатти-ҳаракати зимдан кузатилмоғи керак, уларни қочиб қолишининг олдини олиш, жиноят қуроллари, жабрланувчидан олган пул ва буюмларни отиб юбормаслик чораларини кўриб қўйиш керак. Фирибгарликда гумон қилинган шахслар ушланганда дарҳол шахсий тинтувдан ўтказиш даркор ва ундан фирибгарлик билан топилган барча пул, қимматбаҳо нарсалар олиб қўйилади.

## 2-ғ. Кейинги тергов ҳаракатлари

**Гувоҳларни сўроқ қилиш.** Фирибгарлар жиноятни одатдагидек, жабрланувчининг ва бошқа шахсларнинг иштирокисиз амалга оширишга ҳаракат қиласидилар, шундай бўлса ҳам фирибгарликнинг содир этилиши тўгрисида ниманидир гапириб бериши мумкин бўлган гувоҳларни аниқлаш мумкин. Бундай гувоҳлар жабрланувчининг фирибгарга пул ёки бошқа

қимматли буюмларни берганлигини ўз кўзи билан кўрган, сұхбатини эшитган, фиригарнинг жиноятни содир этишидан олдинги ва кейинги ҳаракатларини кузатган бўлишлари мумкин. Баъзи вақтларда жабрланувчига таниш бўлган одамлар жабрланувчи билан фиригар ўртасида битим тузилаётганда иштирок этадилар. Бундай гувоҳлар кўпинча жабрланувчини сўроқ қилиш жараёнида, жамоатчилик ёрдамида, воқеа жойини кўздан кечиришда ва ички ишлар органларининг тезкор-қидирув йўли билан аниқланади. Гувоҳларни сўроқ қилишда жиноятни содир этилишида уларга маълум бўлган барча ҳолатлар аниқланади, айниқса фиригарнинг ташки кўриниш белгиларини аниқлашга асосий эътибор қаратилмоғи лозим. Баъзи вақтларда айбланувчи ва жабрланувчининг шахси тўгрисида ҳамда улар билан ўзининг ўзаро муносабатлари тўгрисида маълумот берувчи гувоҳларни сўроқ қилишга ҳам тўгри келади. Шунинг учун сўроқ вақтида уларнинг айбланувчига нисбатан ҳар қандай муносабати аниқланиши керак.

Гувоҳларни сўроқ қилишда қўйидаги масалалар ҳал этилмоғи лозим: айбланувчининг турмуш тарзи, жиноятни содир этишдан олдин ишлаган-ишилмаганлиги, айбланувчининг бошқа шахслар билан ўзаро муносабати, бўш вақтларини ким билан ва қандай ўтказиши, унинг дўстлари орасида муқаддам судланганлар бор-йўқлиги, айбланувчининг жиноий фаолияти тўгрисида гувоҳга нималар маълумлиги.

**Гумон қилинувчини сўроқ қилиш.** Одатда гумон қилинувчи ушланган ва тинтув ўтказилгандан кейин дарҳол сўроқ қилинади. Сўроққа тайёргарлик кўришда терговчи иш бўйича тўпланган барча материалларни дикқат билан яна бир бор таҳлил қилиб чиқиши тавсия этилади.

Жиноятнинг устида ушланган фиригар, кўпинча турли хийла-найранг ишлатиб айбдор эканлигини дарҳол тан олмайди. Кўпинча у ҳеч қандай жиноят содир этмаганлиги тўғрисида гапириб, ушланиши ноқонуний эканлигини билдиради. Агар фиригар ўзининг иштирокчилари билан бирга ушланса, уларни биринчи марта кўраётганлигини гапириши мумкин, иштирокчи эканликлари исботланган ҳолларда эса, улар билан учрашув тасодифий бўлганлигини тушунтиришга ўтиб оладилар.

Гумон қилинувчини сўроқ қилишда ундан фиригарликни содир этиш усули аниқлаб олинади, зарурати бўлса, уни қайта кўрсатиш таклиф этилади. Фиригарликда ушланган шахснинг кўрсатувини қайта текшириш усули фиригарга қўйилган айбни инкор этса, унга ушлаш тўғрисидаги баённома, ушлаш вақтида иштирок этган милиция ходимининг кўрсатувлари, шахсий

тинтув баённомаси билан таништирилади ва жабрланувчи билан юзлаштириш ўтказилади.

Жиноят содир этилгандан кейин бир мунча вақт ўтгандан кейин ушланган фирибгарлар жиноят содир этилганда бошқа жойда эканлигини важ қилиб жиноят содир этмаганликлари тўғрисида кўрсатув берадилар. Бундай вақтда терговчи тўпланган материаллар асосида уни фош этиши зарур.

Фирибгарлик жиноятини тергашда кўпроқ ўтказиладиган тергов ҳаракатларидан бири шахс ва буюмларни таниб олиш учун кўрсатиш хисобланади. Фирибгарлик ишлари бўйича шахсни таниб олиш учун кўрсатиш услуби ўзига хос бўлган баъзи хусусиятларга эга. Жумладан, фирибгарларни таниб олиш учун кўрсатишда улар ишлатадиган турли найрангларини хисобга олиш зарур бўлади. Кўпинча улар жиноятни содир этишдан олдин ўзларининг ташки кўринишларини ўзгартиришлари мумкин: кийимини ўзгартириши, сочини ясама соч билан алмаштириши, соқол-мўйловини ўстириб юбориши, кўзойнак тақиб олиши ва ҳоказо. Шунинг учун ҳам шахсни таниб олиш учун кўрсатишда жабрланувчини щошилтирмаслик керак, у таниб олинаётганинг, ташки кўриниш белгиларини синчиклаб ўрганиши учун тўлиқ имконият яратилиб берилиши керак.

Жабрланувчи ёки гувоҳларга турли буюмлар ҳам таниб олиш учун кўрсатилиши мумкин. Буюмлар олдин жабрланувчига тегишли бўлиб, ундан фирибгарлар алдов йўли билан олган бўлиб, тинтув вақтида фирибгардан топилган бўлса таниб олиш учун кўрсатилади.

**Экспертиза тайинлаш.** Фирибгарлик жиноятини тергашда кўпинча дастхатнинг экспертизаси, ҳужжатларни техникавий-криминалистик экспертизаси ва трасологик экспертизалари тайинланади.

Криминалистик экспертизаси ёрдамида шахсларни дастхатлари бўйича идентификация қилиш, ҳужжатларни ёки уларнинг айрим реквизитларини (қисмларини) тайёрлаш усулларини аниқлаш, ҳужжатлардаги дастлабки ёзувларни қайта тиклаш каби масалалар ҳал этилади. Баъзи вақтларда бўлаклардан бир бутунликни аниқлаш учун ҳам трасологик экспертизаси тайинланади.

Фирибгарлик жиноятини тергашда суд-химия, техникавий экспертизалар ҳам тайинланади. Улар ёрдамида суюқликларнинг химиявий таркибини, қалбаки пулларни тайёрлаш усуллари аниқланади.

**Фирибгарлик жиноятини олдини олиш чоралари.** Фирибгарлик билан боғлиқ бўлган ҳар қандай ишни тергашда мазкур

жиноятни келтириб чиқарган сабаб ва шароитларни аниқлаш зарур. Кейинчалик шу асосда бундай жиноятнинг олдини олиш тадбирларини ишлаб чиқиш лозим бўлади. Фирибгарликнинг содир этилишидаги асосий сабаблар айбланувчиларнинг онгига сингиб қолган жамият манфаатларига зид бўлган эгоистик кўнижмалар ҳисобланади. Бу ўтган давр эскилиқ сарқитлари бўлмиш текинхўрлик, худбинлик, манфаатпарамастлик кўринишларида ифодаланиши мумкин. Кўп ҳолларда бундай хусусиятларнинг юзага келишига ижтимоий фойдали меҳнатдан қочиш, фирибгар ишлётган жамоада тарбиявий ишларнинг сустлиги, атрофдаги одамларнинг салбий таъсири сабаб бўлади.

Фирибгарликнинг содир этилишига маълум даражада айрим шахсларнинг, хусусан жабрланувчиларнинг нотўғри ҳаракатлари, ички ишлар органлари ва жамоатчиликнинг бу турдаги жиноятнинг очилиш ва унинг олдини олишга қаратилган ишларнинг етарлича ташкил этилмаганлиги, айрим раҳбарларнинг кўнгилчанлиги, бепарволиги, шунингдек, турли хил ҳужжат қоғозларининг ўғирланиши сабаб бўлади. Баъзи ташкилотларда назорат қилишнинг пастлиги ушбу ташкилотда ишлётган шахслар томонидан қалбаки ҳужжатлараро орқали пул маблағларини олишга имконият туғдиради.

Жиноятни тергаш жараёнида фирибгарликнинг содир этилишига олиб келган барча сабаб ва шарт-шароитлар аниқлангандан кейин, уларнинг олдини олиш чора-тадбирлари ишлаб чиқилади. Жумладан, тегишли корхона, муассаса, ташкилотлар ва жамоат ташкилотларига аниқланган ҳолат ва шарт-шароитларни йўқотиш чора-тадбирларини кўриш тўғрисида тақдимнома юборилади. Тергов давомида фирибгарликни жабрланувчининг ўзи содир этган бўлса, бунга жабрланувчининг диққатини жалб этиш зарур. Бундай жиноятнинг олдини олишда телевидение, радио ва оммавий ахборот воситаларидан ҳам фойдаланиш лозим.

## **30-боб. ПОРАХҮРЛИКНИ ТЕРГОВ ҚИЛИШ УСЛУБЛАРИ**

### **1-ғ. Порахүрликнинг криминалистик тавсифи**

Порахүрлик ҳар доим мансабдор шахснинг хизмат вазифаларини ўз гаразли мақсадлари йўлида суюистеъмол қилиши билан боғлиқ ва кўпгина ҳолларда яширинча, гувоҳларсиз юз беради. Порахүрликда жиноят субъектларининг одатий алоқа схемаси қўйидагича: пора берувчи – пора оловчичи, баъзан эса, пора берувчи – воситачи – пора оловчидан иборат. Масалан, савдо соҳасидаги порахүрликда кўпинча пора оловчининг бир неча воситачи билан алоқаси бўлади. Бунда воситачилар мустакил, баъзан эса ўзаро хизмат билан боғлиқ бўладилар. Воситачи ўзининг улушкини олган ҳолда жиноятни сир тутишга ҳаракат қиласи ва одатда порахүрлик ташаббускорининг ишончли одами бўлади. Бу алоқа бажарилиши жараёни ниҳоятда сир сақланади. Порахўрлар пора берувчи жиноят устида қўлга тушганда қандай баҳона тўқишини аввалдан келишиб қўяди. Жиноятни яширишнинг турли усуллари бор: «совға қилиши», «қарз бериш», корхонанинг штатига ишли, ходим сифатида қабул қилиш ва маош тўлаш ёки моддий рағбатлантириш ва ҳоказо.

Порахўрликнинг натижаси ҳар доим ҳам моддий қайд қилинмайди. Аммо бир қатор вазиятларда жиноятга алоқадор шахсларнинг бармоқ излари пора предметида, ўрамда қолади, баъзан эса порахўрликнинг бошқа излари ҳам сақланиб қолади (товар чеклари, этикеткалар, пул, қимматбаҳо нарсалар, жиноятчиларнинг шахсий ёзувлари ва бошқалар).

Порахўрлик кўпгина ҳолларда давлат ёки жамоат мулкини талон-тарож қилиш, хизмат ваколатларини суюистеъмол қилиш ва бошқа жиноятлар билан боғлиқ.

Порахўрликнинг криминал тавсифи жиноят содир этишининг қўйидаги типик ҳолатлари билан боғлиқ: а)пора берувчининг манфаатларини кўзловчи ноқонуний ҳаракатлар билан боғлиқ порахўрлик; б) пора берувчининг манфаатларини кўзловчи қонуний ҳаракатлар билан боғлиқ порахўрлик, масалан: уй-жой ёки бирор маблаг олишни тезлаштириш мақсадида; в) воситачиларсиз пора бериш ва олиш; г) воситачилар ёрдамида пора бериш ва олиш; д) таъмагирлик йўли билан пора олиш; е) таъмагирликсиз пора олиш.




## 2-§. Типик тергов вазиятлари, версиялари ва терговни режалаштириш

Порахўрлик ҳақидаги жиноят иши жамоатчилик, мансабдор шахслар вакилларининг маълумотларига кўра, фуқароларнинг аризалари, матбуотдаги хабарлар ва милиция органларининг тезкор-қидирув тадбирлари орқали амалга оширилади. Терговчи, жиноят иши қўзгатиш ҳақида қарор қабул қиласкан, юз берган тергов вазияти ва бошлангич маълумотларни баҳолайди ва уларга асосан версиялар ишлаб чиқади ҳамда тергов режасини тузади.

Порахўрликни тергов қилишининг типик вазиятларига қўйидагилар киради:

### ПОРАХЎРЛИКНИ ТЕРГОВ ҚИЛИШНИНГ ДАСТЛАБКИ БОСҚИЧИДАГИ ТИПИК ВАЗИЯТЛАР ВА ТЕРГОВЧИННИГ ХАТТИ-ҲАРАКАТЛАРИ

#### ПОРА БЕРУВЧИННИГ АРИЗАСИ БОР ВА У ПОРА ОЛУВЧИНИ ФОШ ЭТИШДА ҲАМКОРЛИК ҚИЛИШГА ТАЙЁР



Маълум бир мансабдор шахс томонидан пора олинганилиги ҳақида аниқ далил мавжуд. Бундай ҳолларда, одатда, жиноят

иши қўзгатилади ва тергов режаси тузилади. Бошлангич тергов жараёнида: гувоҳларни сўроқ қилиш, мансабдор шахс томонидан пора берувчининг манфаатларини кўзловчи ҳаракатлар қилинганлигини тасдиқловчи ҳужжатларни олиб қўйиш ва кўздан кечириш; пора берувчини ушлаш ва сўроқ қилиш; шерикларни тинтуб қилиш, пора предметини кўздан кечириш; юзлаштириш, криминалистик экспертиза тайинлаш, керак бўлса ҳужжатларни суд-дастхат ёки криминалистик техник ўрганиш, товаршунослик экспертизаси тайинлаш, тинтуб пайтида шубҳаланувчидан олиб қўйилган нарсаларнинг тури ва сифатини аниқлаш, суд-бухгалтерия экспертизаси тайинлаб, маблағ тўловлари тўғрилигини ҳисобга олиш билан боғлиқ масалаларни ҳал қилиш лозим. Тергов ҳаракатлари билан айни вақтда по-рахўрнинг шерикларини ва ҳар бир шахснинг жиноятдаги ролини аниқлаш мақсадида тезкор-қидирув тадбирлари ўтказилади.

Маълум бир мансабдор шахсга пора ваъда қилинганлиги ёки берилиши ҳақида маълумотлар бор бўлса, бундай ҳолатда жиноят иши қўзгатишга асосни бошлангич текширувдан ўтказиш, мансабдор шахснинг алоқаларини текшириш, унинг пора берувчи манфаатини кўзлаган ҳолда хизмат доираси имкониятлари ва ҳаракатларини аниқлаш, пора берувчи ва пора олувчини жиноят устида қўлга тушириш бўйича тегишли тезкор-қидирув тадбирларини ўтказиш зарур. Бундай вазиятда бошлангич тергов ҳаракатлари қуидагича тус олади: даъво қилувчини сўроқ қилиш, жиноят устида қўлга тушириш, пора олувчининг уй-жойи ва иш хонасида тинтуб ўтказиш, пора предметларини кўздан кечириш, гувоҳ ва шубҳа остидагиларни сўроқ қилиш, экспертизалар тайинлаш.

Порани тамагирлик йўли билан олинганлиги ҳақида далиллар мавжуд бўлса, олинган маълумотни дастлабки текширувдан ўтказиш зарур. Ҳақиқатдан ҳам пора олувчи ўзига тобе шахсни унинг ноқонуний талабларини қондиришга мажбур қилувчи шарроит яратганлигини аниқлаш зарур. Мансабдор шахсга нисбатан игвогарлик бор-йўқлигини аниқлаб, жиноят иши қўзгатиш ва тергов ўтказиш ҳақида қарор қабул қилиш зарур. Дастлабки тергов вақтида криминал ҳисботлар, архив материалларидан фойдаланилади, тезкор-қидирув тадбирлари ўтказилади. Терговчи мансабдор шахснинг ваколати билан танишади, даъво қилувчи ва бошқа шахслардан тушуниришлар олади, зарур ҳолларда мансабдор шахснинг маълум бир муддатдаги меҳнат фаолиятини текшириш мақсадида ревизия ёки инвентаризация ташкил қилади. Кўрсатиб ўтилган вазиятда қуидаги бошлангич тергов ҳаракатлари амалга оширилади: арз қилувчи ва бошқа гувоҳларни сўроқ қилиш, порахўрни жиноят устида қўлга олиш,

уни тинтув қилиш ва сўроққа тутиш, пора предметларини кўздан кечириш, ҳужжатларни олиб қўйиш ва кўздан кечириш, шубҳа остидагиларни сўроқ қилиш, юзлаштириш, экспертизалар тайинлаш. Масалан, бухгалтерия ҳужжатларини тўғри ва қонуний ҳужжатлаштиришни текшириш учун суд-бухгалтерия экспертизасини тайинлаш лозим.

Порахўрликни тергов қилиш жараёнида қўйидаги версиялар юзага келади ва текширилади:

- порахўрлик ҳақиқатдан ҳам жиноят иши қўзгатишга асос бўлувчи материалларда кўрсатилган шароитларда содир бўлган;

- порахўрлик содир этилган, аммо сохта мансабдор-фирибгар шахсга берилган;

- пул мансабдор шахсга қонуний равишда берилган (қарзни қайтариш), пора ҳақида ариза – вижданан янгишган;

- мансабдор шахсга пора берилмаган, чунончи, ноконуний талабни бажаришдан бош тортгани учун унга тухмат қилинган;

- мансабдор шахс бошқа шахснинг манфаатларини кўзлаб маълум бир хизмат ҳаракатларини амалга оширган ва пора олмаган.

Кўпинча порахўрлик мансабдор шахсни қалбакилаштириш ҳаракатлари билан ҳам боғлиқ. Шунинг учун порахўрликни тергов қилишда порахўрликни бошқа жиноятлар билан алоқа версияларини ҳам текшириш зарур. Версиялардан келиб чиққан ҳолда, тергов ҳаракатларининг кетма-кетлиги, ўтказиш вақтлари ва ижрочилари режалаштирилади. Порахўрлик ҳақида иш одатда кўп эпизодли бўлади. Режалаштиришда ташкилий ва тайёрлов тадбирларига, тергов ҳаракатларини ўтказишда криминалистик техник воситалар ёрдамига ва мутахассисларни иштирокига етарли эътибор бериш зарур. Шунингдек, порахўрликка имкон берган шарт-шароитларни аниқловчи тадбирларни амалга ошириш ҳам кўзда тутилади. Мураккаб, кўп эпизодли тергов иши терговчилар гурухига топширилади.

### **3-§. Дастлабки ва кейинги тергов ҳаракатлари**

Жиноят устида қўлга тушириш – порахўрларни фош этишнинг самарали усулидир. Одатда, у даъво қилувчи шахснинг ҳар томонлама текширилган пора таъмагирлиги бўйича, аризаси бўйича амалга оширилади. Порахўрларни фош этиш учун суд-тезкор фотографияси, кинотасвир ва тезкор-қидирув воситалари қўлланилиши мумкин.

Жиноят устида қўлга олиш ишнинг маълум ҳолатлари билан боғлиқ бўлиб ва порани бериш-олиш пайтида ёки берган заҳоти амалга оширилади. Қўлга олиш вақтида пора олувчи ашёвий да-

лиллардан – пора предметидан кутула олмаслиги мухимдир. Шерикларни аниқлаш учун құлга олишни пора предметини учинчи шахсга бериш ёки пуллаш вақтида үтказиш мақсадға мувофиқдир. Жиноят устида құлга олишни синчков тарзда режалаштириш зарур. Жиноят устида құлга олингандан сұнг пора оловучи ни ұша захоти, пора предмети унга қай йүсінде келиб тушганилиги ҳақида баҳона топмасидан туриб сұроқ қилиш керак. Бундай ҳолатларда күпинча пора оловучи үз айбина тан олади ва ҳаққоний күрсатувлар бера бошлайды.

**Тинтүв.** Шахсий тинтүв ва пораҳұр шерикларининг уйжайларини ҳамда мансабдор шахснинг-пора оловчининг иш жойини тинтүв қилиш мазкур жиноятни тайёрлаш тұғрисі<sup>10</sup> гувохлик берувчи ҳужжатлар ва пора предметларин йүл билан топилған моддий бойликларни топиши ва олио қуйиш мақсадида амалға оширилади. Одатда шахсий тинтүв ва хона тинтүви бир вақтда амалға оширилади. Алохіда эътибор пораҳұрлык шерикларининг алоқасини тасдиқловчи хатларга, пошта квитанциялари, турли хил әзувлар, телефон номерларига қаратилиши лозим. Тинтүв пайтида шунингдек, шифрланған әзувлар, шубхә остидаги шахс үз алоқасини инкор этувчи шахс тушган фотосуратларга эътибор бериш керак.

Хужжатларни күздан кечириш жуда мухим тергов ҳаракатларидан биридир. Баъзи бир ҳолатларда у пора олиш бериш ҳолатларига алоқадорларни аниқлашга имкон яратса, бошқа бир ҳолатларда пораҳұрлікка йүл очиб берувчи ҳисботни үйлуга құйилмаганлигини аниқлади, учинчидан мансабдор шахсни пора берувчининг манфаатларини күзлаб маълум бир ҳаракатларни амалға оширганлиги ёки оширмаганлигини тасдиқлади. Ҳужжатларни күздан кечириш жиноятчи киритган үзгаришлар, қалбакилаштириш, ҳужжатларни расмийлаштиришнинг ноодатийлігі, тегишли реквизитларнинг мавжудлігі, мансабдор шахснинг иш бажарылғанлиги тұғрисидаги виза ва белгиларини аниқлашга ёрдам беради. Порахұрлар үз жиноий кирдиқорлари изларини йүқ қила олмасликлари учун ҳужжатларни күздан кечириши кечикириб бўлмайди.

**Гувохларни сұроқ қилиш.** Порахұрлык бўйича гувохлик бериши мумкин бўлган шахслар гурухи жиноят иши қўзгатилишига асос бўлган материалларга bogлиқ. Қуйидагилар одатда гувоҳ сифатида сұроқ қилинадилар: уларга нисбатан таъмагирлик қилған шахслар, порани бериш-олишни кўрганлар; порахұрни жиноят устида құлга олишда иштирок этганлар; порахұрликда гумон қилинаётган мансабдор шахснинг хизмат фаолияти билан таниш бўлғанлар ёки унинг күрсатмаларини бажарғанлар; порахұрнинг

шахси ва ахлоқини таърифлаб бера олувчилар (ҳамкасабалар, қўшнилар, қариндошлар). Бу гувоҳлар гурӯҳи пораҳўрлик шерикларининг алоқалари ва пора беришнинг шарт-шароитлари ҳақида фойдали маълумот бера оладилар. Гувоҳлик олингандан сўнг гувоҳ-холиснинг пора берилган (олинган) жойда кўрсатувларини текшириш мумкин.

Пораҳўрликни тергов қилишнинг баъзи ҳолларида пора бериш-олиш, шунингдек бошқа ҳаракатларни амалга оширишда кузатишни текшириш учун тергов экспериментлари ўтказилади.

Пораҳўрликни фош этишда суд экспертизалари катта роль ўйнайди. Кўп ҳолларда, пора предметида ёки унинг ўрамида кўл бармоқлари ва кафтнинг изи, кундалик, дафтар, ён китобчаларда – пора бериш билан боғлиқ ёзувлар, блокнотларнинг тоза варақларида текстнинг босилган изларини аниқлаш мумкин. Уларни ўрганиш учун ҳужжатларни криминалистик-техник экспертиза-си, микрозаррачалар, материал ва моддаларни ўрганиш учун трасологик экспертиза, баъзан эса комплекс экспертизалар ўтказилади.

## **31-боб. МЕҲНАТ ХАВФСИЗЛИГИ ҚОИДАЛАРИНИНГ ЖИНОЙИ ТАРЗДА БУЗИЛИШИНИ ТЕРГОВ ҚИЛИШ**

### **1-§. Ушбу турдаги жиноятларнинг криимиалистик тавсифи**

Меҳнат хавфсизлиги қоидаларининг жинояткорона бузилиши катта ижтимоий хавф түгдиради. Улар одамлар ўлимига сабаб бўлади, уларнинг соғлиғига зарар етказади, ишлаб чиқаришга моддий зиён келтиради. Мазкур жиноятнинг барча ҳолатларини ўз вақтида, тўлиқ ва холисона аниқлаш айборларни жавобгарликка тортиш учунгина эмас, балки шу турдаги жиноятлар содир этилишига имкон берган шароитларни бартараф этиш учун ҳам муҳимдир.

Меҳнат шароитларининг хавфсизлигини техникадан фойдаланиш, саноат санитариясига оид умумий ва тармоқ қоидалари таъминлайди. Бундай қоидалар ҳукумат томонидан касаба уюшмалари ва вазирликлар (идоралар) билан биргаликда ишлаб чиқилади. Уларга риоя этилиши устидан назорат қилиш касаба уюшмалари қўмиталари, шунингдек маҳсус назорат органлари (“Саноаттехназорат”, “Энергоназорат”) зиммасига юклатилган. Санитария назоратини давлат санитария инспекцияси органлари, ёнгиндан сақлаш назоратини – ёнгиндан муҳофаза қилиш органлари амалга оширади.

Меҳнатни муҳофаза қилиш қоидаларининг одамлар билан баҳтсиз ҳодисалар юз беришига ёки бошқа оқибатлар келиб чиқишига сабаб бўлиши мумкин бўлган бузилишлари жиноят деб топилади. Йўл қўйилган бузилишлар учун меҳнатни муҳофаза қилиш қоидаларига риоя этилиши устидан назорат қилиш ва техника хавфсизлигини таъминлаш ўз вазифалари доирасига кирувчи мансабдор шахслар жавобгар бўладилар.

Жиноят тўғрисидаги қонун хужжатлари меҳнатни муҳофаза қилиш қоидалари жиноий тарзда бузилишининг иккита турини назарда тутади: 1) соғлиққа зарар етказилишига сабаб бўлган бузилишлар; 2) одам ўлимига сабаб бўлган бузилишлар.

Кон ишлари хавфсизлиги қоидалари бузилиши, қурилиш ишларини бажариш қоидалари бузилиши, портлаш хавфи бўлган корхоналарда ёки цехларда хавфсизлик қоидалари бузилиши алоҳида турларини ташкил этади. Тергов қилиш услубиёти йўл қўйилган бузилиш турини ва у содир этган муайян шароитларни ҳисобга олиб белгиланади.

Бузилиш сабабларини уч гурухга бўлиш мумкин: техникавий, ташкилий, санитариявий. Биринчи гурухга

агрегатлар, машиналар, жиҳозлар, асбоб-ускуналарнинг конструктив хусусиятлари ва нуқсонлари; иккинчисига - ишлаб чиқариш жараёнини ташкил этишдаги камчиликлар; учинчисига - санитария-гигиена тусидаги камчиликлар (бинолар ичининг ахлат босганилиги, етарлича ёритилмаганлиги ва ҳ.к.) киради.

Кўрсатиб ўтилган сабаблар камдан-кам ҳолларда алоҳида-алоҳида учрайди. Одатда улар ўзаро алоқадор, бир-бiri билан боғлиқдир. Чунончи, бузилишнинг санитарияга хос сабаблари юзага келишига кўпинча ташкилий камчиликлар сабаб бўлади. Жароҳатланиш ҳоллари жабрланувчининг ўз бепарволиги ва бошқа қоидабузарликлари оқибати бўлиши мумкин.

Мехнат хавфсизлиги қоидаларининг жиноий тарзда бузилишини тергов қилишда жиноят процессуал қонунида кўрсатилган барча ҳолатлар исботланиши керак бўлади. Қуйидагиларни мумкин қадар тўлиқ аниқлаша мухим: 1) ҳодиса содир бўлган жой (корхона, цех, участка, уларнинг аник жойлашуви); 2) ҳодиса содир бўлган вақт (сана, соат, минут, иш ёки дам олиш вақти ва ҳ.к.); 3) ҳодиса келиб чиқиш механизми (ҳодиса манбай, унинг ҳолати, ривожланиш жараёни бошланишидан то энг юқори нуқтасигача ва натижга, жароҳатланиш механизми ва ҳ.к.); 4) юзага келган (ёки юз берини мумкин бўлган) оқибатларнинг (одамлар соғлигига зиён, моддий зарар, ишлаб чиқариш манфаатларига зарар) хусусияти; 5) ишлаб чиқариш хусусияти, технологияси, уларнинг белгиланган нормаларига мувофиқлиги; 6) жабрланувчининг шахси (иҳтисоси-малакаси, иш стажи, ҳодиса вақтида қандай аҳволдалиги, меҳнат интизомига, техника хавфсизлиги қоидаларига муносабати); 7) меҳнатни муҳофаза қилиш ва техника хавфсизлиги муайян қоидалари бузилишининг аник далиллари; 8) бахтсиз ҳодисанинг сабаблари; 9) бузилиш ва юзага келган натижга ўртасидаги сабабий боғланиш (ҳодисанинг аник сабаблари, улар учун жавобгар шахслар, уларнинг жиноий оқибатларга олиб келган ҳаракатлари ёки ҳаракатсизлигининг аник далиллари, жабрланувчи айбининг даражаси, жабрланган ходим ва бехатар меҳнат шарт-шароитларини яратишга масъул мансабдор шахсларнинг ҳар иккиси айбли эканлиги; 10) текширилаётган обьектда ва умуман корхонада меҳнатни муҳофаза қилишининг аҳволи ҳамда унинг хавфсизлиги қоидаларига риоя этилиши; 11) тегишли мансабдор шахслар жавобгарлиги даражаси ва хусусиятига таъсир кўрсатадиган, шу жумладан айбини енгиллаштирадиган ва огираштирадиган ҳолатлар.

Барча ҳолларда терговчи жиноий тарзда бузилишлар содир этилишига кўмаклашган сабаблар ва шарт-шароитларни

бартараЕ этиш чораларини кўриши шарт.

Мазкур тоифадаги ишларни тергов қилиш анча мураккаб. Ҳодиса жойини кўздан кечириш, экспертизалар тайинлаш, ҳужжатлар билан ишлаш ўта қийинчилик туғдиради. Жиноят ишларини қўзгатиши асоссиз рад этиш ва уларни асоссиз равишда тугатиш ҳоллари терговни қийинлаштиради. Ҳодиса жойини кўздан кечириш, экспертиза тайинлаш, ҳужжатлар билан танишиш ўта қийинчилик туғдиради, тергов қилиш муддатларининг чўзилиб кетиши, унинг режасизлиги, поймапойлиги, ҳодиса жойини камдан-кам ва кечикиб кўздан кечириш, ҳодиса механизмининг техник масалаларини инкор қилиш, судтехника экспертизалари имкониятларидан ва мутахассислар ёрдамидан етарлича фойдаланмаслик терговнинг одатий хатоликлари ҳисобланади.

## **2-§ Жиноят ишини қўзгатиши. Тергов қилишининг дастлабки босқичи**

Кўпинча жиноят ишини қўзгатишига касаба уюшмалари ташкилотлари, маҳсус назорат органлари, баҳтсиз ҳодиса содир бўлган корхона маъмуриятиning хабарлари сабаб бўлади.

Мавжуд норматив ҳужжатларга мувофиқ гурухли, ўлим билан тугаган ва бошқа оғир оқибатларга олиб келган ҳодисалар дарҳол касаба уюшмасининг техник инспектори томонидан, «Саноатконтехназорат» назорати остидаги обьектларда эса – шу органларнинг инспектори томонидан текширилмоғи лозим. Текширишда маъмуриятиning, касаба уюшмаси ва юқори хўжалик органининг вакиллари иштирок этишлари керак.

Алоҳида ҳолларда, техник инспектор дарҳол етиб келишининг имконияти бўлмаганда, текшириш комиссияси, касаба уюшмаси қўмитаси ва корхона маъмурияти томонидан амалга оширилади. Бундан қатъи назар, корхона раҳбари ҳодиса ҳақида прокуратура органларига дарҳол хабар қилиши шарт.

Текшириш материаллари (баҳтсиз ҳодиса тўғрисидаги далолатнома, техник инспекторнинг хуносаси, кўздан кечиришларнинг баённомалари, гувоҳлардан, жабрланувчидан сўраб фикр тўплаш баённомалари ва ҳ.к.) ҳодиса содир бўлган пайтдан эътиборан 7 кундан кечиктирмай тергов органларига юборилади.

Жиноят ишини қўзгатиши ва уни процессуал тергов қилиш юқорида кўрсатиб ўтилган текшириш билан боғлиқ эмас. Процессуал тергов, илгариги текширишдан қатъи назар, техник инспекторнинг ва бошқа назорат органлари вакилларининг

ҳаракатлари билан бир вақтда ўтказилиши лозим.

Хужжатларни текшириб чиқиш, сўроқлар ўтказиш, зарурий эксперт текширувларини амалга ошириш кўриб чиқилаётган турдаги жиноятларни тергов қилишининг асосий таркибий қисмлари хисобланади. Бу ҳаракатларнинг барчаси ўзаро боғлиқ ва бир-бирини тақозо этади.

Ҳодиса содир бўлган жойни кўздан кечиришдан олдин ва кўздан кечириш жараёнида терговчи ҳаракатларининг йўналиши, хусусияти ва мақсади ишни қўзгатишда иккита эҳтимол тутилган вазият мавжудлигига боғлиқ бўлади: 1) ҳодиса тўғрисидаги хабар баҳтсиз ҳодисадан сўнг дарҳол келган бўлади; 2) хабар анча вақт ўтгандан кейин келган бўлади. Биринчи ҳолда терговчи ҳодиса содир бўлган жойни дарҳол кўздан кечириши керак, иккинчисида – олдинги текшириш натижалари билан танишишдан бошлаш лозим. Бироқ иккала ҳолда ҳам ҳодиса жойини кўздан кечириш – бажарилиши шарт бўлган ҳаракатдир.

Афсуски, баъзи амалиётчи ходимлар кўпинча мазкур қоидани инкор этиб, баҳтсиз ҳодиса моддий из қолдирмайди, қанчадир вақтдан сўнг кўздан кечириш бехуда, техник инспектор ўтказган кўздан кечириш, тергов кўздан кечиришнинг ўрнига ўтиши мумкин деб ҳисоблайдилар.

Албатта, ҳодиса содир бўлган вазиятни узоқ вақт ўзгаришсиз сақлаб туриш қийин, ишлаб чиқариш шароитида эса, баъзан иложи йўқ. Бой берилган вақт эса, шубҳасиз, салбий омилдир. Бироқ, шундай ҳолларда ҳам кўздан кечириш зарур. Моддий изларнинг ҳаммаси ҳамиша ҳам йўқолиб кетавермайди. Кўздан кечириш натижалари жабрланувчининг, айбланувчининг, гувоҳларнинг кўрсатувларини тўғри баҳолаш учун зарурдир. Кўздан кечириш пайтида ҳодисанинг ҳақиқий ҳолатларини яширишга уринишларни пайқаб қолиш мумкин. Масалан, электр токини улаш ва узиб қўйиш мосламасида унинг дастаси алмаштирилиши, ҳаракатланувчи механизмларда янги тўсиқлар пайдо бўлиши мумкин. Салбий ҳолатлар иш учун муҳим аҳамиятга эга. Лекин улар одатда кўздан кечириш натижасида аниқланади.

Нихоят, назорат қилувчи органинг техник инспектори амалга оширган кўздан кечириш кўйидаги сабабларга кўра терговчи кўздан кечиришининг ўрнини боса олмайди: 1) биринчи ҳолдаги кўздан кечиришда унинг холисоналигини кафолотловчи процессуал талабларга риоя этилмаган бўлади; 2) бу кўздан кечиришининг субъектлари кўздан кечиришнинг техник воситалари ва тактик усулларидан, унинг натижаларини қайд этиб қўйиш усулларидан фойдаланиш борасида етарлича малакага эга бўлмайдилар; 3) назорат органинг вакили баҳтсиз

ҳодиса содир бўлган корхона устидан назорат қилиш вазифасини бажариши боис нохолис бўлиши мумкин. Корхона маъмурияттининг вакилларида янада кўпроқ манфаатдорлик ва нохолислик намоён бўлиши мумкин.

Кўздан кечиришни кечиктириб бўлмаслиги боис, унга ҳар тарафлама пухта тайёргарлик кўриш шарт. Кўздан кечириш бошлангунга қадар гувоҳларни топиш, уларнинг ёрдамида ҳодисанинг асосий жиҳатларини аниқлаштириш, шунингдек ҳодиса жойида қандай ўзгартиришлар қилинганини, уларни ким, қачон ва қандай мақсадда амалга оширганини албатта аниқлаш зарур.

Кўздан кечиришдан олдин унинг чегаралари, кетма-кетлиги, тугунлари (қисмлари, узеллари) белгилаб олинади. Бунда услубий тавсиялардан, тергов тажрибасидан фойдаланилади. Масалан, қайси агрегат ёки дастгоҳда ишлаш пайтида баҳтсизлик содир бўлган бўлса, фақат ўша агрегат ёки дастгоҳни эмас, балки ишлаб чиқаришда у билан боғлиқ бўлган участкаларни ҳам кўздан кечириш кераклигидан далолат беради. Бу участкаларга бутун устахонани, цехни ва бошқа шу сингариларни қўшиб кўздан кечириш чегараларини янада кенгайтириш зарур бўлиши мумкин. Масалан, электр токи уриши бир жойда юз бериши мумкин, баҳтсиз ҳодиса сабабини эса электр энергияси тақсимланадиган энергия узелини ёки электр узатиш тизимини кўздан кечиргандагина аниқлашга эришилади.

Кўздан кечириш иштирокчилари тўғрисидаги масала ҳам унинг бошланишидан олдин ҳал қилиниши керак. Унда мутахассислар иштирок этишини таъминлаш айниқса муҳимдир. Ҳодисанинг моддий изларини топиш, қайд этиб кўйиш ва олишга уларнинг кўмаклашиши кўздан кечиришнинг самарали бўлишини кучайтиради. Бироқ ҳар доим мутахассисларнинг етарлича билимга эгалиги ва холислигига, уларнинг ишнинг натижасидан манфаатдорлигига ишонч ҳосил қилиш зарур. Кўздан кечиришда иштирок этишга жабрланувчилар, гувоҳлар ва техника хавфсизлиги қоидаларини бузган мансабдор шахслар жалб этилиши мумкин. Кўздан кечириш иштирокчиларининг сони тўғрисидаги масалани ҳал этишда шуни эсда тутиш керакки, ортиқча одамлар, одатда, кўздан кечиришга халал беради.

Кўздан кечириш усули кўздан кечириш чегарасига боғлиқ бўлади. Ҳодиса содир бўлган жой катта бўлганда у айрим участкаларга – тугунларга (узелларга) бўлинади.

Кўздан кечиришни марказий тугундан бошлаш мақсадга мувофиқдир. Агар ҳодиса содир бўлган жойда мурда ётган бўлса, кўздан кечириш ундан бошланади.

Кўздан кечириш жараёнида қуйидагилар текшириб

чиқилади: 1) қайси агрегат ёки дастгоҳда ишлаш пайтида бахтсиз ҳодиса юз берган бўлса, ўша агрегат ёки дастгоҳ; 2) мазкур агрегат ёки дастгоҳ билан техник жиҳатдан боғлиқ кабеллар, трансмиссиялар, транспортёрлар, ўлчов ва қайд этувчи асбоблар ҳамда объектлар; 3) ишловда бўлган хомашё ва ярим тайёр маҳсулотлар; 4) жабрланувчи ва у билан биргаликда ишлаган шахслар фойдаланган асбоблар ва ҳимоя воситалари (кўзойнаклар, қўлқоплар ва ҳ.к); 5) ҳодиса жойида қолдирган моддий излар (механизмлар деталларининг синиқлари, кийим-кечак парчалари ва ҳ.к.); 6) мурда, агар у ҳодиса жойида бўлса.

Кўздан кечириш жараёнида ва унинг натижаларини таҳлил қилишда терговчи қўйидаги, яъни: 1) текширилаётган ҳодисанинг сабаблари нима (қозоннинг портлаши, краннинг қулақ тушиши ва ҳ.к.) 2) меҳнатни муҳофаза қилиш ва техника хавфсизлиги қоидалари бузилганми? 3) ана шу бузилишлар нималардан иборат бўлган, уларга ким йўл қўйган; 4) тергов қилинаётган ҳодисанинг оқибатлари қандай, қилмиш ва жиноий натижа (ўлим, майиб бўлиш ва ҳ.к.) ўртасида сабабий bogланиш борми, деган саволларга жавоб топишга ҳаракат қилиш керак. Агар кўздан кечириш ўз вақтида, тўлиқ ва холисона ўтказилса, мазкур саволларнинг барчасига ёки бир қисмига жавоб олинади.

Хужжатларни кўздан кечиришда, ҳодиса юзасидан қўйидагилар синчилаб ўрганиб чиқилиши керак: 1) бахтсиз ҳодиса ҳақидаги далолатнома; 2) назорат қилувчи орган вакили (техник инспектор, “Саноатконтехназорат” вакили ва ҳ.к.) нинг хulosаси; 3) бахтсиз ҳодиса юз берган корхонада амалда бўлган меҳнатни муҳофаза қилиш ва техника хавфсизлиги қоидалари; 4) мазкур участка, цех, устахона ва ҳ.к. меҳнатни муҳофаза қилиш ва техника хавфсизлиги қоидаларига риоя этилиши учун масъул шахслар тўғрисидаги буйруқдан кўчирма; 5) даволаш муассасасининг жабрланувчига етказилган шикастлар хусусияти ва даражаси тўғрисидаги маълумотномаси; 6) техника хавфсизлиги ва меҳнатни муҳофаза қилиш қоидаларига риоя этилиши учун масъул шахснинг тушунтириши.

Бахтсиз ҳодиса тўғрисидаги далолатнома алохида криминалистик аҳамиятга эга. Унда ҳодиса содир бўлган жой ва вақт, жабрланувчининг шахси, бахтсиз ҳодисанинг ҳолатлари ва сабаблари, уларни бартараф этишга қаратилган чора-тадбирлар тўғрисида тергов учун жуда муҳим маълумотлар мавжуд бўлиши мумкин. Бироқ далолатноманинг мазмунини тўғри деб қабул қилмаслик керак, уни ҳар доим синчилаб текшириш керак бўлади.

Кўпинча тергов қилишнинг бошланғич ҳужжати бўлувчи техник инспекторнинг хulosаси ҳам танқидий назар билан

текширишни талаб қиласи. Тўғри, у экспертнинг хulosаси ўринини босмайди, лекин ҳодисанинг техник ҳолатларини ўрганиб чиқишида, шу ҳолатлар тўғрисида айбланувчини, жабрланувчини, гувоҳларни сўроқ қилишда ҳамда суд-техника экспертизасини тайинлашда муҳим роль ўйнаши мумкин.

Тергов қилиш жараёнида бошқа материаллар: ҳодимларга техника хавфсизлиги бўйича берилган йўл-йўриқлар қайд этилган журнallар, мазкур агрегат, қурилма, механизмда ишлаш ҳуқуқини тасдиқловчи ҳужжатлар, синовларга доир журнallар, техник паспортлар, технология хариталари сингарилар ҳам текширилади.

Жабрланувчини ва гувоҳларни сўроқ қилиш мазкур тоифадаги ишлар бўйича дастлабки тергов ҳаракатлари ҳисобланади. Бу бир қатор ҳолатлар билан боғлиқ. Жабрланувчи ва гувоҳларга одатда, содир бўлган ҳодисанинг барча тафсилотлари маълум бўлади. Уларнинг ҳодиса рўй бергандан сўнг дарҳол берган кўрсатувлари кўпинча ишончлироқ балади. Уларда кейинги таассуротлар, манфаатдор шахсларнинг эҳтимол тутилган тазъиқи ва кўрсатувларнинг тўғри бўлишига таъсир этадиган бошқа омиллар акс этмаган бўлади. Бундан ташқари, терговчи бундай шахсларнинг кўрсатувларига эга бўлмаса, улар биладиган ҳолатларни бошқа манбалар ёрдамида аниқлаши қийин.

Жабрланувчини сўроқ қилиш, шубҳасиз, унинг соғлигини ҳисобга олиб, заарар етказадиган тарзда олиб борилиши мумкин эмас. Жабрланувчининг ахволига қараб уни сўроқ қилиш ҳодиса жойида, уйида, терговчининг хонасида ёки даволаш муассасасида ўтказилади. Охирги ҳолда фақат даволовчи врачнинг рухсати билан сўроқ қилиш мумкин. Ана шу сўроқда ҳодисанинг барча ҳолатлари, унинг сабабларини жабрланувчи қандай баҳолаши батафсил аниқлаштирилиши керак. Шунингдек, жабрланувчининг малакаси, унинг касбий тайёргарлиги, техника хавфсизлиги қоидалари билан таништирилганлиги, ўқитилгани, ўйриқномалардан хабардорлиги, у ишлаган ускунанинг созлиги, муҳофаза мосламалари мавжудлиги, улардан фойдаланилган-фойдаланилмагани, баҳтесиз ҳодиса олдидан улар қанчалик яроқли бўлгани тўғрисидаги маълумотлар аниқлаштирилади. Жабрланувчи ишлаб чиқариш операциялари бажарилган вазиятни тўғри идрок этишига ҳалал берадиган касалликларга (эшитиш, кўриш қобилиятининг сустлиги ва ҳ.к.) чалингчалинмаганини аниқлаш мухимдир.

Бахтсиз ҳодисанинг гувоҳларини сўроқ қилишда энг муҳими, улардан тергов қилинаётган ҳодисанинг ўзларига маълум криминалистик аҳамиятга эга бўлган ҳолатлари тўғрисида

имкони борича қўпроқ маълумотлар олишдан иборат. Мазкур шахслар ҳодиса пайтида қайси жойда турганлиги, баҳтсиз ҳодиса сабаблари, корхонада меҳнатни муҳофаза қилишининг аҳволи, ишлаб чиқариш операцияларининг ўзига хослиги, жабрланувчи билан ўзаро муносабатлари, у билан меҳнат жараёнидаги ўзаро алоқалари, жабрланувчининг малакаси, у бажарган иш тўғрисида; ишлаш пайтида баҳтсиз ҳодиса содир бўлган дастгоҳ, агрегат, бошқа механизмнинг ҳолати тўғрисида; асбобларнинг, муҳофаза воситаларининг ҳолати, техника хавфсизлиги бўйича йўл-йўриқ бериш ўтказилган вақт ва уни ўтказиш тартиби, илгари юз берган техника хавфсизлиги бузилиш ҳоллари тўғрисида сўроқ қилинади.

Терговчи кўпинча ўз ихтиёридаги дастлабки материаллар асосида тергов қилишни режалаштиришга киришади. Хусусан, техник инспектор ёки корхона маъмуриятининг текшириш материалларида одатда ҳодиса сабаблари ва унинг айбдорлари ҳақида дастлабки маълумотлар бўлади. Бироқ бу хулосалар терговчининг мустақиллигини чеклаб қўймаслиги керак. Терговчи уларга танқид кўзи билан қараб, ҳодиса хусусида ўз версияларини олга суришга ҳақли. Агарда терговчи бундай материалларга эга бўлмаса, тергов қилиш режаси шошилинч тергов ҳаракатлари ўтказилиб, бунда олинган натижалар пухта таҳлил қилингандан кейингина тузилиши мумкин.

Меҳнатни муҳофаза қилиш қоидаларининг жиноий тарзда бузилишини тергов қилишда асосий версиялар жиноятнинг объектив томонини аниқлаш билан боғлиқ, яъни: 1) бузилишининг сабаблари ва унинг натижаларини; 2) бузилишлар юзага келишига бевосита сабаблар ва шарт-шароитларни ойдинлаштириш билан боғлиқ бўлади. Жиноят субъекти, яъни баҳтсиз ҳодисага олиб келган бузилишларда айбдор шахс тўғрисидаги версияларнинг аҳамияти кам эмас. Версиялар ҳодиса ҳолатларини тўлиқ, ҳар тарафлама ва холисона текшириш учун зарур бўлган тафсилотлар билан боғликдир.

Режалаштириш асосини, шубҳасиз, меҳнатни муҳофаза қилиш қоидаларининг бузилишлари ва бунда айбдор шахслар хусусидаги версиялар ташкил этади. Бу хилдаги асосий версиялар тахминан қўйидагилардан иборат бўлиши мумкин: 1) етарлича малакага эга бўлмаган ҳамда техника хавфсизлиги бўйича йўл-йўриқ берилмаган шахсни ишга қўйишдан иборат; содир бўлган баҳтсиз ҳодиса йўл қўйилган бузилиш билан сабабий боғланишга эга; 2) ҳодиса йўл қўйилган бузилишлар билан боғлиқ бўлмаган; фойдаланилган ускуналарнинг техник нуқсонлари баҳтсиз ҳодисага бевосита сабаб бўлган; 3) техника хавфсизлиги қоидалари бузилмаган; баҳтсиз ҳодиса

жабрланувчининг ўз эҳтиётсизлиги туфайли содир бўлган. Бироқ баъзан ҳодиса аёндек туюлганда пайдо бўладиган битта версияга кўр-кўрони эргашмаслик керак. Кўпинча бир қатор ўзаро боғлиқ сабаблар мавжуд бўлиб, уларни тўла очиш ва тергов қилинаётган ҳодисанинг асосий сабабини аниқлаш зарур бўлади.

### **3-§. Кейинги тергов ҳаракатларининг ташкилий ва тактик хусусиятлари**

Жабрланувчилар ва гувоҳларни сўроқ қилишдан ташқари терговнинг иккинчи босқичида терговга далил бўлувчи аҳамиятга молик маълумотларни бериши мумкин бўлган бошқа шахслар сўроқ қилинади.

Шу шахслар қаторида биринчи навбатда жабрланувчининг у билан битта участкада ишлаган, лекин бахтсиз ҳодиса гувоҳи бўлмаган ҳамкаслари сўроқ қилинади. Улар бажарилган ишларнинг хусусияти ҳақида, технологияга, техника хавфсизлиги қоидалари ва йўриқномаларга риоя этилган-етилмагани, мавжуд қоидаларга риоя этилиши устидан назоратнинг аҳволи хусусида, шунингдек, жабрланувчининг шахси, унинг малакаси ва тажрибаси бажарилган ишлар хусусиятига мувофиқлиги ҳақида сўроқ қилинадилар.

Бахтсиз ҳодиса содир бўлган участка, смена, цех, ишлаб чиқариш раҳбарлари сўроқ қилинишлари керак. Улардан меҳнат жараёни қандай ташкил этилгани, жабрланувчига ишни ким томонидан буюрилгани, бахтсиз ҳодиса юз берган пайтда улар қаерда тургани, уларни қачон, ким ва қай тарзда ходимларга таништиргани, мазкур қоидаларга қандай риоя этилгани, уларнинг бажарилиши учун ким масъул эканлиги, хавфсизлик қоидаларига амалда риоя этиб келинганми, агар улар бузилган бўлса, нима туфайли бузилгани аниқлаштирилади.

Техника хавфсизлиги қоидалари жинои тарзда бузилгани тўғрисидаги ишларни тергов қилишда фаолияти бахтсиз ҳодиса билан боғлиқ бўлинмалар ва хизматларнинг раҳбарлари (бош электрик, бош технолог ва х.к.)ни сўроқдан четда қолдириб бўлмайди. Умуман корхона бўйича ва унинг айрим бўлинмаларида техника хавфсизлиги учун масъул шахслар ҳам сўроқ қилинади. Улардан бахтсиз ҳодисанинг сабаблари ҳақидаги, бахтсиз ҳодиса муносабати билан ва меҳнатни муҳофаза қилишни кучайтириш учун кўрилган чоралар ҳақидаги маълумотлар аниқланади.

Меҳнатни муҳофаза қилиш қоидаларига риоя этилиши устидан назоратни бевосита амалга оширувчи шахслар ва

корхонанинг бошқа ходимлари ҳам кўриб чиқилаётган тоифадаги ишлар бўйича гувоҳлар қаторида сўралиши мумкин. Биринчи гурухга техника хавфсизлиги хизмати ходимлари, касаба уюшмаларининг меҳнатни муҳофаза қилиш бўйича комиссия аъзолари, касаба уюшмалари вилоят қўмиталарининг техник инспекторлари, давлат назорат органлари («Энергоназорат», «Саноатконтехназорат» ва ҳ.к.)нинг ходимлари киради. Кўрсатиб ўтилган мансабдор шахслар муайян баҳтсиз ҳодиса билан боғлик ҳолатларни тушунтириб беришларигина эмас, балки мазкур корхонадаги меҳнатни муҳофаза қилишнинг аҳволи ва илгари йўл қўйилган бузилишлар, шу муносабат билан кўрилган чоралар, уларнинг натижалари ҳақида ҳам маълумот беришлари мумкин. Мазкур ходимлардан шу корхонада амалда бўлган қоидалар, идоравий текшириш материалларидағи ноаниқликлар, ишлаб чиқаришни ташкил этиш хусусиятлари ва бошқа шу сингарилар ҳақида тушунтиришлар олиниши мумкин.

Бухгалтерия ходимларидан мазкур корхонада меҳнатни муҳофаза қилишга ажратилган маблағлар ҳақида, уларнинг сарфланиши, меҳнатни муҳофаза қилиш ва техника хавфсизлиги режасини амалга оширишнинг молиявий-моддий имкониятлари ҳақида маълумот олиш мумкин.

Бундан ташқари, гувоҳлар тариқасида ишлаб чиқариш билан боғлик бўлмаган шахслар (жабрланувчининг қариндошлари, танишлари) ҳам сўроқ қилиниши мумкин. Меҳнат шароитидаги ноқулайликлар, техника хавфсизлиги қоидаларининг бузилишлари, етарлича тайёргарликсиз, малакасиз, йўл-йўриқлар берилмасдан ишни бажаришни топшириш ҳоллари ҳақида уларга жабрланувчи сўзлаган бўлиши эҳтимолдан холи эмас.

Меҳнатни муҳофаза қилиш қоидаларининг жиноий тарзда бузилишлари тўғрисидаги жиноят ишларини тергов қилиш жараёнида терговчи кўпинча мутахассислар ёрдамига таянишига, суд-техника, суд-тиббиёт ва тиббий-меҳнат экспертизалари тайинлашига тўғри келади.

Суд-техника экспертизалари маҳсус билимлар талаб қилинадиган мураккаб техник масалаларини ҳал қилиш зарур бўлганда ўтказилади. Идоравий текшириш материалларида ва техник инспектор хulosасида етарлича ҳамда холисона маълумотлар бор бўлса, суд-техника экспертизаси тайинланмаслиги мумкин. Бироқ юқорида кўрсатиб ўтилган хulosалар бўлса ҳам, айниқса айбланувчи уларга рози бўлмаганда ёки бу хulosалар бир-бирига зид бўлганда суд-техника экспертизаси ўтказиши шарт.

Суд-техника экспертизаси ваколатлари жумласига барча

ишлиб чиқариш масалаларини ва бахтсиз ҳодиса билан боғлиқ техник масалаларни текшириш ва ҳал қилиш киради. Бу масалаларнинг аниқ рўйхатини бериш қийин. Уларнинг таркиби бахтсиз ҳодиса юз берган корхона ишлиб чиқариш фаолиятининг хусусиятларига, тергов қилинаётган ҳодисанинг ўзига хос хусусиятларига, бошқа омилларга боғлиқ бўлади. Амалиётда суд-техника экспертизаси олдига, қоида тариқасида, қуйидаги саволлар қўйилади: 1) мазкур ҳодисанинг сабаблари қандай (техникавий ва ташкилий); 2) тегишли дастгоҳ, агрегат, механизм ва бошқаларнинг техник ҳолати қандай; 3) мазкур ҳолда техника хавфсизлиги, саноат санитарияси қоидалари ва меҳнатни муҳофаза қилишининг бошқа қоидалари ва меҳнатни муҳофаза қилишининг бошқа қоидалари бузилганми? 4) агар бузилиш мавжуд бўлса, у аниқ нимадан иборат бўлган, унинг ҳодиса билан сабабий boglaniши борми? 5) йўл қўйилган бузилишлар юзага келишига нима ёрдам берган? 6) қандай чоратадбирлар мазкур ҳодисанинг олдини олиши мумкин эди?

Техник эксперталар ўнлаб маҳсус масалаларни ҳал қиласидан ишлар учрайди. Бироқ текширилаётган ҳодисанинг бевосита сабаби тўгрисидаги масала ҳар доим улардан энг муҳими хисобланади.

Ҳал қилиниши бир қанча билим соҳаларининг мутахассисларини жалб этишни талаб қиласидан масалалар пайдо бўлганда комплекс экспертиза тайинланади.

Эксперталар тариқасида ихтинослашуви бўйича турдош корхоналарнинг мутахассислари, олий ва ўрта маҳсус ўқув юртлари, илмий-тадқиқот муассасаларининг ходимлари тақлиф қилиниши мумкин. Эксперт эга бўлиши шарт бўлган асосий фазилат – бу унинг техника соҳасида маҳсус билимларга ва ишлиб чиқариш фаолияти тажрибасига эга бўлишидир. Давлат ва касаба уюшмалари назорат қилувчи органларининг мутахассислари ҳам эксперт сифатида жалб қилиниши мумкин. Лекин улар мазкур корхонани назорат қилмаган ёки унга хизмат кўрсатмаган, шунингдек, идоравий текширишда иштирок этмаган – холис бўлишлари керак.

Экспертга жиноят ишининг барча материаллари, идоравий норматив ҳужжатлар, олинган намуналар ва бошқа сингарилар берилиши керак. Текшириш учун зарур бўлган материаллар ҳажмини эксперт билан олдиндан келишиб олиш фойдалидир. Табиийки, экспертга тақдим этиладиган маълумотлар тўла ва аниқ бўлиши керак. Акс ҳолда, янгиш хулоса чиқирилиши мумкин. Экспертизанинг муҳим, лекин иш бўйича ягона далил бўлмаган натижаси ишнинг бошқа материаллари билан биргаликда текширилади ва баҳоланади.

Суд-тиббиёт экспертизаси мазкур тоифадаги ишлар бўйича асосан ўлимнинг сабабларини, баданга етказилган шикастларнинг даражасини, жабрланувчининг баҳтсиз ҳодиса пайтидаги аҳволини, жабрланувчининг кийим-кечаги ва баданидаги изларни ҳамда жароҳатловчи омилларни аниқлаш учун тайинланади. Суд-тиббиёт экспертизаси тирик шахслар, мурда, кийим-кечак ёки бошқа нарсаларга тааллуқли масалаларни ҳал қилиши мумкин. Терговчи экспертга ҳодиса жойини кўздан кечириш маълумотларни, тиббий ҳужжатларни, идоравий текшириш материалларини, ишнинг бошқа материалларини тақдим этиши керак. Ишлаб чиқариш санитарияси ва касб касалликлари бўйича тиббиёт мутахассисларини жалб этган ҳолда комплекс суд-тиббиёт экспертизаси тайинланиши мумкин.

Ниҳоят, тўпланган далиллар асосида айбланувчини сўроқ қилишнинг ўзига хос хусусиятлари тергов қилинаётган ҳодиса содир бўлган соҳадаги ишлаб чиқариш фаолиятининг ўзига хос жиҳатларидан келиб чиқади. Сўроқ қилиш чоғида аниқланадиган масалалар технология жараёнининг хусусиятлари билан, маҳсус техник тушунчалар ва атамалар, айбланувчи лавозимига кўра қандай мавқега эгалиги ва бошқа ҳолатлар билан боғлиқ бўлади. Айбланувчини сўроқ қилишда, қоида тариқасида, қуидагиларни аниқлаш керак: 1) мазкур мутахассислик бўйича маҳсус маълумоти ва иш стажи қандай? 2) мазкур участкада техника хавфсизлиги қоидаларига риоя этилиши устидан қандай назорат чоралари кўрилган; 3) айбланувчи техника хавфсизлиги бўйича қоидалар ва йўриқномаларни билганми ҳамда уларга риоя этишда унга нима ҳалақит берган? 4) мазкур участкада илгари ҳам баҳтсиз ҳодисалар юз берганми ва шу муносабат билан қандай чоралар кўрилган? 5) айбланувчи содир бўлган ҳодиса сабабини нимада деб хисоблайди ва техника хавфсизлиги қоидалари бузилишида ўз айбини тан оладими?

Сўроқнинг муваффақияти кўп жиҳатдан унга маҳсус техник адабиётлар, техника хавфсизлиги бўйича қоидалар ва йўриқномалар, корхона раҳбари ва юқори органларнинг буйруқларини ўрганиб чиқишидан иборат бўладиган тайёргарлик кўришга боғлиқ бўлади. Мехнат психологияси, меҳнатни илмий ташкил этиш ва ҳоказолар бўйича қоидалар ва тавсиялар билан танишиш фойдалидир. Баъзан тегишли мутахассислардан маслаҳат олиш мақсадга мувофиқ.

Кўрсатиб ўтилган тергов ҳаракатларидан ташқари тинтув, олиб қўйиш, тергов эксперименти ва бошқа шу сингариларни ўтказиш эҳтиёжи пайдо бўлиши мумкин.

## **32-боб. ЎТ ҚҮЙИШ ВА ЁНГИН ХАВФСИЗЛИГИ ҚОИДАЛАРИНИ БУЗИШ ЖИНОЯТЛАРИНИ ТЕРГОВ ҚИЛИШ**

### **1-ғ. Ўт қўйиш ва ёнгин хавфсизлиги қоидаларини бузиш жиноятларининг криминалистик тавсифи**

Ўт қўйиш ва ёнгиндан сақлаш қоидасини бузиш хавфли жиноятлар турига киради. Бундай жиноятлар инсон ҳаётига, саломатлигига, давлат ва шахсий мулкка жиддий зиён беради.

Одатда ёнгин тўғрисида жиноят иши қўзгатишга ёнгин тўғрисида хабарнинг ўзи, шунингдек қасддан ўт қўйиб юбориш ёки ёнгинга қарши хавфсизлик қоидаларини жинояткорона бузиш, шу жумладан оловга нисбатан эҳтиётсизлик сабаб бўлади.

Бевосита ёнгин чиқишига сабаблар хилма-хил бўлиб, уларни асосан тўрт гурухга бўлиш мумкин:

- 1) очиқ жойдаги ўтнинг таъсири (аланга, қизиган жисм, учқун, чақмоқ);
- 2) ўз-ўзидан ўт олиш, яъни ташқи иссиқлик таъсирида буюмнинг ёниб кетиши;
- 3) қизиб ўз-ўзидан ёниш, яъни кимёвий реакция таъсирида ёнгин чиқиши ва физик ҳодисалар;
- 4) атрофдаги предметларнинг ўз-ўзидан ёниши ва ёнгин содир этилишига олиб келадиган портлаш.

Бинода ёнувчан материалнинг мавжудлиги, бинонинг ҳаддан ташқари ивирсиб ётганлиги, ўт ўчиришга мўлжалланган дастлабки воситалар, ёнгинга қарши сигнализация бўлмаслиги ёки уларнинг яроқсизлиги, ёнгинга қарши хавфсизлик тартиб қоидаларига риоя қилинmasлиги, ёнгин чиқиши, портлаш юз бериши, деформацияга учраши ва қулаши, ўт ўчириш идораларига ўз вақтида хабар бермаслик, обьект ҳодимларининг ёнгинни ўчиришга тайёр эмаслиги ва бошқалар ўтнинг авж олиб тез тарқалишига олиб келувчи асосий омиллар ҳисобланади.

Мазкур жиноятларни содир этиш усуслари ҳам хилма-хил, аммо баъзи бир умумий аломатлари мавжуд.

Кўпинча қасддан ўт қўйишлар маълум тайёргарлик босқичлари билан характерлидир. Бунда жиноятчи тажовуз қилиш йўллари тўғрисида ахборот тўплайди, ўз ниятларини олдиндан режалаштириб олади, ўт қўйиш учун зарур бўлган техник воситалар ва қуроллар танлайди, уларни яшириш чораларини кўради.

Ўт қўйиш усусларини бир неча гурухларга бўлиш мумкин:

- 1) тез аланга оладиган ва тез ёнадиган материаллар ёрдамида ўт қўйиш;

2) махсус тайёрланган ёнувчи материаллар ёрдамида ўт қўйиш;

3) ташқи олов манбаидан тез ўт олишга ёки белгиланган вақтда алангалинишга мўлжалланган махсус тайёрланган техник мослама ёки махсус яратилган шароитдан фойдаланиб ўт қўйиш;

4) ўз-ўзидан ёниб кетадиган бирор буюм ёки материал учун қулай шароит яратиш йўли билан ўт қўйиш.

Ёнгинга қарши хавфсизлик қоидаларини бузиш билан боғлик жиноятнинг мазкур турлари учун тайёргарлик кўриш босқичи мавжуд эмаслиги ҳарактерлидир, айни вақтда у кейинги фаолиятини никоблашга хизмат қилади. Содир этиш усулларига кўра, мазкур ҳуқуқбузарлик бир неча гурухларга бўлинади:

1) ёритгич, иситгич, газ ва кимёвий қурилмалардан фойдаланишда ва сақлашда ёнгинга қарши қоидаларга риоя қилмаслик;

2) турли ёнгин, алнга оладиган ва портлаш хавфи бўлган материалларни сақлаш, ташиб, фойдаланиш ва тайёрлашга оид техник қоидаларга риоя қилмаслик;

3) электр ўтказгичларни монтаж қилиш ва ёритгич асбобларини сақлашда ёнгинга қарши тартиб қоидаларга риоя қилмаслик;

4) ёнгинга қарши ишончли ҳимоя асбоблар, қурилмалар, машиналарни, бошқа мақсадларда, хусусан ишлаб чиқариш жараённида фойдаланиш ва ҳоказо.

Ушбу жиноятларни содир этадиган шахсларнинг ўзига хосликлари ҳам хилма-хилдир. Ёнгин содир этганлар турар жойида ва иш жойида салбий тавсифланади, уларнинг орасида илгари судланганлар кўпроқ учрайди.

Ёнгинга қарши хавфсизлик тартиб-қоидаларини бузиб, жиноят содир этган шахс билан меҳнатни муҳофаза қилиш ва техника хавфсизлигига риоя этиш қоидаларини бузган шахсни бир гурухга киритиш мумкин.

Ўт қўйиш ва ёнгинга қарши хавфсизлик қоидаларини жиддий бузиш тарзидаги жиноятларни тергов қилишда қўйидаги ҳолатларга аниқлик киритиш керак:

1) ёнгин қачон юз бергани;

2) ёнгин қаердан бошланди, унинг манбаларининг сони ва тарқалиши;

3) ёнгин, унинг чиқиши ва тарқалишини ким кўрган, кузатгани;

4) ёнгин чиқишига қайси воқеалар сабаб бўлгани;

5) агар ёнгин хавфсизлик тартиб-қоидаларининг бузилиши натижасида чиқсан бўлса, унга риоя қилиш учун жавобгарликни кимнинг зиммасига юклангани; тартиб-қоидаларнинг бузилиши

нималардан иборат ва бунга ким томонидан йўл қўйилгани;

6) агар ёнгин техник сабабларга кўра чиқсан бўлса, аникроғи улар нималардан иборат, техник носозликлар қачон пайдо бўлгани, уларни ўз вақтида аниқлаб, бартараф этиш имкони бўлганми?

7) агар қасддан ўт қўйилган бўлса, унинг сабаблари, ижро усуллари қандай, ким томонидан ва қандай воситалардан фойдаланган ҳолда содир этилгани?

8) агар ёнгинда одамлар қурбон бўлган бўлса, у қандай вазиятда юз берди, агар тан жароҳати олган бўлса, унинг ҳарактери ва жиддийлик даражаси қандай?

9) ёнгин чиқишига ким айбдор, ўз ҳаракатлари (ёхуд ҳаракатсизлиги) билан ёнгин чиқишига сабаб бўлган шахснинг айбдорлик даражаси, айни оғирлаштирувчи ва енгиллаштирувчи вазият қандай?

10) ёнгин етказган зарап ҳарактери ва миқдори;

11) ёнгин чиқишига олиб келган сабаб ва шарт-шароитлар.

Юқорида санаб ўтилган вазиятлар билан бирга бошқа жиноятлар (қотиллик, ўгрилик ва ҳ.к.)ни яшириш ниятида қасддан амалга оширилган ишни тергов қилишда ёнгин билан ниқоблашга мўлжалланган жиноятни далиллар билан исботлаш керак.

## *2-§. Дастлабки тергов ҳаракатларини ташкил этиш ва ўтказиш*

Ёнгин тўғрисидаги ишлар бўйича дастлабки тергов ҳаракатлари рўй берган вазиятга тўғри йўналиш бериш имкониятларини таъминлаш, ёнгинни биринчилар қаторида сезган, курган, кузатган шахс ва дастлабки босқичларни топиш сўроқ қилиш, қолдирган изларни кўриб чиниш, белгилаб олиш, ашёвий далилларни қидириб топиш ва сақлаб қўйиш керак.

Ёнгин тўғрисидаги ишлар бўйича дастлабки тергов ҳаракатлари қуйидагиларни ўз ичига олади;

1) ҳодиса содир бўлган жойни кўздан кечириш;

2) экспертиза тайинлаш ва ўтказиш (техник ёнгинга оид, криминалистик, тиббий);

3) ёнгин чиқишида гумон қилинаётган шахсни тинтув қилиш;

4) ўз кўзи билан кўрган шахсларни сўроқ қилиш;

5) гумон қилинган шахсни текширишдан ўтказиш.

Санаб ўтилган тергов ҳаракатларини кечиктирмасдан, шу билан бирга жиноят содир этган шахсни топишга қаратилган тезкор-қидириув тадбирларини ўз муддатида амалга ошириш керак.

Милициянинг тезкор-қидирув ходимлари ёнгин чиққан атрофни текшириб кўриши, жиноят изларини қидириб топиши, махсус итнинг қидирув хизматларидан фойдаланиб, алоҳида шахсларни кузатиб бориши, жинояччини “иссиғида” таъқиб қилиш тадбирларини амалга ошириш лозим.

Ходиса содир бўлган жойни кўздан кечириша, куннинг қайси вақти бўлишига қарамай, текширувни тезроқ бошлаш керак. Агар ҳодиса тунда содир бўлган бўлса, кундузи кўшимча текширув ўтказиш тавсия этилади.

Терговчи ҳодиса содир бўлган жойга боришда илмий-техника воситаларидан ташқари ёнгин тушган жойни кўздан кечириш учун мўлжалланган махсус асбобларга ҳам эга бўлиши керак. Бундан ташқари, текшириш ишларига ёнгин техникаси ва ёнгин ишлари соҳасидаги манфаатдор бўлмаган мутахассисларни, қурбонлар бўлса суд-тиббий эксперталарини жалб этиши зарур. Баъзи ҳолларда текширишга муҳандис электрик, кимёгар, қурувчи ва бошқа мутахассислар ҳам жалб этилади. Зарур ҳолатларда текширишнинг самарали техник воситаларини ишлатиш имкониятини берадиган махсус қатнайдиган лаборатория автомашинасидан фойдаланиш мақсадга мувофиқдир.

Терговчи текшириш олдидан ёнгин чиқишига гувоҳ бўлганлар билан қисқа сўровлар ўтказиши, шунингдек ёнгин чиққан жойга биринчи етиб келган, яъни воқеани ўз кўзи билан кўрганлар билан ҳам савол-жавоб қилиши лозим:

- 1) ёнгин қаердан тарқала бошлаган?
- 2) улар бошқача ҳидни сезмадиларми (резина, латта, керосин ёнганда чиқадиган ҳидлар)?
- 3) тутун ва аланганинг ранги қандай эди?
- 4) шамолнинг кучи ва йўналиши қандай?
- 5) ёнгин чиққанини кўрганлар уни ўчириш учун қандай чоралар кўрди ва ишлар ким томонидан амалга оширилди?
- 6) ёнгин чиққан вақтда атрофда бегона киши борлиги ёки у қаерда юргани, қаерга кетгани, унинг қандай белгилари мавжуд?

Ёнгин чиққан жойни кўздан кечириш жараёнида қуйидагиларга ойдинлик киритиш зарур:

- 1) ёнгин содир бўлган жой вазияти;
- 2) ёнгин чиққан жойнинг кўриниши ва ёнгиннинг тарқалиш йўллари;
- 3) ёнгин чиққан жой (ёнгин манбаи) бинонинг ичі. Ҷа ёки ташқарисида бўлганлиги, электр асбобларининг ишлатилган ҳолда қолдирилганлиги;
- 4) ёнгин натижасида нималар ёниб кетди ёки заарланди?

Ходиса содир бўлган жойни текшириш қуйидаги изчилликда

амалга оширилади;

- 1) ёнгин чиққан жойни ва унга ёндош ҳудудларни умумий кўздан кечириш;
- 2) дастлаб ёнгин чиққан манбани текшириш;
- 3) ёнгин чиққан жойни унинг тарқалиш йўналиши бўйича кўздан кечириш;
- 4) воқеа содир бўлган жойга олиб борган, ундан қайтган киши ва транспорт излари топилган участкаларни синчилаб текшириш.

Кўздан кечиришнинг муҳим вазифаларидан бири ёнгин чиққан манбани синчилаб текшириш ҳисобланади. Энг кўп куйган пол, девор, шифт, ўта қурум босган, шакли ўзгарган, сирти эриган ва тўпон билан қолланган метал қисмлари, тош ва бетон объектларда ҳосил бўлган ёриқлар ёнгин чиққан манбалар учун ҳарактерли белгилардир.

Ёнгин чиққан манбани кўздан кечирганда асосий эътибор ёнгин чиқишига сабаб бўлган объект, предмет ва буюмларга қаратилади. Шунингдек иситиш, ёритиш, майший электр буюмлари, электр ўтказгичлари, тез аланга олиб ёнадиган ёки кимёвий моддалар қолдирган қолдиқлар, излар синчилаб текширилади; ёнгин қолдиқлари (кул, курум, ва бошқа буюмлар) ўрганилади; ёнгинга сабаб бўлган воситалар аниқланади (ясама пилик, ёнадиган буюмлар ва х.к.)

Белгиланган ёки таҳлил қилинган ёнгин манбани кўздан кечиргандан кейин ёнгин тарқалган йўналиш бўйича ҳаракат қилиш мақсадга мувофиқ. Шуни унутмаслик керакки, марказдан (ёнгин манбаидан) четга чиқиб, бу ерда қасдан ёнгин чиқарған ёки жиноят излари бўлган предметга дуч келиш мумкин.

Ёнгин зонасида барча узелларни текшириб бўлгач, ёнгин қолдиқларини текшириб кўриш, баъзан текшириш участкасига кириш имкониятини бермаётган ҳолатларни бартараф этишга тўғри келади. Ёнгин қолдиқларини, айниқса ёнгин манбани алоҳида синчковлик билан текшириш воқеа содир бўлган жойни кўздан кечиришнинг ўзига хос таркибий қисми ҳисобланади. Ёнгин қолдиқларида ёнилғи суюқлиги, техник мослама қолдиқлари ва бошқаларни учратиш мумкин. Зарур ҳолатларда ўт тушган жойдан олов чиқиши сабабларини аниқлашга ёрдам берадиган кул, ёнмай қолган объектлар намуналарини ажратиб олиш зарур. Текшириш жараённада далилий ашёларни олиб, ўраб жойлаш ва кейинги экспертиза учун сақлаб қўйиш лозим. Куйган хидли буюмларни хиди йўқолмаслиги учун герметик жойлаб қўйиш зарур.

Куйиб кетган хужжатларни фотосуратга тушириш ва иложи борича ажратиб олиб, жойлаш мақсадга мувофиқ. Бу ишларни

бажаришда жуда эҳтиёт бўлиш лозим, акс ҳолда эса ашёвий далиллардан айрилиб қолиш мумкин. Куйиб кетган ва кулга айланган қоғозларни йифиш ва ажратиб олишда криминалист мутахассислар жалб этилади.

Куйиб кетган жойни кўздан кечиришга борганда ҳар бир предмет ва топилган изларни синчиклаб ўрганиш керак. Ёнгин жараёнида ҳосил бўлган изларга алоҳида эътибор бериш зарур.

Ёнгиндан қолган материаллар буюмларнинг асл ҳолатини аниқлаш жараёнларини тиклаш имкониятини беради. Агар ёнгин содир бўлган жойда одам жасади топилса, уни кўздан кечириши жараёнида қуидагиларга эътибор бериш керак:

1) ёнгин манбаидаги бино конструкцияси қулаб тушган жойга нисбатан жасад топилган ўринни аниқлаш;

2) жасад қандай ҳолатда ётган эди, ундан ўлим олдидаги ҳаракатини билиш мумкини?

3) ўлган одам ёнгиндан химояланиш чорасини кўрганми?

4) жасадда юқори ҳарорат ва олов излари борми?

5) жасадда механик тарзда етказилган жароҳат мавжудми (қуролдан ўт очиб ярадор қилинган, шикаст етказилган, бино конструкцияси қулаши натижасида жароҳат олган, бугиб ўлдириш, пичоқ ёки чопқи излари борми ва ҳоказо)?

Жасадни кўздан кечиришда шуни эътиборга олиш керакки, юқори ҳарорат таъсирида жасаднинг мушаклари кескин қисқаради, қўл-оёқ бўғимлари тортилади. Шуни ҳам унутмаслик керакки, юзаси бир-бирига зич тегиб турган қисми олов таъсиридан яхши сақланади. Жасаднинг худди шундай жойларидан ҳаётлик давридаги жароҳатини қидириш керак, бу ўлдириб, кейин ўт қўйган қотиллик тўғрисидаги ишлар бўйича муҳимdir. Оловда куйиб ўлганлар жасадида доғлар ўрни бўлмайди, агар жасадда бундай доғлар топилса, демак жабрланган ёнгинга қадар ўлдирилган деб ҳисобланади.

**Гувоҳлар ва жабрланганларни сўроқ қилиш.** Ёнгин содир бўлган жойни кўздан кечириб бўлгандан кейин терговчи гувоҳларни ва жабрланганларни батафсил сўроқ қилиши керак.

Биринчи навбатда ёнгин гувоҳлари сўроқ қилинади, сўнгра уни бартараф этишда иштирок этганларга навбат келади. Энг аввало, ёнгин чиққан ёки хабар топилган вақтда ёнгиннинг тарқалиши, уни ўчириш жараёнида вазиятнинг ўзига хос томони каби масалаларга аниқлик киритиб олиш лозим.

Жабрланганлар сўроқ қилинганда ёнгиннинг келиб чиқиши сабаблари ва вазиятлари тўғрисида муҳим маълумотлар олиш мумкин. Аммо жабрланувчи ҳам адашиб ёнгин билан боғлик ҳақиқий вазиятни бузиб кўрсатиши эҳтимоллигини ҳам унутмаслик керак. Бу айниқса руҳий изтироб, кўрқув, шунингдек

одамлар, мол-мулкни қутқариш, ёнгинни ўчириш воқеалари билан боғлиқ равишда юз беради.

Гувоҳларни ва жабрланувчиларни сўроқ қилишда асосий эътибор қўйидаги масалаларга қаратилиши керак:

1) ёнгин чиққан вазият, унинг тарқалиши ва ўчирилиши;

2) объектдаги ёнгинга қарши хавфсизлик ҳолати;

3) ўт қўйишда гумон қилинган аниқ шахсга тегишли ахборотни олиш.

Масалан, ёнгин гувоҳлари ва ҳодиса содир бўлган жойга биринчи бўлиб етиб келган шахс сўроқ қилинганда уларнинг ҳар бири қайси вақтда етиб келди ва қандай вазият устидан чиққанлиги аниқланади: ёнгинни ким биринчи бўлиб кўрди ва бу хақда ким хабар берди; ёнгин қачон, қайси жойда ва қандай сабаблар билан чиқди, у бир вақтнинг ўзида бир неча жойда пайдо бўлмадими, улар ўт қўйишнинг бошқа аломатларини кўрмадиларми; оловнинг тарқалиши ва унинг авж олиш вазияти қандай, оловнинг кучайиши ва шамолнинг йўналиши; тутуннинг ранги ва қуюқлиги қандай, аланга ҳарактери, ҳиди, ёнгин кучайиши ва ўчириш даврида турли таъм сезиш ҳолатлари бўлдими?

Гувоҳлар ва жабрланувчилардан ҳодиса содир бўлган жойда вазият ўзгардими, ёнгинни ўчириш қандай ўтди? Шу каби сўроқларга жавоб олишлари керак; қандай ашёвий далиллар, айнан қайси жойда топилди; жабрланганлар қаердан ва қайси шароитда қутқариб олинди; ўтда қайси мол-мулк қуийб кетди; объектдаги дастлабки ёнгин ўчирадиган восита қандай ҳолатда эди, ёнгин чиққан жойда четдан шубҳали шахс пайдо бўлмадими, ёнгин келиб чиқиши сабаблари ва айбдорлари тўғрисида қандай таклифлар айтилмоқда, улар нималарга асосланган ва ҳоказо.

Ёнгин чиққан объектда хавфсизлик ҳолатини аниқлаш учун ёнгинга қарши тартиб қоидалар бузилишга ким ва қандай тарзда йўл қўйди, иситиш тизими, ёритгич, вентиляция, газ ва сув таъминотининг ҳолати, ёнгинга қарши воситалар ҳолати қандай эди, объектда портловчи, ёнувчи ва ўз-ўзидан аланга оладиган моддалар бор эдими, ёнгиндан олдин портлаш юз бермадими, ёнгин чиқишига сабаб бўладиган бошқа сабаб ва шароитлар йўқмиди?

Гумон қилинган одами текширувдан ўтказиш, ҳодиса содир бўлган жойни кўздан кечириш жараённада суриштирув органи ходимлари дастлабки тезкор-қидирув тадбирлари ўтказишида ёнгин чиқишига шубҳа қилинган шахсни кўлга олишлари керак. Терговчи уни кўлга олиш асосли эканлигини текшириши ва уни айбли ёки айбсизлигини исботловчи далиллар йиғишига киришиши зарур.

Тажрибадан маълумки, қасдан ўт қўйганлар кийимида ва танасида ёнувчи моддалар изи, хиди, куйдирган жойининг ўни, доги қолади; кийим чўнтағида олов тутатгич воситалари, унинг қисмлари бўлади. Булар мазкур иш бўйича ашёвий далил бўлиши мумкин.

Гумон қилинган одамнинг кийими, пойабзали, баданини кўздан кечира бориб, қаерда, қандай доғ қолганлигини аниқ қайд этиш, уларнинг шакли, ҳажми, ранги, хидини белгилаш, қўйдириб олган кийими, сочибоши, юзи ва қўлини синчиклаб текшириш зарур.

Гумон қилинган одам пойабзалига алоҳида аҳамият бериш керак. Чунки унда тупроқ зарралари, ўт, кул, барг, шунингдек ёнувчи модда изи қолиши мумкин. Бундай пойабзал экспертиза учун юборилиши шарт.

Ўт қўйишида гумон қилинган шахсни дарҳол тинтуб қилиш керак. Бу ўт қўйиш учун фойдаланилган ўт олдириш воситаси, уларнинг қолдиқларини топиш имкониятини беради. Шунингдек, ўт қўювчининг оёқ кийимини ҳам текшириш лозим.

Кўп ҳолларда тинтуб ўтказилганда ёнгин вақтида ўтирангтан предметлар ва хужжатларни қўлга тушириш мумкин. Улар мазмун-моҳиятига кўра содир этилган ёнфинга алоқадор бўлиши ва жиноят сабабларини очишга хизмат қилиши мумкин.

Баъзан айрим хужжатларни дарҳол олиб қўйиш мақсадга мувофиқ. Ёнфинга қарши хавфсизлик ҳолати текширувчига оид хужжатлар биринчи даражали аҳамиятга эга: буларга портловчи моддаларни сақлаш ва транспортда жўнатиш, ортиш, тушириш ҳолати, объектдаги ёнувчи ва ўз-ўзидан ёниб кетадиган моддалар ҳолатини ҳарактерлаб берувчи хужжатлар; ёнфингдан муҳофаза қилиш вакиллари томонидан тузилган ёнгин тўғрисидаги хужжат; техника хавфсизлиги ва ёнгин хавфсизлигининг маҳаллий инструкцияси; куйган обьект мол-мулкининг инвентаризация рўйхати киритилади.

### **3-ғ. Тергов ўтказишни режалаштириш ва кейинги тергов ҳаракатлари**

Версиялар ишлаб чиқариш билан боғлиқ дастлабки тергов ҳаракатларининг ўз вақтида олинган натижалари, ёнгин сабаблари, айрим ҳолларда унинг айбдорлари тўғрисидаги материаллар асосида олга сурилади.

Терговнинг биринчи босқичида олинган маълумотлар асосида терговчи ҳодиса ҳарактери тўғрисида қуидаги асосий тахминни олга суриши мумкин:

- 1) ўт қўйилган;

2) очиқдаги оловга эҳтиётсизлик билан қилинган муносабат натижасида ёнгин чиққан;

3) ёнгидан хавфли қурилма, асбоблар, электр ўтказгичлар ва бошқалар техник носозлиги оқибатида ёнгин чиққан;

4) ўз-ўзидан ёниб кетадиган маҳсулотлар нотўғри сақланган;

5) чақмок уриши ва бошқалар.

Ёнгин чиқишига сабаб бўлган асосий тахмин асосида турли масалаларга оид жузъий тахминларни олга суради, бунда ишнинг аниқ вазияти ва йигилган материаллар ҳисобга олинади. Масалан, ўт қўйиш тўғрисидаги асосий тахмин олга сурилганда қасдан қилинган ўт қўйиш сабабларига оид масала муҳокама этилади. Ўт қўйиш қўйидаги сабаблар билан содир этилган: 1) бошқа жиноятни ёпиш учун; 2) ўч олиш мақсадида; 3) сугурта ва бошқа моддий қулайликларни олиш мақсадида қилинган.

Ёнгинда одам жасади топилса, ўлим қандай содир бўлганлиги тўғрисида тахмин олга сурилади, жумладан: 1) жабрланган одам юқори ҳарорат таъсирида ҳалок бўлган, газ ҳидидан заҳарланган; 2) жабр кўрган, ўлдирилган ва кейин қотилликни яшириш мақсадида ўт қўйилган; 3) ёнгин жойида топилган жасад ёнгин чиққанга қадар ўз ажали билан ўлган.

Кейин вазият тўғрисида тахмин олга сурилиши `мумкин. Бунда жабрланган очик олов ва юқори ҳарорат остида ўлган, (жабрланган, касал бўлган, маст ҳолатда эди, чиқадиган йўл олов билан тўсилган) қотиллик сабаблари тўғрисида, уни ижро этган шахс тўғрисида маълумотлар олинади.

Олов билан эҳтиёtsiz муносабатда бўлган ёки қурилма ва асбоблар техник носозлигидан келиб чиқадиган ёнгин тўғрисида олга сурилган асосий тахминда мазкур объектда олов билан боғлиқ муносабатлар мавжуд эмаслиги, ёнгинга қарши асбобларнинг носоз ҳолати тўғрисида тахмин олга сурилади.

**Тергов ўтказишини режалаштириши.** Қилинган версиялар режалаштиришнинг асоси ҳисобланади. Ёнгин тўғрисидаги ишлар бўйича тергов ўтказишини режалаштириш олга сурилган тахмин мазмуни ва терговнинг аниқ бир босқичда ҳал этиладиган вазифалар билан асосланган ўзига хос жиҳатларига эгадир.

Агар ёнгин чиқишига асосий сабаб олов билан хавфсизлик қодаларига риоя қилинмаган ҳолда муносабатда бўлиш оқибати эканлиги тахмин қилинса, тергов ўтказишини режалаштиришда ёнгин рўй берган вақтда бинонинг ичидаги бўлган шахснинг аҳлоқини ўрганиш назарда тутилади.

Агар ёнгин чиқишига техник носозлик сабаб, деб тахмин қилинса, уни топиш имкониятини берадиган тегишли эксперт тадқиқоти режалаштирилади. Сўнгра ёнгинга қарши хавфсизлик

тартиб-қоидаларига риоя қилишга жавобгар ва мавжуд асбоблар, машиналар, механизмлар ҳолатини назорат қилишга масъул шахсларни сўроқ қилиш назарда тутилади.

Айни вақтда ёнгин чиққан бинода ишлаётган ходимларни гувоҳ сифатида сўроқ қилиш режалаштирилади. Шунингдек, режада тегишли техникага оид хужжатларни ажратиб олиш кўзда тутилади.

Агар қасдан ўт қўйиш тўғрисидаги тахмин асос қилиб олинса, жиноят содир этиш сабабларини очиб беришга йўналтирилган тергов ҳаракатларини ўтказиш режалаштирилади. Бунда тергов режаси жиноятнинг барча таркибини ўз ичига олган воқеанинг ҳақиқий ҳарактери тўғрисидаги бир неча тахминни бир вақтнинг ўзида текширишни назарда тутиши керак. Масалан, дўкон, омбор ва бошқаларга ўт қўйишдан мақсад у ердаги ўтириликни никоблаш, турар жой биносига ўт қўйишда эса қотилликни никоблаш назарда тутилган бўлиши мумкин. Бундай вазиятларда ёнгин билан боғлиқ шароитни тадқик этишда ўғирлик, қотиллик тўғрисидаги тахмин режалаштирилади ва текширув ўтказилади.

**Экспертизалар.** Ёнгин билан боғлиқ ишлар экспертизасининг асосий турлари техник-ёнгин, кимёвий-суд, криминалистик ва техник экспертизаларни ўз ичига олади. Одам қурбон бўлган бўлса суд-тиббиёт экспертизаси, агар ҳайвон ўлган бўлса ветеринария экспертизаси ўтказилади.

Ёнгин чиққан жойни текшириб, гувоҳлар сўроқ қилиниб, бошқа тергов ҳаракатларидан кейин дарҳол юқоридаги экспертизалар бошланиши керак. Техник-ёнгин экспертиза ишлари ёнгин бўлган жойни кўздан кечириш жараёнида бошланса, унинг самародорлиги шунча юқори бўлади.

Техник-ёнгин экспертизасини ўтказишда, қоидага кўра, қуидагиларни аниқлаб олиш масаласи қўйилади:

- 1) ёнгин манбаи ва ёнгин чиқишининг сабаблари;
- 2) ёнгинга қарши хавфсизлик тартиб-қоидаларини бузиш ва ўт қўйиш билан боғлиқ далиллар;
- 3) ёнгин чиққан вақтда шарт-шароит ва унинг ривожланишининг ўзига хос томонлари (баъзи материаллар ва буюмлар ёнувчанлик даражаси, оловнинг тарқалиш кетма-кетлиги, айrim ҳолатларнинг ёнгин авж олишига таъсири ва ҳ.к.);
- 4) вужудга келган оқибатлар ва ўт қўйиш ёки ёнгин хавфсизлиги тартиб-қоидалари техник талабларига риоя қилмаслик сабаблари ўртасидаги алоқалар;
- 5) мазкур обьектда ёнгинга қарши воситалар ҳолати ва олдини олиш чораларига оид тавсиялар.

**Кимёвий суд экспертизаси.** Ушбу экспертиза қуйидаги масалаларни ҳал этишга қаратылған: 1) у ёки бу күйган предметлар қандай буюмлар таркибига киради; 2) ёнғин манбаи ичіда нималар бор эди, ёнувчан моддалар излари йүкми; 3) ёнғин чиқишига сабаб бұлған ўз-ўзидан ёнувчи моддаларнинг кимёвий таркиби қандай эди?

**Криминалистик экспертиза.** Криминалистик экспертизада күрилаёттан ишлар қуйидаги масалаларга жавоб топишга ёрдам беради: 1) мазкур пойабзалнинг ёнғин чиққан жойда излари қолғанми? 2) бармоқ излари мазкур шахста тегишлими? 3) ёнғин чиққан жойда топилған предметларда йүл изи қолғанми; (чироқ, дазмол ва ҳ.к.)? 4) ёнғин чиққан жойдан топилған ва гумон қилингандың шахс тинтүв қилинганды олиб қўйилған предметниң қисмлари яхлит бирор нарсага тегишлими?

**Товаршунослик экспертизаси.** Газлама ва шунга ўхшашиб маълум гурухга тегишли предметлар қасдан ўт қўювчи томонидан жиноят қуроли сифатида фойдалангани, оловда куйиб кетган товарларнинг тахминий қиймати аниқланади.

**Суд-тиббиёт экспертизаси** қуйидаги масалаларга жавоб топишга ёрдам беради: 1) куйиш ва бошқа сабаблар натижасида ўлим юз берганми? 2) тирик одам ёки жасад олов таъсири остида қолғанми? 3) нима таъсирида күйган (аланг, ёнувчи эритма, ёниб турган газ ва бошқалар таъсирида)? 4) жасадда олов таъсиридан ташқари яна қандай жароҳат ўринлари бор? 5) уларга қандай қуроллар ёрдамида зарба етказилған? 6) жасадда аниқланган жароҳат оловнинг юқори ҳароратими ёки механик сабаблар туфайлими? 7) жабрланған одам қандай даражада күйган; 8) жабрланған ўлим олдидан алкогол ичимликлар ва гиёхванд воситалар қабул қилғанми?

**Техник экспертиза** ёрдамида қуйидаги масалаларга аниқлик киритилади: 1) ўз-ўзидан ёниб кетадиган материал ёнғин чиқишига сабаб бұлғанми? 2) мазкур турдаги материал қандай шароитда ўз-ўзидан ёниб кетади? 3) маълум шароитда сақланаёттан мазкур предметлар ўз-ўзидан ёниб кетиши учун қанча вақт талаб этилади? 4) мазкур материални сақлаш шароити тегишли қоида талабларига жавоб бера оладими? 5) ўз-ўзидан ёниб кетишининг олдини олиш қоidalари бузилишига йўл қўйилған эмасми? 6) қурилишнинг қайси қоidalаридан чекиниши ёнғин чиқишига сабаб бұлған? 7) электр ўтказгичлар, иситиш, газ ва вентиляция тизимининг техник ҳолати қандай, мавжуд нуқсонлар ёнғин чиқишига сабаб бўлиши мумкини? 8) мазкур материал (эритма) нималардан иборат, у ёнгинга сабаб бўладими?

**Гумон қилинувчи ва айбланувчини сўроқ қилиш.** Ёнғин

тұғрисидаги ишлар бүйічә гумон қилинувчи ва айбланувчини дастлабки сұроқ қилишда уларнинг ёнғинга қарши хавфсизлик қоидаларини жинояткорона бузища ва үт қўйища билвосита иштирокини тасдиқловчи вазиятни аниқлашга қаратиш мақсадга мувофиқ. Агар ёнғин жойида топилган предмет, айнан гумон қилинган шахсдан ҳам чиқса, (масалан, үт ёқиши воситалари) сұроқни ўшани аниқлаб олишдан бошлаш керак. Гумон қилинувчи топилган бу предметни олган ва ундан фойдаланган шароит тұғрисида тұла маълумот бериши лозим.

Агар тинтувда ёки гумон қилинувчини текширганда унинг кийимида, пойабзалида ёки баданида ёнувчи материаллар, кул ва куйган излари топилса, ёхуд ҳодиса рўй берган жойдаги тупроқ зарралари чиқса, сұроқни шу далиллар қаердан келиб қолганлигини аниқлашдан бошлаш керак.

Гумон қилинувчи сұроқ қилинганды ёнғин чиққанга қадар бу ерда бўлганлиги ёки үт ўчириш вақтида ҳозир бўлиш сабаблари тұғрисида ёнғинни ўчиришда иштирок этган гувоҳлар кўрсатувидан ҳам, жойни кўздан кечириш натижасидан ҳам фойдаланиши мумкин. Бунда, ёнғин юз берган жойга қачон келди, қайси йўналиш бўйича юрди, ҳодиса содир бўлган жойда ўзини қандай тутди, унинг кўрсатмалари ўша жойда топилган изларга мос келадими, шулар ҳақида билиб олинади.

Айбланувчи ўз айбига икror бўлмаса, экспертизага маълумотларидан фойдаланиш керак. Экспертиза хulosалари айбланувчи берган жавобига зид келганда бу усул анча самарали бўлади.

Табиийки айбланувчи ёнғинга қарши хавфсизлик тартиби-коидаларини билмаслигини айтади, хавфли оқибатларни олдиндан кўра олмаганлигини билдиради. Бундай тушунтиришини айбланувчининг бошқа кўрсатувлари каби синчковлик билан текшириш керак. Бундай ҳолда, сұроқ қилишда, объектда ёнғинга қарши хавфсизлик ҳолати ва уни таъминлашда мансабдор шахснинг мастьулияти аниқ кўрсатилган буйруқ, низом, инструкция ва бошқа ҳужжатлардан унумли фойдаланиш зарур.

**Ёнғиннинг олдини олиш чоралари:** 1) жиноят ишини тергаш жараёнида ёнғиннинг келиб чиқишига қандай сабаб ва ҳолатлар ёрдам берган ёки енгиллаштирган, 2) ёнғин хавфсизлигига оид чоралар ташкил қилинганми, йўқми? 3) шу объектда ёнғин хавфсизлиги ишларининг умумий аҳволи қандайлиги каби масалалар аниқлананиши лозим.

Тегишли мутахассис иштирокида объектда ёнғинга қарши кураш қуроллари, транспорт воситалари, сув ва сигнализация каби шароитлар мавжудми ёки мавжуд эмаслиги ва уларнинг ҳолати аниқланади. Кўрсатилган шароитлар йўқ бўлса ёки

етарли даражада бўлмаса, бунинг учун мансабдор шахслардан ким жавобгарлиги аниқланиб, уларга нисбатан тегишли чоралар кўрилади.

Кадрлар билан ишлаш, уларнинг ёнгинга қарши кураш соҳасидаги малакасини ошириш, аҳоли ўртасида ёнгин хавфсизлиги қоидалари ҳақида сұхбатлар ўтказиш ва бошқа тарбиявий ишлар ҳам ёнгиннинг олдини олишга ёрдам беради. Терговчи ёнгиннинг келиб чиқиш сабаби ва у юз берган шароитларни инобатга олган ҳолда бу ҳақда маълумотномалар ёзиши ва тегишли идораларга юбориши керак. Қонунни тарғиб қилиш, матбуотда, радио ва телевидениеларда чиқиш ва йирик обьектларда (корхоналарда, завод ва фабрикаларда, омборларда, пахта пунктларида, мактабларда) сұхбатлар ўтказиш юқоридаги каби ҳодисаларнинг олдини олишга ёрдам беради.

## 33-боб. ЙЎЛ ҲАРАКАТИ ҲАВФСИЗЛИГИ ҚОИДАЛАРИНИ ЖИНОИЙ ТАРЗДА БУЗГАНЛИК ҲОЛЛАРИНИ ТЕРГОВ ҚИЛИШ.

### **1-§. Йўл-транспорт ҳодисаларининг криминалистик тавсифи**

Йўл ҳаракати ҳавфсизлиги (ЙХХ) қоидаларини жиноий тарзда бузганлик эҳтиётсизлик оқибатида содир этилган жиноятларнинг энг кўп тарқалган турларидан ҳисобланади. Бундай қоидабузарликларнинг ижтимоий ҳавфлилик даражасининг юқорилиги нафақат уларнинг кенг тарқалганлиги, балки келиб чиқадиган оқибатларнинг оғирлиги, яъни жароҳатларнинг кўплитига, қурбонлар бўлишига, мулкий зиён жиддийлигига боғлиқдир. Йўл ҳаракати ҳавфсизлиги қоидаларини жиноий тарзда бузганлик ҳолларини тергов қилишнинг мураккаблиги асосан йўлдаги ҳолат бамисоли яшин тезликада ўзгарадиган бир шароитда ҳодиса сабабларини аниқлаш заруратидан келиб чиқади. Муҳими вазиятни аниқлаштириб олиш, ҳодиса механизмини тиклаш-терговчи учун доимо мураккаб техник ва юридик вазифа ҳисобланган. ЙТҲларининг умумий криминалистик тавсифларини билиш терговчи олдидаги муаммони ҳал этишга муайян даражада кўмаклашади. Бундай тавсифлар негизида транспорт воситаларининг ҳавфсиз ҳаракат қилишининг шарт-шароитларини, бу шарт-шароитларга риоя этиши шарт бўлган шахсларнинг хулқ-авторидаги қоидадан четга чиқишлиарни, содир этилган қоидабузарликлар натижасида келиб чиқсан заарли оқибатлар ўртасидаги алоқани акс эттирувчи кўрсаткичлар тизими ётади.

Агарда транспорт воситаларининг ҳаракатини бошқаришга нисбатан муайян тизим сифатида қараладиган бўлса, ҳайдовчи, транспорт воситаси ва йўлдаги ҳолат ушбу тизимнинг шарт бўлган ва ўзаро боғлиқ элементларини ташкил этади. Йўл ҳаракати ҳавфсизлиги ана шу учала элементнинг тўғри ишлаши ва бир-бирига боғлиқ ҳолда амал қилиши орқали таъминланади. Улардан исталган бирининг бошқаларига нисбатан номувофиқ келиши туфайли ҳавфли вазият, яъни ҳайдовчининг фавқулотда чоралар кўриши орқали ЙТҲни четлаб ўтиш учун ҳали имкониятлар мавжуд бўлган мухит юзага келади. Бирок, бундай вазият ҳайдовчи, у бошқараётган транспорт воситаси ва йўлдаги ҳолат ўртасида алоқадорлик бузилиши натижасида авария ҳодисасига айланиши мумкин.

**ЙТҲлари механизмидаги сабабий боғланишни қўйидаги тарзда тасаввуф этиш мумкин: Ҳайдовчи-транспорт воситаси йўлдаги ҳолат тизимидағи номувофиқлик хавфли ҳолат юзага келишига сабаб бўлади. Агар лозим чоралар кўрилмаса, бу ҳол авария вазиятига айланиб кетиши мумкин, бу эса муқаррар равишда зиён кўрилишига олиб келади.**

Шунингдек, “ҳайдовчи-транспорт воситаси-йўл-вазият” тизимидағи номувофиқлик ҳайдовчилар, пиёдалар ёки йўловчиларнинг, транспорт воситалари ва йўлларнинг техник ҳолати. Йўл ҳаракатини ташкил этиш учун маъсул бўлган шахсларнинг ҳатти-ҳаракатлари туфайли келиб чиқиши мумкин.

Ҳайдовчи бўғинида қоидалардан четга чиқиши сабаблари объектив ёки субъектив тусга эга бўлади. Одамлар ва бошқа нарсаларни уриб кетиши, транспорт воситаси билан тўқнашиш ва бошқа хавфли оқибатларга йўл қўймаслик мақсадида ҳайдовчини бошқаришнинг одатдаги усувларини ўзгартиришга ёки йўл ҳаракати қоидаларини бузишга мажбур этадиган ҳар қандай ташки шароитлар объектив сабаблар жумласига киради. Белгиланган тартиб-қоидаларни баён этилгани тарзда бузиш ҳоллари, одатда, агар ҳайдовчи шундай чоралар кўрмаса йўл ҳолатида юқорида таъкидланганига ўхшаётмон оқибатлар келиб чиқиши мумкин, деган хуносага келса, рўй беради. Ҳайдовчининг кўпинча ўринли бўлиб чиқадиган ҳаракатлари ана шундайдир. Афсуски, баъзан у йўл қўймасликка ёки олдини олишга ҳаракат қилган оқибатлардан ҳам оғирроқ вазиятларни келтириб чиқариши мумкин. Масалан, йўлда ҳайдовчи учун кутилмаган тўсиқнинг тўсатдан пайдо бўлганлиги туфайли ҳаракат йўналишини кескин ўзгартириб бошқа транспорт воситалари билан тўқнашиб кетишига, пиёдаларни туртиб кетиши ва шу каби бошқа ҳодисаларга сабаб бўлиши мумкин.

“Ҳайдовчи” бўғинида тартиб-қоидалардан четга чиқишнинг субъектив сабабларига қўйидагиларни киритиш мумкин: а) зарурат тақозо этмаган бир пайтда йўл ҳаракати қоидаларини қасдан ёки эҳтиётсизлик оқибатида бузганлик: тезликни йўл қўйилиши мумкин бўлган даражадан ошириш, чорраҳалардан ўтиш қоидаларини бузиш, йўл белгиларига риоя этмаслик ва шу кабилар; б) касбий жиҳатдан етарли даражада тайёргарликка эга эмаслик, йўлдаги ҳолатни нотўғри баҳолаш ёки тажрибанинг этишмаслиги оқибатида транспортни бошқаришнинг нотўғри усувларидан фойдаланганлик; в) ҳайдовчи ҳолатидаги унинг иш қобилияти ва ташки вазиятни сезиш ҳиссини пасайтирувчи психофизиологик ўзгаришлар (транспорт воситасини узоқ вақт бошқариш оқибатида ҳаддан зиёд толикиш, алкоголдан маст бўлиш, тан носоглиги ва шу кабилар).

Ҳайдовчи тартиб-қоидаларни бузиш оқибатида юзага келадиган вазиятлар хавфлилиги шундаки, у бошқараётган транспорт воситаси муайян йўналишда ёки вақтда ҳаракат ман этилган ҳудудга кириб қолиб, йўл ҳаракати қатнашчилари учун таҳдид солади. Бундай ҳудудлар: қарама-қарши ҳаракат йўлдаги, пиёдалар йўли, светофорнинг тақиқловчи сигнали билан юриш ман этилган чорраҳа ва шу кабилардан иборат бўлиши мумкин. Хавфли вазият ҳамиша ҳам ўз-ўзидан аварияларга олиб келавермайди. Қарама-қарши ҳаракат ўтиб кетиш, масалан, рўпарадан транспорт воситаси келаётган бўлса, катта хавф туғдиради. Бундай вазиятларда ҳайдовчи ўз вақтида зарур чораларни кўрса (ҳаракат йўналишини ўзгартиrsa, транспортни кескин тўхтатса ва бошқа усуllар кўлласа), ЙТҲлари содир бўлишининг олди олинади.

Кай пайтда хавфли ҳолат юз бериши мумкин? Белгиланган хавфсизлик қоидаларини бузган, транспорт воситаси яқинида йўл ҳаракатининг бошқа қатнашчилари ёки тўсиқ мавжуд бўлса ва қоидабузарнинг ҳар қандай ҳаракати ҳам одамлар (бошқа тўсиқлар)ни уриб кетиши, транспорт воситалари тўқнашиб кетиши ва бошқа оғир оқибатларнинг олдини олишга қодир бўлмай қолсагина, бу каби кўнгилсиз воқеа юз бериши мумкин. ЙТҲларини тергов қилиш вақтида ҳайдовчи авариянинг олдини олиш имкониятига эга бўлган ёки бўлмаганлик масаласини айниқса синчилаб ўрганиш лозим.

“Транспорт воситаси” бўгинида четга чиқишлиар транспорт воситаларининг техник жиҳатидан носозлиги ва улардан фойдаланиш қоидаларини бузиш билан боғлиқ бўлиб, айни ана шу салбий кўринишлар ЙТҲлари юз беришига сабаб бўлади. Рулни бошқариш ва тормоз тизимидағи носозликлар йўл ҳаракати хавфсизлиги учун таҳдид соладиган энг жиддий сабаблар ҳисобланади. Бундай носозликларнинг йўл ҳаракати қатнашчилари учун хавфлилик даражасининг юқорилиги шу билан изоҳланадики, бу каби носозликлар ҳаракат давом этаётган бир пайтда тўсатдан, ҳайдовчи учун кутилмаганда пайдо бўлиб, транспорт воситасини бошқаролмай қолади. Шунинг учун хавфли вазиятни авария ҳолатига айланиб кетишини тўхтатиб бўлмайди. Транспорт воситасининг двигатели, ҳаракатланувчи қисми, бошқа узеллар ва агрегатларидағи носозликлар ЙТҲларига нисбатан камроқ сабаб бўлади.

“Йўл” транспорт воситаси ҳаракатини бошқариш тизимининг элементи сифатида:

ҳаракат амалга оширилаётган ҳудуддаги йўлнинг техник ҳолатига (йўлнинг профили, уланиш қисми, қопламаси, нуқсонлари, тўсиқлар ва шу кабиларга);

Йўлнинг хавф тўғрисида огоҳлантирувчи, тўсиқни айланиб ўтишни кўрсатувчи ва шу каби бошқа зарур йўл белгилари ва ишоралари билан қай даражада таъминланганлигига;

Йўлнинг ҳаракат амалга оширилаётган қисмида пиёдалар ва бошқа транспорт воситаларининг бор-йўқлигига, уларнинг ҳаракат йўналишлари ва тезлигига доир масалаларни ўз ичига олади.

Санаб ўтилган шароитларнинг барчаси трассада мунтазам равишда ўзгариб боради ва ҳайдовчидан ўз ҳаракатларини мавжуд шароитларга мослаб боришни талаб қиласди. Ушбу босқичда йўлларнинг ҳолати ва йўл ҳаракатини ташкил қилиш учун жавобгар бўлган йўл хизматининг, бошқа транспорт воситалари ҳайдовчилари ва пиёдаларнинг ҳаракатлари (ҳаракатсизлиги) туфайли ҳам авария вазиятига олиб келадиган тарздаги тартиб-қоидалардан четта чиқиш ҳоллари ҳам кузатилиши мумкин. Чунончи, йўллар ҳолатининг қоникарсизлиги ҳаракатланиш вақтида транспорт воситасининг бузилиб қолишига сабаб бўлади, бу эса ҳайдовчини ҳам, бузилган транспорт воситасининг бевосита яқинида бўлган йўл ҳаракатининг бошқа қатнашчиларини ҳам хавфли вазиятга солади. Йўллардаги ўнқир-чўнқирлар, чуқурликлар, очик қолган канализация люклари ва бошқа тўсиқлар ўраб қўйилган бўлиб, тегишли йўл белгилари (йўлда таъмирлаш ишлари олиб борилаётганлигидан огоҳлантирувчи, тўсиқни айланиб ўтишни англатувчи ва бошқа шу каби белгилар) билан кўрсатилган бўлиши керак. Бундай белгилар бўлмаса, айниқса йўлнинг кўриниши ёмон шароитларда авариялар юз бериши мумкин. Йўл ҳаракатининг белгиланган қоидалари: йўлнинг транспорт воситалари ҳаракатланадиган қисмидан ўтиш тартибига ёки светофорнинг тақиқловчи сигналига риоя қилмайдиган, жамоат транспорти ҳаракатланиб турган пайтда унга чиқишга уринадиган ва шунга ўхшашиб нотўғри ҳаракат қиласиган пиёдалар кўпинча ЙТҲлари содир этилишида айборд бўлиб қолади.

Ҳайдовчи, транспорт воситаси ва йўл юқорида кўриб чиқилган барча ҳолатлар ҳамда улар туфайли юзага келадиган турли вазиятларга боғлиқ, чунончи: 1) пиёдалар, велосипедчилар, мотоциклчилар ва бошқа ҳаракатланувчи обьектлар бир-бирини уриб юбориши; 2) ҳаракат қилмайдиган обьектларни (ёритгич, телеграф устунлари ва бошқа устунларни, йўл бўйидаги иншоотларни, тўхтаб турган транспорт воситалари ва бошқа шу кабиларни) уриб юбориш ёки улар билан тўқнашиш; 3) ҳаракатдаги транспорт воситалари билан тўқнашиш; 4) кескин тўхтатилиши ёки йўлдаги тўсиқларга урилиши туфайли ёхуд

бошқа сабабларга кўра турғунликни йўқотиши натижасида транспорт воситасининг ағдарилиши; 5) ҳаракатдаги транспорт воситасидан йўловчиларнинг ағанаб тушуши; 6) транспорт воситасининг ағдарилиши (масалан, кўприкдан); ҳамда 7) транспортда (электр симларида транспорт воситаларининг тўқнашиши натижасида ёқилғи узатиш тизимида юзага келадиган носозликлар, ёқилгининг портлаши ва бошқа сабабларга кўра) келиб чиқадиган ёнгиндан иборат бўлиши мумкин.

Санаб ўтилган вазиятларнинг ҳар бири ўзига хос қонуниятларга, ўз динамикасига эга бўлиб, бу хусусиятлар ўз навбатида из хосил бўлишининг спецификаси ва қонуниятларини белгилаб беради.

ИТХ юз берган жойдаги излар кўпинча воқеа содир бўлганлигидан далолат берувчи ягона манбадир. Уларни ўрганиш эса, терговнинг дастлабки босқичида ҳодиса механизмини билиш ва баҳо беришнинг ягона усули бўлиб қолади.

## 2-§. Тергов йўналишларини аниқлаш

Йўл ҳаракати хавфсизлиги қоидаларини жиной тарзда бузганликни тергов қилишнинг йўналишларини белгилаш-терговчининг дастлабки вазифларини аниқлаши ва уларни ҳал этишнинг йўлларини танлаб олишини англатади. Бундай вазифа негизида терговчи олиб бораётган тергов ишларининг дастлабки босқичида юзага келаётган вазиятларнинг таҳлили ётади. Ушбу босқичда тергов вазиятларининг ўзига хос хусусиятлари, асосан, авария юз бериши биланоқ йўл хавфсизлиги қоидаларини бузган шахслар ва ҳодиса бошқа иштирокчиларининг хулқ-атвори қандай бўлганлигига, ҳодисанинг шоҳидлари бор-йўқлигига, моддий ҳолатнинг қай ахволдалигига, терговчи ҳодиса юз берган жойга етиб келганида излар сақланган-сақланмаганлигига ва бошқа ҳолатларга боғлиқ бўлади. Санаб ўтилган факторлар объектив ва субъектив сабаблар билан боғлиқ бўлган турли ривожланишига сабаб бўлади. Вазиятнинг қулай ёки ноқулай деб эътироф этилиши иш олиб борилаётган пайтда тергов қилинаётган воқеанинг ҳолатлари тўғрисида ахборот олиш имкониятига боғлиқ.

Айбдорларнинг жиноят изларини яширган ҳолда воқеа содир бўлган жойдан яшириниши, гувоҳларнинг йўқлиги ёки уларнинг яшаш жойлари номаълум, ҳодиса юз берганлиги ҳақидаги маълумот ЙХХХ ходимига ёки терговчига жуда кеч хабар қилинган бўлиб, вазият жиддий ўзгариб кетган бўлса, энг мураккаб, бинобарин, энг ноқулай вазият ҳисобланади. Бундай

ҳолларда терговнинг асосий йўналиши ахборот манбаларини қидириш: яширган ҳайдовчиларни қидириш, воқеанинг гувоҳи бўлиши эҳтимол тутилган шахсларни аниқлаш, воқеа ҳолатларига аниқлик киритиш мумкин бўлган жиноятнинг сақланиб қолган моддий изларини топиш ва шу кабилардан иборат бўлиши керак. Бундай вазият учун ноаниқлик даражасининг юқорилиги хос хусусият бўлиб, исботловчи ахборотларнинг эҳтимол тутилган манбалари аниқланмагунча бошқа бирор-бир масаланинг ҳал этилиши мумкин эмас.

Тергов учун қулай вазият юзага келаётганида, масалан, ҳодиса қатнашчилари ва гувоҳлар терговчи етиб келгунига қадар ўз жойларида қолса, изларни сақлаб қолиш учун ўз вақтида чоралар кўрилса ва ҳодиса содир бўлган жойдаги ҳолатнинг ўзгаришсиз қолиши таъминланса, тергов йўналишини белгиловчи вазифа характеристини, яъни қатнашчиларнинг хатти-харакатларида жиноят таркиби белгилари бор-йўқлигини аниқлашдан иборат бўлади. Бунинг учун, энг аввало, ҳодиса юз берган жойда ҳозир бўлган барчанинг (ЙТХ, қатнашчилари, гувоҳлар, жабрланувчилар) кўрсатувлари ва тушунтиришларини процессуал воситалар ёрдамида мустаҳкамлаш ва бу далилларни ҳодиса юз берган жойни кўздан кечириш жараёнида ўрганилган моддий ҳолат билан таққослаш зарур. Агар терговчи тергов йўналишини белгилаб ва кейинчалик исбот қилиниши лозим бўлган аниқ вазиятларда барча ҳолатларни аниқлаб олса, у жараён давомида катта қийинчилкларга дуч келмайди.

Дастлабки босқичда ЙТҲни тергов қилишнинг йўналишларини белгилаб олиш-текширилаётган воқеага доир маълумотлар ўта тақчил бўлган бир шароитда терговчи ишини аниқ мақсадга қаратилишига ёрдам берадиган энг умумий тарздаги ҳаракат режасинигина ишлаб чиқишини англатади, холос. ЙТҲ юз берган жойни кўздан кечиришдан олдинок, ҳодиса иштирокчилари, шоҳидлари ва ҳодиса юз берган жойни кўриқлаётган ЙХХХ ходимларидан олинган тушунтиришлар дастлабки маълумотлар ҳисобланиб, тергов тахминларининг асосини ташкил этиши мумкин

Тўғри, терговнинг дастлабки босқичида бундай маълумот ҳодисанинг характеристи, аварияга олиб келган сабаблар, ҳодиса айборлари ва бошқа шу кабилар тўғрисида умумий версиялар тузиш учунгина етарли бўлади, холос. Воқеанинг характеристи тўгерисидаги одатдаги версиялар қўйидагича бўлиши мумкин: 1) ЙТҲ, йўл ҳаракати хавфсизлиги қоидаларини жиноий тарзда бузганлик натижасида рўй берган; 2) ЙТҲ жиноят таркиби аломатларининг доирасига кирмайдиган ҳаракатлар туфайли келиб чиқкан; 3) ЙТҲ бошқа жиноятни яшириш учун ниқоб

сифатида ташкил этилган; 4) ЙТҲ транспорт воситасидан жиноят қуроли сифатида қасддан фойдаланилганлиги оқибатида юз берган.

Воқеанинг характери тўғрисидаги версияларни тақсимлаш ёки рад этиш ҳодиса юз берган жойни кўздан кечиришининг дастлабки натижалари ва воқеа қатнашчиларининг дастлабки тушунтиришлари олинганидан кейин оқ мумкин бўлади. Ҳудди мана шу маълумотлар ЙТҲнинг сабаблари, йўл ҳаракати хавфсизлиги борасида йўл қўйилган қоидабузарликлар, уни содир этган шахслар, яшаш жойлари ва бошқа шу кабилар тўғрисида хусусий версиялар қилиш учун дастлабки маълумот сифатида хизмат қиласи. Терговнинг асосий йўналишларини белгиловчи вазифаларга, шунингдек, илгари сурилган тергов версияларини тасдиқлаш ёки рад этиш учун зарур жавоблар топиш мақсадида ҳал этилиши лозим бўлган аниқ масалаларга асосланган ҳолда терговнинг энг умумий режаси тузилади. Дастлабки тергов ҳаракатлари ва тезкор қидирув чора-тадбирлари ёрдамида ҳали аниқланмаган, аммо исбот қилиниши лозим бўлган тахминларни илгари суришга, терговни давом эттиришнинг кенг режасини ишлаб чиқишиш имконини берадиган маълумотлар базасини яратади.

### **3-ғ. Дастлабки тергов ҳаракатлари ва тезкор қидирув чора-тадбирлари**

Йўл ҳаракати хавфсизлиги қоидаларини жиноий тарзда бузганлик тўғрисидаги ишлар бўйича дастлабки тергов ҳаракатлари ва тезкор қидирув чора-тадбирлари ёрдамида қандай воқеа юз берганлиги, авария келиб чиқишининг сабаби, айбор ким эканлиги ва қандай моддий заарар етказилганлиги аниқланади.

**ЙУЛ ТРАНСПОРТ ҲОДИСАЛАРИНИ ТЕРГОВ ҚИЛНИШНИНГ ДАСТЛАБКИ БОСҚИЧИДАГИ  
ТИПИК ҲОЛАТЛАР ВА ТЕРГОВЧИННИГ ҲАРАКАТЛАРИ**

**ҲАЙДОВЧИ ВА ТРАНСПОРТ ВОСИТАСИ ҲОДИСА СОДИР БҮЛГАН ЖОЙДА ТУРИБДИ**

Ҳодиса содир бўлган  
жойини кўздан  
кечириш

Гувоҳларни сўроқ  
қилиш

Наркотик мудда еки алкоғоль  
тасаси остида бўлган-бўлмаган-  
лигини аниглаш учун ҳайдовчи ва  
жабрланувчани гувоҳлантириш

Ҳайдовчини сўроқ қилиш

Жабрланувчими сўроқ қилиш

Суд экспертизалари тайинлаш

Ҳайдовчин транспорт воситаси билан ҳодиса содир бўлган жойдан яширингандан.  
Транспорт воситаси ҳодиса содир бўлган жойда турибди, ҳайдовчи эса яширингандан

Ҳодиса содир бўлган  
жойини кўздан кечириш

Гувоҳларни сўроқ  
қилиш

Жабрланувчими сўроқ  
қилиш

Суд экспертизаларини  
тайинлаш

Сурхиширув органларига тезкор-қидириу чораларини  
амалга оширишини топишниш

Терговнинг дастлабки босқичида энг муҳим тергов ҳаракатлари жумласига: ЙТҲ жойини кўздан кечириш; мурдани ва ҳодисада иштирок этган транспорт воситаларини кўздан кечириш; ҳайдовчини гувоҳлантириш, жабрланувчилар, шоҳидлар ва гумон қилинаётганларни сўроқ қилиш киради. Терговни бошлаш пайтидаги юзага келган тергов вазиятига ва унинг янги маълумотлар олиш натижасида ўзгариши тамоилига қараб бошқа шакллардаги дастлабки тергов ҳаракатларини: жабрланувчиларни суд-тиббиёт экспертизасидан ўтказиш, автотехника экспертизаси ўтказиш, гувоҳларни сўроқ қилиш (масалан, ҳодисада иштирок этган транспорт воситасини тасарруф этувчи аниқ автокорхона транспортининг техник ҳолати учун жавобгар бўлган ходимларидан бирини) ва бошқа шу каби ишларни амалга ошириш зарурати пайдо бўлиши мумкин. Даилил-исбот материалларининг асосий қисмини олиш ва текширилаётган воқеа тўғрисида ҳолис тасаввур ҳосил қилиш имконини берадиган ЙТҲ жойини кўздан кечириш техник ва тактик жиҳатдан энг мураккаб иш ҳисобланади.

Терговнинг дастлабки босқичида амалга ошириладиган тезкор қидириу чора-тадбирларидан кўзланган асосий мақсад-яширингандан ҳайдовчиларни, ЙТҲда иштирок этган транспорт воситаларини, ҳодисанинг гувоҳлари ва шоҳидларини қидириб топишдан иборат. Шу мақсадда йўлларни тўсиш чора-тадбирлари амалга оширилади, автомобилларга техник хизмат кўрсатиш станцияларида, автокорхоналарда текширувлар ўтказилади, давлат автомобиль назорати органларидан транспорт эгалари тўғрисида маълумотлар олинади, ҳодисанинг аниқланган гувоҳлари, шунингдек бошқа шахслар сўроқ қилинади.

**Йўл-транспорт** ҳодисаси юз берган жойни кўздан кечириш. ЙТҲ юз берган жойдаги моддий ҳолатни ўрганиш кўздан кечиришнинг асосий вазифасидир. Олинган натижалар текширилаётган воқеани тиклаш, ҳодиса механизми тўғрисида тасаввур ҳосил қилиш ва унинг сабабларини аниқлаш имконини беради. Кўриб чиқилаётган тоифадаги ишлар бўйича ҳодиса юз берган жойини кўздан кечиришнинг специфик хусусиятлари ушбу тергов ҳаракатлари амалга оширилаётган шароитлар билан белгиланади. Ушбу шароитлар йўл ҳаракатининг ўта зичлиги туфайли ҳолатнинг ўзгариши ва изларнинг йўқ бўлиб кетиши хавфининг катталиги билан ажralиб туради. Ҳаракатни тўхтатиш эса автомагистралларида бошқа хавфли вазиятларни келтириб чиқариши мумкин. Бу каби тез-тез бўлиб турадиган мажбурий ўзгаришлар терговчи учун доимо ортиқча қийинчиллик тугдиради. Мана шундан келиб чиққан ҳолда ЙТҲлари тўғрисидаги ҳар бир хабарга дарҳол муносабат билдириш ва авария юз берган ҳудудда йўл ҳаракатини тез ва тўғри ташкил этиш: хавфли ҳудудни айланиб ўтилишини таъминлаш, огоҳлантирувчи белгилар ўрнатиш ва шу кабилар зарурлиги талаб этилади.

ЙТҲ юз берган жойга, қоида тариқасида, маълумот олинганидан кейин биринчи бўлиб ЙХХХ ҳодимлари етиб келишади. Уларнинг зиммасидаги вазифа – терговчи етиб келгунинг қадар ЙТҲни қўриқлаш ва йўл ҳаракати бошқа қатнашчиларининг хавфсизлигини таъминлаш хисобланади. Бирок, кўздан кечириш бошлангунинг қадар ҳодиса юз берган жойни ўзгаришсиз сақлашга ҳамиша ҳам муваффақ бўлинавермайди. Бундай ўзгаришларга кўпинча авария натижасида жабр кўрган транспорт воситасидаги йўловчиларга тиббий ёрдам кўрсатиш зарурати сабаб бўлади, негаки, бу ишни бажариш учун автомашина ойналарини синдиришга, эшикларини суғуриб олишга тўғри келади. Аварияда иштирок этган автомашиналарни йўлнинг транспорт воситалари ҳаракатланадиган қисмидан бошқа жойга олиш эҳтиёжи уларнинг бу ерда туришидан йўлдаги ҳолатнинг мураккаблашиши, айниқса, йўлда транспортнинг нормал ҳаракатланишига хавф солиши ва шу каби бошқа сабаблардан келиб чиқади.

Жабрланганларга ёрдам кўрсатиш ҳодиса содир бўлган жойга етиб келган ЙХХХ ҳодимларининг биринчи галдаги вазифасидир. Башарти, жабрланувчи даволаш муассасасига жўнатилгунинг қадар йўлнинг транспорт воситалари ҳаракатланадиган қисмида ётган бўлса, у ётган жой ва

гавдасининг ҳолати тегишли тарзда қайд этилади (чизилади, масалан, бўрда асфальтга чизилади ва шу кабилар).

ЙХХХ ходимлари терговчи етиб келгунига қадар ЙТҲда иштирок этган транспорт воситаларининг ҳайдовчиларини ушлаш, уларнинг ҳайдовчилик гувоҳномасини ва бошқа хужжатларини, масалан, юк ташиш ҳуқуқини берувчи хужжатларини, транспорт воситаларининг техник паспортлари ва бошқа шу кабиларини олиб қўйиш чора-тадбирларини ҳам кўришлари керак. Изларнинг сақлаб қолинишига алоҳида эътибор қаратиш лозим. Негаки, излар об-ҳаво шароитлари, йўлда юзага келаётган ҳолат ва бошқа шу кабиларнинг таъсири натижасида йўқолиб кетиши турган гап.

Кўздан кечириш бошлангунига қадар терговчи шохидлардан сўраш орқали воқеа қандай юз берганини, моддий ҳолатга қандай ўзгаришлар киритилганлигини умумий тарзда аниқлайди. Башарти, ҳайдовчи авария айбдори бўлиб, ҳодиса содир бўлган жойдан яширинган бўлса, аварияда иштирок этган транспорт воситасининг тури, русуми ва рангини, қоидабузар қочиб кетган йўналишни аниқлаш жуда муҳим. Бу қидирувни «иссиғида» ташкил этишга ёрдам беради. Қидирув ҳодиса юз берган жойни кўздан кечириш билан бир вақтда олиб борилади. Ҳодисада иштирок этган ҳайдовчилар маст деган шубҳа пайдо бўлса, уларни ЙХХХ ходимларининг ҳамроҳлигига қондаги алкогол таркибини аниқлаш мақсадида тиббий текширувга юбориш лозим.

Терговчи ЙТҲнинг умумий манзараси билан танишиб, кўздан кечиришнинг чегараларини белгилайди ва шу чегаралар доирасида қўриқлаш таъминланади. Кўздан кечириш бошлангунига қадар ҳодиса юз берган жойдан шатак ёрдамида тортилган транспорт воситаларининг қаерда турганлигини, улар дастлаб йўлнинг транспорт воситалари ҳаракатланадиган қисмининг қаерида турганлигини кўрсатувчи белгилар бор-йўқлигини, касалхонага жўнатилган жабрланувчининг турган жойи ва гавда қўриниши ҳамда бошқа шу кабилар белгиланган-белгиланмаганини аниқлаш ҳам муҳим аҳамиятга эга.

ЙТҲ юз берган жойнинг моддий ҳолатини ташкил этувчи ва синчикалаб ўрганилиши лозим бўлган асосий обьектлар қўйидагилар: 1) йўлнинг авария рўй берган қисми; 2) ҳодиса рўй берган жойдаги воқеа механизмини тиклаш имконини берадиган транспорт воситаларининг излари ва бошқа излар; 3) мурдалар (агар авария одамларнинг қурбон бўлишига олиб келган бўлса); 4) ҳодисада иштирок этган транспорт воситалари.

ЙТҲ юз берган жойнинг ҳолатини ўрганиш тергов учун муҳим аҳамиятга молик қатор вазиятларни ойдинлаштириш имконини берадики, улар ёрдамида:

хавфли вазият юзага келган жой ва юзага келиш сабабларини;

йўлнинг бевосита авария рўй берган қисмининг аҳволини ва ундаги йўл ҳолатини;

ҳодиса қатнашчиларидан ҳар бирининг хавфли вазият юзага келишидаги ролини ва авариянинг олдини олиш юзасидан қилган хатти-ҳаракатларини;

хавфли вазият юзага келган пайтдан бошлаб, то заарли оқибатлар келиб чиққунига қадар давр ичидағи ҳодиса механизмини аниқлаш имконини беради.

Кўздан кечиришни йўлнинг транспорт воситалари ҳаракатланадиган ва йўл ҳаракатини тезда тиклаш талаб қилинадиган қисмидан бошлиш керак. Бунда ҳаракатларнинг кетма-кетлиги юзага келадиган вазиятга боғлиқ бўлади. Энг аввало, изларга путур етиши ёки улар йўқ бўлиб кетиши хавфи мавжуд ва автомагистрал бўйлаб транспорт зич ҳаракат қиласидаган жойлар кўздан кечирилиши керак. Кўздан кечириш баҳонасида транспорт воситаларининг ҳаракатини тўхтатиб қўйиш йўл ҳаракатини тартибга солища қийинчиликлар тутдириб, автомобилларнинг тўп бўлиб қолишига, хавфли вазиятлар юзага келишига сабаб бўлади. Агар йўл ҳаракати қоидаларини бузган ҳайдовчи ҳодиса юз берган жойдан машинада гойиб бўлган бўлса, кўздан кечиришни ҳайдовчининг йўналишини кўрсатувчи излар орқали топилиши мумкин бўлган жойдан бошлаб, шу йўналиш бўйича қидирувни ташкил этган маъкул.

Йўлнинг транспорт воситалари ҳаракатланадиган қисмини кўздан кечириш жараёнида унинг профилини (баландликлари, пастликлари, бурилиш жойлари ва шу кабиларини), йўл ишоралари ва белгиларининг бор-йўклигини, йўл ёқасини, тўсиқларни, транспорт воситалари ҳаракатланадиган қисмининг кенглиги ва шу кабиларни албатта қайд этиш шарт. Ушбу маълумотларни ҳисобга олган ҳолда кейинчалик ҳодисанинг ҳар бир қатнашчиси йўлнинг мазкур қисмини кўз билан қамраш ва ЙТҲнинг олдини олиш учун қай даражада имкониятга эга бўлганлигига баҳо берилади.

Хавфли вазият юзага келган жой ва вақтни аниқлаш маълум даражада қийинчилик туғдиради.

Хавфли вазиятнинг пайдо бўлиши ҳам, авария ҳам айни бир жойнинг ўзида бир вақтда юз берган бўлиши мумкин. Бироқ, кўпинча макон ўлчови ҳам, вақт ўлчови ҳам турлича бўлади. Йўлдаги хавфли вазият билан авария вазиятини бир-биридан муайян муҳлат ажратиб туради. Ана шу муҳлат ичida ҳайдовчилар, пиёдалар аварияга йўл қўймасликка уриниб

кўрадилар. Хусусан, шу муҳлатда транспорт воситаси ва пиёдалар ўз ҳаракат тезликларига мос келадиган масофани босиб ўтадилар. Ҳодиса барча қатнашчиларининг хатти-ҳаракатларига имкон қадар тўлиқроқ баҳо бериш учун хавфли вазият юзага келган жойни аниқлаш фавқулодда муҳимдир. Жойда амалга ошириладиган ушбу иш транспорт воситаларининг (ҳаракат йўналишини, тормоз ва бошқа шу кабилар) изларини, йўлнинг транспорт воситалари ҳаракатланадиган қисмида пиёдаларнинг изларини қидириш ва уларнинг ҳолатига баҳо бериш зарурати билан боғлиқ бўлиб, аксарият ҳолларда ҳодиса юз берган жойни кўздан кечиришнинг доираси кенгайтирилишини тақозо этади. Тормоз излари алоҳида муҳим аҳамиятга эга. Бундай изларнинг бошланиш қисми, одатда, хавфли вазият юзага келган жойга мос келади ва унга қараб, транспорт воситасининг ҳаракат тезлиги ҳақида хulosага келиш мумкин. Изларда акс этган тормоз йўлининг узунлиги айниқса синчиклаб ўлчанади. Йўл қопламасининг (асфальт, тупроқ йўл, қуруқ ёки хўл асфальт ва бошқа шу кабилар) ҳолати албатта қайд этилади. Шунинг ёрдамида муайян даражада тормоз йўли аниқланади.

Фидирак қопламасининг шакли акс этадиган ва кўпинча ЙТХ, юз берган жойда топиладиган изларга қараб, ушбу изларни қолдирган автомашинанинг русуми, модели аниқланади. Мана шу маълумотлар яширингандан ҳайдовчилар ва транспорт воситаларини қидиришга ёрдам беради.

ЙТХ, ҳар бир қатнашчисининг ролини аниқлаш ва унинг механизмини тиклаш учун бошқа излар: нур тарқатадиган фаралар ойналари, олд ойнанинг синиқ парчалари, уларнинг транспорт воситалари ҳаракатланадиган йўл қисмидаги жойлашуви; худди мана шу жойлардан ва уларга туташ ҳудудлардан топиладиган транспорт воситаларининг тўқнашиши натижасида бузилган ёки узеллар ва агрегатларнинг техник жиҳатдан носозлиги туфайли ишдан чиқсан деталлар; тормоз қуюқлигининг излари, асфальтдаги мой доғлари, пиёдаларнинг излари, киряланиш излари, транспорт воситалари ва пиёдаларнинг ўзларида мавжуд бўлган нуқсонларнинг излари муҳим роль ўйнайди. Буларнинг ҳаммаси тегишли шакллари, миқдорлари, характеристери ва ўзаро жойлашувининг хос ҳўсусиятларини ҳисобга олган ҳолда ҳодиса механизмини тиклаш учун фавқулодда муҳим аҳамият касб этади ва улар криминалистик воситалар: фотосуратга олиш, киносуратга тушириш, турли тарх ва схемалар тузиш орқали, ҳозирги замон нусха кўчириш воситалари ва бошқа шу кабилар ёрдамида синчковлик билан қайд этилиши лозим.

**Транспорт воситаларини кўздан кечириш.** Аварияда қатнашган транспорт воситаларини кўздан кечириш ҳодиса юз берган жойни кўздан кечиришнинг бир қисми ёки мустақил тергов ҳаракати бўлиши мумкин. Транспорт воситаларини кўздан кечиришнинг асосий вазифалари, биринчидан, йўл ҳаракати хавфсизлиги қоидаларини жиной тарзда бузганлик натижасида аварияда қатнашган транспорт воситаларида пайдо бўлган излар ва путур етган жойларни, иккинчидан, уларнинг техник ҳолатини аниқлашдан иборат. Ушбу масалаларни ҳал этиш учун, одатда, маҳсус билимлар талаб қилинади, шунинг учун кўздан кечиришга автотехника мутахассисини, баъзида эса: криминалистни таклиф этиш мақсадга мувоғик бўлади. Ҳодиса юз берган жойни кўздан кечиришнинг муайян қисми хисобланган транспорт воситасини кўздан кечиришни бошлишдан олдин унинг турган жойи ва бошқа мўлжалларга (бошқа транспорт воситалари, мурда, йўл ёқаси ва бошқа шу кабиларга) нисбатан жойлашувини қайд этиш зарур.

Транспорт воситасини кўздан кечиришни авария натижасида путур етган жойларидан бошлиш лозим. Бунда транспорт воситаларида мавжуд бўлган бошқа излар: қон излари, бўёқ заррачалари, трасологик излар ва бошқа шу кабиларга зиён етказмаслик ёки уларни йўқ қилиб юбормаслик учун эҳтиёткорлик талаб қилинади.

Путур етган жой қаерда жойлашганлиги, шакли, ўлчами кўрсатилган ҳолда баённомада батафсил тавсифланиши лозим. Агар транспорт воситасида қирилган жойлар пайдо бўлган бўлса, уларнинг горизонтал бўйлаб йўналишини кўрсатиш керак. Путур етган жойлар автомашинанинг қаерида эканлигини кўрсатишдан ташқари ўлчаш йўли билан ҳам қайд этилади. Ўлчов воситасининг бир учи доимо ер сатҳида бўлиши керак. Шу орқали путур етган жой қандай баландликда аниқлангани маълум бўлади. Кўздан кечирилаётган автомобиль қандай ҳолатда эканлигини ва ундаги путур етган жойлар ҳақида тасаввур ҳосил қилиш учун умумий ва мукаммал суратга тушириш қоидалари бўйича фотосуратга олиш лозим. Умумий фотосуратларда транспорт воситасининг ҳар бир томондан умумий кўриниши қайд этилади. Кейин масштабли чизгич билан ҳар бир путур етган жой алоҳида суратга олинади.

Кўздан кечириш пайтидаёқ бошланиши лозим бўлган транспорт воситасидаги путур етган жойларни ўрганиш, уларни бошқа объектлардаги (мурда танаси, тўсиқлар, ҳодисада иштирок этган бошқа транспорт воситалари) путур етган жойлар билан таққослаш авария механизмини танлаш, тўқнашиш, уриб кетиши вақтида транспорт воситаларининг, пиёдаларнинг, йўлнинг

транспорт воситалари ҳаракатланадиган қисмидаги тўсиқларнинг ўзаро қай тарзда жойлашганилигини, ўзаро тўқнашилганда механик кучларнинг ҳаракат йўналиши ва бошқа шу кабиларни аниқлаш имконини беради.

Транспорт воситасидаги барча путур етган жойлар ва излар аниқланиб, қайд этилганидан кейин кўздан кечирилаётган транспорт воситасининг техник ҳолатини аниқлашга киришиш мумкин. Техник ҳолат автотехник мутахассиснинг иштирокида текширилади. Бу иш, агар терговчи ЙТҲга транспорт воситасининг техник жиҳатдан носозлиги сабаб бўлган, деган асосли фикр билдирса, айниқса муҳим аҳамият касб этади.

Транспорт воситасини кўздан кечириш жараёнида ёргулик сигнализацияси, тормоз тизими, ҳаракатланувчи қисми, унинг ҳаракат хавфсизлигини таъминлаш нуқтаи назаридан бошқа муҳим узеллари ва агрегатларининг ҳолати текширилади. Башарти, автомашинанинг техник ҳолатини аниқлаш учун мураккаб диагностика ва бошқа приборлардан фойдаланиш талаб қилинса, нафақат носозликлар бор-йўқлигини, балки кўздан кечириш пайтида топилган носозликларнинг сабабларини ҳам аниқлаш вазифаси кўндаланг бўлса, автотехника экспертизаси тайинланади.

Ходиса юз берган жойда бир неча автотранспортни кўздан кечириш чоғида нафақат улардаги излар ва путур етган жойларни аниқлаш, балки бир-бирига таққослаш ҳам ижобий натижга беради.

**Мурдани кўздан кечириш.** ЙТҲ юз берган жойда мурда умумий қоидаларга биноан текширилади. Айниқса мурдадаги излар ва шикастларга алоҳида эътибор қаратиш, одам уриб кетган ҳайдовчи яширган, гувоҳлар йўқ бўлган ноқулай тергов вазияти юзага келган пайтда ҳал этувчи муҳим аҳамиятга эга бўлади. Бунинг учун кийим-кечак ҳам, пойабзал ҳам алоҳида синчковлик билан текширилади, негаки, уларда кўп ҳолларда кейинчалик транспорт воситасини идентификация қилиш имконини берадиган гилдирак қопламаси излари ва бошқа излар колган бўлади.

Ходиса юз берган жойда мурдани кўздан кечириш натижаларини қайд этиш вақтида йўлнинг транспорт воситалари ҳаракатланадиган қисмининг қаерида, аварияда иштирок этган транспорт воситасига, мавжуд изларга (мурдани судраш, тормоз излари ва шу кабилар) нисбатан қаерда эканлигини аниқ кўрсатиш муҳимдир. Бу ходиса механизмини тиклаш имконини беради. Мурданинг гавдаси, кийим-кечагининг ҳолати, улардаги излар ва путур етган жойлар ҳам қайд этилади. Кўздан кечириш жараёнида барча манзара фотосуратга олинади, ўлчанади.

Натижалар баённомага батафсил ёзилади. Мурдадаги путур етган жойлар, уларнинг локаллашгани, огирилик даражаси ва мурданинг кийим-кечакларидағи изларга қараб, зарба автотранспортнинг қайси қисми билан етказилганлиги, зарбнинг кучи, йўналиши ва бошқа шу кабилар тўғрисида хулосага келиш мумкин.

**Йўл-транспорт ҳодисасида қатнашган ҳайдовчиларни сўроқ қилиш.** Сўроқ қилишдан олдин ҳайдовчининг шахсини аниқлаш ва ҳужжатлари: ҳайдовчилик гувоҳномаси, автомашинанинг техник паспорти, юк ташишга тааллуқли ҳужжатлар, йўл варагалари ва бошқа шунга ўхшаш ҳужжатларини текшириш зарур.

Ҳайдовчини сўроқ қилиш вақтида қуидаги ҳолатларни аниқлаш лозим:

1) сўроқ қилинаётган шахс бошқарувидаги транспорт воситасининг ҳолати ҳодисага қадар қандай бўлган. Агарда транспорт воситаси носоз бўлса, бундай носозлик қандай намоён бўлган, носозлик қачон маълум бўлган ва унга барҳам бериш учун қандай чоралар кўрилган;

2) хавфли вазият юзага келган пайтда ҳайдовчи қандай ҳолатда бўлган ва нормал ҳолатни йўқотишнинг сабаблари нимада (транспортни узоқ бошқариш натижасидаги толиқиши, алкоголдан маст бўлиш ва бошқа шу кабилар);

3) ҳайдовчи рулни узлуксиз қанча вақт бошқарган ва бундай узоқ юришга қандай зарурат бўлган;

4) хавфли вазият пайдо бўлишида бевосита олдин йўлдаги ҳолат қандай бўлган: ҳайдовчи қандай тезликда ҳаракат қилган; йўлда бошқа транспорт воситалари, пиёдалар бормиди; улар ўртасида оралиқ масофа қанча, улар қайси йўналишда ва тахминан қандай тезликда ҳаракат қилишган; йўлнинг ушбу қисмida хавф тўғрисида қандай огохлантирувчи белгилар бор; йўл қопламасининг ҳолати ва кўриш шароити қандай бўлган;

5) сўроқ қилинувчининг фикрича, хавфли вазият юзага келиши пайтида йўлнинг ҳолати қандай бўлган ва бундай вазият юзага келишининг сабаби нимада, вазиятнинг хавфлилиги нимада намоён бўлган; сўроқ қилинаётган шахс йўлнинг транспорт воситаси ҳаракатланадиган қисмida пиёданi кўрганми ва у транспорт воситасига бевосита яқин жойда қаердан пайдо бўлди; сўроқ қилинаётган шахс авариянинг олдини олиш учун қандай чоралар кўрган; у йўл ҳаракати қоидаларини бузганми ёки хавфли вазият бошқа сабаб билан пайдо бўлганми; у светофорнинг қайси сигналига кўра чорраҳа томон ҳаракат қилган ва бошқа шу кабилар;

6) одам уриб кетишда тўқнашув қандай содир бўлган; пиёдага транспортнинг қайси қисми урилган; авария вазиятида ва авариядан кейинок сўроқ қилинаётган ҳайдовчи ўзини қандай тутган;

7) ҳодиса юз берган жойга бевосита яқин турган транспорт воситалари ҳайдовчиларидан қайси бири унинг кўрсатмаларини тасдиқлаши мумкин; сўроқ қилинаётган шахс ҳайдовчилар ҳодисани кузатганлиги эҳтимол тутилган автомашиналарнинг рақам белгиларини эслаб қолганми;

8) сўроқ қилинаётган шахс ЙТҲда жабр кўрганларга ёрдам кўрсатиш учун қандай чоралар кўрган.

Ходисада қатнашган транспорт воситалари ҳайдовчиларини сўроқ қилиш учун юқоридаги саволлар доираси тугал эмас. Бу доира сўроқ қилинаётган шахснинг ҳодиса механизмидаги ролига, айб даражасига, авария оқибатларининг характеристи ва оғирлик даражасига ҳамда бошқа шу кабиларга қараб кенгайтирилиши ёки торайтирилиши мумкин. Масалан, одам урганликда гумон қилиш бўйича қидирув чора-тадбирларини ўтказиш вақтида ушланган ҳайдовчини сўроқ қилиш авария пайтида у қаерда бўлганлиги, у авария содир этилган жойдан бошқа жойда бўлганлигини ким тасдиқлаши мумкинлигини, ҳодиса юз берган жойдан яширинишига уни нима мажбур этганлигини ва бошқа шу кабиларни аниқлашдан бошлаш керак.

ЙТҲда қатнашган ҳайдовчини сўроқ қилиш тўғрисида қарор қабул қилинар экан, у ишнинг қандай тугашидан манфаатдор эканлигини унутмаслик керак, негаки, ҳақиқат қарор топиши учун сидқидилдан ёрдам кўрсатиш истагидаги тажрибали ҳайдовчилар ҳам йўлда юзага келган вазиятни холис баҳолашга, белгиланган қоидаларни ким бузган-у, ким бундан жабр кўрганини фарқлашга қодир бўлмайдилар. Бирок, ўз хатти-харакатларига баҳо беришдаги субъективлик ҳамиша ҳам жавобгарликдан қочиш ёки айни бировга ағдариш мақсадини кўзламайди. Масаланинг бу жиҳати транспорт воситалари ҳайдовчиларини сўроқ қилиш тактикасини белгилаб бериши керак. Улар берайётган маълумотларнинг қай даражада тўғрилигига эса, тўпланган далил-исботларнинг жамламаси бўйича баҳо бериш мумкин.

**Жабрланувчини сўроқ қилишнинг ҳусусиятлари.** ЙТҲ бўйича пиёдалар, велосипедчилар, транспорт воситаларидағи йўловчилар жабрланувчи бўлишлари мумкин. Аварияда иштирок этган транспорт воситаларининг ҳайдовчилари билан бирга бўлган, зиён кўрган ва айбизлиги аниқланган шахслар ҳам жабрланувчи сифатида эътироф этилади.

Транспорт уриб кетишидан жабрланганларни ва аварияда жабрланган пассажирларни сўроқ қилиш ўзига хос хусусиятларга эга. Биринчидан, жабрланганлар транспорт воситалари ҳайдовчиларининг ҳаракатлари йўл ҳаракати қоидаларига қанчалик мувофиқлиги хусусида фикр юритишга қийналадилар, айниқса, фикр юритиш маҳсус тайёргарлик талаб қилинса, иш янада муракаблашади. Шу сабабдан воқеага тавсиф берар эканлар, жабрланувчилар кўпроқ объектив категорияларга эмас, балки ҳис-ҳаяжонга амал қиласидилар. Бошқа томондан, ҳодиса учун айбдор бўлган транспорт воситаларининг ҳайдовчилари (уларнинг қариндошлари, танишлари) аксарият ҳолларда жавобгарликдан қочиш ёки айбни енгиллаштириш мақсадида жабрланувчиларга тазийк ўtkазиб, етказилган зарар учун пул бериш таклифи билан уларни кўрсатма беришдан бош тортишга ёки ўзларига маълум бўлган далилларни яширишга кўндириш учун ҳаракат қиласидилар. Бундай тазийк ўtkазилиши эҳтимолини назарда тутиб, ЙТҲда жабр кўрганларни сўроқ қилиш биринчи вазифа деб ҳисобланади, сўроқ ўtkазишга жабрланувчининг соғлиги тўсқинлик қилган ҳоллар бундан мустасно. Бундай пайтларда сўроқ фақатгина даволовчи шифокорнинг рухсати билан ўtkазилади.

Пиёдаларни (велосипедчиларни) автомашина уриб кетганлиги тўгрисидаги ишлар бўйича жабрланувчиларни сўроқ қилиш жараёнида қуйидагилар аниқланади:

- 1) жабрланувчи қай тарзда, қандай тезликда, қандай жадалликда ва йўналишда ҳаракат қилган;
- 2) жабрланувчи ўзига яқинлашиб келаётган транспорт воситасини кўрганми ва агар кўрган бўлса, у қайси томондан ва тахминан қандай тезликда ҳаракат қилган;
- 3) жабрланувчи транспорт воситаси келиб урилганда қаерда турган;
- 4) келиб урилган транспорт воситасининг тури, русуми, модели, ранги қандай эди ва агар у воқеа содир бўлган жойдан яширинган бўлса, қайси йўналиш бўйлаб кетган.

ЙТҲга шохид бўлган гувоҳларни сўроқ қилиш. Йўл ҳаракати хавфсизлиги қоидаларини жиноий тарзда бузганликни тергов қилишининг дастлабки босқичида ҳодисага шохид бўлган гувоҳларни сўроқ қилиш алоҳида муҳим аҳамиятта молик. Бундай шахслар жумласига ҳодисада иштирок этмаган, бирок, авария жойига бевосита яқин туриб, уни кузатиши мумкин бўлган пиёдалар, йўловчилар, транспорт воситаларининг ҳайдовчилари киради. Ҳаракат хавфсизлиги устидан назоратни амалга ошириш бўйича зиммасидаги вазифаларни бажараётган ЙХХХ ходимлари ҳам ҳодиса шохидлари бўлиши мумкин.

Шоҳидларни сўроқ қилиш вақтида олинадиган маълумотлар юз берган воқеага холис баҳо беришда доимо катта қимматга эга бўлади.

Ходиса шоҳиди бўлган гувоҳларни сўроқ қилиш жараёнида, биринчидан, ҳодиса содир этилганида уларнинг ўзи қандай шароитда бўлганлиги (ҳодиса юз берган жойга қандай келиб қолганлиги, аниқ турган жойи, ҳодисани қаердан туриб кузатганлиги ва шу кабилар), иккинчидан, ҳодиса механизми (йўлнинг мазкур қисмида транспорт воситалари қайси йўналишда ҳаракат қилганлиги; йўлнинг транспорт воситалари ҳаракатланадиган қисмида пиёдалар бўлган-бўлмаганлиги, агар бор бўлса, аниқ қаерда бўлганлиги; ҳодисада иштирок этган транспорт воситаларининг ҳайдовчилари учун атрофни кўриш шароити қандай бўлганлиги, атроф манзарани кўриш учун уларга нима ҳалақит қилганлиги; автомашиналарнинг тўқнашиши, одам уриб кетиш йўлнинг транспорт воситалари ҳаракатланадиган қисмининг аниқ қайси жойида юз берганлиги; ҳайдовчи тўқнашиб кетиш ёки одам уришнинг олдини олиш учун чоралар кўрган-кўрмаганлиги, агар кўрган бўлса, бу ҳаракатлар нимада намоён бўлганлиги; одам уриб кетган транспорт воситаси светофорнинг қайси сигналига биноан чорраҳага кириб келганлиги ёки пиёда светофорнинг қайси сигналига биноан чорраҳани кесиб ўтганлиги ва бошқа шу кабилар) аниқланади.

Ҳодиса жойидаги яширинган ҳайдовчиларни қидириш учун ҳайдовчининг ташки қиёфаси, у қочиб кетган транспорт воситасига тааллуқли маълумотлар (тури, русуми, модели, рақам белгиси ва бошқа фарқловчи белгилари) муҳим аҳамиятга эгадир. Юз берган ҳодисага холис баҳо бериш нұқтаи назаридан олганда қасбий кўникмага эга бўлган шоҳидлар: ҳодисада иштирок этмаган транспорт воситалари ҳайдовчиларининг, йўлнинг мазкур қисмида ҳаракат хавфсизлиги устидан назоратни амалга оширувчи ЙХХХ ҳодимларининг фикрлари алоҳида эътиборга эга бўлади. Улар тўқнашиш, одам уриш ва бошқа шу кабилар содир бўлган пайтда йўлда юзага келган ҳолатда аниқ баҳо беришлари, йўл ҳаракати қоидаларини бузганлик оқибатида хавфли вазиятни юзага келтирган шахс ким эканлиги, бундай вазиятда авариянинг олдини олиш мумкин бўлган-бўлмаганлиги ва шу кабилар ҳақида асосли мулоҳазалар билдиришлари мумкин.

**Яширинган ҳайдовчилар ва транспорт воситаларини қидириш.** ЙТХ юз берган жойдан яширинган ҳайдовчилар авария туфайли автомашинада пайдо бўлган носозликларга, путур етган жойларга имкон қадар тезроқ барҳам беришга, ундаги изларни

йўқ қилишга уринадилар. Автомобиль яхшилаб ювилади, тўқнашиш, одам уриш ва бошқа шу кабилар натижасида шикаст етган деталлар янгиларига алмаштирилади, қийшайган кузов тўғриланади, умуман камчиликларга барҳам берилади. Жиноят изларининг йўқ қилиб юборилиши хавфи яширган транспорт воситалари ҳайдовчиларини жадал қидириш юзасидан чоратадбирлар кўришни тақозо этади. Ҳодисанинг шоҳидларидан, жабрланувчилардан олинган маълумотлар тезкор қидирув чоратадбирлари ўтказиш учун асос сифатида хизмат қилиши мумкин. Ҳодиса юз берган жойдан топилган излар: автомобилнинг тури, русуми ҳақида фикр юритиш имконини берадиган гилдирак қопламаларининг излари; ҳаракат йўналишини ва яширган транспорт воситаларини қидириш йўналишларини белгиловчи излар қидирилаётган транспорт воситаларига тааллуқли муҳим ахборот манбаи ҳисобланади.

Ҳайдовчилар ва транспорт воситаларини қидириш ҳодиса юз берган жойни кўздан кечириш билан бир вақтда ташкил этилади. Бунда олинаётган маълумотларни айирбош қилиш ва бундан кейинги қидирув чора-тадбирларини биргаликда режалаштириш мақсадида тезкор қидирув ходимлари, ЙХХХ ходимлари ва терговчи ўртасида мунтазам алоқа ўрнатилиши керак. Ҳайдовчилар яширган йўналишдаги ЙХХХ постлари улар хизмат ўтаётган ҳудудда қоидабузар пайдо бўлиши эҳтимоли борлиги ва унинг белгилари ҳақида огоҳлантирилиши лозим. Яна шуни унутмаслик муҳимки, қидирилаётган ҳайдовчилар автомобилдаги носозликка барҳам бериш, авария изларини йўқотиш мақсадида бирор жойда тўхташлари ҳам мумкин. Бундай тўхташлардан йўлдаги ёнилги-мойлаш материалларидан пайдо бўлган доғлар, йўлнинг ёқаси ёки транспорт воситаси ҳаракатланадиган қисмидаги ҳайдовчининг оёқ излари, йўл ёқасидаги гилдирак қопламаси излари ва бошқа шу кабилар дарак бериши мумкин. Транспорт воситаси тўхтаб ўтган жойда авария натижасида путур етган деталлар, фараларнинг синик парчалари, кузов бўёрининг заррачалари топилиши мумкин. Булар ҳам «иссиғида» жиноятчининг кетига тушган ходимларнинг эътиборидан четда қолмаслиги керак, негаки, булар ҳодиса тўғрисида янги далилий маълумотлар беригина қолмай, қидирув тўғри йўналишда олиб борилаётганлигини ҳам тасдиқлайди.

Тезкор ходимлар эга бўлган дастлабки ахборотларда қидирувни аниқ йўналишларда олиб бориш учун зарур бўлган ҳодиса жойидан қочган ҳайдовчилар ва транспорт воситаларига тааллуқли ишончли маълумотлар мавжуд бўлмаса ёки мавжуд бўлса-ю, бир-бирини инкор этса, янги ахборот манбаларини

қидириш эҳтиёжи пайдо бўлади. Булар қўйидагилардан иборат бўлиши мумкин:

- автотрассадан сиртида кўзга ташланадиган путур етган жойлари бор транспорт воситаси ўтганлигини кузатган шахслар;
- транспорт воситаларининг ҳайдовчилари носозликка барҳам беришда ёки носоз автомобилини ташишда ёрдам кўрсатиш илтимоси билан мурожаат қилган шахслар;
- автокорхоналарнинг сафардан қайтган транспорт воситаларида шикаст етган жойлари борлигини пайқаган ходимлари ва бошқа шу кабилар.

Мазкур гувоҳларни қидириб топиш ҳуқуқни муҳофаза қилиш органлари ва йўл хизматининг қўп сонли ходимларидан юксак даражадаги ўюшқоқликни, тажриба ва маҳоратни, режали иш маромини талаб қиласди, қўп вақт ва куч сарфланишини тақозо этади. Шунинг учун бундай ишга оммавий ахборот воситаларини жалб этиш ҳам мақсадга мувоғик бўлади.

Баъзида яширган ҳайдовчилар ўзлари қочиб кетган транспорт воситаларини ҳодиса юз берган жойдан анча олисда ташлаб кетадилар. Бунга авария туфайли автомашинанинг носоз ҳолатга келиши оқибатида ҳаракатни давом эттиришнинг иложи йўқлиги; ёнилғи тугаб, уни яна қўйишнинг имконидан маҳрумлик, яъни яқиндаги ЙХХХ постида қўлга тушиб қолиш мумкинлиги ва бошқа шу каби ҳолатлар сабаб бўлиши мумкин. Жиноятчилар ташлаб кетган транспорт воситалари топилганида ЙХХХ органларидаги мавжуд қайд этиш материаллари бўйича дарҳол унинг эгасини аниқлаш лозим. Айни бир вақтнинг ўзида топилган транспорт воситасини кўздан кечириш орқали қидирилаётган ҳайдовчи тўғрисидаги ахборотга ҳам эга бўлиш мумкин. Бунинг учун эса, ҳайдовчининг қўли тегиши мумкин ва шарт бўлган рул бошқаруви агрегатларида, приборлар қутичаси ва автомашинанинг бошқа қисмларида қолдирилган қўл излари, ташлаб кетилган транспорт воситаси атрофидаги оёқ излари, сигарета қолдиқлари ва бошқа шу кабилар аскотади. Транспорт воситасининг салонида яхши сақланиб қоладиган ҳидлардан қидирив хизмати итлари ёрдамида яширган ҳайдовчини топиш ва ушлаш, кейинчалик эса, тўғри қайд этилган ҳид изларидан гумон қилинувчини танлаш деб аталмиш ишларда фойдаланиш мумкин. Бундай иш натижалари далил-исботлар манбай сифатида эътироф этилмаса-да, бироқ улардан тахминлар қилиш ва ишни тергов қилишнинг бундан кейинги режаларини тузишда фойдаланиш мумкин.

#### **4-§. Йўл-транспорт ҳодисалари терговининг давоми**

Терговнинг давоми ЙТҲнинг сабаблари тўғрисидаги дастлабки хуносани ойдинлаштириш, текширилаётган воқеанинг ҳали номаълум бўлган ҳолатларини, ҳодиса ҳар бир иштирокчисининг роли ва айб даражасини аниқлаш, терговнинг дастлабки босқичида олинган маълумотларни текшириши мақсадини кўзлади. Бунинг учун экспертизалар, тергов экспериментлари, сўрек ва бошка тергов ҳаракатлари ўтказилади.

Йўл ҳаракати хавфсизлиги қоидаларини жиноий тарзда бузганликка доир ишларни тергов қилишда кўпинча экспертизалар ўтказиш талаб қилиниб, улар орасида энг кўп тарқалганлари *автомехника, криминалистик, суд-тиббиёт ва суд-кимё экспертизалири*дир. Ҳозирги кунда ҳодиса юз берган пайтда ҳайдовчиларнинг психофизиологик ҳолати қандай бўлганлигини аниқламиш учун суд-психологик экспертиза тез-тез тайинланадиган бўлиб қолди. Психофизиологик ҳолатнинг нормадан четга чиқишига сабаб йўлда хавфли вазият юзага келиши бўлган деб тахмин қилиш учун асослар мавжуд бўлса, тилга олинган шаклдаги экспертиза ўтказиш зарурати пайдо бўлади.

*Автомехник* экспертиза текшируви кўриб чиқилаётган тоифадаги ишларнинг деярли барчаси бўйича ўтказилади, негаки бундай экспертиза техника нуқтаи назаридан қараганда, кўпинча ЙТҲ, механизмидаги сабабий boglaniшларни аниқлаш ва уларга баҳо беришнинг ягона усули бўлиб қолади. Бу каби техник жиҳатдан баҳо бериш усули йўқ бўлса, ҳодиса иштирокчиларининг ҳаракатлари (ҳаракатсизлиги) билан келиб чиқкан заарли оқибатлар ўртасидаги сабабий boglaniшларни аниқлаб бўлмай қолади, бошқача айтганда, текширилаётган воқеага юридик жиҳатдан баҳо беришнинг ҳам имкони қолмайди. Автомехника экспертизаси ушбу тоифадаги ишлар терговини амалга ошираётган терговчи олдида кўндаланг бўладиган асосий саволлардан бирига жавоб беради, яъни, транспорт воситасининг ҳайдовчиси юзага келган вазиятда ҳодисанинг олдини олиш учун техник имкониятга эга бўлган-бўлмаганлиги масаласини ҳал қилиб беради.

Автомехника экспертизаси ҳал этадиган масалаларни шартли равишда уч гурӯхга ажратиш мумкин.

1. Автомашинанинг (мотоцикл ва шу кабиларнинг) техник ҳолати. Бундай пайтда транспорт воситасининг техник ҳолатини ўрганиш вазифаси фақатгина у ёки бу носозликни аниқлаш эмас, балки бу носозлик юзага келишининг сабабини очиб беришдан

ҳам иборатдир. Автотехника экспертизаси автомашинанинг аниқ узели ёки агрегати авария оқибатида ишдан чиққанми ёки автомашинадаги носозлик таъмирнинг, техник хизмат кўрсатишнинг қониқарсизлиги, заводда йўл қўйилган нуқсон, ҳайдовчи томонидан бошқарувнинг нотўғри усуслари қўлланилиши ёки бошқа сабаблар натижасими деган саволга жавоб бериши керак.

2. Ҳодисанинг айрим деталларига қараб, унинг механизмини аниқлаш. Ушбу масалаларни ҳал этиш давомида транспорт воситалари ҳаракатининг тезлиги, йўналиши, траекторияси, тўқнашилган жой, излар ҳосил бўлиш (путур етиш) механизми ва авариянинг бошқа ҳолатлари, уларнинг динамикаси аниқланади.

3. Ҳодисада иштирок этган транспорт воситалари ҳайдовчиларининг хатти-ҳаракатлари. Ушбу хатти-ҳаракатларга экспертиза ҳайдовчи йўлда юзага келган вазиятда транспорт воситасини ҳайдаш ва бошқариш усусларидан қай даражада тўғри ёки нотўғри фойдаланганига баҳо беради. Экспертиза ҳайдовчи фойдаланган ҳайдаш усуслари техника хавфсизлиги талабларига қай даражада мос келиши, ушбу вазиятда авариянинг олдини олиш учун қандай усуслар кўпроқ самара бериши мумкинлиги ва бошқа шу каби масалалар ҳақида ҳам ўз мулоҳазаларини билдириши керак.

Автотехника экспертизаси ҳайдовчининг хатти-ҳаракатларига баҳо беришда ушбу ҳаракат тезлигига, йўналишига, автомобилнинг тургунлигига, тормоз йўлининг узун-қисқалиги ва бошқа шу кабиларга қандай таъсир кўрсатганлигини ҳам аниқлайди.

Ўқтириб ўтилган масалаларни ҳал этиш учун экспертизага тергов пайтида олинган зарур материаллар: ашёвий далиллар, кўздан кечириш, тергов эксперименти баённомалари, ҳодисада бевосита иштирок этган транспорт воситалари ёки уларнинг агрегатлари; ҳодиса юз берган жойнинг чизгилари ва фотосуратлари; шохидларни сўроқ қилиш вақтида олинган маълумотлар ва бошқа зурур нарсалар тақдим этилади.

ЙТҲ механизмидаги сабабий боғланишларни аниқлашга ёрдам берадиган техник экспертиза тадқиқотлари орасида тергов қилинаётган воқеа юз берган йўл қисми техник ҳолатининг экспертизаси муҳим ўрин тутади. Бундай текширув давомида йўлнинг ушбу қисми белгиланган техника талабларига (қопламанинг сифати, ёритилганлик даражаси, кенглиги, тўсиқлар бор-йўклиги ва бошқа шу кабилар) жавоб бериш-бермаслиги аниқланади. Йўл ҳолатининг қониқарсизлиги ЙТҲга сабаб бўлган ҳолларда юқоридаги каби тадқиқот ўтказиш тақозо этилади.

*Криминалистик экспертизалар орасидан кўпроқ филдирак қопламаларининг излари (транспорт воситасини идентификациялаш мақсадида), ойнанинг синиқ бўлакчалари, авария натижасида узилиб тушган ёки путур етган деталлар ва узеллар (бўлакланишининг умумий чизиги маълум бўлса, бўлакчалардан яхлит қисем ясаш), автомашинанинг турли қисмларида жабрланувчининг кийим-кечакларидан қолган излар (идентификациялаш мақсадида) бўйича трасология тадқиқотлари ўтказилади.*

Ходиса юз берган жойдан яширинган ҳайдовчиларни фош қилиш мақсадида *идентификациявий дактилоскопик экспертизалар* тайинланиши мумкин. Бундай экспертизалар учун ҳодисада иштирок этган транспорт воситасининг салонида, узеллари ва агрегатларида топилган бармоқ излари обьект сифатида хизмат қиласи. Тергов вақтида бошқа криминалистик экспертизалар, хусусан, ҳайдовчилик гувоҳномасида, юк ташишга доир ҳужжатларда, транспорт воситаларининг паспортлари ва бошқа ҳужжатларда қалбакилик белгилари бор-йўқлигини билиш учун ҳужжатларнинг техник-криминалистик экспертизаси тайинлаш зарурати туғилиши мумкин.

*Материаллар ва моддаларнинг криминалистик экспертизаси* ушбу тоифадаги ишлар бўйича ўтказиладиган криминалистик экспертизалар тадқиқотининг энг кўп тарқалган тури ҳисобланади. Экспертиза обьектлари: ёнилғи-мойлаш материаллари, сирлаш учун ишлатилган лак-бўёқ ва бошқалар. Бу ўринда уларнинг қайси гурухга мансублиги ёки пайдо бўлиш манбаига доир масала ҳал этилади.

Йўл ҳаракати хавфсизлиги қоидаларини жиноий тарзда бузганликка доир ишлар тергов қилинаётганида жабрланувчилар, белгиланган қоидаларни бузган ҳайдовчилар, биологик манба ҳосилаларининг излари: қон, соч толалари, мия моддаси ва бошқа шу кабилар суд-тиббиёт экспертизаси обьектлари бўлиши мумкин. Суд-тиббиёт экспертизаси ўлим сабаблари, тан жароҳатининг оғирлик даражаси ва ҳодиса юз берган жойда топилган биологик обьектларнинг қайси гурухга мансублигига доир масалаларни ҳал этади. Суд-тиббиёт экспертига ҳодисада иштирок этган транспорт воситалари ҳайдовчиларининг соғлиғи, қай пайтда носоғлом ҳолат ЙТҲга сабаб бўлганлигига доир саволлар берилиши мумкин.

Йўл ҳаракати хавфсизлиги қоидаларини жиноий тарзда бузганликни тергов қилиш вақтида бошқа турдаги экспертизалар: материалшунослик (металл деталларнинг бузилиши сабабларини аниқлаш учун); дефектоскопик (транспорт воситасининг турли конструкцияларида, деталларида ва бошқаларда яширин, ички

нуқсонларни аниқлаш учун); товаршунослик (авария туфайли етказилган зиён миқдорини белгилаш учун) экспертизалари ва бир қатор бошқа экспертизалар ўтказиш эҳтиёжи пайдо бўлиши мумкин.

**Тергов эксперименти** – анча кенг тарқалган тергов ҳаракати бўлиб, асосан гумон қилинаётганлар, айборлар, жабрланувчилар, ҳодиса гувоҳлари ёки шоҳидларининг кўрсатмаларини текшириш мақсадида ўтказилади. Бу шахслар терговчига воқеага субъектив баҳо берган ҳолда далилларни маълум қиладилар. Ушбу далилларни объектив тасдиқлаш учун сўрек вақтида маълум қилинган воқеа юз бериши ва ҳодиса иштирокчиларининг хатти-ҳаракатлари манзаралари тикланади. Излар ҳосил бўлиши механизмини аниқлаштириш, турли йўл шароитларида автомобилнинг эксплуатация сифатларини текшириш учун тергов экспериментлари камроқ ўтказилади.

Энг кўп тарқалган тергов экспериментлари қуйидаги мақсадларда, чунончи:

1) транспорт воситаларининг, пиёдаларнинг ҳаракат тезлиги тўғрисида, ҳодиса юз берган пайтда улар орасидаги ва бошқа объектлар орасидаги масофа тўғрисида воқеани четда туриб кузатган гувоҳлар айтиб берган маълумотларни текшириш ва тасдиқлаш;

2) транспорт воситаси ёки пиёда аниқ масофани босиб ўтиши учун зарур бўлган вақтни аниқлаш;

3) транспорт воситасида муайян вақт ичida, йўлдаги муайян шароитларда транспорт воситасини бошқаришнинг тегишли усуулларидан фойдаланган ҳолда босиб ўтиш мумкин бўлган оралиқ масофани топиш;

4) автомобиль йўлнинг транспорт воситаси ҳаракатланадиган қисмида турган бир пайтда аниқ жойдан туриб ҳодисани кузатиш, ҳайдовчи кабинасидан қандайдир тўсиқлар ёки йўл белгиларини кўриш ёхуд куннинг муайян вақтида, муайян об-ҳаво шароитларида, кўчанинг керакли даражада ёритилганлиги ва бошқа шу каби шароитларда кўриш чегарасини белгилаш имкониятини текшириш учун ўтказилади.

Юқорида келтирилганлар тергов эксперименти воситасида ҳал этиладиган масалаларнинг тугал рўйхати эмас, албатта. Бироқ, бу муаммоларнинг исталган бирини ҳал этиш учун муайян тергов ҳаракатларини ўтказиш шароитлари эксперимент орқали текширилаётган воқеа содир бўлган шароитларга имкон қадар мос тушиши мухим аҳамиятга эгадир. Бунинг учун эса, айни ўша аварияга учраган транспорт воситасидан (бунинг иложи бўлмаса, ўша русум, модель, ранг, техник тавсифи ва шу кабилари ўхаш автомобилдан), бўй-басти, жинси, ёши ўхаш пиёдадан, худди

ўша жойдан, ўхшаш об-ҳаво шароити ва ёритилганлик даражасидан фойдаланиш керак.

Айбланувчини сўроқ қилишга айб эълон қилиш учун етарли даражада далил-исботлар тўплангани ва айб эълон қилинганидан кейин киришилади. Айбланувчини сўроқ қилишнинг моҳияти ундан тегишли тушунтириш ва маълумотлар олишдир. Бундай тушунтиришлар кўпинча янги тергов экспериментлари, сўроқлар, экспертизалар, бошқа тергов ҳаракатлари ёки тезкор қидирув чора-тадбирлари орқали қўшимча текширувлар ўтказишни тақозо этади: Агар, айбланувчи текширилаётган воқеага янги тушунтиришлар берса ва уларни мантиқан асослай олса, юқоридаги каби текширувни ўтказиш зарур.

Йўл ҳаракати хавфсизлиги қоидаларини жиноий тарзда бузганлик тўғрисидаги ишлар бўйича айбланувчиларни сўроқ қилишнинг хос хусусиятлари сўроқ вактида аниқлаштирилаётган масалалар кўпинча маҳсус, техник йўналишларга эга эканлигига намоён бўлади. Масалан, сухбат сўроқ қилинаётган шахс бошқарган транспорт воситасининг эксплуатация хусусиятлари; автомашинани ҳайдаганида унинг узеллари ва агрегатларида сезган ўзгаришлар; ҳаракат хавфсизлиги қоидалари ва шу кабилар ҳақида бўлиши мумкин. Шунинг учун мазкур тергов ҳаракатининг самарарадорлиги кўп жиҳатдан терговчининг автомобиль соҳасини, автотранспортни бошқаришни қай даражада мумкаммал билишига, сўроққа қай даражада пухта тайёргарлик кўрганлигига боғлиқ. Шу мақсадда кўпинча олдиндан маҳсус адабиётлар билан танишиши ёки автотехника мутахассисидан маслаҳат олиш ҳам талаб қилинади.

## **34-боб. ЭКОЛОГИЯ ЖИНОЯТЛАРИНИ ТЕРГОВ ҚИЛИШ**

### **1-§. Экология соҳасидаги жиноятларнинг оқибатлари**

Ҳозирги шароитда экологик мұхитни мұхофаза қилиш ва табиий ресурслардан оқилона фойдаланиш долзарб вазифа бўлиб қолмоқда. Тупроқ, ер ости бойликлари, ҳаво, сув мұхити, ўсимлик ва ҳайвонот оламига жуда катта зарар етказиб келаётган экологик жиноятларга қарши самарали курашиш мұхим аҳамиятта эга.

Экологик жиноятлар терговининг самарадорлиги, энг аввало, терговчининг мазкур корхона ва тозалаш ишшооти ишлашини ташкил этишнинг ўзига хос томонларини билишига боғлиқ.

Бу жиноятларнинг барчаси тергов услуби нуктаи назаридан бир хил кўринишга эга ва ўз криминалистик белгиларига кўра, яъни содир этилиш тарзи, механизми ва шарт-шароити, содир этган шахс ва келтирган зарар характеристи жиҳатдан бир-бирига жуда ўхшашибди. Мазкур тоифадаги ижтимоий хавфли хатти-харакатларни тергов қилиш ва очиш экологик жиноятлар қолдирган типик моддий изларда криминалистик аломатлар бутунлай аниқ намоён бўлиши ва уйғунлигига боғлиқ. Масалан, табиий мұхитнинг ифлосланиши турли кимёвий воситалардан фойдаланиш, энергетик иссиқлик, шовқин, тебраниш, радиация тарзида ҳаддан зиёд тарқалиши атроф-мұхит таркибий қисмини биологик ва физик тузилмалар ва сифат жиҳатдан жиддий оғишлигарга олиб келади.

Тупроқ ва ер ости бойликлари, дарё, кўллар, сув омборлари, каналлар, сув ҳавзалари, сизот сувлари, музликлар ва ҳоказолар асосан саноат, транспорт, коммунал хўжаликлар ва бошқа корхоналардан чиққан тозаланмаган ва заарасизлантирилмаган оқовалардан ифлосланади. Ҳаво бўшлиги эса асосан қора ва рангли металлургия корхоналари, кимёвий, энергетик, нефтни қайта ишлаш саноати томонидан норматив хужжатларда белгиланган ва рухсат этилган концентрация (РЭК)дан юқори миқдорда чиқариладиган углевод оксиди, олтингурут, кўргошин, азот оксидлари, симоб, водород сульфиди ва бошқа жонли мавжудот учун хавфли бўлган моддалардан ифлосланади.

Экологик зарар келтирадиган қилмишларни аниқлашда куйидагиларга эътиборни қаратиш керак: 1) мазкур худудда мавжуд чиқинди чиқарадиган табиатни ифлослайдиган манбалар ишлаб чиқариш корхоналари қанча эканлиги; 2) чиқиндининг РЭКдан юқорилиги, уларнинг миқдори, ифлосланишнинг давомийлиги, вужудга келган экологик хавфлилик даражаси; 3) тозаланмаган ва заарасизлантирилмаган оқовалар, ташландик ва

чиқиндиларни сув ҳавзалари ва атмосферага чиқариш сабаблари; 4) атмосфера ва сув мұхитини ифлослашда айбдорлар, айниқса нотұғри күрсатмаси туфайли ҳалокатли оқибатларга сабаб бұлған шахслар; 5) жиноий оқибатларга олиб келган хатти-харакатлар, уларнинг юз берган ва давом эттан вакти, заарарлы оқибатларни бартараф этиш имкониятлари ва бошқаларни белгилаб олиш мұхим ақамиятта эга.

Бир қатор ҳолатларда давлат органларининг санитария назорати ва бошқа инспекция ходимларининг талаблари, йүл-йүриқ ва күрсатмаларини бажармаслик, тозалаш иншоотларини қуриш ёхуд таъмирлашдан бош тортиш натижасыда ҳаво ва сувлар ифлосланмоқда. Бунда күрсатмаларни бажармаслик сабаблари ва важларини белгилаш, корхона раҳбари ёхуд бевосита ижрочилар айбини аниқлаб олиш зарур. Тергов ишлари мукаммаллигини таъминлаш учун жиноят содир этишга олиб келган енгиллаштирувчи ва оғирлаштирувчи вазият бүйича айбланувчиларни шарт-шароитларини аниқлаш лозим. Ишлаб чиқаришни ташкил этиш, технологик режим талабларига риоя қилиш тозалаш иншоотлари, чанг ва турли газларни тутиб қоладиган қурилмаларни ўрганишда мұхим ўрин тутади.

## 2-ғ. Жиноят ишини құзгатиш

Экологик жиноят тұғрисида иш сув-техника назорати, балиқчilik назорати, санитария-эпидемология станцияси органлари, корхона маъмурияти, жамоат бирлашмалари, оммавий ахборот воситалари, алохida фуқаролар ахборотларига асосланиб құзғатилади.

Экологик жиноят бевосита ҳуқуқни мухофаза қилувчи орган ходимлари томонидан аниқланиши ҳам мумкин. Дастлабки текширишда жиноят иши құзгатишга асос бұладиган ҳолатларни аниқлаш, сув ҳавзалари, тупроқ ёхуд ҳаво қанчалик ифлосланаётгандығы, бу ифлосланишнинг характеристері ва ҳажми, уларнинг одамлар соғлигига, ҳайвонот дунёсига, қишлоқ хұжалиги, балиқчilik хұжаликлари ёки бошқа ишлаб чиқаришларга келтирадиган заарини белгилаб олиш керак. Мавжуд жиноят белгиларини текшириш учун құшимча материаллар талаб қилиш ва тушунтириш хатлари олиш мумкин. Жұмладан, жиноят иши құзғатишга оид хулоса чиқаришга қуидаги таҳлиллар асос бўлиши мумкин:

1) сув ресурсларини мухофаза қилиш ва ундан фойдаланиш қоидалари, балиқ захираларини мухофаза қилиш ёки табиат мухофазасига оид бошқа норматив қоидалар бузилғанлиги тұғрисида хужжатлар;

2) одамлар томонидан тупрок, сув ресурслари, балиқ заҳиралари, ҳайвонот ва ўсимлик дунёсига етказилган зарар ёхуд атмосфера ҳавоси ифлослангани тұғрисида ҳужжат;

3) оқова сув, тупрок, ҳаводан олинган намуна таҳлилига оид ҳужжат;

4) шохидларнинг хабари ёки тушунтириш хати, шунингдек ўз хатти-ҳаракатлари (харакатсизлиги) билан экологик зарарли оқибатларга олиб келган шахснинг күрсатувлари.

Тұпланган ахборот ва маълумотларни текшириш мақсадида жиноят иши құзатғанға қадар ҳодиса рүй берган жойларни күздан кечириш лозим.

Терговнинг дастлабки босқичида ифлосланиш механизми ва манбаига нисбатан турли фаразлар олға сурилади. Бунда обьектни ифлослаёттан чиқиндилар, мөддалар ва ташландықларнинг тури, табиатни муҳофаза қилиш қоидаларининг бузилиш сабаблари, уларга риоя қиммаган мансабдор ва бошқа шахслар иштироқи үрганилади.

Фаразни олға суриш жиноят иши құзатиши вактида вужудға келган вазияттаға бөрлиқ. Қоидага күра вазиятнинг учта тури мавжуд:

а) сув манбалари, тупрок ва атмосфера ҳавоси ифлосланганик факти маълум;

б) содир этилган қоидабузарликлар одамлар саломатлиги, ҳайвонот ва ўсимлик дунёси, балиқ заҳираларига зарар келтирғани очик-ойдин қўриниб турибди;

в) илгари йўл қўйилган экологик жиноят белгиларини күрсатувчи материаллар мавжуд.

Шунга мувофиқ терговчи олдидаги турган вазифаларидан келиб чиқиб иш бўйича тергов йўналиши, бу ҳаракатларнинг биринчи навбатдаги тадбирлари белгилаб олинади. Энг аввало, жиноий хатти-ҳаракатнинг келиб чиқиши сабаблари ва экологик обьектлар ифлосланишининг интенсивлиги аниқланади. Бунинг учун куйидагиларни бажариш зарур:

- воқеа содир бўлган жой ва тозалаш иншоотларини күздан кечириш;

- атроф муҳитни ифлосланишига олиб келган ишлаб чиқариш жараёни билан танишиш;

- ифлослаёттан манбаларни бартараф этиш чорасини қўриш;

- экологик қоидани бузганликда айбли шахс, жабр кўрганлар, гувоҳларни сўроқ қилиш;

- ифлосланишнинг технологик жараёнини кўрсатадиган ҳужжатларни олиб қўйиш, ички бошқарув назоратининг ҳолати, экологик назоратни амалга оширадиган инспекция ва

органларнинг маълумотлари;

- ифлосланганлик даражасини таҳлил этиш учун тупроқ, сув ва ҳаводан намуналар олиш;
- тиббий, биологик, кимёвий, ихтиологик ва бошқа экспертизаларни белгилаш.

Бўлиб ўтган ҳодиса тўғрисида ахборот олиш учун тергов харакатларини тезкор-қидирув тадбирлари билан қўшиб олиб бориш тавсия этилади.

Милиция ходимларига топшириқ берib, унда тозаланмаган ва заарсизлантирилмаган оқова сувни ташлаганларни кўрган гувоҳларни билиб олиш, атрофдаги жойларни текшириб чиқиш йўли билан моддий далилларни аниқлаш, харакатдаги воситалар (автомашина, кема ва ҳоказо)ни тўхтатиш, жойларни айланиб чиқиш ва изидан кузатиб бориш йўли билан ифлосланган жойдан яширинганларни аниқлаш керак.

### **3-ғ. Жиноят можиятини исботлаш**

Атроф муҳит ифлосланганлик факти ва даражасини исботлаш учун то ифлосланганга қадар тупроқ, сув обьекти ва атмосфера ҳавосининг ҳолати (кимёвий таркиби, баъзи моддалар бўйича РЭМ, маҳаллий табиий шароитлар), рўй берган ҳодисалар ва уларнинг салбий оқибатларини бартараф этиш ва ифлослашни тўхтатиш юзасидан кўрилган чоралар тўғрисида ахборотга эга бўлиш керак. Шунингдек, юқорида тилга олинган объектларни ифлосланишига йўл очадиган вазиятни (тозалаш қурилмалари носозлиги, ишлаб чиқаришнинг технологик талабларига риоя қиласлик, чиқинди ва ташландиқларни заарсизлантириш ва тозалаш жараёнининг бузилиши, саноат, коммунал-маиший хўжаликлардан чиқадиган оқовалар тозаланишни таъминловчи қурилмалар бир меъёрда ишламаслиги, назоратининг сусайиб кетганлиги) аниқлаш ҳам мақсаддаг мувофиқ. Терговнинг охиригача кутиб ўтирай терговчи жиноятни келиб чиқишига йўл очган аниқ сабаб ва шароитларни белгилаши, уни бартараф этиш имкониятларини ўрганиши ва олдини олиш тўғрисида тегишли органларга тақдимот киритиши шарт.

Экологик жамиятларни тергов қилища ҳақиқий ҳолатни тез, тўла ва самарали аниқлаб олиш керак. Тергов харакатларига таъсир кўрсатадиган бир қатор ўзига хос тактик йўналишлар мавжуд.

Воқеа рўй берган жойни кўздан кечириш жараёнида ифлосланган сув ҳаваси, ер участкаси, ўсимлик ва ҳайвонот дунёсига дуч келиш мумкин. Бунда ифлосланиш характери, унинг бошланиши, ривожланиши ва жадаллашиш даражаси

аниқланади. Сув ва ер нефть маҳсулотлари билан ифлосланганда юзада юпқа қатlam хосил бўлади, у ички қатlamга ўтиши, тупроқ шимиб олган бўлиши мумкин. Натижада ифлосланган ер ва сувнинг физик хосаси ўзгаради (ялтирайди, хид чиқаради, ранги ўзгаради). Атмосфера ҳавоси ифлосланганда заарали чанг-тузон ва турли газларни шамол йўналиши бўйича ўз манбаларидан узоқларга олиб кетади. Ифлосланган ҳаво турли даражада флора ва фауналарга ҳам таъсир кўрсатади.

Ифлосланган жойда ўзига хос томонларни исботлаш учун текшириш ишларига турли мутахассислар – тегишли ишлаб чиқариш тармоқлари, санитария-эпидемиология, сув муҳофазаси, балиқ муҳофазаси ва бошқалар билан шугулланадиган ходимларни жалб этиш керак. Бундан мақсад илмий методлар ва маҳсус асбоблар, қурилмалар ва бошқа техник воситалардан фойдаланиб, олинган ахборот ва намуналар тўла-тўқис аниқлиги таъминланади.

Ифлосланган жойни кўздан кечирганда кўп ҳолларда марказдан бошлаб кейин четга чиқилади., яъни ифлослаш манбаидан тозалаш иншоотига, сув тўпланадиган жойга, сўнгра чиқиндилар тўкиладиган ва кўмиладиган яқин худудга ўтиш, хуллас спирал бўйича ҳаракат қилиш мақсадга мувофиқдир. Шундай қилиб, факат ифлосланаётган манбанигина эмас, балки чиқиндилар, ташландиқлар, ўлган балиқ ва бошқа ҳайвонлар тўпланиб қолган участкаларни ҳам ўрганиш имконияти яратилади. Бу участкалардаги сув, тупроқ, ўсимлик ва ҳаводан намуналар олинади. Видеога олиш, суратта тушириш, шунингдек ифлосланиш манбаи, унинг қолдиқлари, излари ва намуна олинган участкаларнинг чизмаси кўздан кечириш баённомасига илова қилинади.

Хужжатларни таҳлил қилиш муҳим аҳамиятга эга. Улар сув ҳавзалари, тупроқ ва ҳавони заарлаётган далиллар, шунингдек фауналарнинг қирилиб кетиши, ўрмон ва бошқа ўсимликларнинг йўқолиши тўғрисида маълумотлар беради.

Экологик хукуқбузарлик тўғрисидаги энг қимматли маълумотлар қуидагиларни ўз ичига олади:

1) саноат обьектлари қурилиши, қайта қуриш ва таъмирлаш лойиҳаси, тозалаш, фильтрлаш ва сув тўплаш иншоотларини қабул қилинганлиги тўғрисидаги хужжат;

2) саноат, коммунал хўжалиги ва бошқа обьектлардан чиқадиган чиқиндилар ҳисобини юритиш, уларнинг сони, кимёвий таркиби ва концентрациясига оид хужжат;

3) саноат обьектлари, канализация ва тозалаш иншоотларини кўриш, таъминлаш ва фойдаланиш тартибига оид инструкция ва бошқа норматив хужжатлар;

4) ишлаб чиқариш чиқиндиларини ташиш тўғрисида

**хужжатлар;**

5) чиқиндиларни текшириш ва лаборатория текширувига оид хужжатлар;

6) санитария-эпидемиология станцияси, давлат ўт ўчириш назорати, давлат балиқчилик назорати ва бошқа инспекцияларнинг сув ҳавзалари, тупрок, ҳавони ифлослантириш фактларига оид хужжатлари ва кўрсатмалари.

Хужжатлар билан танишув орқали, баъзи мансабдор шахслар ваколати, хужжатларнинг талабларига риоя этиш даражаси тўғрисида хулоса қилиш мумкин. Бу ижтимоий ҳавфли хатти-ҳаракатларни ифодалайдиган ва жиноят ишига тиркаб қўядиган асосий хужжатлар даражасини аниқлаш имкониятини беради.

Хужжатларни уларнинг тўла-тўқислиги ва мантиқийлиги нуқтаи назаридан ҳам, тузатиш ва қўшимча киритиш имкониятларини техник-криминалистик воситаларни жорий этиш орқали аниқлаш билан ҳам чуқур ўрганиш зарур.

Хужжатлар билан танишиб чиқиш натижасида аниқланган фактлардан сўроқ қилишда, экспертиза тайинлашда ва бошқа тергов ҳаракатларини ўтказишда фойдаланиш мумкин.

Терговчи воқеа содир бўлган жойга оид хужжатларни ўрганиш жараёнида суд экспертизасини тайинлаш тўғрисидаги масалани ҳал қилиб, зарур хужжатларни тайёрлаб қўйиши керак. Шунингдек, сув ҳавзалари, тупроқ ва атмосфера ҳавосининг ифлосланганлигига қадар ва ундан кейинги ҳолатини кўрсатадиган ашёвий далиллар ва олинган намуналарга эга бўлиши зарур. Экспертиза ифлосланган макон, унинг вақти, давомийлиги, жадаллашуви ва келиб чиқиш сабаблари, тозалаш иншоотидаги камчиликлар, атроф мухитни муҳофаза қилишда йўл қўйилган хатоларни белгилашга ёрдам беради.

Мазкур тоифадаги ишлар бўйича қўйидаги экспертиза турлари ўтказилади:

- суд-тиббиёт экспертизаси – одамлар вафот этган ёки заҳарланганлиги сабабларини белгилаш, чиқинди ва ташландиклар (қурум, кўл, чанг, газ, турли суюқликлар ва моддаларнинг) одам соғлиғига ҳавфлилик даражаси, уларнинг таъсир кўрсатиш механизми, оқибатларини бартараф этиш чораларини кўриш ва ҳоказолар учун;

- суд-ветеринария экспертизаси – ҳайвонларнинг ўлиш ва қасалланиш сабабларини, сув, тупроқ ва ҳаво ифлосланишининг ҳайвонлар ҳаётига таъсирини аниқлаш учун;

- ихтиологик экспертиза – балиқларнинг ўлиш сабаблари, унга сабаб бўлган моддаларни аниқлаш учун;

- кимёвий экспертиза – сув ҳавзалари, тупроқ ва атмосфера ҳавосини ифлословчи моддалар таркиби, концентрацияси, манбаларини аниқлаш учун;

- технологик экспертиза – сув ҳавзалари, тупроқ ва ҳавони ифлословчи технологик жараёнда йўл қўйилган қоидабузарликни, саноат оқоваларини тозалаш, суюқлик ва газ чиқиндиларини заарсизлантириш қоидаларига риоя қилмаслик сабабларини аниқлаш учун;

- техник экспертиза – тозалаш иншоотлари, чанг ва газларни тутиб қоладиган қурилмаларни ишдан чиқиши, тузатилмаслиги сабаблари, уларни бартараф этиш имкониятларини аниқлаш учун.

Баъзан бошқа турдаги экспертизаларни (гидротехник, иқтисодий, бухгалтерияга оид), шунингдек комплекс экспертиза (тиббий-биологик, техник-санитария, кимёвий-ветеринария ва бошқа)ларни белгилаш зарур бўлади.

Экологик жиноятлар тўғрисидаги ишлар бўйича гувоҳларнинг кўрсатмалари муҳим далиллар манбаи ҳисобланади. Амалда мазкур иш бўйича гувоҳ сифатида бир неча гурухдаги гувоҳлар бўлиши мумкин:

1)ифлосланиш фактлари ва заарли оқибатларга оид маълумотларни берадиган гувоҳлар. Улар орасида турли инспекциялар ва назорат органлари мансабдорлари ва оддий фуқаролар бўлиши мумкин;

2)тозаланмаган ва заарсизлантирилмаган саноат, коммунал ва бошқа чиқиндиларни сув ҳавзалари ва ҳавога чиқарилгандигини бевосита кузатган гувоҳлар; ифлослантираётган манбаларни биладиган шахслар. Улар асосан, тозалаш иншоотларида ишловчи ходимлар бўлиб, ўзларининг камчиликларини яшириш ва саноат обьекти раҳбари билан муносабатни бузмаслик учун ифлосланиш вазиятларини сир тутишга ҳаракат қиласи;

3)тозалаш иншоотларидан нотўғри фойдаланиш сабаблари ва баъзи шахсларнинг нотўғри берган кўрсатмаси туфайли сув ҳавзаси, тупроқ ва атмосфера ҳавосининг ифлосланиши ҳақида хабардор бўлган шахслар.

Сўроқ қилиш йўли билан ифлосланишгача бўлган вазият, тозалаш иншоотларининг аввалги ҳолати, технология қоидасига масъул шахснинг фаолияти ва кўрсатмалари, илгари қандай ифлосланиш фактлари кузатилгани каби масалалар аниқлаб олинади. Кўп ҳолларда оқова сувлар, заарли моддалар, газларни ташлаш, ифлосланиш оқибатларига барҳам бериш ва экологик жиноятни содир этишга олиб келадиган вазиятни бартараф

этишга йўналтирилган бошқа тадбирлар юзасидан гувоҳлар мухим кўрсатувлар бериши мумкин.

Гумон қилинган ва айбланаётгандарни сўроқ қилиш самарадорлигини таъминлаш учун, қоидага кўра, содир этилган жиноят иши юзасидан ишончли далиллар йигилган бўлиши керак. Уларни сўроқ қилиш тактикаси сўроқ қилинувчини ўз айбини инкор этиши бемаъни эканлигига ишонтирадиган маълумотларнинг мантикий таҳлилига асосланган бўлиши керак. Бундай тоифадаги ишлар бўйича айбланувчилар ўз айбини бошқаларга, айниқса, бўйсунувчиларга тўнкашга мойил бўладилар, тажрибалари этишмаганликлари, норматив ҳужжатлар талабларини бузиш хавфлилигини билмаганликларини рўкач қиласидилар. Баъзан улар ўз айбларини тан олиб уни юмшатишга ҳаракат қиласидилар, зарарли оқибатларни инкор этадилар ёки унчалик эмас деб ҳисоблайдилар, баъзан ишлаб чиқариш манфаати учун шундай қилганликлари, юқори лавозим шахс кўрсатмалари мавжудлигини пеш қиласидилар.

Экологик жиноят тўгрисидаги ишлар бўйича айбланувчи шахслар махсус билимга, профессионал тажрибага эга эканлигини эътиборга олиб, терговчи сўроққа жиддий тайёргарлик кўриши ва норматив материалларни ўрганиши, корхона ва унинг тозалаш ишоотлари фаолиятининг ўзига хос томонлари, жиноят иши материалларини билиб олиши, мутахассислар билан маслаҳатлашиши зарур.

Терговчи айбланувчини сўроқ қилаётганда унинг шахси, профессионал стажи, зарарли чиқиндиларни қаерга ва қанча ташлашга оид кўрсатма беришда нималарга асосланганлиги тўгрисида маълумотларга эга бўлиши керак. Мазкур иш бўйича айбланувчи кўрсатмасини экспертиза хулосаси ва бошқа маълумотлар билан таққослаб кўриш керак.

Айбланувчини сўроқ қилиш жараёнида ва бошқа тергов ҳаракатларини мазкур жиноий қилмишни содир этиш сабаблари ва шароитларини белгилашга алоҳида аҳамият бериш керак: бу ишлаб чиқаришни ташкил этишда ва фаолият кўрсатишидаги нуқсонлар, табиий ресурсларни муҳофаза қилиш ва улардан оқилона фойдаланишда баъзи мансабдор шахсларнинг эътиборсизлиги, тозалаш ишоотлари иши бўйича назоратнинг йўқлиги, техник воситалар ва транспорт билан ёмон таъминланганлиги, баъзи бир ишлаб чиқариш жараёнларида ҳисоб ишларини юритиш, чиқиндилар сақлаш ва уларни ҳисобга олиб бориш ва бошқалар талабга жавоб бермайди. Терговчи мутахассислар ёрдамида худди шундай жиноий хатти-ҳаракатларнинг олдини олиш чораларини кўришга мажбур.

## **35-боб. КОНТРАБАНДА ЖИНОЯТЛАРИНИ ТЕРГОВ ҚИЛИШ**

### **1-ғ. Контрабанданинг криминалистик тавсифи**

Сұнгиги йиллар Үзбекистон ҳудудига хом-ашё, саноат моллари, бадиий ва бебаҳо қадриятлар, савдодан чиқарилган товарларни контрабанда йўли билан олиб кириш ва олиб чиқиш кенг авж олганлиги билан ажralиб туради. Бунга:

- МДҲ республикалари билан мавжуд очиқ чегаралар;
- Үзбекистон иқтисодий тизимининг ўзгариши ва Божхона назоратининг фаолияти етарлича такомиллашмаганлиги;
- суверен ҳудудлар ҳуқуқни муҳофаза қилиш органларининг ўзаро муносабатлари ва ҳатти-ҳаракатларини йўлга солувчи ҳуқуқий-шартнома базасининг камчилклари кенг йўл очиб беради.

Хозирги шароитда контрабанда жуда кенг кўламда ёйилган бўлиб, у уюшган жиноятчилик томонидан корхона раҳбарлари, божхона ходимлари, маҳаллий маъмурият вакиллари ва ҳатто ҳуқуқни муҳофаза қилиш органлари ходимларини ўз фаолиятига жалб этиш йўли билан амалга оширилмоқда.

Хозирда гиёхванд моддаларнинг янги турлари (кокаин, ЛСД), қурол-ярог, қалбаки пул ва халқ истеъмоли моллари контрабандаси амалга оширилмоқда. Жумладан, бошқа МДҲ мамлакатларига транзит учун ҳужжат расмийлаштириш орқали контрабанда олиб кирилиши кенг тус олган. Бунинг натижасида ҳар йили давлатга миллиардлаб зиёд зарар етказилмоқда. Контрабанданинг бу усули жуда оддий: товар транзит сифатида ҳужжат расмийлаштириш орқали олиб кирилади ва сохта фирмалар орқали сотилади. Баъзан чегарадаги манфаатдор божхона ходимлари эса пора эвазига юк чегарани кесиб ўтишига кўмаклашадилар.

Контрабанданинг ҳудди шундай усуллари маҳсулот ва хом-ашёни Үзбекистондан олиб чиқиша ҳам ишлатилади. Кўпинча озиқ-овқат ва нефть маҳсулотлари билан тўлдирилган автомашиналар расмийлаштирилмай, ташқарига олиб кетилади.

Кейинги йилларда рангли металларни контрабанда йўли билан олиб чиқиб кетиш кенг тус олмоқда. Бу усул ҳам сохта ҳужжатлар ёки пора бериш орқали юкни транспорт воситаларида кўринишини ўзгаришиш йўллари билан амалга оширилади.

Контрабанданинг «анъанавий» усули ҳам катта ҳажмда сақланиб қолган, яъни қимматбаҳо буюмлар ва валютани яширин жойларда Үзбекистонга олиб кириш ва олиб чиқиш. Контрабанданинг бу усулида кўплаб хорижий фуқаролар иштирок этади.

Хозирги вақтда контрабандани тергов қилишнинг оддий ҳолатлари қўйидагилар:

1. Чегара ёки божхона назоратида соxта ҳужжатлар билан контрабанда қилган шахсларни қўлга олиш.

2. Ҳужжатларни тафтиш қилиш, шунингдек тезкор-қидирув тадбирлар чоғида хом-ашё ёки тайёр маҳсулотни контрабанда йўли билан олиб чиқиш ҳолатини аниқлаш.

Биринчи ҳолатда терговчиларнинг хатти-ҳаракатлари қўлга олиш ҳолатини расмийлаштиришга ва контрабанда маҳсулотини мусодара қилишга қаратилган бўлиши керак. Бунда мусодара қилинаётган маҳсулотнинг миқдори, маркаланганлиги, ӯралганлиги, илова қилинган ҳужжатлари, маҳфий жойларнинг мавжудлиги контрабанда кўринишини аниқ фиксация қилиш жуда ҳам муҳимdir. Буларнинг ҳаммасини баённомаларда аниқлик билан қайд этиш керак. Қўлга олиш ва мусодара қилишни аниқ фиксациялаш учун видеотасмага олиш мақсадга мувофиқ бўлиб, алоҳида эътибор контрабанда ва контрабандани олиб кириш ёки олиб чиқишга ҳаракат қилган шахс ўртасидаги алоқани аниқлашга қаратилиши керак. Баъзан, қўлга олинган шахснинг ҳис-туйғуларини - (сўзиш, ҳақорат, дўқ-пўписа, пора беришга ҳаракат қилиш, контрабандани амалга ошириш ниятини бошқа шакллардаги кўринишини) фиксациялаш ҳам ёрдам бериши мумкин. Шунинг учун магнит ва видеотасмалар ёрдамида фақат қўлга олиш ва контрабандани мусодара қилиш жараённингигина эмас, балки қўлга олинган шахснинг қўлга олингандан ва тергов органларига олиб борилгандан кейинги хулқ-авторини ёзиш ҳам эътиборга молиждир.

Сўнгра қўйидагиларга қаратилган тергов ҳаракатлари ва тезкор-қидирув тадбирлари мажмуи амалга оширилиши лозим:

- контрабандани олиб ўтишга ҳаракат қилган шахснинг айбини аниқлаш;

- шерикларни аниқлаш;

- контрабанда маҳсулотини келиб чиқишини аниқлаш;

- олиб чиқишга мўлжалланган контрабанда маҳсулотларининг бошқа партияларини аниқлаш.

Қўққисдан амалга оширилган ҳаракат омилини ишлатиш биринчи навбатда жиноят иши қўзғатиш билан боғлиқдир.

Тергов ишларини иложи борича тезроқ бошлаш мақсадга мувофиқдир. Тергов қўлга олинган ва контрабандага алоқаси бор бошқа шахслар ўз хатти-ҳаракатларини келишиб олмасликлари учун иложи борича тезроқ ўтказилиши лозим.

Иккинчи ҳолатда терговчилар ва тезкор ходимлар одатда контрабандани қўлга туширишга қаратилган тактик операцияни тайёрлаш учун етарли вақтга эгалар. Бунда контрабандани янги

партиясини олиб ўтиш вақтида кўрсатилган шахсларни қўлга олишдан бошлаш зарур. Бир вақтнинг ўзида терговчилар ва тезкор ходимлар:

- а) контрабандага алоқаси бор шахсларнинг уй ва иш жойларини тинтув қилиш;
- б) контрабандани қўшимча ҳолатлари қайд этилиши мумкин бўлган ҳужжатларни олиб қўйиш;
- в) контрабандага алоқаси бор барча шахсларни дарҳол сўроқ қилиш;
- г) аниқланган контрабанда ҳолатлари бўйича қўшимча тафтишлар белгилаш ишларини амалга оширишлари зарур.

#### • 2-ғ. Контрабанда ишини тергов қилиш услуги

Контрабанданинг моҳияти божхона чегараси орқали товар ёки бошқа қимматбаҳо буюмларни маҳфий ёки алдаш йўли билан олиб ўтишдан иборат. Ушбу масала учун Ўзбекистон Республикаси Жиноят кодексининг 182-моддасига биноан жавобгарлик ўрнатилган. Маҳфий ҳаракат усуллари қўйидагилар:

- «кўринмас» ёки яхши қўриқланмайдиган чегараларни кесиб ўтиш учун айланма йўл ёки яширин сўқмоқлардан фойдаланмоқ;
- товар ёки бошқа қимматбаҳо нарсаларнинг транспорт воситаларида маҳсус жойлаштирилган маҳфий жойлардан фойдаланмоқ;
- товар ёки бошқа қимматбаҳо буюмларга бож тўланмайдиган ва декларация талаб қилмайдиган обьектлар каби тус бериш.
- обьектларни инсон танасининг аъзоларида яшириш.

Божхона органларини алдаш йўли билан контрабанда қўйидаги ҳолларда амалга оширилади:

1. Божхона назоратига қалбаки ҳужжатлар тақдим этиш;
2. Сохта тамгалар, муҳрлар, идентификация белгилари ва ҳоказоларни ишлатиш;
3. Объектни ноҳақоний декларация қилиш.

Ушбу жиноят қасдан амалга оширилади. Контрабандани давлат чегарасидан ноқонуний олиб ўтишда кўпинчалик чегара ва божхона ходимлари, кузатувчилар иштирок этишади. Шериклик одатда шахсий гараз хусусиятига эга ва уюшган гуруҳ таркибида эпизодик ёки доимий кўринишга эга бўлиши мумкин.

Контрабанданинг энг кўп тарқалган обьектлари гиёхванд

моддалар, қурол-яроғ, заргарлик буюмлари, кимматбаҳо тошлар ва антиквариатдир. Баъзан бу Ўзбекистон орқали ўтаётган, жўнатувчиси ва қабул қилувчиси сохта фирма ёки шахс бўлган транзит юkdir. Шу каби объектларнинг божхона назоратидан озод қилинган дипломатик почтада ёки дипломатик иммунитетга эга бўлган шахслар орқали ўтказиш контрабанданинг алоҳида, ўзига хос турларидан биридан.

**Бошлиғич тергов харакатилари.** Контрабанда ишини тергов қилиш одатда божхона ёки чегара ходимлари томонидан уни фош этилишидан бошлилади. Агар контрабанда объектига эга бўлган шахс қўлга олинса жиноят иши қўзғатилади ва қуйидаги тергов ишлари амалга оширилади:

**Қўздан кечириш.** Контрабанда объектлари ва ошкор қилинган яширин жойларни қўздан кечириш. Яширин жойлар транспорт воситаларида жойлаштирилган бўлиши мумкин: эшикларда, ўриндиқларда, юхонада, капот остида, ёритгичларда ва ҳоказо. Контрабанда предметлари ёқилги бакида, гилдирак камераларида, прицеп бортларида ва ҳоказоларда бўлиши мумкин.

Топилган нарсаларнинг ҳаммаси синчиклаб қўздан кечирилади ва зарурат бўлса мутахассис иштирокида хусусиятлари, мақсади ва жойлашиши қўздан кечириш баённомасида қайд қилинади. Контрабандага оид далилий ашёлар қийматини аниқлаш учун эксперталар таклиф қилиниши мумкин.

Калбаки хужжатлар, тамгалар, муҳрлар ва сохталаштирилган идентификация белгилари қўздан кечирилиши шарт.

**Контрабандачини қўлга олиш ва сўроқ қилиши.** Қўлга олишда контрабандистни шахси аниқланади ва шахсий тинтув ўтказилади. Агар қўлга олинган шахснинг танасида контрабанда ашёлари (гиёхванд моддалар, қимматбаҳо буюмлар) яширилганлик эҳтимоли бўлса, рентгеноскопик текширув, ич сурадиган дориларни ишлатиш, тананинг табиий тешикларини қўздан кечириш ёрдамида суд-тиббиёт текшируви амалга оширилади. Суд-тиббиёт эксперти хулосасига текширув пайтида топилган ҳамма контрабанда объектлари илова қилинади ва сўнгра қўздан кечириш тергов ҳаракати ўтказилади.

Қўлга олинган шахсни сўроқ қилишда қуйидаги ҳолатлар аниқланиши зарур:

1) қўлга олинган шахснинг оиласиий ва хизмат ҳолати, турар жойи ва бошқа алоқалари;

2) контрабанда ашёлари кимга тегишлилиги; қўлга олинган шахс ташувчи бўлса, кимнинг топширигига биноан, қандай шарт билан ташувчи бўлишга рози бўлганлиги, транспорт воситаси кимга тегишлилиги; контрабанда эгасининг ходими бўлса, аввал-

лари шундай ташувчиликни амалга оширганлиги;

3) транспорт воситасидаги яширин жойлар ким томонидан жойлаштирилган ва жиҳозланган, авваллари ҳам шу каби мақсадларда ишлатилганлиги, контрабандани махфий ташиш учун ошкор этилмаган бошқа жойлар борлиги;

4) қаерда, қачон ва ким томонидан контрабанда юкни қабул қилиб олганлиги, қаерда, кимга ва қандай шароитда топшириши; сўроқ қилинаётган шахсга юк ҳақида, уни жўнатувчи ва қабул қилувчи шахслар ҳақида нималар маълумлиги;

5) ким ва қандай ҳолатда ташувчини божхона нázоратидан ўтиш учун қалбаки ҳужжатлар ва бошқа воситалар билан таъминлаганлиги; муваффақиятсизлик ҳолатида қандай йўл тутиш тўғрисидаги кўрсатувлар;

6) чегарани қийинчиликсиз кесиб ўтишда божхона ходимлари ёрдами тўғрисида келишув борлиги ва бу келишув қандай шартлар асосида амалга оширилиши кераклиги, ўз ичига нималарни олиши, аввал ҳам бундай ёрдам кўрсатилганлиги;

7) юк ташиш тўғрисида контрабанда эгасидан бошқа яна ким хабардор эканлиги, бу шахслар юк эгасининг фаолиятига, юкнинг ўзига қандай алоқаси борлиги; ташувчининг контрабанда эгасининг шериклари, контрабанданинг келиб чиқиши манбалари тўғрисида хабардорлиги.

Агар контрабанда қўлга олинган шахсга тегишли бўлса, қўлга киритиш манбалари ва сотиш каналлари тўғрисидаги саволлардан ташқари шерикларнинг шахси ва контрабандачининг бошқа алоқаларини аниқлаш, контрабандачи аъзо бўлиши мумкин бўлган уюшган жиноий гурӯҳ мавжудлиги ҳақидаги тахминни ва унинг жиноий фаолиятининг бошқа эпизодларини текшириб қўриш керак. Қўлга олинган шахснинг кийимида ёки танасида гиёҳванд моддалар топилганда гиёҳванд ёки токсикоман эмаслиги аниқланиши зарур ва бу нарсалар ким учун мўлжалланганлиги ва ким орқали сотиш режалаштирилганлигини аниқлаш лозим. Қўлга олинган шахснинг гиёҳвандлиги масаласи уни текширув даврида суд-тиббиёт экспертизаси олдига ҳам қўйилади.

Контрабандачи билан бирга қўлга олинган олиб ўтувчиларни сўроқ қилишда чегарани кесиб ўтиш билан бөглиқ бевосита саволлардан ташқари уларнинг контрабандачи билан алоқалари хусусиятлари, шу каби уринишлар улар иштирокида ёки унга таниш бўлган шахслар ёрдамида аввал ҳам амалга оширилганлиги, уларнинг шахси; чегарадан нима олиб ўтилганлиги, чегарани кесиб ўтгандан сўнг уларни ким, қаерда ва қандай шароитда қабул қилиб олганлиги аниқланади.

**Тинтуб.** Контрабанда ашёлари ва уларни ташиш воситаларини кўздан кечириш ёки қўлга олинган шахсни сўроқ қилиш на-

тижасида аниқланган шахсларнинг уй ва хизмат жойлари, транспорт воситалари ва юк сақлайдиган жойлари тинтув қилиниши керак. Агар бу жойлар чегара ёки божхона назорати бекатларидан узокда жойлашган бўлса ички ишлар органларига прокурорнинг санкцияси олинган қарор билан тинтув қилиш тўғрисида талабнома жўнатилади. Тезкор ҳаракат мақсадида бу талабнома ва санкцияланган қарор факс билан, бир вақтнинг ўзида асл нусхаларини хизмат почтаси орқали жўнатилади. Сусткашлик мухим далилларни йўқотишга олиб келиши мумкин.

Тинтув қўлга олинган шахснинг турар жойи бўйича ҳам амалга оширилиши керак; агар у хорижлик фуқаро бўлса, унинг вақтинча турар жойи ва юкни топшириш жойи ҳам тинтув қилиниши керак.

**Кейинги тергов ҳаракатлари.** Уларнинг асосийлари контрабанда шерикларини аниқлаш ва сўроқ қилиш, контрабанда қилишга мўлжалланган юклар, жиноий фаолиятнинг далили бўлган бошқа нарсалар сақланиши мумкин бўлган жойларни тинтув қилиш ва топилган обьектларни кўздан кечиришдир.

Сўроқ қилишнинг мақсади-шериклар ўртасидаги алоқани аниқлаш, контрабанда асосий даромад манбай бўлган ўюшган жиноий гуруҳни, контрабанда товарлари ёки қимматбаҳо буюмларни қўлга киритиш манбаларини, божхона ёки бошқа давлат структураларида жиноятчиларнинг баразли алоқаларини, жиноий фаолиятнинг ҳамма эпизодларини аниқлаш.

Антиквариат ёки санъат асарлари бўлган контрабанда қўлга киритиш манбани аниқлаш жуда ҳам мухимдир. Бундай вазиятларда музей, кўргазма ва шахсий коллекциялардан ўғрилик қилишга ихтисослашган ўюшган гурухлар изига чиқиш имконияти мавжуд.

**Экспертизалар.** Бу тоифа ишларда қуйидаги экспертизалар ўтказилади:

криминалистик контрабанда ашёларидаги қўл изларига мувофиқ шахсни аниқлаш; қалбакилаштирилган муҳр, штамп, идентификация белгилари ва ҳоказоларни текшираётган ҳужжатларни техник-криминалистик экспертизаси; сохта ҳужжатлардаги қўлёзма текстларни текширувчи ёзувга оид; трапологик, яширин жойлар ва уларнинг жиҳозланишига оид;

материаллар ва моддалар экспертизаси: наркотик, кучли таъсир қилувчи ва заҳарли моддалар таркибини, обьектларнинг ўзаро таъсири фактини, умумий келиб чиқиш манбани белгашга оид;

санъатшунослик: санъат асарлари ва унинг атрибуцияси, антиквариат предметлар, коллекциявий буюмларнинг ҳақиқийлиги

билан шуғулланувчи; шунингдек, контрабанда объекти кўкрак белгилари ва коллекциявий тангалар бўлса нумизматик экспертиза ўтказилиши мумкин; коллекциявий курол-ярғни ноқонуний йўл билан олиб чиқиб кетиш билан боғлиқ бўлса, куролга оид;

контрабанда ҳажмини белгилаш мақсадида ашёларнинг қийматини аниқлаш учун товаршуносликка оид. Агар контрабанда товарларининг қиймати юздан уч юзгача бўлган энг кам иш хақи миқдоридан ошса, ЖК 8-бўлимидаги изоҳга биноан у катта ҳажмда амалга оширилган деб ҳисобланади. Контрабанда қиймати ундан ортиқ бўлса – жуда кўп миқдорда амалга оширилган деб ҳисобланади ва ЖК 182-модда 2 қисми билан квалификация берилади.

Контрабанда эгаси аниқланмаган ҳоллардаги терговнинг ўзига хос хусусиятлари. Амалиётда контрабанда эгаси топилмаган ҳоллар ҳам учраб туради. Бу нарса поезд, денгиз кемалари, баъзан самолётларни текширганда учраб туради. Бундай ҳолларда жиноятчини аниқлаш учун чоралар кўрилади: контрабанда беркитилган жой устидан яширин кузатув ўрнатилади, пистирма ташкил қилинади, контрабанда предметлари люминофор билан белгиланади ва ҳоказо.

Агар шу каби тезкор тадбирлар натижасида контрабандачи топилмаса, жиноят иши қўзғатилиб, биринчи навбатда поезд бригадаси, кема ва самолёт экипажлари сўроқ қилинади. Орала-рида контрабандист бўлиши мумкин бўлган айнан шу шахсларнинг контрабандачига тегишлилиги тўғрисидаги тахмин синчиклаб текширилиши керак. Лекин контрабандачи пассажир бўлиши ҳам мумкин, шунинг учун сўроқ жараённада пассажирлардан бирортаси ўзининг гайритабиий хатти-ҳаракатлари билан ўзгалар ёътиборини тортган-тортмаганлигини аниқлаш лозим.

Контрабанда юк ёки багаж аниқ бир шахсга тегишлилигини аниқлаш мақсадида синчиклаб кўздан кечирилиши лозим.

Маълум бир ҳолатларда контрабанда юкни ошкор этилганилиги сир сақланади ва ошкор этадиган ҳаракатлар бажарилмайди:

1) контрабандани фақат ташувчиси эмас, балки қабул қилувчиси ва сотиш йўлларини аниқлаш лозим бўлганда. Бу ҳолат гиёхванд моддалар ёки қурол-ярғ контрабандасида юзага келиши мумкин. Тезкор усул билан контрабанда ҳаракатининг тўлиқ «занжири»ни кузатиш имконияти туғилади: ташувчи-юқабул қилувчидан, сотувчигача;

2) юк Ўзбекистон орқали транзит бўйича олиб ўтилаётганда бизнинг божхона органларимиз тегишли хабарнома юбориб, юкни қабул қилувчиларни манзилда жиноят устидаги қўлга олишни уюштирилиши лозим бўлганда;

3) чегара ёки божхона ходимларини контрабанда билан алоқалари борлиги түғрисида асосли шубҳалар бўлса ва бу шубҳалар Ички хавфсизлик органлари томонидан текширилаётганда.

Контрабанда ҳолати бўйича қўзғатилган жиноят иши бўйича тергов жараёнида қўшни чегара ўтиш бекатлари ва божхона структуралари хабардор қилинади. Контрабанда учун илгари маъмурӣ жавобгарликка тортилган шахслар томонидан контрабанда ҳолатлари содир этилганида уларнинг аввалги ҳаракатларининг моҳияти нимадан иборатлиги аниқланади. Шу билан бир қаторда маъмурӣ жавобгарликка оид ҳаракатлар жиноий жавобгарликка оид кейинги ҳаракатлар билан таққосланиб аввалгиси синов тарзида қилинганми ёки йўқлиги аниқланади.

## **36-боб. ЖИНОЯТЛАРНИ «ИЗЛАР БОСИЛМАЙ ТУРИБ» ТЕРГОВ ҚИЛИШНИНГ ЎЗИГА ХОС ХУСУСИЯТЛАРИ**

### **1-ғ. Жиноятларни «излар босилмай туриб» фош қилишининг ҳуқуқий ва ташкилий асослари**

Жиноятни изидан, тезлик билан фош қилмоқ - мазкур масалани ўта қисқа муддатда - жиноят белгилари аниқланган ёки у тўғрида хабар олинган вақтдан бошлаб уч кун ичида ҳал қилмоқ демакдир. Ички ишлар ва прокуратура органлари амалиётида «излар босилмай туриб» ибораси кўчма маънода қўлланилади. Унга этиологик жиҳатдан «...шу заҳоти, дарҳол» деб таъриф берилади.

Кўп ҳолларда ўғрилик, босқинчилик, талончилик, зўрлаш, қотиллик, безорилик, фирибгарлик каби баъзи жиноятлар «излар босилмай туриб» тергов қилинади. Бу хил тергов ишлари ўзига хос шароитда олиб борилади:

зудлик билан чора кўриши талаб этган вазиятнинг тўсатдан юзага келиши;

терговчи ва дастлабки тергов органлари қарор қабул қилиши ва уни амалга ошириши учун вақт танқислиги;

тергов жараёнининг жадал ривожи, шарт-шароит, тергов вазиятининг тезкор ўзгариши;

зарур маълумотлар етишмаслиги ва янги маълумотлардан кечиктирмасдан фойдаланиш зарурати;

тергов ишларига қаршилик кўрсатиш, излар ва жиноят белгиларини йўқотиш ва ҳоказо.

Ушбу шарт-шароитлар «излар босилмай туриб» тергов қилишни ташкил этиш ва амалга оширишга бўлган қуйидаги асосий талабларни белгилаб беради:

1) тергов-тезкор гурухининг ҳодиса рўй берган жойга имкон борича тезроқ етиб келиши, жиноят иши қўзгаш ва дастлабки тергов ишларини бошлаш тўғрисида тезкорлик билан қарор қабул қилиш;

2) барча зарур куч ва воситаларни кечиктирмай ишга жалб этиш;

3) одатдаги ҳаракатлар дастурининг қабул қилинган йўллари билан бирга терговнинг ўзига хос усулларидан ҳам фойдаланиш; ўрганилаётган масалалар доирасини жараённи олга сиљжитиш учун кўпроқ хизмат қиласидиганлари билан вақтингча чеклаб қўйиш, тергов ҳаракатлари ва тезкор-қидирув тадбирларини қатъий танлаб олиш ва ҳар икковининг бирин-кетинлиги тартибига риоя қилиш;

4) тергов тадбирларининг, тезкорлиги(интенсивлиги), узлук-

сизлигига риоя қилиб, уларни барча тергов-тезкор гурухининг таркибидан фойдаланган ҳолда «кенг фронт» бўйлаб ўтказиш;

5) ўта кам вақт сарфлаган ҳолда имкон борича кўпроқ маълумот йиғиш ва уларни қайд этиш мақсадида техник воситаларни кенг қўллаш, бирга иш юритаётган органларга тезкорлик билан маълумот узатиш; муайян маълумотдан хабардорларни тезда тадқиқ этиш учун мутахассис ва эксперталар ёрдамидан ҳар томонлама фойдаланиш.

Мазкур талабларнинг бажарилиши марказлаштирилган бошқарув томонидан ички ишлар органларининг кучи ва воситалари билан иштирок этаётган ИИБ ва бошқа органлар бўлинмалари ўзаро ҳаракатининг узлуксизлигини таъминлаш, шу билан бирга юзага келаётган вазиятга мувофиқ равишда ҳаракатланиш имконини берадиган чоралар қўллаш мақсадида таъминланади. Ана шундай чоралар таркибиға қўйидагиларни киритиш мумкин:

а) тергов-тезкор гурухининг ҳодиса содир бўлган ерга етиб келишга ва техник воситаларнинг излар ва бошқа далилий ашёлар билан ишлашга доимо тайёр бўлиб туришини таъминлаш;

б) исталган вақтда тергов-тезкор гуруҳи таркибиға вазият тақозо этган мутахассисларни жалб қилиш имкониятини таъминлаш. Мазкур мутахассислар тўғрисидаги маълумотлар ички ишларнинг навбатчи қисмида ёки прокуратура органларида бўлиши;

в) ҳодиса юз берган жойга йўл олган тергов-тезкор гурухини тегишли вазиятлар учун мўлжалланган кечикириб бўлмайдиган тергов ҳаракатлари ва тезкор-қидирув тадбирларининг намуна-вий дастурлари билан таъминлаш. Ушбу ҳаракат дастурлари энг зарур ташкилий ҳамда тактик тусдаги кўрсатмаларни ўз ичига олган бўлиб, уларда изоҳ, илмий жиҳатдан асослаш каби ортиқча маълумотларга ҳожат йўқ. Одатда, бундай дастурлар ҳамда тадбирлар рўйхатини уларнинг мақсади, бирор муаммога дуч келинганида имконий варианatlари билан бирга ўз ичига олган бўлиши шарт. Дастурлар тўплами ички ишлар навбатчи бўлимида бўлиши лозим;

г) ҳодиса жойини тергов-тезкор гуруҳ етиб келгунига қадар қўриқлашнинг пухта ишлаб чиқилган чоралари тизими.

Маълумки, ҳодиса жойини кўздан кечириш кўпинча жиноят иши кўзгатишдан аввал амалга оширилади. Бироқ баъзи ҳолларда жиноят содир этилганлигининг белгилари очик-ойдин бўлиб, биринчи навбатда жинояччини қўлга тушириш чораларини кўриш талаб этилганда ёки жинояччи жиноят устида далил билан қўлга олинганида жиноят иши кўздан кечиришдан аввал ҳам кўзгатилиши мумкин. Содир этилган жиноят факти бўйича жиноят иши кўзгатиши «излар босилмай туриб» амалга оширила-

диган барча кейинги ҳаракатлар учун зарур ҳуқуқий асос бўлиб хизмат қиласди.

## *2-§. Дастлабки тергов ҳаракатлари*

Ходиса жойини кўздан кечиришнинг асосий вазифаси жиноят ва уни содир этган шахсга оид маълумотлар, у ходиса жойидан қайси тарафга қочганлиги, жиноятчи фойдаланган транспорт воситаларини аниқлашдан иборат. Бу маълумотлар жиноятчини, транспорт воситасини таъқиб этиш ва ушлаш, ўғирланган мол-мулкни излаб топишни ташкил этиш учун зарур. Маълумотларни зудлик билан тўплаш, йўлни тўсиш ҳамда қидирув тадбирлари режасини ишга тушириш мақсадида ички ишлар органи навбатчи қисмига етказилади. Қидирув тадбирларига, одатда, патрул - пост хизмати нарядлари, йўл ҳаракати хавфсизлиги хизмати (ЙХХХ), транспорт милицияси бўлинмалари ва бошқалар жалб қилинадилар. Бу ишларнинг барчаси навбатчилик қисми ва ички ишлар органи бошлиги раҳбарлигига ҳодиса жойини кўздан кечириш билан бирга қўшиб олиб борилади.

Кўздан кечириш вақтида унинг ҳар бир иштироқчиси бўлиб ўтган ҳодисанинг умумий тасвирини тиклашга кўмаклашиши, тегишли суд экспертизаларини ўтказиш учун зарур бўлган дастлабки маълумотларни аниқлаши лозим. Тезкор ходим бу вақтда жабрланувчи ва гувоҳларни аниқлаб олади ва айборларни излаш учун муҳим шарт-шароитлар бўйича саволжавоб қиласди ва бу тўғрида кўздан кечириш раҳбарини хабардор қиласди.

«Излар босилмай туриб» экспертиза тайинлашда ҳам ўзига хос вазифалар ҳал этилади. Экспертиза ўтказиш йўли билан қўйидаги масалалар ҳал этилади:

- ҳодиса хусусида, унинг жиноий таърифи, механизми тўғрисида бошланғич маълумотга эга бўлиш;
- муайян шахснинг мазкур жиноятга алоқадор ёки алоқадор эмаслиги хусусида маълумот олиш;
- зудлик билан махсус илмий дарслар ёрдамида пайдо бўлган гумонни текшириб кўриш, гумон остидаги шахсни излаб топиш ва тутиб келтириш учун талаб этилган маълумотларни олиш;
- жиноий ҳодисани кейинчалик тадқиқ этиш, шунингдек гумон остидаги шахслар ёки дастлабки кўздан кечиришда олинган далилий ашёларни қиёслаш талаб этилган янги излар пайдо бўлганида янгидан экспертизалар ўтказиш, «изларга оид маълумотлар базасини» мустаҳкамлаш ва кенгайтириш;

- гумон остидаги шахс томонидан (айнан шу йўл билан, ана шу қуроллардан фойдаланган ҳолда ва ҳоказо) содир этилган бошқа жиноятларни ҳам аниқлаб, бундан қатор ходимлар ва ҳатто турли тергов ва дастлабки тергов органларининг мазкур жиноятларни очиш йўлидаги ҳаракатларини бирлаштириш учун фойдаланиш.

Жиноятчининг шахси ва жиноят қуролларига оид маълумотларни ички ишлар органларидағи криминалистик ва тезкор рўйхатлар бўйича текшириш ҳодиса жойидаги изларга кўра, улар ҳақидаги маълумотлар бирор турдаги рўйхатда мавжуд бўлса, шахсини аниқлаш имконини беради; ўқлар гильзотекаси бўйича текширув ўқотар қуролнинг айнан шу нусхаси бошқа жиноятлар содир этишда қўлланилган-қўлланмаганлигини очишига кўмаклашади. Ҳисоб-рўйхатга олиш маълумотларидан шу билан бирга қидирув ишлари жараёнида ҳам тезкорлик билан фойдаланиш даркор.

Жабрланувчи ва гувоҳларни сўроқ қилиш бу босқичда, бошқа тергов ҳаракатлари каби биринчи навбатда қидирув ишлари учун маълумот йигиш мақсадига хизмат қиласди. Сўроқ мазмуни қуйидагича бўлади:

жиноий тажовузкорлик қачон, қаерда ва қандай қилиб содир этилган, у нимадан иборат бўлган ва нима мақсадда амалга оширилган;

жиноятни ким амалга оширган, жиноятчилар қанча бўлган, уларнинг ташқи кўринишидаги белгилари, чизгилари; улар ўртасида роллар қандай тақсимланган, ким раҳбарлик қилган; жиноятчилар бир-бирига қай тарзда мурожаат қилишган, улардан бирортасида овоз ёки нутққа оид хусусиятлари (шевага хос сўзлаш, «с» ни айттолмаслик, дудукланиш, жиноятчилар шевасида сўзлаш) бор-йўқлиги;

жиноятчиларнинг транспорт воситалари бўлганми, қандай, уларнинг белгилари, рақамли белгилари ёки бирор хусусияти, уларни ким бошқарган;

нима ўғирланган, ўғирланган буюмларнинг номи ва белгилари; қимматбаҳо буюмларнинг тавсифи ва уларнинг қиймати; ўғирланган пул миқдори ва номинали;

гумон остидагилардан бирортаси жиноят содир этилган жойда у содир этилгунга қадар бўлмаганми, нима сабабдан ё қандай баҳона билан, нималар билан қизиқкан;

ким жиноят қилганликда гумон қилинади, нима асос бор, жиноятчилар ўғирланган буюмлардан қай тарзда фойдаланишлари мумкин; жабрланувчилар турар жойини сотиш, айирбошлаш, буюмлар сотилиши, хизматлар таклиф қилиб эълон бермаганмилар ва бошқа шу кабилар.

Жабрланувчи ёки гувоҳлар томонидан жиноятчиларнинг ташқи белгилари тасвирлаб берилганидан сўнг кўп ҳолларда уларнинг синтетик суратлари тайёрланиб, қидирув гурухлари жиноятчиларни улар пайдо бўлиши мумкин бўлган жойлардан излаш ишларини ташкил этиб, бу ишга жабрланувчи ва гувоҳлар жалб этиладилар.

Жиноятчилар томонидан ўғирланган ёки улар фойдаланган автомобилни қидириш ЙХХХ ходимлари билан биргаликда амалга оширилади. Автокорхона гаражлари, пулли тўхташ жойлари текширилади, автомобил яширилиши ёки уни қайта бўяш, эҳтиёт қисмларга ажратиш мумкин бўлган ҳовли, боши берк кўчалар ва бошқа жойлар кўздан кечирилади.

### *3-ғ. Кейинги тергов ҳаракатларининг хусусиятлари*

Гумон остидаги шахсни тутиш ва сўроқ қилиш. Гумон остидаги шахснинг аниқланиши ва қўлга олиниши «излар босилмай туриб» қидириш ишларининг ижобий натижасидир. Унинг шахсига оид ва куролли қаршилик кўрсатиш имкониятига оид мавжуд маълумотларни ҳисобга олиб тезкор гуруҳ таркиби ва қўлга олиш тактикаси ҳал қилинади. Жиноят ҳозирча таркиби аниқланмаган гуруҳ томонидан содир этилган бўлса, у ҳолда қўлга олиш фактининг ўзини ҳам муайян вақт сир сақлаш керак бўлади. Бир неча одамни турли жойларда қўлга олиш талаб этилганида кераклича алоҳида тезкор гурухлар тузилади ва ҳаракат қилиш вақти ўзаро келишиб олинади. Қўлга олиш маҳсус ёки тезкор ҳаракат бўлинмаларига топширилиши мумкин ва улар бу ишни юксак маҳорат билан ва шароит тақозо этганда атрофдагиларга сездирмасдан амалга оширадилар.

Олинган маълумотлардан тезкорлик билан фойдаланиш мақсадида гумон остидаги шахс қўлга олиниши биланоқ сўроқ қилиниши мақсадга мувофиқ. У сўроқ қилинганда қуйидагилар аниқланади:

жиноят содир этиш нияти қандай қилиб ва нима сабабдан пайдо бўлди; тажовуз қилинган шахс (буюм) га оид, жиноятни содир этишнинг қулай вақти ва шароити хусусидаги маълумотлар кимдан олинди, аввалдан жиноятни яшириш тўғрисида келишилганми;

жиноятни содир этишда қўлга олинган шахсдан бошқа яна ким иштирок этган, мазкур шахслар қўлга тушрилган шахс билан уюшган гуруҳ тузганми, унинг таркиби, бошлиғи ким, гуруҳ аъзолари ўртасида роллар қандай тақсимланган ва бошқа ушбу гурухга оид барча маълумотлар;

жиноят содир этилган шарт-шароит, ишлатилган қуроллар,

улар ҳозирги вақтда қаерда, улар қаердан олинган, агар транспорт воситаларидан фойдаланилган бўлса, у ҳолда қандай ва кимга тегишли, ҳайдовчининг жиноятдаги тутган ўрни;

жиноятда буюм ёки бошқа моддий бойликлар, пул ўғирланган бўлса, у ҳолда улар ҳозир кимда ва қаерда, қайси йўл билан, ким орқали пулланди ёки пуллаш кўзда тутилган, ана шу шахс илгари ҳам ўғирланган буюмларни сотиб олиш билан шуғулланганми?

Мазкур рўйхат тахминий эканлиги ўз-ўзидан маълум.

Сўроқ ўтказилиши билан, баъзан эса у билан бир вақтда ҳисбга олинган шахснинг уйи ва у кириши мумкин бўлган бошқа бинолар тинтуб қилинади. Тинтуб у билан алоқадор шахслар, шунингдек аниқланган ҳамтовоқларининг уйида ҳам амалга оширилиши мумкин. Бунга қўйиладиган асосий талаб - қўққисдан ва тезкор ҳаракат қилиш, бир вақтнинг ўзида бир неча ерда тинтуб ўтказаётган гурухлар ўртасида қатъий ва аниқ ахборот алмашувини ташкил этиш. Бу эса олинган маълумотлардан ҳам қидирувда, ҳам далил тўплаш, исботлашда ҳамда ҳисбга олинганлар тергов ишига қўрсатиши мумкин бўлган қаршиликни бартараф этиш учун зарур.

«Излар босилмай туриб» тергов ишлари юритиш жараёнида жабрланувчига ва гувоҳларга таниб олиш учун шахслар ва буюмларни қўрсатиши мумкин. Бундай зарурат шахсан жиноятни содир этмаган, лекин авваллари жабрланувчи ёки гувоҳга дуч келган жиноий гуруҳ раҳбарига нисбатан пайдо бўлиши мумкин.

«Излар босилмай туриб» тергов қилиш жараёни ташкилий нуқтаи назардан қўйидаги ҳолатларда амалга оширилиши мумкин:

1) ҳодиса содир бўлган жойга йўл олган тергов-тезкор гурух, вазият тақозоси билан (мисол учун, зудлик билан яна бир ҳодиса жойини қўздан кечириш талаб этилса) ўзининг шу иш юзасидан фаолиятини якунлаб, терговни давом эттиришни эса бошқа терговчи ёки тергов-тезкор гурухига топширади;

2) ҳодиса рўй берган жойда иш бошлаган тергов-тезкор гурухи имкон борича тергов ишларини тўлиқ амалга оширади ва бошқа вазифаларни бажариш учун жалб этилмайди;

3) тергов-тезкор гурухи бошлангич босқичдаги то айбордor ҳисбга олингунинг қадар барча ҳаракатларни амалга оширади, сўнг иш материалларини бошқа терговчи ёки тергов-тезкор гурухига топширади.

«Излар босилмай туриб» жиноятни муваффакиятли очиш терговчи ҳамда тезкор ходимдан юксак маҳорат талаб қилиш билан бирга жамоатчилик орасида ҳуқуқни муҳофаза қилиш органлари обрў-эътиборининг ҳам юксалишига сабаб бўлади.

## **37-боб. ХОРИЖ ФУҚАРОЛАРИ ТОМОНИДАН ВА УЛАРГА ҚАРШИ СОДИР ЭТИЛГАН ЖИНОЯТЛАР ТЕРГОВИ**

### **1-ғ. Хориж фуқароларининг ҳуқуқий ҳолати**

Хориж фуқаролари томонидан ва уларга қарши содир этилган жиноятларни очиш ва тергов қилиш услуби ўзига хосдир. Мазкур жиноятларни аниқлашга имконият берувчи хусусиятлари тажовуз субъекти ёки бевосита обьектига қаратилган жиноий ҳаракатларда ифодаланади. Бу турдаги жиноят ишларини олиб бораётганды хорижлик фуқароларнинг ҳуқуқий мавқеини, вужудга келиши мумкин бўлган таржима муаммолари, хорижликлар учун гайритабиий шароит, турмуш тарзи, юриштуриш қоидалари, мамлакатимизнинг урф-одат ва қонунлари, суд ишлари жараёнини яхши билмаслик каби айрим психологик омилларни ҳисобга олиш зарур. Психологик жиҳатдан яна бир ҳолатни кўзда тутиш керак: МДҲнинг кўпчилик фуқаролари Ўзбекистонда бўлган пайтларида ўзларини бутунлай чет эллик деб ҳисбламайдилар, «ўзимизники» деган ички туйгу уларнинг юриш-туриши ва хатти-ҳаракатларида акс этади. Бу ҳуқуқни муҳофаза қилиш органлари ходимларининг хатти-ҳаракатида ҳам намоён бўлиши мумкин: дастлабки тергов жараёнида хорижликлар ва уларнинг консулхоналари билан мулоқотда зарур қоидаларни эътиборга олмасликлари эҳтимолдан ҳоли эмас.

Халқаро ҳуқуқ қоидаларига мувофиқ хорижлик деб ушбу давлат худудида бўла туриб бошқа давлат фуқаролигига мансуб бўлган ҳар қандай шахс тушунилади. Хорижлик ўз фуқаролигининг далили сифатида миллий паспорти ёки унинг ўринини босувчи ҳужжатга эга бўлиши шарт. Ўзбекистон фуқароси бўлмаган, лекин мамлакатимиз худудида яшаётган, бирор хорижий давлат фуқароси эканлигини тасдиқловчи ҳужжатсиз шахс фуқаролиги йўқ шахс (апатрид) деб тан олинади.

Хорижликлар мамлакатимизда кўзда тутилган ҳоллардан ташқари, Ўзбекистон фуқаролари билан, бир хил ҳуқуқлардан фойдаланадилар ва мажбуриятларни бажарадилар. Бу ҳолат жавобгарлик тартибининг бир хиллигини ҳам англатади. Бундан мустасно ҳолат Ўзбекистон Республикаси ЖПК 11-модда 4-қисмида кўзда тутилган: хорижий давлат фуқароларининг жиноий жавобгарлик масаласи халқаро ҳуқуқ қоидаларига мувофиқ ҳал этилади».

Ўзбекистон ЖПКда (4-модда 2-қисм) «иммунитетта эга шахслар»нинг, яъни дипломатик (консуллик) вакилларининг ўз

шахси, уй-жойларини, архивларини, ўзаро хат ёзишувлари ва почтасини яшаётган давлатдаги маъмурий ёки бошқа органларининг мажбурий хатти-ҳаракатидан тўлиқ ҳимоя ҳуқуқи назарда тутилган. Дипломатик (консуллик) вакиллари ҳар қандай ҳолатда қамоқقا олиниши ёки ушлаб турилиши мумкин эмас; уларнинг иш ва яшаш жойлари, хизмат хоналари, шахсий ва хизмат автомобилларининг салони тинтуб қилиниши, текширилиши, олиб қўйилиши, мусодара қилиниши мумкин эмас; архивлар, почта ва ўзаро ёзишувлар очилиши ёки ушлаб қолиниши мумкин эмас; улар судда гувоҳлик беришга мажбур эмаслар, гувоҳлик беришга рози бўлган ҳолатда тергов ёки суд органларига кешишга мажбур эмаслар.

Қўйидаги хориж фуқаролари гуруҳи Ўзбекистон жиноят судлов жараёнидан дахлсиздир:

1. Дипломатик вакиллар ходимлари: а) Ўзбекистон фуқароси бўлмаган дипломатик персонал ва улар билан яшаётган оила аъзолари; б) Ўзбекистон фуқароси бўлмаган маъмурий-техник ходимлар ва улар билан яшаётган оила аъзолари; в) Ўзбекистон фуқароси бўлмаган, лекин юртимизда муқим (доимий) яшайдиган, хизмат қилувчи ходимлар; г) дипломатик куръерлар; д) дипломатларнинг шахсий хизматидаги шахслар-уй хизматчилари;

2. Консуллик ходимлари: а) консуллик раҳбарлари; б) консулликнинг мансабдор шахслари; в) консулликнинг Ўзбекистон фуқароси бўлмаган ва Ўзбекистонда муқим яшамайдиган маъмурий ва техник ходимлари;

3. Ўзбекистон орқали ўтиб кетаётган, бошқа давлат дипломатик ваколатхоналарининг ходимлари ва уларнинг оила аъзолари ва дипломатик куръерлари;

4. Ўзбекистонга расмий ташриф билан келган ёки ҳудудимиз орқали ўтиб кетаётган хорижий парламент ва давлат делегацияларининг ходимлари;

5. Халқаро давлатлараро ташкилотларнинг ходимлари.

Дипломатик ва консуллик муассасаларида хизмат қилувчи ходимларининг имтиёzlари ва дахлсизлигининг ҳажми, қоида бўйича, ўзаро тарзда аниқланади. Масалан, консулликнинг мансабдор шахслари йўл транспорт ҳодисалари натижасида етказилган заарни тўлаш давосидан озод этилмайдилар.

Юқорида кўрсатилган қоидаларни ҳисобга олган ҳолда ЖПК шундай қоида ўрнатганки, бу қоидага мувофиқ «дипломатик дахлсизлик ҳуқуқига эга бўлган шахсларга нисбатан процессуал хатти-ҳаракатлар шу шахсларнигина илтимоси ёки уларнинг розилиги билан амалга оширилади. Бундай хатти-ҳаракатларнинг амалга ошириш розилиги Ташқи ишлар вазирлиги орқали

сўралади» ЖПК қўшимча равища ваколатхоналарда ва консуллик жойларида олиб қўйиш ва тинтуб пайтида, албатта ТИВнинг вакили ва прокурор бўлиши шартлигини талаб қиласди (ЖПК 165-моддаси).

Даҳлсизлик ҳуқуқига эга бўлган шахс жиноят ҳақида арз қилса, буни унинг иштирокида барча зарур тергов хатти-ҳаракатларини олиб бориш илтимоси ёки розилиги деб баҳолаш керак эмас, айниқса бундай арз оғзаки равища ифодаланган бўлса. Бундай илтимос ёки розилик ёзма равища ифодаланиши керак. Терговчи бу ҳақда ички ишлар органлари ёки прокуратура раҳбарияти орқали Ташки ишлар вазирлиги (ТИВ)нинг тегишли муассасаларига маълум қиласди. Бундай илтимос ёки розилик бўлмаганда, терговни кечикириб бўлмаса, дипломатик даҳлсизликка таъсир этмасдан хориж фуқаросининг иштирокисиз зарур тергов хатти-ҳаракатларини амалга ошириш зарур, баённомада сабаби кўрсатилган ҳолда эса қайд этиш шарт. Алоҳида ҳолларда хорижий дипломат томонидан оғир жиноят содир этилганда, тергов манфаати шошилинч хатти-ҳаракатлар амалга оширилиши талаб этилганда (жиноят қуролини олиб қўйиш, айборни суд-тибиёт экспертизасидан ўтказиш ва бошқалар) ҳодиса жойига ТИВнинг вакилини, у орқали эса тегишли элчихона ёки консуллик вакилини чақириш тавсия этилади.

Кейинги тергов ҳаракатлари масаласи элчихона ёки консуллик ходимлари келганидан сўнг ҳал қилинади ва агар уларда бундай ҳаракатларни амалга оширишни илтимос қилиш ёки розилик билдиришга ҳақли бўлсалар, тегишли баённомада бу ҳақда қайд этилади, шахсларни мансабини ва шахсни тасдиқловчи хужжатини кўрсатган ҳолда уларнинг имзолари билан тасдиқланади.

Шуни ҳисобга олиш керакки, юқорида айтиб ўтилган хориж фуқароларининг баъзи тоифалари даҳлсизликка ўз хизмат вазифасини бажараётгандагина эга бўладилар. Булар – дипломатик вакилликнинг хизмат кўрсатувчи, маъмурий-техник ва консулликда хизмат қилувчи ва баъзи бошқа ходимлар. Шунинг учун, жиноий тажовуз ўз хизмат вазифасини ўтаётгандан содир этилганлигини аниқлаш зарурияти тугилганда ТИВга хориж фуқароси ва жиноят тафсилотлари ҳақидаги маълумотлар баён этилган ёзма сўров йўлланади. Ватанимизга турист сифатида ёки спорт мусобақалари, фестиваль, конкурс ва бошқаларда иштирок этиш учун, шунингдек илмий конференция, симпозиум қатнашчилари, аспирантлар, талabalар, практиканлар, хорижий банк, фирма, корхоналарнинг ходимлари, мутахассис ва ишчилари ҳеч қандай имтиёзга эга

эмаслар ва суд қилиш дахлсизлигига эга эмаслар. Улар бизда содир этилган жиноятлари учун жиноий жавобгардирлар ва Ўзбекистон фуқаролари билан тенг равишида жиноий-процессуал ҳуқуқ ва мажбуриятларга эгадирлар.

## *2-§. Хориж фуқаролари билан боғлиқ ишлар бўйича тергов олиб боришнинг хусусиятлари*

Хорижлик фуқароларга нисбатан жиноят иши қўзғатилганда ёки жабрланувчи хориж фуқароси бўлган ҳолларда, одатдаги масалалардан ташқари бир қанча ўзига хос масалалар ҳал қилинади: хорижлик фуқаронинг мавқеи, Ўзбекистонда бўлишининг қонунийлиги, қонуний яшашнинг белгиланган муддати.

Хориж фуқаросини ушлаб туриш ёки қамоққа олиш ҳақидаги хабарнома ТИВ орқали қайси давлат фуқароси бўлса, ўша давлатнинг элчихонаси ёки консуллигига жўнатилади. Ушлаб турилган ёки қамоққа олинган хорижий давлат фуқаросини бориб кўришга рухсат элчихона хизматчиларига ёки консулликнинг мансабдор шахсларига улар ушлаб олинган ёки қамоққа олингандан сўнг имкон борича вақтли берилиши керак. Рухсат Ўзбекистон Бош прокурори ёки унинг муовини томонидан ТИВ билан келишилган ҳолда берилади ва зарурият тугилганда Ўзбекистон Республикаси МХХ, ИИВ ёки Олий суди билан келишиллади. Агар ушлаб турилган ёки қамоққа олинган шахс бундай учрашувдан воз кечса ва бу ҳақда ёзма хабар берса рухсат берилмайди ва бу ҳақда ТИВга маълум қилинади. Жиноят иши қўзғатилганда хорижлик фуқаро ўзбек тилини билиши, қай даражада билиши ва таржимон кераклиги, тушунтириш, кўрсатмалар қайси тилда беришни афзал кўриши аниқланади. Агар ўзбек тилида кўрсатмалар бера олмаса, таржимон таклиф этилади ва барча процессуал ҳаракатлар унинг иштирокида олиб борилади. Бу ҳолда таржимонга унинг ҳуқуқ ва мажбуриятлари тушунтирилади ва у ЖК 238-моддасига асосан қасддан нотўри таржима қилиш учун жиноий жавобгарлиги ҳақида огоҳлантирилади; хориж фуқаросига ўзи танлаган тилида кўрсатма бериш ва таржимонни рад қилиш ҳуқуқини тушунтирадилар.

Тилга оид тўсикдан ташқари терговни қийинлаштирадиган муайян психологик омиллар таъсирини ҳам ҳисобга олиш керак.

Бегона давлатда турган чет эллик шароитни тушунмаслиги, ҳуқуқни муҳофаза этувчи органлар ишига ишончсизлик билан қарashi, баъзан уларни умуман тушунмаслиги мумкин. Ўзекистон Республикаси суд жараёнининг қоидаларини билмаслик,

терговчининг қарорлари ва ҳаракатлари гүёки ноқонунийлиги хорижлик фуқарода ҳаққоний янгиш фикрга олиб келиб, у томондан қаршилик кўрсатишга олиб келиши мумкин.

Бундай ҳолларда терговчи хорижлик фуқарога унинг янгишганини одоб ва сабр билан тушунтириб ёрдам бериши керак. Бу масалада ҳимоячи ҳам ёрдам бериши мумкин.

Хорижлик фуқаро мамлакатимиздаги мавжуд давлат тузуми хусусида янгиш фикрга, Ўзбекистон фуқароларининг ҳуқуқлари ва мажбуриятлари ва уларни чеклаш қоидалари ҳақида нотўғри фикрларга эга бўлиши мумкин. Психологик алоқа ўрнатилаётганда, шу каби ҳолларда унга ишнинг ҳақиқий ҳолатини ётиги билан тушунтириш зарур.

Терговни ташкил этиш ва тактикасига хорижлик фуқаро иш бўйича жабрланувчи ёки гувоҳ сифатида қатнашганда бизнинг ҳудудимизда қисқа муддат бўлиши жиддий таъсир этиши мумкин. Бу ҳолда тергов ҳаракатларини ўта тезкор равища ва шунчалик сифатли ўтказиш керакки, уни қайта ўтказиш зарурияти туғилмаслиги лозим.

Юқорида таъкидланганидек, Ўзбекистон суд қилиш ҳуқуқидан дахлсизликка эга хорижлик фуқарони тергов ҳаракатларига жалб этиш фақатгина уларнинг илтимоси ёки розилиги билан амалга оширилиши мумкин ва бу нарса ёзма равища қайд қилинади. Уларни гумон қилинувчи ёки айбланувчи сифатида жавобгарликка тортиш қайси мамлакат вакили бўлса, фақатгина ўша мамлакат органлари томонидан дахлсизликдан маҳрум этилгандан сўнггина мумкин бўлиб, бу ҳолат амалиётда камдан-кам учрайди.

Хорижлик фуқароларга қарши содир этиладиган жиноятлар тизимида мулк ва тажковуз-зўрлик жиноятлари кўпчиликни ташкил этади: ўғрилик, талончилик ва қуролли босқинчилик.

Одатда ўғриликни хорижлик фуқаролар жойлашган ҳудудда яшовчи шахслар (меҳмонхона, кемпинг, курорт ва бошқалар), хорижлик фуқаролар билан алоқа қилишга «ихтисослашган» фоҳишалар ёки уларнинг шериклари амалга оширади; бу ҳолда қиз кўп ҳолларда хўрак вазифасини ўтайди ва хориж фуқаросини шериклари талайдиган ва қуролли босқинчиликни амалга оширадиган ерга олиб келади. Жиноий гуруҳ шериги бўлиб аэропорт ёки вокзалда унинг хизматидан фойдаланишни таклиф этувчи такси ёки бошқа транспорт воситасининг ҳайдовчиси бўлиши мумкин.

Хориж фуқароси иштирок этиши талаб қилинмайдиган тергов ҳаракатлари қабул қилинган расмий тартибда олиб борилади. Жабрланувчи ёки гувоҳ бўлган хориж фуқароси Ўзбекистон ҳудудидан чиқиб кетган бўлса, муайян

қийинчиликлар вужудга келиши мумкин. Бу биринчи навбатда одамлар ва буюмларни таниб олиш учун кўрсатишга тегишли. Бу ҳолда иккита йўл мавжуд: агар бу давлат билан ҳуқуқий ёрдам ҳақида шартнома тузилган бўлса, фото ёки видео тасвирлардан фойдаланиб уларни тегишли идоралар орқали хориж фуқароси яшаётган ерга юбориш (бундай шартнома бўлмаса, бу ҳаракат Интерпол орқали амалга оширилиши мумкин); агар хориж фуқароси сўроқ қилинган бўлса, сўроқ баённомасидаги тавсифга кўра объектни идентификация қилиш. Айнан ўхшащлик ҳақидаги терговчининг хулосасини исботлаш учун тегишли экспертиза ўтказилиши талаб қилиниши мумкинлиги эҳтимолдан холи эмас.

Жабрланган ёки гувоҳ хорижлик фуқарони сўроқ қилиш алоҳида аҳамиятга эга. Унинг мамлакатимизда бўлиши қисқа муддатли бўлганда, сўроқ тезлик билан амалга оширилиши керак ва тергов ҳаракатлари зудлик билан ўтказилган бўлиши керак. Сўроқнинг вақти ва жойи шу ҳолларни ва хорижлик фуқаронинг туар жойини хисобга олган ҳолда аниқланади; уни сўроқ қилиш ҳақида алоҳида талабнома жўнатиш эҳтимоли бор.

Делегациялар, туристик гурухлар ва шу кабиларнинг таркибида мамлакатга келган хорижлик фуқароларни шу гурухлар, делегациялар раҳбарлари орқали сўроққа чақирилиши тавсия этилади. Ўқувчилар улар аъзо бўлган ўқув муассасалари, ҳамشاҳар ва бошқа ташкилотларнинг маъмурияти орқали чақирилишлари мумкин. Ўзбекистонга доимий асосда келаётган мутахассис ва ишчилар фирма ёки муассасаларнинг маъмурияти орқали чақирилишлари мумкин. Бу ҳолда терговчи тил ва шаҳарни билмайдиган хорижлик фуқарони қандай қилиб сўроқ жойини топиб келиш масаласини пухта ўйлаб кўрмоғи керак.

Сўроқда таржимондан ташқари сўроқ қилинувчининг илтимосига кўра, унинг мамлакатининг дипломатик ёки консуллик ваколатхонасининг ходими иштирок этиши мумкин. Бу шахслар иштирокида сўроқнинг жойи, вақти ҳақидаги барча музокаралар тергов бўлими раҳбари томонидан фақат ТИВ орқали олиб борилади.

Гумон остидаги хориж фуқаросининг сўроғи пайтида дипломатик ёки консуллик ходимининг иштироки ҳақидаги илтимоси кўриб чиқилиши шарт. Илтимосни қондириш рад этилганда, терговчи буни маҳсус қарор билан асослашга мажбур; илтимос қондирилганда вакилнинг иштироки ҳақидаги илтимос ТИВ органлари орқали жўнатилади. Қайта сўроқ ўтказиши заруриятида бундай чақирувчининг расмий тартиби қайтарилади.

Сўроқка тайёргарлик режа тузишни ўз ичига олади. Энг муҳим саволларни олдиндан маълумот бериладиган тилга таржима қилиш ва мумкин бўлганда таржиманинг айнан тўғри

эканлигига ишонч ҳосил қилиш керак. Агар сўроқда хужжатларни тақдим қилиш кўзда тутилса, иш учун муҳим қисмини мазмуни ҳам олдиндан таржима қилиниши мумкин. Бу ҳолат ашёвий далилларга ҳам тааллуқли: уларнинг номлари ва улардаги белгилар, улар топилгандаги текшириш ёки тинтуб баённомасининг қисмлари олдиндан таржима қилиниши керак. Олдиндан қилинган бундай таржима сўроқ қилинаётган шахсга бу буюмларни тўсатдан тақдим этгандагина зарур тактик таъсирни таъминлади.

Хорижлик фуқарони сўроқ қилишни баённомадан ташқари магнитофон тасмаси ёки видеомагнитофон лентаси ёрдамида ёзиб олиш мақсадга мувофиқдир. Бу хорижлик фуқароларни ёки хорижлик фуқаролар иштирокидаги юзлаштиришда айниқса муҳимдир.

МДҲ давлатларида яшовчи шахслар маълумотларни рус тилида беришни ҳоҳлайдилар ва бу нарса сўроқ баённомасида қайд қилинган бўлиши керак.

Шундай шароит вужудга келиши мумкинки, терговчи хорижлик фуқаро маълумот бермоқчи бўлган тилни билади. Конун бу тилда сўроқ олиб борилишига қарши эмас, агар терговчи унда бемалол гаплаша олса, бу албатта, сўроқ қилинаётган шахс билан мулоқотни анча енгиллаштиради, психологик алоқа, ишончли муносабатларнинг ўрнатилишига ёрдам беради. Лекин бунда шу тилда сўроқ баённомасини ҳам тузиш, кейинчалик таклиф этилган таржимон ёрдамида баённомани суд олиб борган тилга таржима қилиш ва мустақил таржимани ишга тикиб қўйиш тавсия этилади.

Дахлесизликка эга бўлмаган гувоҳ ёки жабрланувчи хорижлик фуқарони сўроқ қилаётганда, терговчи уни ўз кўрсатмаларидан бош тортгани ва ёлгон маълумотлар бериши учун жиноий жавобгарлиги ҳақида огоҳлантиради. Бу огоҳлантириш сўроқ баённомасида унинг имзоси билан тасдиқланади. Дахлесизликка эга бўлган шахс сўроқ қилинганда уни маълумот беришдан бош тортиши учун жавобгарлиги ҳақида огоҳлантириш аҳамияти йўқлиги шубҳасиз. Ёлгон маълумотларни берганлиги учун жавобгарликка келсак, бу ҳолат маълум даражада аҳамиятга эга, чунки бундай жавобгарлик ҳақидаги масала дипломатик йўл билан ҳал этилади, яъни, огоҳлантириш тактик маънога эга бўлади. Яна шуни кўзда тутиш керакки, бир қанча давлатларда кўрсатмаларнинг ҳаққонийлигини исботи сифатида қабул қилинган қасам Ўзбекистон қонунчилигига назарда тутилмаган, бу ҳол эса хориж фуқаросига тушунтирилиши керақ.

Сўроқ қилинувчига эркин ҳикоядан сўнг бериладиган

саволлар ўз моҳиятига кўра ҳар хил шарҳларга йўл қўймаслиги керак. Сўроқ қилинаётган шахс тушунмайдиган ва аниқ таржима этилмайдиган иборалар, мақол ва маталларни ишлатишдан ўзини тутиши керак.

Юзлаштиришда маълум қийинчиликлар вужудга келиши мумкин. Унинг иштирокчилари турли тилда гаплашувчи хорижлик фуқаролар бўлиши мумкин ва бу ҳолда таржимон ва қўшалоқ таржима керак бўлади. Бу ҳақда таржимонга айтиш ва унга юзлаштиришда иштирокчиларнинг бир-бири билан терговчини четлаб мулоқот қилишининг олдини олиш вазифасини юклаш керак.

Суд экспертизасини амалга ошириш жиноят иши бўйича ўтаётган шахслардан эксперт текшируви учун намуналар олишни талаб қилиши мумкин. Агар бундай шахслар дахлсизликка эга бўлмасалар, бу расмий процессуал тартибдан четга чиқмайди, лекин бунда қуйидаги муҳим ҳолни кўзда тутиш керак. Баъзи давлатларнинг урф-одатларига кўра, бегоналарга инсон аъзоларининг бирорта қисмини, шу жумладан соchlар, қон, сперма, тирноқ ва шу кабиларни беришга йўл қўйилмайди. Тарқалган ривоятларга кўра, буларнинг ҳаммаси инсонга сеҳргарлик тарзида зарар етказиши мумкин. Шунинг учун намуналар олишга уриниш терговчининг нуқтаи назаридан асоссиз қаршиликка учраши мумкин, мажбурий чоралар эса (қонунда кўзда тутилган ҳолларда) бутун тергов жараёнини анчагина мураккаблаштирадиган қаттиқ қарама-қаршиликка олиб келиши мумкин.

Шу сингари қаршиликка учраган терговчи унинг сабабларини аниқлаш ва агар сабаблар анъянавий ёки диний маросимларга оид бўлса, субъект эгаллаган нуқтаи назарни ўзгартиришга, ётиги билан тушунтириш йўли орқали ҳаракат қилиб кўриши керак. Буни замонавий қаращдаги хорижлик фуқаро учун нуфузли бўлган диндошлар ёки юртдошларни таклиф этиб амалга ошириш мумкин.

Экспертиза тайинланганда гумон остига олинган ёки айбланаётган хорижлик фуқаро қарорларнинг таржимаси билан танишиш имкониятига эга бўлиши керак, унга албатта ҳуқуқлари тушунтирилиши керак, у ёзган илтимослар диққат билан кўриб чиқилиши керак. Худди шу тартибда эксперт (мутахассис)нинг хуносаси билан таништириш ва қўшимча ёки қайта экспертиза тайинлаш ҳақидаги илтимоси ҳуқуқини унга тушунтириш керак.

Айбланадиган хорижлик фуқарони тугалланган ишнинг ҳужжатлари билан таништириш умумий қоидалар асосида таржимон иштирокида амалга оширилади.

## **38-боб КОМПЬЮТЕРДАН ФОЙДАЛАНИШ БИЛАН БОҒЛИҚ ЖИНОЯТЛАРНИ ТЕРГОВ ҚИЛИШ**

### **1-ғ Компьютердан фойдаланиш билан боғлиқ жиноятларнинг криминалистик тавсифи**

90-йилларнинг биринчи ярмида бошланган ёппасига компьютерлаштириш (АҚШ ва Фарбий Европадагидан кечроқ) компьютер ва дастурлар билан таъминлаш бозорини ривожлантиришга, фойдаланувчининг профессионал тайёргарлигини ўсишига, ташкилотларда маълумотларни технологик ишлаб чиқаришни такомиллашиби ва ўсишига олиб келди. Кенг фойдаланиш тармоқларига тобора кўпроқ уланаётган ЭҲМ татбиқ қилиш соҳасини сезиларли кенгайтириди. Бухгалтерлик ва бошқа ишлаб чиқариш ҳужжатларидан, «қоғозсиз» автоматик фойдаланиш жорий этилмоқда. Компьютерда сақланаётган маълумотлар кўпинча қоғозда сақланмайди. Компьютер амалда нафақат раҳбарларнинг, ҳатто оддий ходимлар иш столининг таркибий қисмига айланмоқда.

Бу жараённинг натижаларидан бири компьютер маълумотларини ишлатиш соҳасида жиноий хатти-ҳаракатлар юз бера бошлади, бу эса мана шу соҳада содир этилган жиноятлар учун жиноий жавобгарликни қонун асосида қатъий белгилаб қўйишга сабаб бўлди.

Ўзбекистон Республикаси Жиноят кодексининг 191-моддасига биноан сир тутиладиган фан-техника, ишлаб чиқариш, иқтисодиёт, савдога оид ёки шу каби ахборотларни рухсатсиз тўплаш ва ошкор қилиш, шунингдек бунинг орқасида кўп миқдорда заар етказиш учун жиноий жавобгарлик белгиланган. ЖК 174-моддасига биноан компьютер тизимларида сақланаётган маълумотлар ёки дастурларни ўзгартириш мақсадида тегишли рухсатсиз компьютер вируслари ёки дастурларини ишлаб чиқиш ва тарқатиш, шунингдек, рухсати бўлмагани ҳолда ахборот тизимидан фойдаланиш маълумотларининг бузилиши, олиб ташланиши, йўқ қилиб юборилиши ёки бу тизимнинг ишдан чиқишига сабаб бўлиш учун жиноий жавобгарлик белгиланган.

Компьютердаги маълумотларни кўпинча «анъанавий» бўлиб қолган ўзлаштириш, фирибгарлик, қалбаки пул ясаш, сохта ишбилармонлик ва бошқаларда кўллайдилар, масалан: тўлов ҳужжатларини соҳталаштириш; ҳисоб рақамларига ўтказиш йўли билан нақд ва нақд бўлмаган пул маблағларини ўғирлаш; пулларни ўзлаштириши (ошкоралаш); тегишли пулларни иккинчи маротаба олиш; қалбаки ёки ўғирланган электрон тўлов

воситалари ёрдамида (кредит карта) харидлар қилиш; маҳфий маълумотларни сотиш ва бошқалар учрамоқда.

Компьютерда шахслар, ашёлар, фактлар, воқеалар, ҳодисалар ва жараёнлар ҳақидаги маълумотлар тўпланади ва тизимга солинади.

ЭҲМдаги, ЭҲМ тармоғидаги – компьютер маълумоти ҳам жиноят содир этилиши обьекти (компьютернинг ўғирланиши, машина вақтидан ноқонуний фойдаланиш) ёки воситаси (ЭҲМдан маълумот йигиш учун, ҳужжатларини қалбакилаштириш учун) фойдаланиш бўлганда ҳам тергов қилиш жараёнида аҳамиятга эга бўлиши мумкин. Программалаштирилган маҳсулотлар жиноят обьекти сифатида ҳам (ноқонуний кўчириш, бузувчи программалар - вируслар ёрдамида заарар етказиш), жиноят содир этиш қуроли сифатида ҳам (тармоққа рухсатсиз кириш, маълумотларни бузиш ва қалбакилаштириш) ишлатилиши учрайди.

Компьютер маълумоти бўлиб қўйидагилар хизмат қилади: машинкада босиб чиқарилган; магнит, оптик ва бошқа омиллардаги тўплагичлар; ЭҲМ хотирасидаги тезкор маълумотлар базаси. ЭҲМга маълумот стандарт (клавиатура ва тўплагичлар), эластик ва қаттиқ магнит дисклари ҳамда ностандарт («сичқон», диджитайзер, сканер, ўхшашлиқ асосидаги рақамли ўзгартиргич) мосламалар орқали киритилади.

Маълумотни чиқариш мосламасининг блоки компьютер ишининг натижаларини истеъмолчи учун одатий мосламалари - монитор (дисплей), принтер, modem, плоттер (графоқурувчи) ва бошқалар қабул қилиш имконини яратади. Маълумотларни узок муддатли ва ишончли асраш учун кўпгина мосламалар ишлаб чиқилган: магнит ва магнитооптик диск тўплагичлар ва ҳоказо.

Компьютерда жиноят содир этиш усуулларини қўйидаги гуруҳларга ажратиш мумкин:

**Ушлаб олиш усууллари** Маълумотларни бевосита тутиб олиш бевосита телефон тармоғи орқали ёки компьютер тармоқларига уланиш орқали амалга оширилади. Барча маълумот ёзиб олинади. Яширинча эшитиш обьекти бўлиб турли тармоқлар хизмат қилади - кабель ва ўтказувчи, ер усти микротўлқинлар, спутник ва ҳукумат алоқалари.

Маълумотларни электромагнит ёрдамида, бевосита алоқасиз ишлайдиган асбоблардан: марказий процессор, дисплей, телефон, принтер, микротўлқинлар алоқаси орқали ушлаб олиш мумкин. Жиноятчилар автомашинадан ёки портфелдаги приёмник билан бинодан узок бўлмаган жойдан, бироннинг эътиборини тортмасдан ЭҲМ хотирасидаги ёки иш жараёнида ишлатувчилар

маълумотларни осонлик билан билиб олишлари мумкин. Экспериментлар пайтида бир бирига яқин жойлашган 25 дисплей терминалидан бир пайтда чиқарилаётган маълумотларни олиш ва ҳар бир экранга чиқарилған маълумотларни ажратишга муваффақ бўлинди. Агар телевизорга видеомагнитофон уланса, маълумотларни нафақат тўплаш, кейинчалик bemalol таҳлил килиш ҳам мумкин.

Баъзан кичик микрофонлар компьютерларга ходимларнинг ўзаро гап-сўзини эшлиши мақсадида яширин ўрнатилади.

«Ахлатни йигиб олиш» деб номланган усул компьютер билан ишлагандан сўнг истеъмолчи қолдирган маълумотларни ахтаришдан иборат. Ахлат соладиган саватларнинг ичидаги ёзишмаларни йигиш каби электрон йўл билан сақланиб қолган маълумотларни излаш иш тугаллангандан сўнг ўчирилмаган маълумотларни танлаб аввалги ёзувларини ёзиг олишда ифодаланади.

Ёпиқ терминалларга кириш учун шахс ўзининг компьютер терминали ҳақиқий истеъмолчисининг йўлларига телефон каналлари орқали (интернет) боғланганда ёки истеъмолчи терминални фаол режимда қолдириб кетгандан амалга оширади. Бундай йўллардан бири «думидан ушлаб» дейилади: рухсати йўқ истеъмолчи алоқа йўлларига уланади, сўнгра иш тугашини билдирувчи ишорани кутади, уни ушлаб олади ва истеъмолчи ишни тугатгач тармоққа кириб олади.

«Компьютерни исканжага олиш» усулида таваккалига бирин-кетин рақамларни териб, симнинг нариги учида бегона компьютерни жавоб берини кутилади. Шундан сўнг телефон ЭХМдаги сигналлар қабул қилиш қурилмасига уланади ва алоқа ўрнатилади. Фақат кодни топиш қолади.

«Никобланиш» ёки «қаллоблик» - ўзини ҳақиқий истеъмолчи деб кўрсатиб компьютер тармогига киришдан иборат. Уни амалга оширишнинг энг осон йўли ҳақиқий истеъмолчиларнинг код ва шифрларини қўлга киритишдир. Масалан, шахс компьютерларнинг истеъмолчиларига унинг телефон рақами ўзгарганлигини билдириб, янги рақамни жўнатади. Сўровнома жўнатаётган истеъмолчи ўз шахсий кодини теради ва ундан шахс ўз мақсадларида фойдалана олади.

Шунингдек, Мистификация деб номланган усул ҳам бор. Хусусан, қайси тармоқ билан уланмоқчи бўлса, ўша тармоқ билан боғланганига юз фоиз ишонган олисдаги терминал истеъмолчиси ногаҳон кимнингдир тармогига уланади. Бу тармоқ эгаси, ҳаққонийга ўхшаш жавоблар бераб, бу янгилишувни бирмунча вақт билдиримай туриши ва шу пайтнинг ўзида баъзи бир маълумотларни, хусусан кодларни билиб олиши мумкин.

«Ҳалокат» усулида компьютер марказида ЭҲМ ишида оғиш ёки бошқа четланишлар юз берган чогда ишлатиладиган маҳсус программа мавжудлигидан фойдаланилади. Бундай программа ёвуз ниятли одамнинг қўлида құдратли ва хавфли қуролдир. Шу йўл билан Нью-Жерсидаги банкдан катта пул миқдори ўғирланган эди.

«Деворсиз омбор» усулида рухсатсиз кириш тармоқ бузилиши натижасида амалга оширилади. Масалан, истеъмолчининг баъзи файллари очик қолса маълумотлар банкининг унга тегишли бўлмаган қисмларига кириш имконияти вужудга келиши мумкин.

«Троян оти» усули программанинг иш қобилиятини ўзгартирасдан муайян вазифаларни амалга оширувчи буйруқларни бегона программага киритишдан иборат. Бу усул билан жиноятчилар одатда ўз ҳисоб рақамларига ҳар бир операциядан муайян пул миқдорини чегиришади. Бу усуллардан бири «салами» деб аталади, бунда чегирмалар миқдори кичик бўлади ва уларнинг йўқотилиши амалда сезиларли эмас (масалан, ҳар бир операциядан 1 доллар).

«Бомба»-муайян бир шароитда ёки муайян бир вақтда ўз-ўзидан ишлаб кетиши керак бўлган (ёки ҳар сафар ишлаб кетадиган) буйруқлар тўпламини программага киритиш усулидир.

Жиноят усулининг энг қулай йўлини танлаш учун жиноятчилар аралашибни хоҳлаган жараёнларининг моделини тузадилар ва тажовуз қилиш ва уни яшириш усулларини режалаштирадилар. Бунинг йўлларидан бири - реверсив моделдир. Бунда аниқ тармоқ модели ясалади, унга ҳақиқий бошлангич маълумотлар киритилади ва режалаштирилган ҳаракатлар ҳисобга олинади. Олинган тўғри натижалардан ҳақиқатга ўхшашларининг кераклиси танлаб олинади. Сўнгра моделни қайтариш йўли билан натижаларни аниқлайдилар ва бошлангич маълумотлар билан қандай ўзгартиришлар киритишни аниқлайдилар.

«Варрак» - кўпроқ қўлланиладиган усул. Бир нечта банкда кўп маблағ қўйилмаган ҳисоб рақами очилади ва пулни бир банкдан иккинчисига секин-аста кўпайиб борувчи пул миқдори ўтказилади. Фирибгарлик шундан иборатки, пул ўтказиш хабарномаси зарур маблағ билан таъминланмаганлиги банкда аниқлангунча биринчи пул ўтказиш ҳақидаги талабномадаги пул маблагини қоплайдиган умумий маблагини бу банкка ўтказиш ҳақида хабарнома келади. Бу кўп маротаба, ҳисоб рақамида дурустгина маблағ йиғилгунча давом этади. Сўнгра пул тезда ҳисобдан олинади ва ҳисоб рақамининг эгаси гойиб бўлади.

Қоида бўйича компьютер билан боғлиқ жиноятлар бир неча усулда олиб борилади.

Криминалистик тавсифнинг кейинги таркибий қисми бўлиб жиноятчининг шахси хизмат қиласди. Компьютер соҳасида жиноят содир этувчиларни адабиётда уч гурухга бўлиш қабул қилинган деса бўлади.

Компьютер соҳасида жиноятларнинг пайдо бўлиши «хакерлар» билан боғлиқ. Аввал уларнинг мақсади программалашган маҳсулотнинг муҳофазасини «бузиб» қўйишдек қийин масалани ечиш билан ёки ўз иззат-нафсини қондириш, ҳазиллашиш учун компьютер вирусларини яратиш билан боғлиқ фақатгина оддий қизиқиш сифатида рўй берган. Хакерларни ўзига хос компьютер ишқибозлиги билан биргаликда юқори даражадаги моҳирлик ажратиб туради. Гурухга қўпчилиги ўткир ақл-идрокка эга бўлган ва ностандарт тафаккури билан ажралиб турадиган профессионал программистлар киради. Ўз компьютер тармоқлари учун хавфсизлик чораларини ишлаб чиқиши ва бегона воситаларни «бузиш» улар учун ягона вазифани ўтайди ва бу жараён уларга ўзича завқлидир. Секин-аста улардан баъзилари ўз ишидан бир қанча моддий фойда олишга ўтадилар.

Профессионал жиноятчиларнинг қилаётган ишларида гаразли ниятлар яққол ифодаланган. Улар барқарор жиноий маҳоратга эга. Мазкур жиноятларни кўп маротаба содир этадилар ва уларни албатта яшириш ҳаракатлари билан бирга олиб боришади. Булар одатда техник жиҳатдан жуда яхши таъминланган, уюшган жиноий гурух ва тўдага киравчи, олий математик, муҳандис-техник ёки иқтисодий маълумотли юқори малакали мутахассислардир. Бу гурух ҳиссасига мансаб, компьютер техникаси воситаларидан фойдаланиш, ўта катта микдордаги маблагларни ўғирлаш, фирибгарлик билан боғлиқ ўта хавфли жиноятлар тўғри келади.

Юқорида айтилганларни умумлаштириб, бу соҳа жиноятчилининг тавсифини бериш мумкин. Уларнинг қўпчилигини эркаклар ташкил этади (тажминан 80 фоиз), лекин компьютер техникасини эгаллаш билан боғлиқ жиноятларда аёллар ҳиссаси котибалар, иш юритувчилар, ҳисобчилар, газначилар ҳисобига жуда тез қўпаймоқда. Кўпчилик қонунбузарларнинг ёши 15-45 ёшни ташкил этади, 33 фоиз жиноятчиларнинг ёши 20дан ошмайди.

Тажовуз қилиш сабаблари ва мақсадлари орасида қуйидагиларни ажратиш мумкин: гаразли (маблағлар ва молмulkни ўзлаштириш), сиёсий (жосуслик, мамлакатнинг молиявий, пул-кредит ва валюта тизимини қўпоришига қаратилган), тадқиқотчилик эҳтиёжи, безорилик ва шўхлик, қасос ва бошқа истаклар.

Криминал тавсиф тизимида жабрланган томон ҳақидаги умумлаштирилган маълумотлар муҳим аҳамиятга эга. Жабрлан-

ган томон ҳақидаги маълумотлар криминалистик жиҳатдан шубҳасиз мухимдир, чунки жиноятчининг шахсини, уни қидириш керак бўлган шахслар даврасини тўлиқроқ тавсифлашга имкон беради. Одатда жиноятчи жабрланувчи томонини ўз тажовуз объекти сифатида танлаши тасодифий эмас.

Компьютер соҳасидаги жиноятчилик бўйича халқаро қўмитанинг маълумотлари бўйича бу турдаги ҳаракатлар жиддий хавф туғдиради. Масалан, техник-хисоблаш тизими қўзда тутмаган техник ҳолатнинг ёки жиноятнинг вужудга келиши энг катта банкни ҳам бир неча кун ичida молиявий инқирозга олиб келиши мумкин.

Жабрланганларни уч асосий гурухга бўлиш мумкин: компьютер тизимининг эгалари, улар хизматидан фойдаланаётган мижозлар ва бошқа шахслар. Айниқса биринчи гурухга тегишли бўлган жабрланувчилар компьютер маълумотлари ҳаракатлари соҳасидаги жиноий ҳодисалар ҳақида ҳуқуқни муҳофаза қилиш органларига кўп ҳолларда қўйидаги сабабларга кўра ноиложликдан хабар берадилар ёки хабар бермайдилар: ҳуқуқни муҳофаза қилиш органлари ходимларининг бу масалада тажрибасизлиги; тергов оқибатида келтириладиган зиён етказилган заардан ортиб кетишидан хавфсираш ва шу билан бирга фирманинг обрўсига путур этиши; суд жараёни вақтида ташкилот хавфсизлиги тузилишининг ошкор этилишидан ҳадиксираш; ўзининг ноқонуний ҳаракатларини аниқланишидан қўрқиш, мансабдор шахсларни тергов натижаларининг бири уларнинг профессионал яроқсизлиги (тажрибасизлиги) ҳақидаги хулоса бўлишидан ҳадиксираш; мавжуд маълумотларнинг ҳақиқий қийматини тушунмаслик. Бу ҳолатлар шубҳасиз шу турдаги жиноий ҳаракатларни содир этиш имконини яратади.

## 2-ғ. Тергов тактикасининг хусусиятлари

Ушбу соҳадаги жиноятларни тергов қилишда уч хил вазиятни учратиш мумкин:

1) ҳамма нарса аниқ – жиноятнинг хусусияти ва ҳолатлари маълум (масалан: қандай вирус ва қай йўл билан компьютер тармогига киритилган) ва жиноят жабрланувчининг ўз кучи билан аниқланган, жиноятчи маълум ва қўлга олинган, ўз айбига иқрор бўлган вазият;

2) Жиноятни содир этиш усули маълум, аммо жиноят механизми қисман ноаниқ, масалан компьютер тармоги химоясининг заиф жойлари орқали фойдаланувчиларни интернет файлларига ноқонуний киргандарида жиноятчининг шахси аниқ бўлиб, аммо у яширинган;

3) фақат жиноий натижка аниқ, масалан, банк компьютер тармогини ишдан чиқариш; жиноятчининг шахси ва жиноят механизми ноаниқ.

Биринчи ҳолатда компьютер тизимига ноқонуний кириш ва юзага келган натижалар ўртасида алоқа борлиги (ишдан чиқиш, компьютерга вирус тушириш ва бошқалар), келтирилган зарарнинг ҳажмини аниқлаш зарур. Иккинчи ҳолатда – юқорида қайд этилган вазифалардан ташқари, жиноятчини қидириш ва қўлга олиш зарур. Ниҳоят, энг ноқулай (учинчи) ҳолатда жиноят механизмини аниқлаш зарур.

Тергов тактикасининг бир қисеми бўлган компьютер информациясини ошкор қилиш, фиксациялаш ва олиб қўйиш тўғрисида тўхталиб ўтсақ, аникроғи: жиноят содир этилган жой, бинони, буюмларни, ҳужжатларни кўздан кечириш, тинтуб қилиш (шунингдек ўша жойдаги ва бинодаги шахсий тинтуб), олиб қўйиш (буюмларни, ҳужжатларни, почта-телеграф корреспонденциясини, давлат сирини ўз ичига олган ҳужжатларни), телефон ва бошқа сўзлашувларни яширин эшлиши тўғрисида. Бу тергов ҳаракатларини амалга оширганда компьютердаги маълумотни йўқ қилиш ёки унга зарар етказишга йўл қўймайдиган компьютер маълумотини қидиришни тактик тўғри бажариш, керакли маълумотни топиш; қайд этиш ва процессуал меъёрга мувофиқ олиб қўйиш керак.

Тергов, тафтиш ёки олиб қўйишга тайёргарлик кўришда терговчи қарор қабул қиласи. Бу эҳтиёж компьютер ҳаракати соҳасидаги жиноят таркиби белгиларидан ташқари қуидагиларга асосланган бўлиши мумкин:

гумон қилинувчи, айбланувчи ёки жабрланувчилар, баъзи гувоҳлар ҳисоблаш техникаси ва информатика соҳасида маҳсус маълумотга, шунингдек, шахсий компьютер техникасига эга бўлса;

иш материаллари ҳужжатларида ЭҲМ орқали ёзилган ҳужжатларнинг борлиги (сўровномаларга жавоб, айбланувчи ёки жабрланувчи тарафидан олинган маълумотномалар);

компьютер маълумотини тарқатувчи буюмларни ўғирлаш;

юқорида кўрсатилган шахсларни ҳисоблаш техникаси, программалаштириш билан қизиқиши ёки уларнинг шундай қизиқишига эга бўлган шахслар билан алоқаси борлиги.

Кўздан кечириш ёки тинтувга тайёргарлик кўриш чоғида ишлатилаётган ЭҲМнинг тури ва конфигурацияси тўғрисида аниқ ва ишончли маълумотга эга бўлиш зарур; маҳаллий ёки глобал тармоқка (интернетга) уланганлиги; информацийий хавфсизлик ва ноқонуний фойдаланишдан химоя хизмати мавжудлиги; ҳисоблаш техникаси ўрнатилган жойдаги электр

таъминлаш тизими; фойдаланувчилар малакаси; ҳисоблаш техникасига хизмат кўрсатувчи ходимлар тўғрисида маълумот тўплаш зарур. Бундай маълумотга эга бўлиш терговчига компьютерда сақланаётган маълумотга эга бўлишини енгиллаштиради ва унинг далилий кучини максималлаштиради.

Компьютер маълумотини тезда йўқ қилиш мумкин бўлганлиги учун қўққисдан қилинган тинтуб ёки тезкорлик билан ўтказилган кўздан кечириш кўпинчалик ҳал қилувчи аҳамиятга эга. Агар компьютерларда маҳаллий компьютер тармоғи ҳосил қилганлиги тўғрисида маълумот олинса, бу тармоққа уланган барча компьютер техникаси жойлашгән жойни аниқлаш ва ЭҲМ ўрнатилган барча жойларда бир вақтнинг ўзида тинтуб ташкил қилиш зарур. Тинтубдан (кўздан кечириш)дан аввал компьютер информациисини йўқ қилиш ёки унга зарар етказиш имкониятини олдини олувчи чоралар кўриш лозим. Бунинг учун кўздан кечириш пайтида ЭҲМни электр қуввати билан узлуксиз таъминлаш, кўздан кечириш ёки тинтуб ўтказилаётган жойдан бегоналарни чиқариб юбориш ва ҳеч кимни қўймаслик; қолган шахсларни ҳисоблаш техникаси ва электр токи таъминоти мосламаларига тегиши имкониятидан маҳрум қилиш учун чоралар кўриш зарур. Агар обьектда портловчи, тез алангланувчи, заҳарли моддалар, электромагнит нур тарқатувчи буюм ва аппаратлар бўлса, уларни бартараф қилиш керак. Кўздан кечириш ёки тинтубни информатика ва ҳисоблаш техникаси мутахассиси билан ўтказиш мақсадга мувофиқдир. Холислар сифатида ҳам ЭҲМда ишлаш билан таниш бўлганларни таклиф қилиш фойдадан холи эмас.

Маълумотни фақат компьютердагина қидириб қолмасдан, ҳамма ҳужжатларни, (қозоғ парчаларигача), синчиклаб кўздан кечириш зарур, чунки программистлар кўпинча, ўз хотиралирига ишонмасдан қоғозда пароллар, конфигурация тизимлари ҳақидаги ўзгаришлар, компьютер маълумот базаси тузилиши хусусиятлари тўғрисида ёзувлар қолдиришади. Кўпинга фойдаланувчилар компьютер ишдан чиққанда маълумотларни йўқотмаслик учун файллар нусхаларини дискетларда сақлашади. Шунинг учун, топилган барча маълумот тарқатувчи буюмлар олинниб текширилиши керак.

Фақат санаб ўтилган тайёргарлик чораларидан сўнггина терговнинг кейинги босқичига ўтиш керак. Амалиётни ўрганиш шуни кўрсатадики, оддий қоидаларга амал қилмаслик оқибатида терговчининг компьютер маълумотини йиғиши борасидаги фаолияти ўз мақсадига эришмайди. Тинтуб пайтида, гумон қилинувчи тезкор тергов гуруҳи аъзоларига сездирмасдан ЭҲМ кучланиши тумблёрини муруватини 220 дан 115 га ўзгартириб

қўяди. Таъминот блоки ёқилгандан бироз ўтгач сўнг ишдан чиқади ва компьютер умуман ишламаслигига сабаб бўлади.

Компьютер маълумотини қидириш тактикаси, биринчидан, маълумотнинг ҳимояланиш даражаси, иккинчидан, тергов ҳаракатлари даврида компьютернинг ва периферия мосламаларининг функционал ҳолатидан келиб чиқсан ҳолда танланиши зарур.

Компьютерни юқори даражада ҳимояланганлигига ноқонуний маълумотдан фойдаланишга қарши ва ёки сертификатланган махсус ҳимоя воситаларининг мавжудлиги; компьютер тизими жойлашган ҳудуд ва биноларни (техник воситалар ва махсус персонал ёрдамида), узлуксиз қўриқлаш, жiddий кириб-чиқиши режимларини қўллаш, биноларни махсус жиҳозлаш; маълумот муҳофазаси маъмурияти мавжудлиги, нормал ишлаши ва иш назорати гувоҳ бўлади.

Ҳимояланишнинг паст даражаси компьютердан фойдаланишнинг оддий алгоритми (масалан, маълумотлар фақат пароль билан ҳимояланган), уни енгиг ўтиш тўгрисидаги ишончли маълумотлар олиш билан ифодаланади, бунда маълумотга етишиш учун махсус воситалар ишлатилмайди.

Компьютер маълумотларига ноқонуний эришишга қарши ҳимояни енгиг ўтиш терговчи фаолиятида энг масъулиятли ишларидан биридир. Айнан нотўғри муомала натижасида маълумотлар (махсус программалар ёрдамида) йўқ қилиниши, шу жумладан ўз-ўзидан, ўзгартирилиши мумкин. Бунга йўл қўймаслик учун тергов ҳаракатига тайёргарлик қўриш чогида компьютернинг ҳимоя даражасини (ҳимоя воситалари, пароллар, муҳим сўзлар ва ҳоказо) иложи борича аниқ ва тўлиқ аниқлаш зарур.

Бир тарафдан, программалаштириш ва ҳисоблаш техникаси мутахассисларининг умумий фикрларига кўра, ҳимояни тўла кафолатлайдиган техника ва программа воситалари бугунги кунда мавжуд эмас. Шу боис, умуман олганда, маълумот излашда ҳар қандай тўсиқни енгиг ўтиш мумкин. Бошқа тарафдан, мавжуд ҳимоя воситалари шунчалар хилма-хил ва улар ҳар-хил алгоритмлар ва ҳимояланиш қўринишига эгаки, уларни енгиг ўтиш учун кўп вақт талаб қилинади. «Хакерлар» орасида бирор мақсадга эришиш ҳимоясини енгиг ўтиш юқори маҳорат саналади.

Компьютер маълумотларини ҳимоялашнинг сабаблари турлича. Жиноятни тергов қилиш ва очишга тўсқинлик қилиш мақсадидан ташқари истеъмолчилар маълумотларини ЭҲМда ишловчининг етарли билим ва маҳоратга эга эмаслиги ва бетартиблигидан ҳимоялашади. Компьютер маълумотларини ҳимоялаш

идентификация (истеъмолчини аниқлаш) ва аутентификация (ас-лига тўғрилигини текшириш) йўли билан амалга оширилади. Иккинчи тараф субъект ҳақиқийлигига ишонч ҳосил қиласди. Аслига тўғрилик паролни билиш, шахсий карточка ёки шу каби мослама; овоз, бармоқ излари ва бошқа биометрик хусусиятлар билан тасдиқланади.

Пароллар аввалдан операциявий тизим ва бошқа сервис программаларга ўрнатилади. Тўғри ишлатилганда, улар кўпгина ташкилотларга хавфсизликнинг мақбул даражасини таъминлай олади. Шундай бўлса-да, хусусиятлар мажмуи бўйича улар аслига тўғриликни тасдиқловчи энг заиф воситадир. Паролларнинг ишончлилиги уларни эсда сақлаш ва сир тутиш қобилиятига асосланган. Пароль эсда қоладиган бўлиши учун уни оддий тузишади, бироқ қонуний истеъмолчиларнинг қизиқишлари, танишлари доираси аввалдан ўрганиб чиқилса, паролни топиш қийинчилик туғдирмайди. Баъзи пароллар бошидан сир тутилмайди, чунки улар ҳужжатларда кўрсатилган стандарт маънога эга бўлади ва тизим ўрнатилганда ҳар доим ҳам ўзгартирилмайди. Паролни киритишни оптик воситалар ва процессор ва монитор тарқатувчи электромагнит нурни кўлга олиш мобайнида аниқлаш мумкин.

Компьютер техникасини кўздан кечириш ёки тинтуб пайтида пароль ёрдамида ҳимоя қилишнинг анализи компьютерда то-пилган криминалистик маълумотнинг ҳақиқий эгасини аниқлашда терговчига ёрдам бериши эҳтимоли каттадир. Бошқача қилиб айтганда, пароль тизими ишончлилиги қанча катта бўлса, унинг ҳақиқий эгаси кимлигини ишонч билан аниқлаш мумкин бўлади ва топилган маълумотнинг далилий кучи шунча юқори бўлади.

Қогоzsиз технология машинавий тарқатувчилар ёки алоқа тармоқлари орқали ҳужжатлар алмашинувида бир қатор афзалликларга эга. Аммо бунда ҳужжат муаллифи ва ҳужжатни идентификациялаш муаммоси туради. Одатий (қоғозли) технологияда бу нарса ҳужжатдаги маълумот жисмоний тарқатувчи (қоғозли) билан узвий боғлиқ. Бу муаммо қисман «рақамли имзо» ишлатиш орқали ҳал этилади. Технология шундан иборатки, ҳужжатни тузган шахс, уни маҳсус программа – электрон калит ёрдамида кодлаштиради. Бунда иккита калит қўлланилади. Биринчиси, сир тутилмагани, шифровка учун ишлатилиб, истеъмолчининг адреси билан бирга эълон қилиниши мумкин, иккинчиси, маҳфий расшифровка қилиш учун ишлатилиб, фақатгина бир шахсга маълумдир. Бу программа одатда, ҳужжатнинг муаллифи ёки жўнатилган тарафга маълум бўлиб маҳсус дискетда сақланади. Рақамли имзо иккита функцияни бажаради-маълумотнинг даҳ-

лсизлигини таъминлайди ва хужжат муаллифининг шахсини тасдиқлайди. Криптографик ҳимоя компьютер ёки магнит тарқатувчидаги маълумотнинг махфийлигини таъминловчи энг ишончли воситалардан саналади. Шуни ёдда тутиш керакки, тасаруфда компьютер ёки магнит тарқатувчи бўлса-да, электрон калит топилмаган бўлса, маълумотни «ўқиш» ва муаллифни идентификациялашнинг иложи бўлмайди.

Криптоалгоритмларни ишлатишдан ташқари яна бир қатор шифротекст анализи ва уни очишига уринишнинг турли шароитларини инобатга олувчи программалаш воситалари мавжуд. Уларга қисман, маълумотни магнит тарқатувчиларни шифрлашдан ташқари клавитура ва ЭҲМ экранни фаолиятини вақтингча тўхтатувчи (қимматли маълумотни йўқ бўлиб қолиши), шунингдек, винчестер виртуал дисклари ёки файллар даражасида маълумот объектларини ҳимоясини кўзда тутувчи Norton Utilities пакетидаги Diskreet программасини мисол қилиш мумкин. ЭҲМнинг нормал иш фаолиятини давом эттириш учун пароль киритиш керак бўлади.

Машинавий маълумотга етишишни бошқарувчи барча ҳимоя программалари саволга жавоб бериш принципи бўйича ишлайди: ким, қандай операциялар ва қандай маълумотлар билан ишлай олади. Маълумотдан фойдаланиш қуидагича белгиланиши мумкин:

- умумий (албатта ҳар бир истеъмолчига тақдим этилган имконият);
- рад (қатъий рад, масалан, маълумотнинг бир қисмини йўқ қилишга рухсатни);
- ҳодисага боғлиқ (ҳодиса томонидан бошқариувчи);
- истеъмолчи мурожаатини блокировка қилиш, масалан, маълум вақт оралиқларида ёки маълум бир терминал компьютер тизимларига мурожаат килганда;
- маълумотлар мазмунига боғлиқ (бу ҳолатда маълумотдан фойдаланиш маълумотларнинг жорий моҳиятига асосланади, масалан, баъзи бир истемолчиларга у ёки бу маълумотларни ўқиш тақиқланади);
- ҳолатга боғлиқ (компьютер тизимини динамик ҳолатидан), ҳимоя тизими ва программаларни бошқарувчи компьютер тизимнинг жорий ҳолатига боғлиқ ҳолда амалга оширилади;
- такрорлашга боғлиқ (масалан, истеъмолчига фақат бир ёки муайян маротаба маълумотдан фойдаланишга рухсат берилади);
- истеъмолчининг исми ёки бошқа белгилари бўйича (масалан, истеъмолчи 18 ёшга тўлган бўлиши керак);
- ваколатларга боғлиқ, яъни тақдим этилган режимга биноан мослама, маълумот, программаларга мурожаат этиш, масалан,

«фақат ўқиши», «ўқиши ва ёзиши», «фақат бажариши»га рухсат берилиши мумкин.

Аввалги мурожаат ва маълумотлардан фойдаланишини бошқариш билан аввалги мурожаатлар ва маълумотлар орасидаги семантик алоқани инобатга олувчи ваколатларга боғлиқ (программа аввалги сўровномаларни ўз ичига олувчи контекст таҳлилини, жорий сўровнома муҳитини ва маълумотлар ўртасидаги семантик алоқаларни анализ қиласи);

Рухсатнома бўйича (пароль ёки бошқа идентификатор: карточка, нишон ва ҳоказо бўйича) идентификация остида компьютер тизимиға кираётган истеъмолчининг ҳаққонийлигини аниқлаш тушунилади;

Таомил бўйича (бу ҳолатда тизим ўз тартибига эга: маълумотлар хавфсизлигини таъминловчи ўз қоидаларини автоматик равишида жамлайди).

Янги электрон технологияларга электрон калитларни ишлатиш киради. Электрон калит катталиги гугурт қутисидан катта бўлмаган микросхемада ишланган хотирави мосламадир. Компьютерни кўздан кечириш пайтида ҳимояланган программа ишлатилса, у ўз калити мавжудлигини текширади. Калит топилса, программа бажарилади; акс ҳолда хато тўғрисида маълумот пайдо бўлади ва иш жараёни тўхтатилади. Калитнинг ўзи принтер уланиядиган портга киргизилади ва осонликча чиқарилади.

Шундай қилиб, тезкор маълумотнинг мавжудлиги ва қўлланилиши, қўпинча ЭҲМдаги қидирувда ҳал қилувчи аҳамиятга эга бўлади. Бироқ, ҳимояни муваффақиятли енгиб ўтиш компьютердаги далилларни йиғиш муаммоларини ҳал қилмайди. Компьютер маълумотини қидириш, кўздан кечириш ёки тинтуб пайтида ЭҲМ ва унинг периферия мосламаларининг функционал ҳолатига боғлиқ бўлади. Маълумот доимий тарқатувчida ёки ЭҲМнинг фақат иш даврида сақланиши мумкин, шунинг учун терговчи тергов ҳаракатлари бошида компьютер ёқилган ёки ўчирилганлигидан келиб чиқсан ҳолда турли тактик усуллар қўллаши лозим.

Компьютер ёқилганда электрон мосламалар маълумот ва программалар учун мўлжалланган «жорий хотира» ҳажмини ташкил этади ва уларнинг иш жараёнида хотирада сақлаб туради. Компьютер ёқилганда бирор программа билан ишлашни тутгатганда ОЗУ тозаланади ва янги маълумотларни киритишга тайёрланади. Компьютернинг иш жараёнида ОЗУ маҳсус программалар воситаларида программа ва маълумотларни алоҳида сақлайдиган маҳсус қисмларга бўлинади. Бундай қисмларнинг ичida, истеъмолчининг хоҳишига кўра ташки мослама - маълумот тўпловчига ўхшаш маҳсус қисм ажратилиши мумкин. Бу

тўпловчи қисм («виртуал диск» ёки «псевдодиск») маълумотга етишишни катта тезлиги ва ЭҲМ мосламалари билан программа алмасишиб борасидаги маҳсус операцияларни тез бажариш билан ажралиб туради. Компьютер ишлаётганлигига система блоки панелидаги индикаторларни ёниши, липиллаши, тумблерларнинг ҳолати, дисплейдаги тасвир, кичик вибрация ва вентиляторларнинг ичидаги паст овоз гувоҳлик беради.

Агарда компьютер кўздан кечиришдан аввал ёқилган бўлса, у ҳолда дисплейда тасвирланган маълумотни тўғри баҳолай олиш керак. Биринчи навбатда қандай программа бажарилаётганлигини аниқлаш керак. Стандарт программа ишлаётганда (масалан, экранда Norton Commander ёки Windows программалари тасвирланган бўлса), техник воситаларни кўздан кечирмай туриб ҳар хил манипуляцияларни бажармаслик керак. Дисплей экранини суратга олиш лозим. Компьютерга уланган барча телефон линияларни ўчириб қўйиш зарур. Керак бўлса, система блоки қопламасини очиб, ЭҲМ конфигурациясини визуал усулда аниқлаш, электрон платаларни жойлашиш тартибини ёзиб олиш керак. Бу қоидаларга амал қилиш маълумот базаси ва аппарат воситаларини ишдан чиқиши ва уларга заар етказишдан сақлайди. Бундай воситаларга электрон калитлар, «радиозакладка», товуш ўчиригичлар ва бошқалар кириши мумкин. Аппарат воситаларини кўздан кечирганда ушбу тергов ҳаракати, (тинтуб) қатнашчиларига номаълум воситалар (кенгайтириш платалари, ностандарт boglамa ва бошқалар) учраса, компьютер дарҳол ўчирилиши керак. Бу ҳолатда таъминот блоки тумблерини ўчирмай туриб вилкани розеткадан чиқариш керак. Сўнгра симларни узишдан аввал барча портлар, уланиш тизими ва қисмларини кейинчалик кабель, кенгайтириш платаларини ва бошқа мосламаларини аниқ ўз ҳолига келтира олиш учун белгилаб қўйиш зарур.

Агар процессорнинг конфигурацияси стандарт бўлса, жорий пайтда бажарилаётган программа билан ишлашни тўғри якунлаш ёки у билан ишлашни кўшимча, балки қидирилаётган маълумотлар чиққунча давом эттириш зарур. Кўздан кечиришда (тинтубда) ҳозир бўлганларга терговчи мутахассисларнинг ЭҲМ манипуляцияси давридаги барча хатти-ҳаракатларини тушунтириб бериши керак. Маълумот базасига яққол ва енгил изоҳларсиз киришга йўл қўйиб бўлмайди. Ҳар қандай клавишани босилиши ёки «сичқон»нинг ҳаракати изоҳланган бўлиши керак.

Агар маълумот қидируви учун терговчи ишлатадиган, лекин компьютерда бўлмаган программа маҳсулотлари ишлатилса, бу нарса текширув ёки тинтуб баённомасида қайд этилиши керак. Бундай программалар стандарт бўлиши керак. Назорат

яққоллиги, яъни, программа ишининг асосий этапларини дисплей экранида кўриниши, терговчи ва мутахассиснинг изоҳ бериши зарурдир. Холисларнинг максимал фаоллиги қидирилаётган программа, текст ёки график ҳужжат эмас, балки аудио ёки видеоролик (вербал ёки визуал маълумот) бўлиши мумкинлиги учун жуда муҳимдир. Программа ишининг бундай натижаси бетакрор бўлиб, баённома ёрдамида қайд этилади.

Қидирилаётган маълумот топилганда дисплейнинг жорий тасвири суратга туширилиши ва стандарт воситалар ёрдамида маълумотни доимий тарқатувчига (одатда - магнит диск) ёзиб олиш ёки принтер орқали қофозга чиқариш зарур.

Компьютерни ёқиб ўчириш ва улар билан манипуляция қилиш фақат ҳисоблаш техникаси мутахассиси иштирокида бажарилиши мумкин. Агар объектда электр таъминоти ўчириб қўйилган бўлса, ёнгин ёки портлаш билан боғлиқ ҳолда, уни ёқишдан аввал компьютер ва ҳамма периферия мосламалари ўчирилганлигини текшириш керак. Объектда мавжуд барча компьютерлар (ёки хотира блоклари) ва магнит тарқатувчилар олиб қўйилиши керак. Уларни объектда ёки бегоналар кириши мумкин бўлган ерларда сақлаш мумкин эмас. Магнит тарқатувчилардаги маълумот жиноятчи томонидан осонгина йўқ қилиниши мумкин. Бу ҳолатни визуал йўл билан аниқлаб бўлмайди.

Компьютер ва унинг мосламалари мухрланади: разъемларга қофоз қўйиб, эгаси ёки эксперт йўқлигига фойдаланишнинг олдини олиш учун унинг четларини компьютернинг ён деворига қуюк клей ёки ёпишқоқ лента ёрдамида маҳкамланади. Магнит тарқатувчилар турли ҳил электромагнит ва магнит майдонларнинг таъсири ва йўналтирилган нур тарқатишнинг салбий таъсирини олдини олиш учун маҳсус экранлаштирилган контейнер ёки футлярларда сақланади. Фақат контейнер ва футлярларгина мухрланади. Изоҳловчи ёзувлар дискетага ёпиштирилувчи маҳсус этикеткаларга ёзилади. Бунда аввал этикеткага ёзув туширилади ва сўнгра дискетанинг маҳсус мўлжалланган ерига ёпиштирилади. Агар дискетада ёзувли этикетка мавжуд бўлса, у ҳолда фақат тартиб раками қўйилади, изоҳловчи ёзувлар эса шу ракам остида алоҳида варакқа ёзилиб, коробкада сақланади. Магнит тарқатувчиларни бевосита каноп билан ўраш, уларни тешиш ва уларга имзо, белги ва мухр қўйиш мумкин эмас.

Тергов ҳаракати баённомасида магнит ва бошқа доимий магнит тарқатувчиларнинг жисмоний хусусиятлари, аппаратуранинг серия номерлари ва уларнинг индивидуал белгилари қайд этилади. Машинкада ёзилган текстлар баённомага илова сифатида расмийлаштирилади.

Кўпинча аппарат воситаларида маълумот изларидан

ташқари криминалистика учун одатий излар ҳам учраб туриши сабабли, кўздан кечиришга мутахассис-криминалистни таклиф қилиш ҳам мақсадга мувофиқдир. Тергов амалиётида компьютер воситаларининг ички элементларида бармоқ излари, металлни қайта ишлаш асбоблари, қўлда улаш излари қолганлиги ҳолатлари маълум.

Гувоҳлар ва жабрланувчиларни бошлангич сўрок қилишда компьютер тизими ning функцияси ва мақсади, компьютер техникинди ва у жойлашган ерга ким бемалол кириши мумкинлиги, у ерда бегоналарни пайдо бўлиши ва қандай ҳимоя воситалари ишлатилганлигини аниқлаш зарур. Агар маълумотнинг бир қисми маҳфий бўлса, ким ундан фойдаланишга руҳсат берган ва аслида ким фойдаланган: Жиноят натижасида қандай зарар (мулк, но-мулк шаклида) етказилган ва уни камайтириш йўли борми?

### **3-ғ. Экспертиза тадқиқотининг имкониятлари**

Юқорида мазкур тоифа ишлари юзасидан ашёвий далил йигиш бўйича мутахассиснинг иштирок этиши нақадар катта аҳамиятта эга эканлигини айтиб ўтгандик. Лекин унинг бўлгуси таҳлили, эксперт тадқиқотлари жараёнида далилларни текшириш янада мухимдир.

Мазкур ишларда ўтказиладиган экспертизаларнинг асосий тури - компьютер-техник экспертизасидир. Бу турдаги экспертизалар ичида уларнинг вазифаларига ва тадқиқ этиш обьектларига боғлиқ равишда яна икки кўринишини ажратиш мумкин:

- компьютерлар ва уларнинг эҳтиёт қисмларининг техник экспертизаси, компьютернинг конструктив хусусиятлари ва унинг ҳолатини, унинг периферия мосламалари, магнит ташувчилари ва ҳоказолар, компьютер тармоқлари ҳолатини, шунингдек ишда нуқсонлар пайдо бўлиши сабабларини ўрганиш мақсадида ўтказилади;

- маълумотлар ва дастурий таъминот экспертизаси, компьютерда ва магнит ташувчилардаги ахборотни ўрганиш мақсадида амалга оширилади.

Компьютер-техник экспертиза ҳал қилиши зарур бўлган масалаларни ҳам икки гурӯхга ажратиш мумкин. Компьютерлар ва уларнинг бутловчи қисмларининг техник экспертизаси томонидан ҳал қилинадиган (диагностик) саволлар:

- 1) тадқиқ этишга компьютернинг қайси модели тақдим этилган; унинг тизим блоки ва периферия мосламаларининг техник тавсифи; мазкур ҳисоб тармоғининг техник тавсифи;

- 2) мазкур компьютер ва унинг бутловчи қисмлари қачон ва

қаерда тайёрланган ва йигилган; компьютер завод шароитида йигилганми ё хонаки шароитдами;

3) компьютер ва перифериясининг ички тузилиши илова қилинган техник ҳужжатларга мувофиқми; компьютер конструкциясига ўзгаришлар киритилмаганми (масалан, қўшимча ўрнатилган мосламалар, қаттиқ дисклар, тезкор хотирани кенгайтириш, оптик дискларни кўчириб олиш мосламалари ва конфигурациянинг ўзгаришлари);

4) компьютер ва унинг бутловчи қисмлари созми; уларнинг ишлатилганлик даражаси; компьютер ва периферия мосламалари носозлигининг сабаблари; магнит ахборот ташувчиларнинг жисмоний нуқсонлари йўқми;

5) компьютер ўзига хос фойдаланувчилар (чапақай, кўзи ожиз ва бошқа) ишлаши учун мосланганми;

6) ахборотни қабул қилиш, йифиш ва узатишга мослашган бошқа электрон воситаларининг (пейджер, электрон ён дафтарча, телефон сервери) техник тавсифи; бу воситалар созми; носозлигининг сабаблари.

Маълумотлар ва дастурий таъминот экспертизасига ҳал этиш учун тақдим этиладиган диагностик масалалар:

1) компьютерда қандай операция тизимидан фойдаланилган;

2) ички ва ташқи магнит ташувчилардаги ахборот мазмунни нимадан иборат, шу жумладан у ерда қандай дастурий маҳсулотлар жойлашган; дастурний маҳсулотлари нимани кўзлаган; уларнинг ишлаш алгоритми, ахборотни киритиш ва чиқариш услуги қанақа; мазкур компьютер дастури, маълумотлар базаси ишлаганида маълумотлар киритилиб, натижалар на мойиш этилгунинг қадар қанча вақт ўтади;

3) мазкур дастурий маҳсулотлар стандарт тизимларнинг лицензияли (ёки рухсат этилмаган) нусхасими ё ўзига хос (оригинал) ишланмами;

4) ушбу тизим маҳсулоти дастурларига баъзи операцияларнинг (қайси) бажарилишини ўзгартирадиган бирон ўзгаришлар (қандай) киритилмаганми;

5) мазкур ўзига хос компьютер маҳсулоти техник вазифага мувофиқ келадими; уни ишлатишда барча кўзда тутилган функцияларининг бажарилиши таъминланадими;

6) ахборотдан фойдаланишни чеклаш учун пароллар, яширин файллар, ҳимоя дастурлари ва бошқалар қўлланганми; яширин ахборотнинг мазмунни нимадан иборат; пароль танлаб кириш, ҳимоя воситаларини бузиш ва бошқа рухсат этилмаган йўллар билан ахборотга эга бўлиш ҳаракат қилинганми;

7) ўчирилган файлларни, нуқсонли магнитли ахборот ташувчиларни тиклашнинг имконияти борми; тикланган файлларнинг

мазмуни қандай;

8) корхона ички (локал) ҳисоблаш тармоқлари, глобал тармоқлар ва маълумотларнинг тақсимланган базаларидан ахборот кетиб қолишининг сабаблари, механизми;

9) компьютер, алоҳида дастурлар фаолиятида нуқсонлар мавжудми; ушбу нуқсонларнинг сабаби нимада; компьютер фаолиятидаги нуқсонлар қандай вируснинг таъсири туфайли юз берган; вируснинг салбий таъсири кўпчилик дастурларга тарқаладими ё фақат айрим дастурлар билан чекланадими; вирус шикастлаган мазкур дастур (матн файлли) фаолиятини тўлиқ ҳажмда тиклаш имкони борми;

10) пейжер, электрон ён дафтарчадаги маълумотларнинг мазмуни нималардан иборат; дафтарчада яширин маълумот борми ва унинг мазмуни;

11) мазкур файлга қачон сўнгги бор тузатиш киритилган ёки дастурий маҳсулот қачон амалга оширилган;

12) мазкур ҳаракатларни амалга оширган шахснинг дастурлаштириш ва компьютер техникаси билан ишлаш соҳасида маҳорати қай даражада бўлган.

Компьютер-техника экспертизалари ёрдамида баъзи чиёслашга оид масалалар ҳам ҳал қилиниши мумкин:

1) компьютернинг бутловчи қисмлари (печат платалари, магнит ташувчилари, дисководлар ва ҳоказо) бир жойда ишлаб чиқарилганни;

2) мазкур компьютер дастури муайян шахс томонидан ёзилмаганни (компьютер-техника ва муаллифлик экспертизаларини ўтказишида биргаликда ҳал қилинади).

Компьютер-техника экспертизаси объектлари куйидагилардир:

йигилган ҳолдаги компьютерлар, уларнинг тизим блоклари;

периферия мосламалари (дисплейлар, принтерлар, дисководлар, модемлар, клавиатураалар, сканерлар, «сичқон» типидаги манипуляторлар, жойстиклар ва ҳоказо), компьютер ва ҳисоблаш тармоқларининг коммуникацион мосламалари;

магнит ахборот ташувчилар (қаттиқ ва флоппи-дисклар, оптик дисклар, тасмалар);

дастурий ва матн файлларининг ёзма баёнлари;

тизимлар қидирув белгиларининг лугатлари (тезауруслар), таснифлагичлар ва бошқа техник ҳужжатлар, масалан техник вазифа ва ҳисботлар;

электрон ён дафтарчалар, пейжерлар, ҳарфли ёки рақамли матнлар ахборотларининг электрон ташувчилари, уларнинг техник ҳужжатлари.

Мазкур тоифа ишлари юзасидан бошқа синфларга оид ва

кўринишидаги: трасологик - бузиб кириш изларини, дактилоскопик - компьютерларнинг ҳам ташқи, ҳам ички юзасидаги қўл изларини таҳлил қилиш учун экспертизалар тайинланishi ҳам мумкин. Суд-иқтисодий, хусусан, молия-иқтисодий ва бухгалтерия экспертизалари, мисол учун, компьютер ахборотлари ҳаракати соҳасидаги жиноятлар кредит-молия соҳасидаги жиноятлар билан боғлиқ бўлганда тайинланади. Компьютердан қалбаки ҳужжат, қалбаки пул билетлари тайёрлаш мақсадида техник-криминалистик экспертизалардан фойдаланиш кенг тарқалган. Овоз (сұхбат)ни яширин эшлиш воситаларидан фойдаланилганида фоноскопик экспертиза ўтказилади.

## **39-боб. ВОЯГА ЕТМАГАНЛАР ЖИНОЯТИНИ ТЕРГОВ ҚИЛИШ**

### **1-§. Вояга етмаганлар содир этган жиноятларнинг кriminalistik таснифи**

Маълумки, жиноят содир этилиш вақтида ҳали 18 га тўлмаган шахслар вояга етмаган деб эътироф этилади. Мазкур тергов методикасининг яратилиши ана шу ёшдаги шахсларнинг объектив ва субъектив ижтимоий-психологик хусусиятларига боғлиқдир. Унинг объектив қисмини ушбу ёшдаги шахслар организмида кечётган рухий-физиологик жараёнлар ташкил этса, субъектив қисми муайян шахснинг шаклланиш хусусиятларидан иборат. Ҳам объектив, ҳам субъектив омиллар вояга етмаган шахснинг ижтимоий ва ҳуқуқий онги, қонун талабларини қабул қилиши, хулқ-автори, ўзга инсонларга бўлган муносабати каби шахсий хусусиятларига анча жиддий таъсир кўрсатади.

Жиноий-ҳуқуқий ҳамда жиноий-процессуал қонунлар вояга етмаганларга алоҳида ёндашади. Мисол учун, ЖКда вояга етмаганларнинг жиноий жавобгарлигига бағишланган алоҳида VI бўлим мавжуд. Ушбу бўлимнинг 81-90-моддаларида унинг ўзига хос томонлари акс эттирилган. Хусусан, жиноий жазо билан бир қаторда мажбурлов чоралари (88), жиноий жавобгарликдан ёки жазодан (87, 89-модда) озод этиш имкониятлари кўзда тутилади.

ЖПКда вояга етмаганларнинг ишлари бўйича жиноий ишларни юритиш маҳсус 60-боб сифатида ажратилган. Унинг хусусиятлари ана шундай шахсларни айблаш бўйича жиноят ишларини юритиш тартиби, умум қабул қилинган исботланиши талаб этилган ҳолатлардан ташқари аниқланиши керак бўлган қўшимча шарт-шароитлар, вояга етмаганлар ишларининг алоҳида кўрилиши, сўроқда педагог иштирок этиши, судда жиноят ишини кўриб чиқишининг ўзига хослиги ва бошқа масалаларга оидdir.

Қонунларда вояга етмаганлар томонидан содир этилган жиноятларга алоҳида эътибор берилганилиги болаликни ҳимоя қилиш ҳақидаги конституциявий қоидаларни, шу билан бирга ҳалқаро-ҳуқуқий аҳамиятга молик, хусусан БМТ Бош Ассамблеяси 1989 йил 20 нояброда қабул қилган Бола ҳуқуқлари ҳақидаги Конвенциянинг тегишли низомларини акс эттиради.

Вояга етмаганлар жиноятларини тергов қилиш методикаси дастлабки терговнинг умумий мақсадлари ва тамойилларига таянади ва айни вақтда вояга етмаганлар шахсига боғлиқ қатор хусусиятларни ҳам ўз ичига олади. Ушбу хусусиятлар улар томонидан ҳуқуқка қарши ҳаракат содир этилганда ва дастлабки

тергов вақтида шаклланган тушунча ва мулоҳазаларга асосланган ўсмирик хулқида намоён бўлади.

Руҳий-педагогик адабиётларда 14-17 ёшлар ўсмирик ёки йигитликнинг бошлангич даври деб аталади. Биологик жиҳатдан ўсмирик жисмоний ривожланишнинг якуний даври бўлади. Мазкур тоифага оид шахсларнинг ижтимоий ахволи турлича бўлиб, улар орасида талабалар, ишчилар ва ишламайдиганлар бор. Шу билан бирга улар хулқи ва харакатлари онгли-иродали кўринишга эга ва бу ўз ўрнида 16 ёшдан умумий жиноий жавобгарлик, 14 ёшдан бошлаб эса қасддан одам ўлдириш, ўғрилаш, зўрлаш, жинсий кўринишдаги зўрлик ишлатиш, ўғрилик, босқинчилик, товламачилик, талончилик, транспорт воситасини олиб қочиш, мол-мулкни қасддан йўқ қилиш ёки унга зарар етказиш, ўқотар қурол, ўқ-дори, портловчи моддалар ва портлатиш мосламаларини, шунингдек, наркотик моддалар ёки психотроп воситаларни, радиоактив материалларни қонунга хилоф равишида эгаллаш, темир йўл, ҳаво, денгиз, дарё транспорт воситалари ёки алоқа йўлларини яроқсиз ҳолга келтириш, озодликдан маҳрум қилиш жойларидағи айrim жиноятлар учун, 13 ёшдан эса айбини оғирлаштирадиган ҳолатларда қасддан одам ўлдириш учун жавобгарлик даври бошланишини белгилаб беради (ЖК 17-моддаси).

Криминалистикага оид адабиётларда вояга етмаган қонунбузарларни, улар орасидаги фарқ бирмунча нисбийлигини қайд этган ҳолда, тўрт гурухга ажратиб таснифлаш қабул қилинган.

Биринчи гурухга илк бор жиноятга қўл урган шахслар киритилади. Уларнинг жиноят қилишдан аввалги хулқи ва маънавий қиёфаси бирмунча ижобий. Одатда бундай ўсмирилар у қадар жиддий бўлмаган жиноятларни мураккаб ёки фавқулодда вазият таъсирида содир этадилар.

Иккинчи гурухга киритилган илк марта жиноятга қўл урганларнинг аввалги хулқ-авторини бенуқсон деб бўлмайди. Улар спиртли ичимликлар, наркотиклар истеъмол қиласидилар, чекадилар ва уйдан қочиб кетиши каби одатларга эгадирлар.

Учинчи гурух - маънавий қарашлари бузук ўсмирилар. Улар аввал ҳам турли қонунбузарликлар содир этиб, маъмурий жазога тортилган, маҳсус мактаб ва касб-хунар билим юртларидан йўлланганлардир. Жиноятнинг сабаби ва мақсади уларда онгли равишида, катта ёшли шахс ёки ўзига нисбатан бузук тенгдошининг таъсирида шаклланади. Муштлашишларда қатнашиш, безорилик, ожизроқларни тунаш каби кўпгина жиноятларни улар дабдурустдан содир этишади.

Маънавий бузуқлиги билан жамиятга жиддий хавф

туғдириб, хулқ-атвори ҳар қандай меъёрлардан буткул чиқиб кеттган шахслар түртінчи гурухға киритилади. Бу тоифага муқаддам судланғанлар (шартли ұукм қилинганды, муддатидан аввал озод қилинганды және х.) ҳам киради. Одатда, булар ишлаш ёки үқищдан бўйин товлаб, жиноий гурухларга уюшган ёки катталарнинг жиноий гурухи таркибиға кирган шахслардир. Улар қўрс ва беражм, уят хисси нималигини унуганлар. Асосий мақсади - таъмагирлик ва бойиш. Манфаати - вақтни бекорчилик билан ўтказиш, қимор ўйнаш, спиртли ичимликлар истеъмол қилиш ва жинсий алоқа.

Жонсараклик ва таъсирчанлик туфайли ўсмир одам танлай олмайди, жанжалга мойил бўлади. Мустақилликка бўлган табиий интилиш атроф мухит, жамиятга қарши бўлган катталар таъсири туфайли салбий ривож топиши мумкин. Тортинчок, журъатсиз болаларга беҳурмат муносабатда бўлиб, улар нафсонияти поймол қилинганды оиласида ўсган ўсмирлар ҳам шундай таъсирга берилиши мумкин. Ўсмир хулқ-атворидаги кўп нарсани унинг ўз мавқенини кўтариши, тенгдошлари орасида обрў-эътибор қозониши, довюрак, қатъий деб ном олишга интилиши белгилайди.

Кўпгина ўсмирларга яхши тарбия олмаслик оқибатида дағаллик, ўжарлик, беҳаёлик, жиззакилик хосдир. Улар билан муомалага киришгандан ушбу омилларни эътиборга олиш талаб этилади. Вояга етмаганларга ёлғончилик ҳам хос эканлигини ёдда тутмоқ зарур. Мардлик ва дўстлик тушунчаларини нотўри англаш, ўзини кўрсатиш, эътибор қозонишга интилиш ҳам уларга хос бўлиши мумкин.

Дўстликка интилиш кўп ҳолларда биргаликда кўнгилхушлик қилиш, кейин эса жиноий гурухға кириш, катталар ёки вояга етмаган ўта хавфли қонунбузарлар таъсирида назоратсиз қолишга олиб келади.

Хаётый тажриба етишмаслиги ўзига ва атрофдагиларга баҳо бериш мезонларининг шаклланиб улгурмаганлиги натижасида уларда бўлиб ўтаетган воқеликларнинг асл моҳиятини англаб ета олмаслик; ишонувчанлик, тез ҳис-ҳаяжонга берилиш, асабийлик, дўқ-пўписага кўнувчанлик, бетайнлик хислатлари ўрнашиб қолади.

Ушбу омиллар кўп жиҳатдан тергов услубиёти хусусиятларини белгилаб беради. Вояга етмаганлар билан муносабатларда терговчи процессуал меъёрларга риоя қилишидан ташқари кенг миқёсдаги маънавий ва руҳий билимларга таяниши лозим. Вояга етмаганлар билан ишлайдиган терговчи касбига хос фазилатлар билан бирга инсонпарварлик, ўсмирни қайта тарбиялаш ва камол топиши имкониятига ишонч каби хусусиятларни намоён этиши шарт. Ўсмирлар ўзларига нисбатан адолатли муносабатни ай-

ниқса қадрлайдилар. Терговчи вояга етмаган қонунбузарни мунтазам ўрганиб, унинг руҳиятидаги ўзига хос томонларини аниқлаши, ички дунёсини тушуниб етишга интилиши керак. Бунда ўсмирлар гуруҳларига хос қизиқишлилар; спорт, мусиқа, техника, компьютер ўйинлари ва бошқа нарсаларни билиш ҳам катта ёрдам бериши мумкин. Терговчи ўсмир назарида обрў-эътибор қозониб, тақлид учун намуна бўлиб қолиши ўта муҳим. Ўсмирга айб шундай қўйилиши керакки, у йифилган маълумотлар етарли эканлигига амин бўлсин. Шу билан бирга ўсмирга қўйилаётган айб моҳияти ҳамда у қилган ҳаракатларнинг ижтимоий зарарини, ўзи, қариндошлари, яқинлари ва жабрланувчиларга қандай зарар етказгандигини очиб бериш зарур.

Ҳам тактик, ҳам тарбиявий нуқтаи назардан руҳий мулоқот руҳини ўрнатиш терговнинг муҳим жиҳатларидан биридир. Бунинг учун ўсмирга терговчининг сўзлари ва ҳаракатларигина эмас, балки унинг ташки кўриниши, эътиборлилиги, иш материалларини бекаму-кўст билиши ҳам жиддий таъсир кўрсатади.

Ўзаро сўзлашув, баҳс юритиш, гап оҳангидаги ишга муносабатни англатишини ёддан чиқармаслик керак, чунки ўсмирлар бу хил хусусиятларга нисбатан ўта сезгир бўладилар. Вояга етмаганлар ишини тергов қилишда уларнинг тез толиқиб қолишини ҳам эътиборга олиш шарт. Жумладан, улар иштироқидаги сўроқ ва тергов амаллари бир соатдан кўп давом этаслиги лозим (ЖПК 553-моддаси).

Вояга етмаганларнинг ишлари бўйича исботланиши талаб этиладиган умум қабул қилинган ҳолатлар билан бирга қўшимча равишда қўйидаги шарт-шароитлар аниқланиши шарт:

вояга етмаган айбланувчининг ёши (туғилган куни, ойи, иили);

турмуш ва тарбияланиш шароити;

вояга етмаган шахс томонидан жиноят содир этишга олиб келган сабаблар ва шарт-шароит;

катта ёшли далолатчилар ва бошқа ҳамтовоқларининг бор-йўқлиги (ЖПК 548-моддаси).

Вояга етмаганнинг ақлан заифлиги маълум бўлса, у ўз ҳаракатлари оқибатини тўлиқ англай олган-олмаганлиги аниқланиши керак. Мазкур жиҳатларни аниқлаш мақсадида вояга етмаганнинг ота-онаси, ўқитувчилари ва тарбиячилари сўроқ қилиниши шарт.

Вояга етмаганларни катталарга нисбатан жиноятга етакловчи сабаблар кўпроқ, чунки улар ўртоқларига кўмаклашишга интилиш, шўхлик, улфатлари ўртасида эътибор қозониб, дадиллиги, кучи ва чаққонлигини намойиш этишга интиладилар.

Вояга етмаганларнинг ишлари бўйича участка инспекторлари билан жисп алоқа ўрнатиш лозим. Бу ўсмирнинг турмуш, ўқиши, меҳнат шароитига оид, унинг атрофидаги одамлар, унинг хулқи ва авваллари содир этган ҳаракатлари хусусида зарур маълумотларга эга бўлиш имконини беради. Худди ана шу мақсадларда таълим-тарбия муассасалари, корхоналар, ҳаваскорлик тўгараклари (спорт-соғломлаштириш, маданият ва бошк.) билан ҳам алоқа bogлаш fойдали.

## *2-ғ. Жиноят ишини қўзгатиш ва дастлабки версиялар*

Вояга етмаганларнинг ишлари бўйича тергов ишининг сифати ва самарадорлиги кўп жиҳатдан ўз вақтида жиноят иши қўзгатилишига боғлиқ. Мазкур масалани ҳал этишдаги оз бўлса ҳам кечикиш, ўсмирлар томонидан янги, баъзида янада оғирроқ жиноятларни содир этилишига, шунингдек далил-исботлар йўқотилишига олиб келади. Бу бўлгуси тергов ишини анча оғирлаштиради.

Шу билан бирга ўз вақтида жиноят иши қўзгатиш катта ёшли далолатчиларнинг жиноят изини яшириш мақсадида ўсмирга салбий таъсир ўtkазишларига чек қўяди.

Вояга етмаганлар жинояти тўғрисидаги хабар келиб тушган ҳамон терговчи жиноят иши қўзгатиши ва кечиктириб бўлмайдиган тергов ҳаракатларини амалга ошириши, жумладан жиноятнинг олдини олиш ва бартараф қилиш чораларини қўриши, гумон остидаги шахсни ЖПК 220-моддасига биноан ушлаб олиши, жиноят жойини кўздан кечириши ва гувоҳлар, жабрланувчиларни аниқлаши лозим.

Жиноят белгиларини аниқлаш жараёнида тушунтиришлар олинади, зарур материаллар тўпланади. Ўсмирнинг ёшини аниқлаш учун унинг паспорт ёки туғилганлик тўғрисидаги гувоҳномаси бўлмаганида бу нарса ёшига тегишли ҳужжатлар - тибиёт картаси, таълим муассасаларидаги иш қоғозлари, кадрлар бўлимидаги шахсий варақаси орқали аниқланади. Ана шу мақсадда гувоҳлар (ота-она, васийлар, қариндош-урувлари ва х.) ҳам сўроқ қилиниши мумкин. Бошқа имконият бўлмаган такдирда суд-тибиёт экспертизаси ўtkазилади.

Вояга етмаган шахс ўқийдими ёки ишлайдими, қаерда, ким бўлиб, унинг ўқишига ва ишга муносабати, кундалик хулқи, ўртоқлари билан муносабатларини ҳам аниқлаб олиш зарур. Вояга етмаган шахс ишламайдиган ва ўқимайдиган бўлса, бунинг сабаби ва ўқишини қачон ташлаб кетгани, қачон ва ким томонидан қандай чоралар қўрилганлиги аниқланади.

Юқорида айтиб ўтилган маълумотларни йигиш жараёнида

терговчи ўсмирнинг асосий феъл-атвор белгилари, унинг орзу-хаваслари, одатлари, унинг қизиқишлари, вақтни қандай ўтказиши, ёшига ва хусусиятларига оид маълумот олиш заруратини доимо назарда тутиши шарт. Терговнинг бошланишидаёт, ҳар бир иш бўйича қўйидаги версиялар илгари сурилиши шарт:

- катта ёшдаги далолатни, жиноятга ундовчи шахс ва бошқа иштирокчиларнинг бор-йўқлиги;
- жиноятга қўл урган ўсмирлар ёхуд катталар гуруҳи мавжудлиги;
- ўсмир ўғирлаган буюмларни сақлаш учун қолдирган, уларни совга қилган шахслар ва хабар бермаслик ёки аввалдан ваъдалашмagan яшириш фактларининг бор-йўқлиги;
- вояга етмаганларни тиланчилик, ичкилиkbозлик, қиморга ўргатиш, наркотиклар истеъмол қилиш, дайдилик каби ишларга жалб қилиш ҳоллари.

Ўсмирнинг тергов вақтида айбини тан олмаслиги ёки аксинча, содир этилган жиноятни тўлалигича ўз зиммасига олиш истаги ҳам алоҳида эътиборга молик.

Ўсмирлар гуруҳи томонидан содир этилган жиноятларни тергов қилишда ушбу гуруҳ қачон ва қай тарзда уюшганлиги, у қандай жиноий ниятларни амалга ошириш мақсадида тузилган эканлигини белгилаб олиш зарур. Гуруҳ иштирокчиларидан ҳар бирининг ролини аниқлаб олиш вазифаси ҳам мухим. Бу уларнинг айбдорлиги даражасини аниқлаш, шу билан бирга алоҳида тергов харакатларини режалаштириш учун зарур. Хусусан, жиноий тузилмалар фаолияти тергов қилинганида сўроқ қилиш гурухнинг оддий иштирокчиларидан бошланади. Таشكilotчи, раҳбар, уларнинг ёрдамчилари кейинроқ, уларнинг етакчилик ўрнига оид етарлича маълумот йигилганидан сўнг сўроқ қилиниши мақсадга мувофиқ.

Гуруҳ таркибида муқаддам судланган ўсмирлар бўлса, такорий жиноят сабабларини тадқиқ этиш шарт ҳамда илгариги жиноят ишлари, жазони ижро қилиш муассасалари, маҳсус таълим муассасаларидан тавсифномалар талаб қилиб олинади.

Муайян тергов харакатларининг режага киритилиши ва улар муддати ҳамда кетма-кетлигини аниқлаб олиш жиноят тури ва жиноий иш қўзғатилган вақтга келиб йигилган ёки тергов вазиятининг ушбу вақтига келиб мавжуд бўлган дастлабки маълумотларга боғлиқ. Тергов ишида катта танаффусларга йўл қўйимаслик, сўроқлар учун катталар ёки ёши катта ўртоқлари таъсир кўрсатишининг олдини олишни унутмаслик керак.

### **3-§. Алоҳида тергов ҳаракатлари тақтикасининг ўзига хос жиҳатлари**

Вояга етмаганлар содир этган жиноятлар шундай хусусиятга эгаки, бунда ҳодиса жойини кўздан кечириш - дастлабки тергов ҳаракатидан бири ҳисобланади. Жойни синчиклаб кўздан кечириш жиноят ўсмирлар томонидан содир этилганидан далолат берувчи шарт-шароитларни аниқлаш ва қайд этиш имконини беради.

Ҳодиса аниқланган қуидаги белгилар жиноятни ўсмирлар содир этганидан далолат беради:

- аввалдан пухта ўйланган ва амалга оширилган ҳаракатларнинг йўқлиги, бинога бир неча усуллар ва йўллар билан киришга интилганликларидан далолат берувчи излар;
- жиноят изларини йўқотиш чораларининг кўрилмаганлиги;
- жиноят жойида беадаб, безориларга хос қиликлар қилинганлиги, товарлар шикастланган, буюмлар бесабаб синдирилган, беҳаё ёзув ва суратлар чизилганлиги;
- жиноят учун танланган жой ҳам уни ўсмирлар содир этганидан далолат бериши мумкин; масалан, мактаб ошхонасидан ёки интернат олдидаги дўёнчончадан қилинган ўғирлик.
- ўсмирлар томонидан ўғирланиши мумкин бўлган буюмлар ҳам ўзига хос бўлади: а) мусиқа асблолари, видео ва фототехника, спорт буюмлари, замонавий русумдаги кийим, ширинликлар, спиртли ичкиликлар. Шу билан бирга анча қиммат, осори атиқа, қадимги буюмларга тегилмаган бўлиши мумкин.

Қуидаги фактлар жиноят ўсмирлар томонидан содир этилганлиги ёки жиноий гуруҳ таркибида ўсмирлар борлигидан далолат бериши мумкин: кичик ҳажмдаги оёқ, қўл излари; одатда ўсмирлар киядиган пойабзал тагчармининг излари; ташлаб кетилган, йўқотилган кўпинча ўсмирлар олиб юрадиган буюмлар (қўлбола совук қурол, занжирлар, безаклар, қолдирилган из ва ёзув кабилар.

Жиноят жойида қолдирилган баъзи объектлар, сигарета қолдиқлари, шишалар ва бошқа нарсалар бўйича ёки ўғирланган буюм турига қараб унинг одатлари, чекиши, наркотиклар, токсик моддалар истеъмол қилиши тўғрисида хулоса қилиш мумкин. Вояга етмаган шахснинг кўнікмалари, маҳорати ва қизиқишилари хусусида радиотехника, электроника, компьютер билан ишлаган изларига қараб фикр юритиш мумкин.

Олиб қочилган, сўнг ташлаб кетилган транспорт воситасини кўздан кечиришда автомобил қулфларини очиш усуллари мазкур турдаги автомашина электр схемаси билан танишими,

сигнализацияни ўчира олиш-олмаслиги тўғрисида тасаввур ҳосил қилиш мумкин.

Вояга етмаган шахсни қўлга тушириш ва уни ҳибсга олиш алоҳида ҳолларда, хусусан ЖПК 221-моддасида кўрсатилган асослар мавжуд бўлгандагина қўлланади. Мазкур масалани тўғри ҳал қилиш учун содир этилган жиноятнинг оғирлигига ҳамда ўсмирнинг шахсий хусусиятларига баҳо бериш талаб этилади. Бунда унинг содир этилган жиноятдан кейинги ҳаракатлари, жиноятнинг такроран содир этилиш эҳтимоли, терговдан қочиб қутилиш имконияти ҳисобга олинади.

Вояга етмаганларни ҳибсга олиш имкон борича унга ортиқча эътибор жалб этмайдиган тарзда тайёрланиб ўтказилиши: ўсмир мактабда, иш жойида, ўртоқлари даврасида ва бошқа шу каби жойларда қўлга олинмаслиги мақсадга мувофиқ. Қаршилик кўрсатиш имкониятини, шунинг ўзида ўқотар ёки совук қурол, маҳсус восита ва бошқа нарсалардан фойдаланиш имкониятини ҳам эътибордан четда қолдирмаслик лозим.

Ўсмир ҳибсга олингани ва ушлаб турилган жойи хусусида унинг ота-онасига хабар берилиши шарт.

Вояга етмаганларнинг ишлари юзасидан тинтув ўтказиш ўғирланган мол-мулк, жиноят қуроллари ва воситалари, ўсмир жиноятни содир этганда кийган пойабзални излаб топишга, таниш-билишларини, аниқлашга, ўсмирнинг турмуш ва тарбия шароити тўғрисида маълумот тўплашга имкон беради.

Тинтув вақтида, одатда, айбланувчининг қонуний вакили ҳозир бўлиши лозим. Бунинг иложи бўлмагандан турар жой бошқармаси ёки маҳалла вакили таклиф этилади. Ётоқхона ёки иш жойида тинтув ўтказилганида тарбиячи ё маъмурият вакили ҳозир бўлади. Тинтувни бошлашдан аввал ўсмирга ва у билан бирга яшайдиган шахсларга изланаётган буюмни ўз ихтиёри билан топшириш таклиф этилади. Ўсмирлар тез-тез майда ўғриликларга қўл уришини эътиборда тутиб, уларда ўзларига тегишли бўлмаган буюмлар бор-йўқлигини суриштириб аниқлаш мақсадга мувофиқ.

Тинтувга тайёргарлик кўришда ўсмирнинг ота-онаси ва оиласидаги ўзаро муносабатлар ҳақида маълумотга эга бўлиш мақсадга мувофиқ. Маълумки, тинтувга тайёргарлик пайтида умумий тусдаги ҳаракатлар ҳам амалга оширилади: тинтув жойи билан танишув, тезкор-тергов гуруҳи таркибини белгилаш, мутахассисларни жалб қилиш, холислар бўлишини таъминлаш ва ҳоказо.

Босқинчилик ва талончилик жиноятларини содир этишда ўсмирлар ўзларини кўпроқ қизиқтирган майда-чуйда буюмлар: сақиҷ, занжир, пичоқ, соат ва бошқа буюмларни тортиб оладилар.

Бу буюмлар ўсмир хонасида ёки унинг ёнида бўлиши мумкин.

Келиб чиқиши шубҳали бўлган объектлар аниқланганида улар уйда қандай сабабдан сақланаётганлигини шу заҳоти суриштира бошлаш мақсадга мувофиқ.

Тинтув вақтида ўсмир спиртли ичимликлар, наркотиклар истеъмол қилишидан далолат берадиган ҳолатлар аниқланиши, беҳаё кўринишдаги буюмлар, уятсиз ёзув ва асарлар топилиши мумкин.

Табиийки, тинтув вақтида ҳозир бўлган оила аъзолари кузатиб борилади. Тинтув вақтида ўсмирни кузатиб бориш айниқса муҳимdir. Ёшига хос бўлган таъсирчанлик, ўзини бошқара олмаслик туфайли у тажрибали катта ёшдаги шахсга нисбатан терговчининг сўzlари ва ҳаракатларига асабийроқ муносабатда бўлади.

Вояга етмаганларни сўроқ қилишда сўроқ қилинаётган шахснинг процессуал мавқеи, шунингдек, унинг шахсини таърифлайдиган маълумотлар эътиборга олинади. Бу икки жихат ҳам сўроқ иштирокчилари доирасини, сўроқни қаерда, қачон ўтказишини ва унга оид, мақсадга мувофиқ тактик услубларни, сўроққа чақиририш услубини белгилаб олиш учун ажамиятлидир.

ЖПК 121-моддасига мувофиқ 16 ёшга тўлмаган гувоҳни сўроқ қилиш қонуний вакили, катта ёшдаги яқин қариндоши ёки педагог иштирокида ўтказилади. Мазкур қоида вояга етмаган жабрланувчиларни сўроқ қилишга ҳам тааллуқлидир. Вояга етмаган айбланувчини сўроқ қилишда терговчи ёки прокурор ихтиёрига кўра педагог иштирок этиши мумкин (ЖПК 554-моддаси). Шу билан бирга вояга етмаган гумон қилинувчи ва айбланувчи ҳимоячи иштирокидагина сўроқ қилинади (ЖПК 553-иддаси).

Вояга етмаганлар сўроққа, одатда, уларнинг ота-онаси ёки қонуний вакиллари орқали чақиририладилар. Терговчи ўсмирни ўз хизмат хонасига чақириши мумкин. Шу билан бирга уни сўроқ қилиш учун мактабга келиш ва у кўнинкан шароитда сўроқ қилиш самаралидир. Кенг овоза бўлиш эҳтимоли туфайли телефонограмма орқали чақириш мақсадга мувофиқ эмас. Ўсмирнинг руҳий ҳолатига салбий таъсир кўрсатиши ва руҳий алоқа ўрнатишни мураккаблаштириши сабабли куч ишлатиб олиб келиш ҳам маъқул эмас.

Одобсиз, безори вояга етмаган шахслар расмий шароитда сўроқ қилингани мақсадга мувофиқ. Бу ўсмирнинг интизомни сақлаши ва ахлоқига масъул бўлиб туришига кўмаклашади.

Сўроқ тактикасидаги кўпгина ҳолатлар вояга етмаган шахснинг процессуал мавқеидан келиб чиқади. Гумон остидаги

шахс, айбланувчи, гувоҳ ва жабрланувчини сўроқ қилишнинг ўзига хос томонларига эътибор бериш лозим. Вояга етмаган гумон остидаги шахсни сўроқ қилишга тайёрланишнинг ўзига хос томони шундаки, терговчи ушбу босқичда кўпинча ҳали унинг жиноят содир этишдаги иштирокига оид етарлича далил-исботга, ўсмир шахси ҳақида керакли тасаввурга эга эмас, сўроқка тайёрланиш учун ҳам вақти чекланган. Бироқ, ана шундай шароитда ҳам ўсмир хусусида ҳеч бўлмаса унинг ота-онаси, ўқитувчилари, қўшиларидан суриштириш орқали дастлабки маълумот тўплаши зарур. Вояга етмаганлар ишлари бўйича участка инспекторида керакли маълумот бор-йўқлигини суриштириб кўриш лозим.

Зудлик билан ўтказишнинг иложи бўлмаганда, сўроқ ўсмир ҳибсга олинганидан сўнг 24 соат ичидаги ўтказилиши шарт. Бундай тарзда ўтказилган сўроқ қонун талабларини бажариш билан ўсмиренинг муайян кўрсатув беришини ўргатиш эҳтимоли бўлган катталар билан алоқада бўлишидан сақлайди.

Сўроқ вақти ва тактикасини танлашда ўсмирларнинг руҳий ҳолатини эътиборга олиш зарур. Одатда улар ҳаяжонланган ва янгича шароитдан руҳан эзилган ҳолатда бўладилар. Бунинг устига жазо олдидағи фош бўлиш, ота-онасидан қўрқиши хисси қўшилади. Ана шу вақтда ўсмирга униғ аҳволи жиҳдийлигини тушунтириш сўроқ унинг учун мухимлигига ишонтира билиш керак. Терговга ёрдам бериш унинг манфаати учун эканлигини англата олиш ўта мухимдир. Бу мақсадда унинг асабий ҳолатини бироз бўлсада енгиллатиш, тинчлантириш, руҳий алоқа ўрнатиш чораларини кўриш керак.

Объектив ва тўлиқ маълумот олишга эришишда биринчи сўроқнинг ўрии бекиёсdir. Гапни ўсмиренинг турмуш, ўқиш ва тарбия шароити ҳақидаги сухбатдан, унинг қизиқишлидан бошлаган маъқул. Ўсмир бу саволлар содир этилган жиноята алоқаси йўқ деб ўйлаб, ўзи ва дўстлари ҳақида иштиёқ билан ҳикоя қилиб бериши мумкин. Таржима ҳоли тўғрисидаги батафсил сухбатдан сўнг у қайси жиноятни содир этганликда гумон қилинаётганлиги хусусида унга батафсил ва содда қилиб тушунтириб берилади.

Саволларни тўғри тузиш мухим ўрин тутади. Улар аниқ, лўнда бўлиб, ўз ичига ўсмирга бирор нимани шама қилиши мумкин эмас. Ўсмирга оид ишонувчанлик хусусиятини ҳам унутмаслик керак. Гумон остидаги вояга етмаган шахс ишонувчанлиги ва мантикий фикрлаш қобилияти ҳали ривож топмаганлиги туфайли терговчи саволларидан олган маълумотларга таяниб ўзини ноҳақ айблаши, айбдор деб тан олиши мумкин.

Гумон остидаги шахс жиноят содир этганлигини тан олиб, бу

ҳақида сўзлаб беришга тайёр бўлса, унинг кўрсатувларини мунтазам таҳлил қила бориб, ҳар бир жиҳати юзасидан сўроқ қилиш зарур. Шу билан бирга у келтираётган фактларни икирчиригача сўзма-сўз баённомага киритиш лозим. Шу тарзда олинган маълумотлар келажакда уларнинг нақадар тўғри эканлигини, ўсмир ҳақиқатда ҳам жиноят содир этганми ё маълумотларни бошқа манбалардан олганлигини аниқлаш имконини беради.

Терговчининг содир этилган жиноят жиҳатларидан хабардорлигини намойиш этиши ҳам иш ҳолатларини аниқлашга ёрдам бериши мумкин. Бироқ бу фактлар аниқ маълумотларга асосланган бўлиши шарт. Гумон остидаги шахсга у қадар жиҳдий бўлмаган, бироқ ишонарли далилни дабдурустдан намойиш этиши уни ҳақиқатни сўзлашга мажбур этиши мумкин. Шу билан бирга, у ёки бу далилларни намойиш қилишда ўсмир ёши ва ривожига боғлиқ равишда уларни ҳамма вақт ҳам мос равишда баҳолай олмайди. Шу сабабли намойиш этилаётган маълумотларнинг асл моҳиятини унга тушунтириб бериш маъқул.

Аниқлик киритувчи саволлар, гумон остидагининг жой, вақт, гувоҳларга оид, биргаликдаги ҳаракатлар хусусидаги жавоблари ва сўроқ баённомасида қайд этилган шу каби маълумотлар кейинчалик унинг важлари асоссиз эканлигини аниқлашга ёрдам беради.

Гумон остидаги шахсни сўроқ қилишда қайси педагог иштирок этиши маъқуллигини ўсмирнинг шахсий хусусиятлари ва бошқа кўпгина омилларни ҳисобга олган ҳолда ҳал этиш лозим. Баъзи ҳолларда ўсмир таниган ва ҳурмат қилган педагогнинг иштироки гумон остидаги ўсмирнинг асабини тинчлантиришга кўмаклашади. Бошқа ҳолларда, мисол учун жинсий жиноятларни тергов қилишда яхшиси, бошқа мактабдан педагогни таклиф қилган маъқул. Бу босқичда ота-она иштироки ҳам ножоиз. Амалиётдан маълумки, ота-онаси иштирокида сўроқ қилинаётган вояга етмаган гумон остидаги шахс кўпинча уялади, довдираб, жавоб беришдан ўзини олиб қочади. Бунинг устига ҳамма ота-оналар ҳам ана шундай сўроқ жараёнида ўзини тўғри тута билмайдилар.

Вояга етмаган айбланувчини сўроқ қилиш учун терговчи унинг шахсига оид барча зарур маълумотларга эга бўлиши шарт. Сўроқка тайёрланишда терговчи ўсмирнинг маънавий-руҳий тавсифига суюнади. Сўроқдан олдин терговчи педагог ва ҳимоячини ўсмирнинг руҳий тавсифи билан таништириши тавсия этилади.

Терговчи сўроқда катнашаётган шахслар эътиборини улар берётган саволларнинг қандай қўйилишига, ўсмир қайта тарбияланиши самарасини камайтирадиган тортишув ва гап ташлаш-

ларга йўл қўйилмаслигига қаратади.

Терговчи вояга етмаган шахсга унинг айбланувчи сифатида жалб этилиши тўғрисидаги қарорни ўқиб эшиттиргач, даставвал айбланувчи ўзини айбдор деб тан олиши ё олмаслигини аниқлади.

Ўсмир айбини тан олганда ҳам, сўроқ синчилаб, шошилмай, батафсил ўтказилиши лозим. Жиноят шарт-шароитини ва ҳар бир иштирокчи ролини муфассал аниқлаш бу каби сўроқнинг тактик услубларидан бири ҳисобланади. Шу билан бирга тайёргарлик босқичида ўсмир жиноий фаолият, ичкиликбозлик, фоҳишибозлиқ, қимор ўйинлари кабиларга жалб қилинган қилинмаганлигига эътибор қаратиш зарур.

Жиноят сабаблари ва мақсадларини келиб чиққан оқибат билан қиёслаш орқали айбланувчи шундай оқибатларга интилган-интилмаганлигини, уларнинг келиб чиқиш эҳтимолига йўл қўйган-қўймаганлигини аниқлаш зарур.

Агар ўсмир, ўз айбини тан олиб, чалкаш тафсилотлар берса, бундай ҳолда бу унинг қаттиқ ҳаяжонланиш ҳисобига рўй бердими ёки у бошқа манбалар орқали олган нотўғри маълумотларга суюндими, аниқлаш лозим. Бунинг учун хотирани фаоллаштириш услубларини қўллаш ёхуд унинг ёлғон өззелаганлигини фош этиш лозим.

Сўроқ жараёнида ўсмир ва унинг шериклари жиноят ишидан сўнг ўзларини қандай туттганлари, нима ҳаракатлар содир этганлари, катталардан қайси бири билан, нима мақсадда мулоқотда бўлганларини аниқ белгилаб олиш муҳим.

Буткул сўроқ давомида катта ёшли далолатни ёки бошқа иштирокчилар ролига аниқлик киритиши вазифасини ёддан чиқармаслик лозим. Бунинг учун ўсмир эркин ҳикоя қилаётганида турли шартларга эътибор қаратиш, аввалдан тайёрланган, шу билан бирга сўроқ жараёнида пайдо бўлган, катта ёшдагилар ва уларнинг ўзаро муносабатлари ва ўсмир билан биргаликда ҳаракатлари хусусида саволлар берилади.

Вояга етмаган шахс ўзини айбдор деб тан олмаса, сўроқ қилишда қўлланадиган тактик услублардан ташқари бошқаларидан ҳам фойдаланиш мумкин. Биринчи навбатда ўсмирга содир этилган жиноятнинг ижтимоий хавфли томонини, одамларнинг бунга муносабати, у оиласига, яқинларига етказган зарарни содда, тушунарли тарзда баён этиб бериш шарт. Шу билан бирга айбини тан олмаслик нималарга олиб келиши мумкинлиги ва юзага келган вазиятни тўғри баҳолаб, чин дилдан тавба қилиш ва тергов билан фаол ҳамкорлик қилиш унинг учун нақадар муҳимлигини очиб бериш керак; бу унинг учун айбини енгиллаштиришда муҳим омил бўлиб хизмат қилади.

Далиллар келтириш тактикаси ўзининг жиноятдаги иштирокини тан олмаётган вояга етмаган шахсни сўроқ қилишда айниқса қўл келади. Далилларни тобора жиддий турларини намойиш этиш, мантиқий тартибга риоя қилган ҳолда ва орада катта танаффусларга йўл қўймай келтириш ижобий натижалар беради. Шу билан бирга ҳар бир далилнинг моҳияти изоҳлаб борилиши зарур. Бунда фақат бевосита ўсмирнинг ўзини фош қиладиганларини мисол келтириш мақсадга мувофиқ. Ишонувчанилиги сабабли ёки айбни ўз бўйнига олиб, катталардан ёки бошқа иштирокчилардан айбни соқит қилиш мақсадида у содир етмаган айбларни ҳам зиммасига олиши мумкин.

Айбни тан олмаётган вояга етмаган айбланувчини сўроқ қилишда ёлғонни фош қилиш услубидан фойдаланиш ҳам табиий ҳол. Шу мақсадда терговчи, аввал тўла-тўқис аниқланган иккичи даражали жиҳатлар тўғрисида сўзлади. Хабардорликни намойиш этиш ўсмирга таъсир қилиб, уни тўғри сўзлашга мажбур қилиши мумкин. Шу қаторда қўққисдан кутилмаган савол билан мурожаат қилиш ҳам, айниқса ўсмир терговчига ҳакиқатни сўзлаётгани ва содир этган жиноятидан афсус эканини уқтираётган бўлса, руҳий самара беради. Берилаётган кўрсатувлар ёлғонлигини маҳорат билан исботлаш ўсмирнинг бундан кейин ҳам ёлғон кўрсатув бериш мумкинлигига бўлган ишончини пучга чиқаради.

Сўроқ жараёнида вояга етмаган шахс кўрсатмаларини шу заҳоти баённомага киритиш тавсия этилмайди. Бу уни чалғитади, сергаклантиради, терговчининг фикрини бир ерда жамлашига ҳалал беради ва улар орасида юзага келган руҳий алоқа узилади. Сўроққа ҳалал бермайдиган тарзда қисқача ёзиб бориш ва у тугаганидан сўнг баённома тўлдириш мақсадга мувофиқ. Имконият даражасида баённомада айбланувчи ишлатган ибораларни айнан сақлаб қолиш зарур. Унинг кўрсатмаларини ўсмирларга хос бўлмаган тил билан баён этиш мумкин эмас.

Вояга етмаган айбланувчини сўроқ қилишда фоноёзув қўлланиши ҳам мумкин, чунончи:

- сўроқ олиб борилган шароитни қайд этиш учун;
- ўсмир ўз кўрсатувларини ўзгартирганда ёки ўзгартириши мумкин бўлганда, аввал гиларидан бош тортганда;
- терговчи, катта ёшдаги бошқа иштирокчи билан юзлаштириш ўтказишдан хавфсираб, унинг сўроқ жараёнини ушбу шахсга эшиттирмоқчи бўлганда.

Вояга етмаган гувоҳ ва жабрланувчига сўроқ қилиш чогида таъсир кўрсатиш, шунингдек ўсмирга бевосита қандай кўрсатув беришни ўргатиш эҳтимолини ҳисобга олган ҳолда улар имкон борича тезроқ сўроқ қилиниши ва сўроқ батафсил бўлиши шарт.

16 ёшга тўлмаган шахсга сўроқ бошланишидан аввал ҳақиқатни одилона сўзлаб бериш зарурлиги тушунтирилади, бироқ улар ёлғон кўрсатув берганлик ва кўрсатув беришдан бош тортганлик ёки бўйин товлаганлик учун жавобгарлик тўғрисида огохлантирилмайдилар.

Вояга етмаган гувоҳлар уларнинг ёши, шахсий хусусиятлари ва. тергов қилинаётган жиноятга муносабатидан келиб чиқиб тоифаларга бўлинади:

1) жиноят ёки у билан боғлиқ бошқа ҳодисани кузатган шоҳидлар;

2) жиноят иши тугатилган ёки жиноий жазодан мажбурий тарбия чораларини тайинлаш туфайли озод этилган иштирокчи-ўсмирлар;

3) вояга етмаган айбланувчининг яқин қариндош ва танишлари.

Гувоҳнинг мазкур тоифалардан қай бирига оидлигидан қатъи назар, уни сўроқ қилишга тайёргарлик кўришда имконият борича унинг баъзи шахсий хусусиятларини: тенгдошларига муносабати (дўстлик, алдамчилик, кўнгилчанлик, жоҳиллик ва х.), шахсга оид хоссаларини (ёлғончилик, ўжарлик, яширинлик), қизиқишлари, ҳаваслари ва ҳодиса иштирокчилари билан ўзаро муносабатларини ўрганиш фойдадан холи бўлмайди.

Жиноятни кузатган ёки у билан боғлиқ бирор ҳодисага гувоҳ шоҳид бўлган шахслар одатда тўғри сўзлайдилар. Аммо уннинг кўрсатувларини ўзгартирмасликлари учун улар имкон борича эртароқ сўроқ қилингани маъкул. Уларнинг кўрсатувларига баҳо беришда ҳодисани қабул қилишнинг ҳам объектив (узоқдан туриб, ёритилган жойни, анча вақт давомида кузатиш), ҳам субъектив (сезги органларининг ҳолати, хис-ҳаяжон) омилларини ҳисобга олиш шарт. Ўсмир кўрган-эшитганларини баён этганида ҳам ўзига хос қийинчиликлар юзага келади. Буларнинг бари унинг руҳий хусусиятлари, сўз бойлиги етарли эмаслиги, бошқа сабаблар билан боғлиқ бўлиши мумкин. Мазкур қийинчиликлар хотиранинг ўзаро боғлиқ ҳолатлар ёрдамида фаоллаштириш, хотирини далиллар намойиш этиш ўғли билан жонлантириш, сўроқни ҳодиса содир этилган жойда ўтказиш ёки кўрсатувларни текшириш услублари ёрдамида бартараф этилади.

Гувоҳларнинг мазкур тоифаси одатда терговчига ишонади ва баъзида, ҳатто онгсиз равишда бўлса ҳам, ҳақиқатни аниқлашда кўмак беришга тайёр бўлади. Шу билан бирга бундай ишонч ва тайёрлик ҳисси ортида барча сўралган нарсани тасдиқлайвериши эҳтимолдан холи эмас. Шу сабабли, вояга етмаган гувоҳга бериладиган саволлар жуда пухта ўйланган, лўнда ҳар қандай

шама ва уқтиришдан фориг бўлиши шарт.

Ижтимоий хавфли ҳаракатларда иштирок этиб, жиноят иши тугатилган вояга етмаган гувоҳни сўроқ қилишда ҳам ўхаш қилмишни содир этган вояга етмаган айбланувчидаги каби сўроқ тактикасини қўллаш мумкин. Бундай гувоҳлар, одатда, содир этилган жиноятда ўзларининг иштирокларини инкор этмайдилар, ўзга ‘шахслар, айниқса катталар ва ўзидан катта ўсмирлар тўғрисида истар-истамас қўрсатув берадилар. Бундай ҳолатни тавба қилиш ва терговга фаол ёрдам бериш зарурлиги, бу эса гувоҳнинг бўлгуси тақдири учун, шунингдек унинг дўстларини қайта тарбиялаш учун муҳим аҳамиятга эгалигини тушунтириш билан бартараф этиш мумкин. Сўроқ жараёнида терговчининг бўлиб ўтган ҳодисадан хабардорлигидан далолат берадиган далил-исботлар намойиш этиши мақсадга мувофиқ. Ушбу жиноят иши бўйича сўроқ қилинган бошқа вояга етмаганлар томонидан тилга олинган, бироқ батафсил баён этилмаган фактларнинг икир-чикирларига аниқлик киритувчи саволлар бериш ҳам тавсия этилади.

Жиноий жавобгарлик ёшига етмаган гувоҳларни сўроқ қилишни тайёрлаш ва ўтказишида уларни икки гурухга ажратган маъқул. Биринчиси - илк маротаба, одатда, бирон кимса таъсирида жиноятга қўл урган ўсмирлар. Улар кўп ҳолларда тўғри қўрсатув берадилар ва терговчининг вазифаси ана шу «тарбияси оғир» ўсмирнинг ишончини қозониш, аниқланиши керак бўлган жиҳатлар, шарт-шароитлар доирасини тўғри белгилаб олиш, саволларни талаб даражасида тузиш, қўрсатув тафсилотларини белгилашдан иборат бўлиб қолади.

Иккинчи гурухга бир неча маротаба ҳуқуқбузарликка йўл қўйган ўсмирлар кирадилар. Улар деярли самимий бўлмайдилар, содир этган қилмишларидан камроқ афсусланаидилар, чўрткесар, ашаддий ва тарбиясиз эканликлари билан фахрланадилар. Уларни фош қилишда обрўга эга бўлган педагог, шу жумладан спорт мактабининг тренери катта ёрдам бериши мумкин.

Вояга етмаган айбланувчининг яқин танишларини сўроқ қилишда улар ўртасидаги дўстона муносабатларни эътиборда тутиш лозим. Кўпинча улар яшаш, ўқиш, ишлаш жойига кўра шаклланган, бирга дам оладиган турғун гуруҳларга уюшадилар.

Бу хил гувоҳлар тоифасида оила, мактаб, меҳнат жамоаси билан нормал алоқасини узган шахслар бир талай. Улар ижтимоий назоратдан чиқиб кетган бўлиб, ўз қарашларига кўра айбланувчининг маслакдошлари ҳисобланадилар. Уларни сўроқ қилишда ўзлари ёки бошқа ўсмирлар томонидан содир этилган, тергов томонидан ҳали аниқланмаган ҳуқуқбузарликлар хусусида кўпина қимматли маълумот олиш мумкин.

Гувоҳнинг камсўзлиги унинг айбланувчи ёки гурухнинг бошқа аъзолари томонидан қўрқитилиши оқибати бўлиши ҳам мумкин. Гувоҳ ҳали терговга маълум бўлмаган айблари учун жазо олишдан қўрқиб индамаётган бўлиши ҳам эҳтимол. Мазкур ҳолатни сўроқ вақтида эътиборда тутиш, унга боялиқ версияларнинг асосли эканини текшириб кўрмоқ лозим.

Юқорида қайд этилган гурухларда кичик ёшдаги гувоҳлар бўлса, бунда қуидагилар эътиборга олиниши шарт. Баъзи ёш болалар ўта кузатувчан бўладилар. Улар қўпинча катталар сезмаган ҳолатларни кўриб, эслаб қоладилар. Ушбу фазилатдан сўроқ қилинаётган шахснинг эътиборини тафсилотларга қаратиш ва уларни кейинчалик текшириш мақсадида баённомада икирчиригача қайд этиш орқали фойдаланса бўлади.

Вояга етмаган жабрланувчилар, одатда, ростгўй бўлсаларда, маънавий, жисмоний ёки мулкий заарар кўрганликлари туфайли иш натижасидан манфаатдор шахс эканлигини унумаслик лозим. Шунинг билан бирга кўрсатувлар ҳаққонийлигига улар жиноий тажовуз вақтида ҳаяжон, қўркув ҳолатида бўлиб, содир бўлаётган ҳодисаларни тўлиқ англай олмаганликлари ҳам таъсир қилиши мумкин.

Жинсий жиноят содир этилганида, жабрланувчи баъзи тафсилотларни айтмаслиги, ҳаттоқи уларни рад этиши ҳам мумкин. Жабрланувчига айбланувчининг қариндошлари, яқинлари, дўстлари таъсир кўрсатаётганлигини ҳам хисобга олмаслик мумкин эмас. Буларнинг бари унга саволларнинг қай тарзда берилишини белгилайди ва кейинчалик кўрсатувларини текшириш йўлларини танлаш имконини беради.

Вояга етмаганлар тарбияси учун масъул шахсларни сўроқ қилиш орқали ўсмирнинг турмуш ва тарбия шароитлари, шахсига оид хусусиятлари аниқланади. Сўроқ жараёнида жиноят содир этилишига олиб келган, жиноий ахлоқ сабабларини келтириб чиқарган, ўсмир онгига унинг жазо олмаслиги тўғрисидаги тушунчани киритган сабаб ва шарт-шароитга ойдинлик киритилади.

Терговчи вояга етмаган, гумон остидаги шахс тутиб келтирилган ва хибсга олинган бўлса, унинг ота-онаси билан учрашади. Ота-онасига барча масалалар юзасидан тўлиқ ахборот беришнинг иложи бўлмаганда, имкон борича уларга ўсмир қайси ҳаракатларни содир этганлик учун хибсга олингани, ўтказилаётган терговнинг холислиги, уларнинг ростгўй кўрсатувлари содир этилган жиноятнинг сабабларини аниқлаб олиш ва бўлғуси тарбия чораларини белгилаб олишда нақадар муҳимлигини тушунтиришлари шарт.

Ота-онасининг ҳар икковини сўроқ қилиш талаб этилади,

чунки улар бола тарбияси муаммосига ҳар хил ёндашиши, унинг ҳаёти тўғрисида турлича маълумотга эга бўлиши мумкин.

Вояга етмаганнинг тарбияси учун масъул шахсларни сўроқ қилганда навбатма-навбат оиласининг таркиби, ўсмирнинг ўқиши ва дам олиш шароитлари, унинг ўртоқлар давраси, бўш вақтини қай тарзда ва ким билан ўтказиши; ота-онаси ўсмирнинг бўш вақтини қандай назорат қилгани; спиртли ичимликлар истеъмол қиласидими ва қачондан бери, уни ичишга ким ўргатган; бошқа эҳтиёж ва қизиқишилари, аввал йўл қўйган айблари ва мактаб, бошқа билим юрти, уйида кўрилган чоралар; уйдан қочиб кетмаганми, кечаси кетиб қолиш одати йўқми, бунга ота-онасининг муносабати; ўсмирнинг мактаб, ишхонадаги жамоаси билан муносабатлари; ота-онасининг бир-бирига ва ўсмирга бўлган муносабати; улар содир этилган жиноятга оид қандай маълумотга эгалиги; ўсмир билан шу тўғрида ўтказган сұхбатлари мазмуни; жиноят содир этилган куни у вақтини қандай ўтказган, ўзини шундан кейин қандай туттганлиги аникланади.

Мактаб, ҳунар-техника билим юрти педагоглари, тарбиячиларини сўроқ қилиш ўсмирнинг руҳий-жисмоний ривожига оид хусусиятлар, унинг феъл-атвори, эҳтиёжлари, қизиқишилари, алоқалари, ёш хусусиятларининг намоён бўлиши хусусида маълумот олиш имконини беради. Бу шахслар оиласидаги маънавий иқлим, ота-онасининг ўзаро муносабатлари, ўсмирнинг турмуш ва тарбия шароити, одатлари, мойилликларининг пайдо бўлиш сабабларидан хабардор бўлишлари мумкин. Ўқитувчи ва тарбиячилар одатда, ота-оналарга нисбатан холисроқ бўлади.

Вояга етмаганлар содир этган жиноятларни тергов қилишда юзлаштиришга эҳтиёткорлик билан ёндашиш ва уни фавқулодда ҳоллардагина ўтказиш керак. Ўсмирлар юзлаштиришга истаристамас розилик берадилар, чунки сотқин деб ном олиш ва жазоланишдан қўрқадилар. Юзлаштириш одатда терговчи ва ўсмир ўртасидаги бўлган руҳий алоқани чигаллаштиради. Асосий хавф эса у бошқа иштирокчи таъсирида, айниқса у жиноятнинг катта ёшли қатнашчиси бўлса, ўз кўрсатувларини ўзгартириши мумкинлигидадир. Ўсмир баъзан мураккаб вазиятни англаб олишда қийналади ва ёши катта шахс билан юзлаштирилгандан сўнг ўз айбини тан олмаган катта ёшли шахс дўқ-пўписа қилмаган ҳолда ҳам ўз кўрсатувларини ўзгартиришга мойил бўлади. Вояга етмаганларни ўзаро юзлаштириш ҳам ўта мураккаб. Ўсмирнинг фош қилувчи кўрсатувларини бошқа иштирокчи одатда, улар ўртасидаги ёмон муносабатларга йўяди.

Вояга етмаган айбланувчи кўрсатувларидаги қарама-қаршиликларга юзлаштиришдан бошқа йўл билан барҳам бериш

имконияти мавжуд бўлса, терговчи ушбу имкониятдан фойдаланиши шарт.

Вояга етмаган айбланувчини сўроқ қилиш жараёни, юқорида айтилганидек, фонограммага туширилиши ва сўнг у кўрсатувлари мувофиқ келмаган шахсга намойиш этилиши мумкин.

Содир этилган жиноят турига қараб суд-баллистик, трасологик ва ўзгача экспертизалар тайинланishi мумкин. Бироқ ишларнинг мазкур тоифасига кўпроқ суд-тибиёт, суд-психиатрик, суд-рухий ва психиатрик-рухий экспертизалар хосдир.

Суд-тибиёт экспертизаси ўтказиш ўсмирнинг ёшини тасдиқлайдиган ҳужжатлар бўлмаганида, ёш касддан яширилганида ва мавжуд ҳужжатлар шубҳа тудирган ҳолларда мажбурийдир. Суд-тибиёт экспертизаси организмнинг ёшга хос бўлган ўзгаришларига оид илмий маълумотлар: умумий анатом-физиологик ривожланиш, скелет сунякларининг қотиши, тиш аппаратининг ривожи кабиларга таянади. Ёш муайян даражада тахминий аниқланади.

Суд-психиатрик экспертизаси вояга етмаган шахснинг психик ҳолатини ўрганиш мақсадида тайинланади. Ўсмир психикасидаги камчиликлар сурункали касаллик, руҳий фаолиятнинг вақтингчалик издан чиқиши, ақли заифлик ёки бошқа касаллик оқибати бўлиши мумкин. Шу каби нуқсонлардан ўсмирларда шахснинг ҳаяжон-ирода хусусиятларида намоён бўладиганларидан: бирдан асабийлашув, жizzакилик, урушқоқлик, ишонувчанлик, ўжарлик кабилар тез-тез учрайди. Кизиқишлиари ҳам психопатик ўзгаришларга мойил бўлиб: дайдилик (дромомания), ёндириш (пиromания), ўғрилик қилиш (клептомания) кабиларга интилиш пайдо бўлади.

Вояга етмаган қонунбузарлар орасида олигофрения кўринишларидан бири – ақли заифликка (дебилизм) дучор бўлган шахслар ҳам тез-тез учраб туради. Бундай ўсмирлар ақлан заифлиги ва ҳис-ҳаяжон, ирода функцияси издан чиққанлиги билан тавсифланадилар. Ақлан заифликни аниқлаш мақсадида суд-рухий экспертизаси тайинланади. Ақлан заифлик руҳий касаллик оқибатида келиб чиққан бўлиши мумкинлигини ҳисобга олиб, аввал руҳий-психиатрик экспертиза тайинлаган маъқул.

Суд-рухий ва руҳий-психиатрик экспертизалари олдига ҳал қилиш учун одатда қуидаги масалалар қўйилади: вояга етмаган шахснинг ақлий ривожланиш даражаси, ўсмирнинг ақлий ривожида шу ёш учун хос бўлган меъёрий даражадан оғиш мавжудми, вояга етмаган шахс унинг жисмоний ва руҳий

ҳолатини хисобга олган ҳолда шарт-шароитларни тұғри қабул қилиши ва улар тұғрисида тегишли, күрсатма бериши мүмкінми, вояга етмаган шахс үз ҳаракатлари ва үзиге нисбатан содир этилган ҳаракатлар мөхиятими тұлық анграб етиши мүмкінми, үсмир үз ҳаракатларини бошқариши мүмкінми ва мүмкін бўлса, қай даражада кабилар.

Ҳар қандай экспертизани тайинлашда вояга етмаган шахс экспертиза үтказиш ва унга материаллар тақдим этиш билан боғлиқ ҳуқуқларини амалга ошириши учун химоячи ёрдамидан фойдаланишини таъминлаш зарур.

#### **4-ғ. Вояга етмаганларнинг жиноятларига оид ишлар бўйича терговчининг профилактик фаолияти**

Вояга етмаганларнинг ишлари бўйича терговчи профилактик ишининг асосий мақсади - муайян жиноятнинг содир этилиши ёки такрорланишига олиб келадиган сабаб ва шарт-шароитларни бартараф этишдан иборат.

Ўсмирларда жиноий ахлоқни шакллантириб, юзага чиқишига сабаб бўладиган энг типик шарт-шароитлар: вояга етмаган шахсни тарбиялашга масъулиятсиз ёндашув, мактабда, ишхонада зарур тарбиявий ишларнинг олиб борилмаслиги; үсмир атрофидаги мухитнинг салбий таъсири; катталар ёки ёши каттароқ ўсмирларнинг жиноят содир этишга бевосита гижгижлаши; вояга етмаганлар билан профилактик ишларини олиб бораётган органлар фаолиятидаги нуқсонлар чуқур таҳлил қилишини тақозо қиласи.

Терговчи жиноятнинг олдини олиш бўйича тавсияларни ишлаб чиқиш учун нобоп тарбия берган ва үсмирга салбий таъсир күрсаттан шахсларни аниқлаб, уни жиноятни содир этишдан сақлаб қолишига ҳалал берган шарт-шароитни аниқ белгилаб олиши шарт. Мазкур иш вояга етмаган шахсни тарбиялаш ва уни салбий таъсирлардан сақлаш бўйича кимга ва қандай мажбуриятлар юклангандигини белгилайдиган меъёрларини хисобга олган ҳолда амалга оширилади.

Ўсмирни ишга жойлаштириш, умумтаълим муассасасига қайтариш ёки маҳсус ўқув юртига йўллаш ҳам жиноятнинг олдини олиш чораларидан биридир.

Вояга етмаган фарзандига салбий таъсир күрсатаётган шахсларни ота-оналик ҳуқуқидан маҳрум этиш, уларни кўчириб юбориш чораларини кўриш, васий тайинлаш ҳам жиноятнинг олдини олишда мухим ўрин тутиши мүмкин.

Жиноят ўсмирга атроф мухитнинг салбий таъсир қилиши натижасида юз берган бўлса, чоралар ушбу таъсирни бартараф қилиш ёки ўзgartiriшга қаратилади.

Шу мақсадда терговчи расмий ташкилотга тақдимнома йўллайди, яшовчилар, меҳнат жамоалари олдида фикр билдириши мумкин. Одатда, тергов ишидан сўнг бўлган ана шундай чиқишиларда у жиноят содир этилишига олиб келадиган шарт-шароитларни қайд этиб ўтиши, ўсмиirlарни тарбиялашга оид қайси ҳуқуқий меъёrlар бузилганлигини намойиш этиши, ушбу қонунбузарликка йўл қўйган шахсларнинг масъуллигини асослаб, шу каби қонунбузарликларга келажакда йўл қўймаслик йўлларини кўрсатиб бериши лозим.

Вояга етмаганларни ҳуқуқий жиҳатдан тарбиялаш ва жиноятларининг олдини олиш мақсадида оммавий ахборот воситаларидан ҳам фойдаланиш зарур.

## **40-боб. ГИЁХВАНД ВОСИТАЛАРИ БИЛАН БОГЛИҚ ЖИНОЯТЛАРНИНГ ТЕРГОВИ**

### **1-§. Жиноятларнинг криминалистик тавсифи**

Гиёхвандлик воситалари билан боглиқ жиноятлар ЖКнинг XIX-бобидаги 270-271, 273-278-моддаларда назарда тутилган.

Гиёхвандлик воситалари, психотроп моддалар ва прокурорлар билан боғлиқ жиноятларнинг криминалистик тавсифи уларни ЖК моддаларида берилган тушунчаларига асосланади ва умуман қуидаги ҳолатларни ўз ичига олади.

1. Кўкнор ёки таркибида гиёхвандлик воситалари ёки психотроп моддалар бўлган тақиқланган ўсимликларни экиш, парварищлаб етиштириш (ЖК 270-м.) ҳолларида экин майдони ва бу иш билан шуғулланган шахснинг кимлиги, у ўзи истеъмол қилиши ёхуд бошқаларга ўтказиш ниятида эканлиги аниқланмоғи лозим. Экин майдони 250 квадрат метрдан кўп бўлса, ўртача, 1000 квадрат метрдан ошса катта майдон хисобланиб, жазо чораси тегишлича кучайтирилади. Амалиётда бундай хатти-ҳаракат катта миқдорда даромад олиш учун содир этилса-да, гўё экинларни кексайтан шахс ўзи учун парвариш этгани хақида ёлғон тушинтириш бериш кўп учрайди. Экинлар агроном-селекционер, химиклар ёрдамида экспертиза қилиниши лозим бўлади.

2. Гиёхвандлик воситалари ёки психотроп моддаларни қонунга хилоф равишда эгаллаш (ЖК 271-м.). Уларни қўлга киритиш усули қонунга хилоф эканлиги, чунончи ўғирлик, фирибгарлик, талончилик, босқинчилик тарзида бўлганлиги, шахс илгари ҳам бундай қилмиш билан шуғулланган, таъмагарчилик, ўз мансаб мавқенини сунистеъмол этган, ўзлаштириш ёки растрата қилиш йўли билан, кўп миқдорда, уюшган гурух таркибида тажовуз қилган, ҳатто ўта хавфли рецидивист экани албатта синчковлик билан аниқланмоғи лозим. Шунингдек, гиёхвандлик воситалари ёки психотроп моддалари қайси жойдан қонунсиз эгалланган ва уларни кимлар орқали сотиш, тарқатиш мўлжалланганига алоҳида эътибор берилиши зарур. Гиёхвандлик воситалари ва психотроп моддаларни контрабанда қилиш учун алоҳида жавобгарлик белгиланган (ЖК 246-м.).

3. Гиёхвандлик моддалари ёки психотроп моддаларни бошқаларга ўтказиш ва шу мақсадда тайёрлаш, олиш, сақлаш, ташиш, жўнатиш каби хатти-ҳаракатлар (ЖК 273-м.) мазкур жиноятларнинг энг жиддий тури хисобланади. Жиноятнинг предмети бўлган гиёхвандлик воситалари ва психотроп моддаларнинг миқдори кўп бўлмаса, озгинадан кўпроқ ёхуд кўп

бўлса, жазо меъёри ҳам кескин ўзгаради. Шу боис жиноят предметининг нимадан иборат экани ва қанча эканлиги албатта экспертиза йўли билан исботланмоғи шарт. Тергов жараённида айбланувчининг шахси, айниқса илгари ҳам шундай жиноятлар учун маҳкум этилгани, унинг уюшган гуруҳ аъзоси эканлиги аниқланиши зарур. Жиноятни ўқув юртларида ёки ўқувчилар, талабалар ўқув, спорт ёки турли жамоат тадбирларини ўтказаётган жойларда, шунингдек озодликдан маҳрум этиш жазоси ўталадиган жойда содир этилиши айниқса хавфли ҳисобланади. Бу хил жиноятларда гиёхвандлик воситаларининг манбалари ва уларни олган, сотган, истеъмол қилганлар доирасини тўла аниқлаш жуда зарур. Агар бундай шахсларда сотиш, даромад олиш мақсади аниқланмаса, улар фақат гиёхвандлик воситаларини ўзи истеъмол қилгани ёки бошқа мақсадларда тайёрлагани, сақлагани учун жавобгарликка тортилади (ЖК 276-м.). Бошқаларни гиёхвандлик воситалари ёки психотроп моддаларни бепул истеъмол қилишга алдаб чорлаш, ўргатиш, далолат қилиш, мажбурлаш ҳам жиноий жавобгарликка сабаб бўлади (ЖК 274-м.). Вояга етмаган шахсни гиёхвандлик воситалари ёки психотроп моддалар истеъмол этишга жалб қилиш учун жиддий жазолар белгиланган (ЖК 127-м. 2 ва 3-қисми). Бу қилмишни бангихоналар очиш тарзида содир этиш оғир жиноят ҳисобланади (ЖК 273-м., 4-қисми). Жиноят таркибига баҳо беришда яна бир ҳолатни эътиборга олиш лозим: кўп бўлмаган миқдордаги гиёхвандлик воситаларни ёки психотроп моддаларни бошқаларга ўtkазиш мақсадида ёхуд бундай мақсадсиз қонунга хилоф равишда тайёрлаган, сотиб олган, сақлаган, ташибган ёки жўнатган шахс ўз ихтиёри билан айбига иқрор бўлиб, ҳокимият органларига арз қилса ва гиёхвандлик воситалари ёки психотроп моддаларни топширса, жазодан озод қилинади (ЖК 273-м. 6-қисми ва 276-м. 3-қисми).

4. Гиёхвандлик воситалари ва психотроп моддаларни ишлаб чиқариш, сақлаш, ҳисобга олиш, бериш, ташиш ёки жўнатишнинг белгиланган қоидаларини бузиш учун алоҳида жавобгарлик белгиланган (ЖК 275-м.) Бу қоидалар «Гиёхвандлик воситалари ва психотроп моддалар тўғрисида» 1999 йил 19 августдаги Ўзбекистон Республикаси қонунига асосланган. Жумладан, унга кўра гиёхвандлик воситалари, психотроп моддалар ва прекурсорлар фақат давлат эҳтиёжлари учун, буюртмага мувофиқ маҳсус лицензияга эга бўлган муассаса, корхона, ташкилот томонидан ишлаб чиқарилиши мумкин. Уларни тайёрлаш, аниқлаш, фойдаланиш, бошқаларга бериш, ташиш, жўнатиш каби ҳаракатлар қатъий тартибга солинган. Уларга

риоя қилмасликнинг нимада ифодалангани, сабаби, оқибатлари иш бўйича батафсил аниқланмоги лозим.

Гиёхвандлик воситалари ва психотроп моддалари рўйхати Ўзбекистон Республикаси давлат комиссиясининг 1998 йил 22 майдаги қарори билан тасдиқланган. Унда 67 турдаги гиёхвандлик воситалари ва 22 турдаги психотроп моддаларнинг ўлчами – оз, озгинадан кўпроқ ва қўп микдорга мансублиги ҳам белгиланган. Мазкур масала БМТнинг Конунга хилоф муомаладаги гиёхвандлик воситалари ва психотроп моддаларга қарши кураш тўғрисида Конвенциясига (1988 йил) асосланиб ҳал этилган. Конвенцияда ана шу восита ва моддаларни тайёрлашда фойдаланиладиган 22 хил кимёвий моддалар-прекурсорлар ҳам назарда тутилган.

Бу тоифа жиноят ишини тергов қилишда Ўзбекистон Республикаси Олий суди пленумининг 1995 йил 27 октябрда қабул қилган Гиёхвандлик воситалари ва психотроп моддалар билан конунга хилоф равишда муомала қилишга оид жиноят ишлари бўйича суд амалиёти ҳақида қарори талабларига риоя қилиниши шарт.

Ноқонуний равишда гиёхвандлик воситаларни тарқатиш билан боғлиқ жиноятлар жиноятчининг хатти-ҳаракатларига қараб бири иккинчисидан кескин фарқ қиласди. Аммо соғлом ахолини фалаж қилиш, бу воситаларнинг истеъмоли натижасида одам организмида турли хил муддатда бетакрор ўзгаришларга олиб келиши, кейинчалик эса унга батамом руҳий ногиронликка мубтало бўлиб қолишилари билан боғлиқ оқибатлари уларни бирлаштириб туради. Тиббиёт нуқтаи назаридан гиёхвандлик воситалари деганда, бир ёки бир неча хил ўсимликлардан ёхуд сунъий моддаларда тайёрланган, дастлаб истеъмол қилиш натижасида одам марказий нерв системасига таъсир кўрсатиб, руҳан таскинлик берадиган, кўпроқ истеъмол қилиш натижасида кайфиятни ҳаддан ташқари кўтариб юборадиган, охир оқибат гангитиб гўнг ҳолатга соладиган восита назарда тутилади.

Гиёхвандлик воситаларини мунтазам истеъмол қилиш одам саломатлигига салбий таъсир кўрсатади, унинг фаолияти ва асабини издан чиқаради, руҳий касалликка учратади. Бундай одамнинг меҳнат қобилияти пасайди, қисқаси шахсни таназзулга дучор қиласди, ножӯя хатти-ҳаракатлар содир этишга олиб келади.

Юқорида санаб ўтилган хусусиятларга эга ва маҳсус гиёхвандлик воситалар рўйхатига киритилган, ҳалқаро ягона конвенция назоратида бўлган ўсимликлардан саноат асосида ёки хонаки тайёрланган воситалар ғариконуний ҳисобланади. Назоратда бўлган бундай воситалар рўйхати психотропик хусусиятига эга бўлган (руҳиятга таъсир этувчи) янги доривор воситалар ҳисобига муттасил кўпайиб бормоқда. Уларни даволашдан бошқа мақсадларида ишлатиш ҳолатлари кўпайганлиги сабабли бундай

моддалардан фойдаланиш қатъий равища хуқуқий тартибга солинди. Бундай моддаларга нисбатан ноқонуний хатти-ҳаракатлар наркотик моддаларга нисбатан бошқача жавобгарлик ҳолатлари белгилаб қўйилган.

Гиёхвандлик воситалар билан ноқонуний ҳаракатлар тўғрисидаги ишни тергов қилишда жиноят субъектининг ўзига хос томонларини ҳисобга олиш керак: кўп ҳолатларда айбор шахс гиёхвандлик воситаларига муккасидан кетган бўлади, яъни усиз турга олмайди. Гиёхвандлик мушкул оқибатларга олиб келишини тергов жараёнида эътиборга олиш керак (гиёхвандларни сўрек қилиш, юзлаштириш, тергов экспериментлари ўтказиш кабилар). Гиёхвандларнинг типик белгилари ёлғон сўзлаш, аҳлокий таназзулга юз тутиш ва ақлан заифлашиб қолишдир. Наркотик очиқиши шароитида шахснинг қулогига гап кирмайди, у атроф-муҳитни реал тасаввур қила олмайди.

## 2-ғ. Жиноят иши қўзгатиш

Тезкор-қидириув тадбирлари натижасида, шунингдек текшириш ва тафтиш жараёнида ўғирлик, мансабдор шахснинг ноқонуний ҳаракатлари, гиёхвандлик восита ва психотропик моддаларни ҳисобга олиш, сақлаш, бериш қоидаларининг бузилиши ёки гиёхванднинг шифохонага тушиши билан боғлик тергов органлари томонидан текшириш натижасида аниқланган жиноятлар бўйича иш қўзғатиш - булар энг кўп учрайдиган сабаблар ҳисобланади.

Бундай тоифадаги жиноятнинг ўзига хос томони шундаки, жиноятчими жиноят устида қўлга олиш қўргина ҳолларда уларни фош қиладиган ашёвий далилларга эга бўлишга имконият яратади ва у тергов қилишнинг бундан кейинги йўналишини белгилаб беради. Агар гиёхвандлик воситаларини ёки уларнинг изларини топиш имкони бўлмаса, амалда уларни сақлаш, ташиш ва истеъмол қилганлигини исботлаш жуда қийин кечади.

Гиёхвандларни жиноят устида (олиб кетаётганда, келишув содир этаётганда, кўкнори ширасини тайёрлашганда) қўлга тушириш учун гиёхванд модда гумон қилинган шахс билан бирга бўлиши, бу ҳолатни кузатувчи олдиндан билиши керак. Жиноятчиларни қўлга олиш навбати тўғрисидаги масала ҳар бирини ушлаганда қандай натижаларга эришиш мумкинлигига қараб ҳал қилинади. Уларнинг ҳар бирини ушбу жиноятдаги роли ва иштироки даражаси, жиноятчилар гурухи билан алоқалари ҳисобга олиниши керак. Бу тўғри кўрсатув бериши мумкин бўлган шахсни аниқлаб олиш имконини беради.

**ГИЁХВАНДЛИК ВОСИТАЛАРИ ЁКИ ПСИХОТРОП МОДДАЛАР БИЛАН  
ҚОНУНГА ХИЛОФ РАВИШДА МУОМАЛА ҚИЛИШ БИЛАН БОҒЛИҚ  
ЖИНОЯТЛАРНИ ТЕРГОВ ҚИЛИШ УСЛУБИНинг АСОСЛАРИ**

**ГИЁХВАНДЛИК ВОСИТАЛАРИ ЁКИ УНИ ПСИХОТРОП  
МОДДАЛАР БИЛАН ҚОНУНГА ХИЛОФ РАВИШДА  
МУОМАЛА ҚИЛИШ ҲАҚИДАГИ ИШЛАР ЮЗАСИДАН  
АНИКЛАНИШИ ЛОЗИМ БЎЛГАН ҲОЛАТЛАР**

**Жиноят содир этилганми? Агар содир этилган бўлса уни қандай квалификация қилиш**

**Жиноят қаерда, қачон, қандай усулда содир этилган?**

**Жиноятни ким содир этган? Гуруҳ содир этган бўяса, унинг таркиби ва ҳар бир иштирокчининг бажарган роли қандай?**

**Гиёхвандлик воситаларини сотиб олиши манбалари, уларни тарқатишни йўли ва усули қандай? Қандай нарҳда сотиб олинган ёки сотилган?**

**Мазкур тоифадаги жиноят бошқа жиноятлар билан бирга содир этилмаганми? Агар содир этилган бўлса, айнан қандай жиноятлар билан?**

**Қандай шароитлар жиноятнинг содир этилишига олиб келган?**

Гиёхвандларни қўлга олишнинг энг самарали усули тўсатдан харакат қилиш хисобланади. Жиноятни содир этиш усуллари ва ниқобланиши тўғрисидаги маълумотларни ҳисобга олиб, қўлга тушириладиган жой белгиланади. Қўлга тушириш гиёхвандлик воситалар ва психотроп моддаларни олиб кетаётган транспортда, турар жойда олди-сотди битими амалга оширилаётганда, қўкнори ва нашадан гиёхванд тайёрлаётганда, гиёхвандлик моддалари қабул қилаётганда маълум жойда сақлаётганда; истеъмол қилаётганда, жўнатаётганда, сотаётганда амалга оширилади. Шунингдек гиёхвандлик восита олинадиган ўсимликларни етиштиришда, экишда, ишлов берадиганда, ҳосилини йигиштириб ола-

ётганда ҳам қўлга тушириш мумкин. Формацевтика корхонасида ўғирланган гиёҳвандлик воситаларни олиб чиқаётганда; дорихона ёки даволаш муассасасида уларни соxта рецепт бўйича олиб кетаётганда ҳам қўлга тушириш мумкин.

Гиёҳвандлик воситаларни фармацевтика корхоналари, даволаш муассасалари, дорихоналардан ўғирлик йўли билан олганинг тергов қилишда қўйидаги масалаларга ойдинлик киритиш керак: 1) ўғирлик содир этилганми? 2) ким содир этган? 3) қандай усулда амалга оширилган? 4) мунтазам содир этиб турилганми? 5) ўғирланган гиёҳванд моддалар миқдори? 6) ўғирланган модда қаерга яширилган? 7) ўғирликдан мақсад истеъмол қилишми ёки сотиши? 8) олиб-сотарлар билан олдиндан келишиб олинганми? 9) ўғирланган моддалар қайси йўллар билан тарқатилган? 10) ўғирлика қандай шароит имкон берган?

Гиёҳвандлик воситаларни сотищ билан боғлиқ ишни тергов қилишда қўйидаги ҳолатлар аниқланиши даркор? 1) гиёҳвандлик воситасининг манбай қаерда? 2) у кимдан харид қилинган? 3) олди-сотди ҳақида олдиндан келишиб олинганми? 4) мухсулот қандай баҳоларда сотиб олинган? 5) маҳсулотни ўтказиш йўллари? 6) жавобгарликни оғирлаштирадиган ва, аксинча, енгиллаштирадиган ҳолатлар, чунончи гурухнинг мавжуд бўлганлиги, мунтазамлиги ва ҳ.к. 7) жиноят содир этишга қандай шароитлар имкон берган?

Муайян шахсда гиёҳвандлик воситаларнинг мавжудлиги тугал жиноят таркибини ташкил этади, чунки қонунга кўра, бу воситаларни ўзи истеъмол қилиш учун олганлар ҳам жавобгарликка тортиладилар; шу билан бирга тажриба кўрсатадики, гиёҳвандлик воситаларни тарқатиш билан боғлиқ жиноятлар уюшган гурух томонидан амалга оширилади. Шу сабабли жиноят билан алоқадор барча шахсларни аниқлаб олиш зарур.

**МУАЙЯН ШАХСДА ГИЁХВАНДЛИК  
ВОСИТАЛАРИ ЁКИ ПСИХОТРОП  
МОДДАЛАР ТОПИЛГАНДА  
РАСМИЙЛАШТИРИЛИШИ ЗАРУР БЎЛГАН  
ХУЖХАТЛАР**  
*(жиноят ишини қўзғатиш ҳақидаги масалани  
ҳал қилишда)*

*Милиция ходимининг рапорти, фуқаронинг  
аризаси ёки хабари*

*Гувоҳнинг тушунтириши  
Ушланган шахснинг тушунтириши*

*Ушланган кишининг ва унинг буюмларини шахсий  
кўздан кечириш баённомаси*

*Мазкур шахс тиббий гувоҳлантиришга юборилгани  
ҳақидаги ҳужжат*

*Тиббий гувоҳлантириш хулосаси (баённомаси).*

*Шахснинг гиёхванд сифатида ҳисобда туриши  
ҳақида нарколог маълумотномаси*

*Олиб қўйилган буюмларни текшириш натижалари  
ҳақида маълумотнома*

*Гумон қилинувчининг шахси ҳақида маълумотнома*

### **3-ғ. Дастлабки тергов ҳаракатлари**

Жиноят устида қўлга олиш ва тинтув ўтказиш баённомалари дастлабки далил тарзида бўлиб, муайян бир шахсда гиёхвандлик воситалари топилганлигини билдиради, холос. Бундай вазият версия тузишда содир этилган жиноят усули ва тезкор-қидирув ишлари натижаларига оид маълумотларга алоҳида аҳамият беришни талаб этади.

Гумон қилинган шахснинг турмуш тарзи, жиноят содир этиш усуллари, унинг кимлар билан учрашганлиги ва қайси маршрут бўйича сафар қилганлиги версия тузиш учун бошлангич материал бўлиб хизмат қиласди.

Энг типик версияни қўйидаги кўринишда таклиф этиш мумкин.

Гиёхвандлик воситаларни қўлга олишда: а) қўлга олинган шахс гиёхвандлик воситаси ёки психотропик моддаларни олиб-сотарга улгуржи пуллайди, савдогар эса уни чакана нархда сотади; б) қўлга олинган шахс факат олиб-сотар томонидан ёлланган шахс; в) қўлга олинган шахс гиёхвандлик воситалар ўғриси; г) қўлга олинган тасодифий унга юкни элтиб бериш топиширилган, у нимани олиб кетаётганлигини билмайди; д) қўлга олинган шахс – гиёхванд, у гиёхвандлик воситасини ўзи истеъмол қилиш учун ўғирлаб олган ёки тайёрлаган; е) қўлга олинган шахс гиёхвандлик воситасини дорихонадан ёки даволаш муассасасидан ўғирлаб олган.

Гиёхвандлик воситасини сотаётганда қўлга олинганда: а) сотувчи иккинчи даражали шахс бўлиб, унга гиёхвандлик воситасини сотиш вазифаси юклатилган; б) сотувчи гиёхвандлик воситаларини ўғирлаб олган; в) сотувчи афюн ва наша билан савдо қиласди, бу хил моддаларни кўтарасига сотади, ундан чакана савдо билан шуғулланувчилар харид қиласди; г) сотувчи гиёхвандлик воситаларни уни етиширадиган ёки тайёрлайдиган жойдан олади; д) сотувчи ўзига ўхшаш олиб-сотар ва элтиб берувчи билан ҳамкорлик қиласди; е) харидор наркотик моддани ўзи истеъмол қиласди; ж) харидор наркотик моддалар билан савдо қиласди, кўтарасига сотиб олади ва жойларга олиб бориб майдалаб пуллайди; з) харидор бангихона эгаси, гиёхвандлик воситаси ёки психотроп моддаларни бангилар истеъмол қилиши учун олади; и) харидор гиёхвандлик воситаларни майдалаб сотиш учун олади; к) харидор- гиёхванд шахс, айни вақтда ўз харажатларини қоплаш учун гиёхвандлик воситани майдалаб сотади.

Олга сурилган версияларни текшириш турли тергов ҳаракатлари, айниқса тинтув ўтказиш, сўроқ қилиш, экспертиза тайинлаш орқали амалга оширилади.

Тергов версияларни мақсадга мувофиқ текшириш учун тергов ишларини яхши режалаштириш зарур. У мураккаб гурухли ишларни тергов қилишда жуда мухим хисобланади, бунда турли шаҳар ва туманларда тергов ҳаракатлари ўтказилади.

Гурухлар томонидан содир этилган кўп эпизодли жиноят ишларини тергов қилишда янгидан-янги ҳолатлар очилади. Шунга мувофиқ янги версиялар вужудга келади, натижада тергов режаси ўзгаради, янги ҳаракатлар билан тўлдирилади.

Ниқобланган гурухли гиёхвандфуруушлар томонидан содир этилган жиноятни тергов қилишда милициянинг тезкор ҳодимлари билан ҳамкорликда иш юритиш лозим. Шунинг учун алоҳида қидириув ва тергов ҳаракатларини амалга ошириш тўғрисида суриштирув органларига топширик бериш назарда тутилиши керак. Коидага кўра бирор жойга боришини ҳам режалаштириш лозим, чунки кўрилаётган жиноят ишлари бошқа шаҳар, туман ва мамлакатларда юрган жиноят гурухи аъзолари аниқланишини талаб этади.

Мазкур тоифага оид ишлар юзасидан тинтув ўтказишнинг ўзига хос томонлари муайян вазиятларга кўра амалга оширилади. Гиёхвандлик восита, психотроп модда ёки прокурсорни тегишли рухсатномасиз оз микдорда бўлса ҳам сақлаш жиноят хисобланади. Бу хақда жиноятчи билгани учун уни сақлаш усулларини ўйлаб топади, аниқлаш қийин жойларни танлайди. Жиноят иштирокчилари кўп ҳолларда қариндош ва яқин муносабатдаги шахслар бўлиб чиқади. Улар гиёхвандлик воситаларни турли вақтларда турли хонадонларда сақлайдилар. Қишлоқ жойларда кўкнори ўсимликлари етиштирадиганлар томонидан тайёрланган маҳсулотларни яшириш имкониятлари катта бўлади. Жиноятчилар жавобгарликдан қочиш мақсадида қўлланиладиган усуллардан бири – уларнинг транспортда жўнатаётган буюмлари ичидан, ҳовлидаги қурилмалардан ва томорқа участкаларидан топилган гиёхвандлик моддалари хақида ҳеч нарса билмасликлари хақида важ қилишдир. Бундай ҳолатни гумон қилинган шахс бўйнига қўйиш анча қийин кечади. Гиёхвандлик моддаларни сақлаб қўядиган, элтиб берадиган, олиб-сотадиган, воситачилик қиладиганлар тўғрисидаги маълумотларни тезкор-қидириув йўли билан бўлса бўлади.

Тинтув ўтказишга тайёргарлик кўришда гурух иштирокчилари тўғрисида тегишли маълумотларга эга бўлиш керак, шунда тинтув натижалари белгиланган версияни текшириш имкониятини беради. Янги версиялар пайдо бўлади, олдингисига тузатишлар киритилади. Гумон қилинганлар уйидан гиёхвандлик восита ёки унинг излари топилган тақдирда фараз қилиш мумкинки,

мазкур шахс жиноятдан тушган даромаднинг жуда оз қисеминигина олади.

Тинтуб вактида турли ўрамдаги тарозилар, гиёҳванд воситалар излари, қолдиқлари топилган бўлса, бу шахс гиёҳвандлик воситалари тайёрловчи ёки воситачи бўлиши эҳтимол. Жиноятнинг ташкилотчиси қилингандан унинг бошқалар билан алоқасини кўрсатадиган ҳужжатларга кўпроқ аҳамият бериш лозим.

Тинтуб ўтказишнинг асосий вазифаси гиёҳвандлик воситалари ва бошқа ашёвий далилларни топишдан иборат. Гиёҳвандлик воситаларини ўлчаш, қадоқлаш учун ишлатиладиган тарозилар; гиёҳванд восита олинадиган ўсимлик қолдиқлари; наша тайёрлашда фойдаланиладиган элак, халтачалар, пресслар, шприц, махсус найчалар; жиноят йўли билан топилган пуллар ва қимматли буюмлар; қалбаки рецептлар ва ҳ.к. Жиноят иштирокчиларининг ёзишмаларини, почта воситасида ўтказилган пул ҳисоб-китобларини ўрганиш муҳим аҳамиятга эга. Шунинг учун почта-телеграф муассасаларида корреспонденцияларни кузатиш зарурати пайдо бўлади.

Тинтуб вактида топилган ҳужжатлар жиноятчиларнинг ниқобланган алоқаларини аниқлаш имкониятини беради. Бундай ҳужжатларга хат, телеграмма, пул переводлари, посылкаларга тегишли маълумотнома, ёдномалар, блокнотдаги турли ёзувлар, сақлаш камераси квитанцияси, шаҳарлараро ва халқаро сўзлашувлар тўғрисида квитанциялар, меҳмонхона ҳисоб-китоб қоғозлари, самалёт, темир йўл, автобус, трамвай билетлари кабилар киради.

Топилган ёзишмалар синчковлик билан ўрганилиши лозим. Тажриба кўрсатадики, бундай ёзишмалар сирли маъноларга эга бўлади, уларда жиноятни ниқоблаш мақсадида шифрланган усулдан фойдаланадилар, жаргон сўзларни ишлатадилар. Гиёҳвандлик воситалари сақланадиган яширин жойни аниқлаш алоҳида маҳорат ва синчковлик талаб қиласи. Уларни баъзан турли озиқ-овқат маҳсулотлари солинган идишларда сақлайдилар, устига ёғ, сметана, мой қуядилар, крупа, ун кабилар соладилар. Деворларда, дераза тагида, мебелларда, болалар қўғирчрқларида яширадилар, шунингдек хўжалик қурилишлари, томорқа участкалари, ҳавлиларда, учоқ атрофига, молхоналарда яширин жой тайёрлайдилар. Тинтувда ўргатилган итлардан фойдаланиш мақсадга мувофиқ.

Тинтуб натижалари баённомада ўз ифодасини топиши керак. Яширин жой топилгандан уни тасвирлаб кўрсатиш ва суратини олиш лозим. Турли жойдан топилган гиёҳвандлик воситалари алоҳида-алоҳида жойлаштирилиши ва экспертизага

топширилиши лозим. Экспертиза уларнинг таркиби, тозалик ва намлик даражасини аниқ белгилаб беради.

Ходиса рўй берган жойни кўздан кечириш, одатда, гиёхванд воситаларини дорихона, даволаш муассасалари, фармацевтика корхоналарида ўғирлик содир этилганда ва бундай объектларда босқинчилик юз берганда амалга оширилади.

Гиёхванд воситалар сақланган жойни синчиклаб кўздан кечириш, жиноятчининг қўл, оёқ изларини аниқлашга эътиборни қаратиш лозим. Гиёхванд воситалар жойланган идиш ва у сақланадиган жойни очища ишлатилган қуролларни ҳам текшириш талаб этилади. Ходиса рўй берган жойдаги изларни фото суратга олиниши ва баённомада аниқ-равшан кўрсатилиши лозим.

Кўкнори етиштирадиган жой аниқланганда, уларда қанча маҳсулот етиштирилиши, қанча ҳосил олиниши мумкинлиги, майдоннинг схемаси, ҳажми ва экинларнинг барчаси йўқотилганлиги, бир неча тун намуна олингани баённомада кўрсатилиши лозим.

Кўкнори қайси экинлар орасида экилганлиги, текшириш вақтида экинлар қандай ҳолатда бўлганлиги, пишган, пишмаган, йиғишириб олинган, бир қисми йиғишириб олинган, одам изи, ҳайвон ва транспорт воситаси излари ҳисобга олинади. Бундай тадбирларда агроном мутахассисларни жалб этиш лозим.

Гиёхванд воситалар тайёрланадиган, қайта ишланадиган ёхуд истеъмол қилинадиган хонани кўздан кечиришда турли мосламаларга, хом ашёларга ҳамда идишдаги изларга эътибор бериш зарур. Шиша ва металл идишларда аниқланган гиёхванд восита ва қўл излари энг асосли ашёвий далил ҳисобланади.

Гумон қилинганларни жиноят устида қўлга олишда гувоҳ бўлганлар асосан ушбу вазият билан боғлиқ шахс ҳисобланадилар. Бу гувоҳларни сўроқ қилиш зарур, чунки қўлга олинган жиноятчи уни фош қиладиган предметлар меники эмас, деб тониши хеч гап эмас.

Агар жиноятчи гиёхванд воситаларни олиб кетаётганда қўлга олинса, автобус ва троллейбус ёки бошқа транспорт воситаларига қаерда ўтиргани, қандай одамлар уни кузатгани, унинг қўлида нима бор эканлигини аниқлаш зарур. Бу саволларга йўлда ҳамроҳ бўлганлар, автотранспорт ҳайдовчилари, автобус кондукторлари ва кассирлари жавоб беришлари мумкин.

Юк сақланадиган жой ходими сўроқ қилинганда сақлашга қўйилган юкнинг ҳидига ургу берилади. Аммо жиноятчилар бу ҳолатни олдиндан билиб, ҳидини ниқоблаши мумкин (қалампир, атири кабилардан фойдаланадилар).

Олиб-сотарлар кўп ҳолларда транспортнинг такси туридан фойдаланадилар. Такси ҳайдовчилар мижозини қайси манзилга етказиб қўйгани ва кимлар билан учрашгани тўғрисида маълумот бериши мумкин.

Қариндош-уруглари, таниш-билишлари, қўни-қўшниларидан айбланувчининг ҳаёт тарзи, ҳамтавоқлари, учрашувлари ва сафарлари тўғрисида сўраш керак. Гувоҳларни сўроқ қилиш жиноятчи қўлга олингандан кейин дарҳол ўтказилиши мақсадга мувофиқ. Акс ҳолда улар ўзаро тил биритириб, ёлгон кўрсатув беришга келишиб олишлари мумкин.

Гиёхвандлар орасидан гувоҳ қидириш лозим, улар мазкур иш юзасидан курсатув беришлари мумкин. Ўзининг ёмон ҳолатга тушиб қолганлигини англаб етган ва даволанишга интилаётган шахслар одатда гиёхванд воситаларни тарқатаётганларни айблайдилар ва тўғри кўрсатув беришга мойил бўладилар.

Хали гиёхванд даражасига етиб улгирмаган ва уни қабул қиласвериш нималарга олиб боришини яхши тушуниб етмаган шахсларга бу қилмиш яхши оқибатга олиб бормаслигини, агар бу заҳри-қотилни истеъмол қилишни тўхтатмаса, нималарга дучор бўлишини тушунтириш фойдадан холи эмас. Бу суҳбатга шифокор ва руҳшуносларни ҳам жалб этиш керак.

Сурункали гиёхванд шахслар даволанишни хаёлига ҳам келтирмайди, ўз хатти-ҳаракатларини танқидий кўз билан кўрмайди, улар таназзулга юз тутган шахслардир. Бундай шахслардан ҳақиқий маълумотларни олиш анча қийин кечади.

Гиёхванд гувоҳ абстиненцияга тушган вақтда олинган маълумотларга баҳо беришда эҳтиёт бўлиш керак. Гиёхванд айбланувчи манфаатини ёқлаб, шантаж қилишгача бориши, хатто жиноятга қўл уруши, ўзи берган кўрсатувлардан тониши ҳам мумкин. Шунинг учун ҳам у кўрсатувларни қайта-қайта текшириб кўриш, бошқа манбалар билан солиштириш мақсадга мувофиқ.

Гиёхванд воситаларни сақловчиларга бу хилдаги хатти-ҳаракатнинг ёмон оқибатларга олиб келишини тушунтирганда гуруҳ ташкилотчисини қўлга олиш муҳимлигини уқтириш самарали натижалар беради. Агар гумон қилинган унга сақлаш учун берилган нарса нима эканлигини билмаган эдим, деб кўрсатув берса, унинг бу кўрсатувларини йиғилган маълумотлар билан солиштириб кўриш зарур.

Жиноятнинг ташкилотчилари ва асосий иштирокчиларини сўроқ қилишда тинтуб вақтида топилган далиллар, гувоҳлар кўрсатувлари, эксперт хulosаларидан моҳирона фойдаланилмаса, сўроқ яхши натижга бермайди.

Топилган нарса гиёхвандлик хусусиятга эга эканлиги фақат экспертиза воситасида аниқланади. Мазкур тоифадаги ишлар бўйича комплекс суд-тиббиёт ва суд-психологик экспертиза ўтказиш ва эксперталар ҳал қилиши учун кўпинча қуйидаги саволларни қўйиш керак: текширилаётган шахс яқинда гиёхванд восита қабул қиласми; унда сурункали норкоманлик белгиси мавжудми; у наркотик моддаларга қарши ўтказиладиган мажбурий даволатишга мажбурми; у жиноят содир этилган вақтда гиёхвандлик таъсирида бўлганми ва бошқалар.

Ниҳоят, гиёхвандлик воситалари ва психотропик моддалар билан боғлиқ ҳар бир жиноят иши бўйича бу хил жиноятларнинг олдини олиш энг зарур вазифадир.

## 41-боб. УЮШГАН ЖИНОЯТЧИЛИКНИ ТЕРГОВ ҚИЛИШ

### 1-§. Уюшган жиноятчилик ва гурухлар тавсифи

Жиноятчилик билан курашишнинг 70-йиллардаги амалиёти ва назариясида профессионал (касбий) жиноятчилик бизда йўқ қилинган, бу нарса бизнинг жамиятга хос эмас деган фикрлар хукмрон эди. Олимлар ва амалиётчилар қўплаб жиноятларни бир гурух томонидан, бир хил усулда юқори «технологик» савияда содир этилган ҳолатларига дуч келганда жиноятчиларнинг ҳаракатларида баъзи бир «професионаллик элементлари» борлиги ҳақидаги юзаки изоҳлар берардилар, холос. Жиноий фаолият билан касб сифатида шуғуланиш ҳақида ҳеч нима дейилмасди. Собиқ Иттифоқда профессионал жиноятчиликнинг, айниқса уюшган жиноятчиликнинг мавжуд эмаслиги ҳуқуқ фанининг ақидаларидан бири бўлиб келди.

Аммо вақти келиб, нафақат профессионал, балки профессионал уюшган жиноятчиликнинг мавжудлигини тан олиш мукаррар эди. Унинг жиноий-сиёсий жиҳатини тан олишнинг ўзи кифоя қилмади: зудлик билан ўз ечимини талаб қиласдиган илмий ва амалий тусдаги бир қатор муаммолар пайдо бўлди. Ташкилий жиҳатдан биринчи ёндашувда Ички ишлар вазирлиги тизимида маҳсус бўлинма тузилди ва бу ишга муҳим маълумотларни аниқлашга қодир кучли техника воситаларига эга бўлган Давлат хавфсизлик қўмитаси жалб этилди. Илмий жиҳатдан биринчи на-вбатда уюшган жиноятчилик нима эканлигини ҳамда унинг гурух жиноятчилигидан фарқи нимадалигини аниқлашга тўғри келди.

Адабиётда жиноий гурухнинг бир қанча таърифлари берилган. Масалан, баъзи муаллифлар уни умумий мақсадга интилувчи, маълум бир тарзда уюшган, жамият учун хавфли, инсон ҳуқуқларини поймол этувчи ҳаракатлар асосида бирлашган кичик норасмий гурух деб эътироф этишади. Бошқа муаллифларнинг фикрига кўра, бундай жиноятчиларни ўзаро шахсий муносабатлар эмас, юқори даражада ривожланган жиноий фаолият бирлаштиради. Жиноий фаолият асосидаги жамиятга қарши шахслар кичик норасмий гурух тусидаги маълум бир тарзда ташкиллаштирилган уюшма ва бирлашган ҳолатда ҳаракат қилувчи фаолият субъектидир. Ана шу субъектларнинг ҳамжиҳатлилиги даражасига қараб, жиноий гурухнинг қўйидаги криминалистик турлари мавжуд: тасодифий, уюшган, жиноий ташкилотлар.

Биринчи гурухга гурухий жиноятни содир этиш учун тасодифий шароитлар тақозосида бирлашган шахслар киради.

Уларнинг асосий мақсади жиноят содир этиш эмас, балки мулоқотга бўлган эҳтиёжни қондиришdir. Гурухнинг кўпгина аъзолари дастлаб жиноятни бир-бирини қўллаб-қувватлаш учун, тасодифан, ҳамма билан ўша ерда бўлгани учун ёки тўсатдан рўй берган вазият натижасида амалга оширадилар. Тасодифий гурухда роллар одатда тақсимланмайди ва гуруҳ аъзоларининг уюшқоқлиги ҳам анча паст бўлади. Агар тасодифий жиноий гуруҳ фош этилмай қолса ва у криминалистик фаолиятни давом эттирса, аста-секин, уюшган жиноий гурухга айланади. Бу гурухлар етакчиси бўлмаса-да, анча уюшқоқ бўлиб, энг фаол ва обрўли аъзоларидан иборат ўзакка эгадир. Жиноий фаолиятда бир ёки бир неча шахс тобора етакчи роль ўйнай бошлайди. Улар бошқалардан кўра фаол ва ҳамжиҳатроқ бўладилар.

Уюшган жиноий гуруҳ шахсий таркибининг барқарорлиги билан ажralиб туради, ҳатто маҳсус хулқ-автор нормалари ишлаб чиқилади, етакчи ва етакчилик учун курашаётган гуруҳ аъзоси «оппозиционер» бўлиши мумкин. Бундай гурухда ролларнинг аниқ тақсимланганлиги, метин интизом ва ҳаракатларнинг пинҳонийлиги кузатилади. Гурухнинг барча фаолияти жиноий тажовуз қилишга қаратилган бўлиб, уларнинг жиддийлиги борган сари ошаверади. Гуруҳ жиноят содир этишнинг мураккаброқ усулларини амалга оширишга, бир неча жойда бир вақтнинг ўзида ҳаракат қилишга қодир. Бундай гуруҳ аъзолари одатда жиноий тажрибага, шу жумладан хуқуқни муҳофаза қилувчи орган ходимларининг тезкор гурухлари билан мулоқот қилиш тажрибасига эга, шунингдек, тергов ва тезкор иш усуллари билан танишдирлар.

*Жиноий ташкилотлар* - бу айнан жиноий гурухларнинг юқори тури бўлиб, уларда интизом ва ҳаракат координацияси янада кўпроқ. Иштирокчиларнинг ташкилий алоқаларини шакллантиришга, жиноятни амалга ошириш ва яшириш усулларини ишлаб чиқиш ва кўникма ҳосил қилишга, пинҳонийликни сақлаш мақсадида аъзолар ўртасидаги бевосита мулоқот ўрнига информацион алоқалар ўрнатиш уюштирилади. Жиноий ташкилотлар учун мураккаб структура, маҳсус муҳофаза ва паналаш блокларининг мавжудлиги ҳосдир. Уларга ҳатто муассаса ёки корхона маъмурияти ходимлари, хуқуқни муҳофаза қилувчи ва назорат орган ходимлари киритилади.

Уюшган жиноятчилик деганда таниш-билиш ва порага асосланган алоқалар ёрдамида ўзининг хавфсизлик тизимини таъминловчи ва жиноят билан касб (бизнес) сифатида шугулланувчи жиноятчилар ҳамжамиятининг нисбатан кенг кўламга ёйилиши тушунилади. Амалиётда уюшган жиноятчиликнинг уч даражаси учрайди. Биринчиси иқтисодиёт соҳасида

мулкни ўмарувчи, товламачилик, таъмагирлик, босқинчиллик ва ўғрилик билан шугулланувчи жиноий гуруҳларни ўз ичига олади; иккинчи даражада хўжалик ёки маъмурият органлари билан таниш-билиш ва порага асосланган алоқаларга эга бўлади; учинчи даражада ўзига хос бўлиб, мафия кўринишига эгадир. Гап бу ерда бир қатор жиноий гуруҳларни функционал-иерархик бошқарув тизимида, ягона жиноий ташкилотга бирлашиши ҳакида бораяпти. Фарбий адабиётда бу нарса уюшган жиноятчиликнинг тармоқ структураси деб номланган. Одатда, бундай ташкилотни кенгашга ўхшаш бир неча киши бошқаради. Бу каби структуравий уюшмалар минтақалараро алоқаларга эга бўлиб, ҳам профессионал жиноятчиларни, ҳам «оқ ёқалик»ларни (давлат аппарати ва маъмурият ходимлари) бирлаштиради, ўз пул жамгармалари ва хавфсизлик тизимларини тузишади. Профессионал жиноятнинг икки тури мавжуд: коррупция билан ва коррупция иштирокисиз тузилган ташкилот.

«Уюшган гуруҳлар (бандалар), ҳамжамиятлар – уюшган жиноятчиликнинг биринчи ячейкаси» деб хисобланади. Уюшган жиноятчиликнинг алоҳида турларида концентрациялаш ва уларни монополиялаштириш, пинҳоний ва ҳаққоний хўжалик фаолияти ва ичкилиkbозлиқ, гиёхванд моддалар истеъмол қилиш, фоҳишабозлиқ ва бошқа тарздаги жиноий бизнес соҳаларида майдонни қўлга киритишга қаратилган гуруҳларнинг ўзаро ҳаракатдаги (бевосита ва билвосита) тизимиdir. Уюшган жиноятчилик деб таърифланадиган жиноий фаолият минтақавий, ҳатто мамлакат даражасига эга бўлади ёки халқ хўжалигининг бирор-бир тармогини эгаллади.

Уюшган жиноятчиликнинг икки хил даражаси бор. Биринчи – фаолият доираси чегараланган жиноий ташкилот. Масалан, автомобиль ўтиглаш билан шугулланувчи жиноий уюшмалар кенг тарқалган. Бундай уюшмада роллар аниқ тақсимланган бўлиб, ҳужжатларни қалбакилаштирувчи, муҳрлар тайёрловчи, автоэҳтиёт қисмлардаги номерларни алмаштирувчи каби мутахассислар мавжуд. Бу даражада жиноятчиларнинг коррупцияий алоқалари бўлиши шарт эмас. Кўп ҳолларда корхона ёки муассасалар маъмурияти ёки ҳуқуқни муҳофаза қилувчи органлар ходимларининг жиноий фаолиятдаги бевосита иштироки кузатилади.

Иккинчи даражада – жиноий ташкилотлар тизими ҳам жиноий фаолиятнинг фақат бир турига, масалан, наркобизнесга ихтинослашган бўлиши мумкин, лекин одатда у турли-туман кўринишига ва кенг коррупцияий алоқаларга эга.

Юқорида баён этилган тушунчаларнинг криминологик таҳлили исботлов жарабёни учун жуда мухим аҳамият касб этади.

Маълумки, терговнинг вазифаси фақатгина жиноятнинг барча иштирокчиларини аниқлаб, уларнинг роллари ва айбини белгилаб бериш эмас, балки жиноий фаолиятнинг вақтга, жойга доир барча кўринишларини, жиноятни амалга ошириш ва яшириш усулларини, келтирилган моддий зарар миқдорини ва жиноятни содир этишга алоқадор барча ҳолатларни аниқлаш ҳамдир. Кўриниб турибдики, исботлашнинг барча элементлари жиноят уюшган ҳамжамият томонидан амалга оширилганида ўзига хос хусусиятларга эга.

Бу хил жиноятларни аниқлаш криминалистик аспектда икки босқичдан иборат:

1) Жиноятни гурух томонидан содир этилганлиги фактини аниқлаш;

2) Жиноятни уюшган жиноий ташкилот томонидан содир этилганлиги белгиларини аниқлаш;

Бу саволларга оид маълумотларни, жиноий иш қўзгатилганда тергов органларига келган бошлангич маълумотлардан олса бўлади, лекин улар асосан тергов ҳаракатини ўтказиш ва тезкор-қидирав тадбирлар жараёнида аниқланади.

Жиноий иш қўзгатишига асос бўлувчи бошлангич маълумот тергов органларига бир неча каналлар орқали келиши мумкин.

1) Жабрланувчиларнинг аризасини қабул қилган ички ишлар органи навбатчи қисмидан, патруль хизмати ходимлари, ташкилот ва корхоналар ходимлари ёки бошқалардан;

2) Ички ишлар органлари тезкор аппаратларидан;

3) Криминал тусга эга бўлиши эҳтимол бўлган жиддий жароҳат олган инсонлар мурожаат қилганда тиббиёт муассасаларидан;

4) Жиноий иш қўзгатищдан аввал ҳодиса жойини кўздан кечирганда ва у билан боғлиқ қидирав тадбирларини ўтказиш давомида.

Жиноят ҳақидаги маълумот оғзаки ёки ёзма бўлиши мумкин. Содир этган жинояти ҳақида жиноятчининг ўзи ҳам арз бериши учрайди.

Криминалистик аспектда бу маълумот, кўп ҳолларда, жиноий гурух томонидан содир этилганлиги, гурухнинг ҳамжиҳатлиги, вазифаларнинг тақсимланиши ва бошқаларни ўз ичига қамраб олади. Бошлангич маълумотга асосланиб гурухнинг ташкилий даражаси, унинг юқорироқ даражадаги жиноий гурухга тегишлилигини аниқлаш одатда қийин.

Маълумки, бошлангич маълумотни текшириш учун тушунтириш олиш, ҳужжатларни талаб қилиш, ревизия, бошлангич текширувлар белгилаш, жиноят иши қўзгатищдан

аввал ўтказилган экспертиза хулосалари кенг тарқалган воситалардан саналади.

Жиноят иши тезкор йўл билан олинган маълумотлар асосида қўзғатилганда жиноят белгилари ҳақидаги маълумотлар шахсий қидирув, тезкор кузатув, назорат текшируви, иқтисодий таҳлил ва бошқа тезкор-қидирув тадбирлари орқали олиниши мумкин.

Шахсий қидирув тезкор ходимнинг жиноятчини қидириш, топиш ва қўлга олиш ҳаракатларидан иборат. Қидирув объекти бўлиб, жиноий тил биринтирган гурух аъзолари бўлиши мумкин.

Тезкор кузатув жараёнида шахснинг алоқалари, жойи, турли хил буюмларни ташиб фактлари ва жиноий гурух мавжудлиги тўғрисида хулоса чиқариш имконини берувчи бошқа маълумотлар аниқланади. Назорат текшируви шахс ёки гурух учун кутилмагандага фуқаролик битими ёки хўжалик муносабатининг тўғрилигини текшириш учун қўққисдан амалга оширилади. Назорат текширувининг технологик жараённинг бир неча бўлинмаларида бир йўла ўтказилиши неча шахсларнинг ҳаракатларидаги ўзаро боғлиқликни аниқлашга ёрдам беради.

Жиноят иши қўзғатишдан аввалги тезкор ҳаракатлар жиноий ташкилотнинг хусусиятлари ва унинг уюшган жиноятчиликка тегишлилиги тўғрисида тасаввур ҳосил қилишга ёрдам беради. Тезкор маълумотлар бўйича жиноят иши қўзғатишнинг ўзига хос хусусиятлари бор. Тезкор маълумотлар қўлами терговчи ва тезкор ходимнинг чуқур ўйланган ва ташкиллаштирилган ҳаракатларига боғлиқ.

## **2-ѓ. Ҳодиса юз берган жойни кўздан кечириш чогида жиноятни уюшган гурух томонидан содир этилганлигини аниқлаш**

Жиноий ҳаракатларни бир гурух шахслар томонидан амалга оширилганлиги ҳақидаги версия ҳодиса юз берган жойни кўздан кечириш вақтида топилган излар, тажовуз предметининг хусусиятлари, жиноятни амалга ошириш усули ва қуроли ҳақида маълумотларга асосланиб олга сурилиши мумкин.

**Жиноятчиларнинг излари.** Содир этилган жиноятнинг гурухий туслага эга бўлиши тўғрисида биринчи навбатда папилляр чизиклар турига кўра турли шахслар томонидан қолдирилган қўл бармоқлари излари гувоҳлик бериши мумкин.

Бармоқ изларига қараб жиноятчилар бир нечта бўлганликлари тўғрисидаги хулоса излар жабрланувчи ёки унинг атрофидагиларга тегишли эмаслиги аниқлангандан сўнггина чиқарилади. Худди шу талаблар асосида оёқ (пойабзал) излари

ҳам баҳоланади. Фарқлар пойапзалнинг тури ва размери, юриш усулига қараб аниқланади.

Чекиши излари ҳам фойдали маълумотлар бериши мумкин. Жиноятчи бир киши эмаслигини ҳар хил маркали сигарет ва папирос қолдиқлари, ўчириш усулидаги фарқ, уларни охиригача чекиши ёки турли катталикдаги қолдиқлар қолдириш, папирос гильзасини ўзига хос усулда эзгилаш, мундштук ишлатиш, лаб помадаси излари орқали билиб олиш мумкин. Фарқларни сигарет қолдиқларидаги сӯлакни ўрганиш орқали ҳам аниқланса бўлади. Бир хил маркали сигарет ёки папирос қолдиқлари топилганда уларнинг товар белгисига эътибор бериш зарур, чунки улар ҳар хил фабрикада тайёрланган бўлиши мумкин, бу эса қолдиқлар турли шахсларга тегишли эканлигидан далолатdir.

**Жиноий тажовуз предметининг хусусиятлари.** Катта ёки оғир предметларнинг сурилиш ва ташилиш излари, ўғирланган нарсанинг катта ҳажми ва оғирлиги жиноятни гуруҳ томонидан содир этилганлигига ишора бўлиши мумкин.

Мурда топилганда жиноят гуруҳ томонидан содир этилганлигини қўйидагилар орқали аниқласа бўлади: шикаст етказилган қуролларда; мурдани боғлаш ёки уни ўрашда қўлланилган тугун турларида; жабрланувчи ҳаётлигидаги қийноқ изларida. Гуруҳ билан амалга оширилган жиноятнинг хусусиятларидан бири бўлиб қотилликни яширишнинг тури ҳам хизмат қилиши мумкин (кўмиш жойи, мурдани бўлакларга бўлиш усули, баҳтсиз воқеани инсценировка қилиш ва ҳоказо).

**Жиноятни содир этиш усули** ўта мураккаблиги ёки нозиклиги билан ажralиб турса, жиноят гуруҳ томонидан содир этилганлигига исбот бўла олади. Масалан, ўғирликни бино тагидан ер ости йўли қазиб амалга ошириш. Жиноят қуроли ва воситаси ҳам катта аҳамиятга эга: сейф ёки бошқа металл идишлардан ўғирлик содир этилганда металл кесувчи оғир ускуналар ишлатиш, ҳодиса, жойида турли ўқотар қуроллардан отилган гильзаларни топиш, бузиб киришнинг турли қуроллари излари, бир неча транспорт воситаларининг излари ва бошқалар.

Барча топилган излар, предметлар, ҳодиса жойидаги шароитнинг ўзгариши тергов қилинаётган ҳодисага ва гуруҳ жинояти версиясига нисбатан баҳоланиши зарур. Гурухнинг белгилари бўлмаса ҳам бундай жиноятни инкор этиб бўлмайди. Жиноий гурухнинг баъзи бир аъзолари жиноят содир этишда бевосита иштирок этмасаларда, келишувга кўра бошқа жиноий вазифаларни бажаришлари мумкин. Жиноий гурухнинг барчаси ҳодиса жойида бўлганлиги, лекин баъзи иштирокчилар из қолдирмаган бўлиши ҳам эҳтимол. Жиноий ташкилотнинг етакчиси одатда жиноий

ҳаракатларда шахсан иштирок этмайди, шунинг учун, табиийки, ҳеч қандай из қолдирмайди.

Жиноят ва жиноятчиларнинг изларини баҳолаш қўйидагиларни ўз ичига олади:

1) из пайдо бўлишининг сабаблари ва усулларини, улар пайдо бўлишининг вақт ва жой ҳолатларини аниқлаш, яъни жиноятни «хаёлан тиклаш»;

2) топилган изларнинг жиноятга алоқадорлигини аниқлаш, ишга алоқаси бўлмаган изларни чиқариб ташлаш, янги изларни топиш учун маълумот олиш;

3) жиноятчининг шахси ҳақидаги маълумотларни аниқлаш ва жиноятга алоқадор бўлмаган шахсларни чиқариб ташлаш;

4) терговни режалаштириш учун зарур версияларни олға суриш.

Жиноят ишини қўзғатиш босқичида бошлангич маълумот сифатида ҳодиса жойини кўздан кечиришдан ташқари у билан параллел равишда ўтказиладиган тезкор-қидирув тадбирлари ёрдамида олинган маълумотлардан фойдаланилади: уйма-уй айланиб чиқиш; жабрланувчи ва бошқалар фикрини ўрганиш; хизмат-қидирув итидан фойдаланиш ва бошқалар.

Ҳодиса жойини кўздан кечириш натижасида олинган бошлангич маълумот, одатда тўлик бўлмайди. У жиноят шубҳасиз гурух томонидан содир этилганлиги ва гурухнинг уюшқоқлиги тўгрисидаги баъзи-бир маълумотларнигина ўз ичига олади.

### **3-ғ. Жиноятни уюшган гурух содир этганилиги тўгрисида версияни илгари суриш ва терговни режалаштириши**

Бошлангич маълумотлар тергов ва тезкор-қидирув версияларини илгари суриш учун асос бўлиб хизмат қиласи. Агар бошлангич маълумот фақат ҳодиса жойини кўздан кечириш орқали олинган бўлса, тергов қилинаётган ишга алоқадор ёки у ҳақида бирор-бир маълумотга эга шахслар бўлмаса, бундай энг мураккаб вазиятда версия мазкур жойнинг маълум ориентирларга нисбатан жойлашиши; ушбу ерда бўлган шахсларнинг сони, уларнинг жисмоний ва бошқа хусусиятлари; улар ҳаракатларининг йўналиши ва хусусиятлари; қолдирилган излар хусусиятлари ва иштирокчилар томонидан келтирилган предметлар ва уларнинг излари; бу ерда бўлган шахслар ҳаракатларининг натижаларига асосланади: қолдирилган излар, мурдалар ва уларнинг жойлашиши, предмет ва буюмлар қисмлари, сачраган нарсалар, кўлмаклар, шикастланган, жойи ўзgartирилган ва ёйилган предметларнинг мавжудлиги.

Ходисанинг юз бериш модели ҳодиса жойида рўй берган ҳодисадан аввалги вазият ва ҳодисадан сўнгги вазият ҳақида тасаввур ҳосил қилиши мумкин. Шу асосда ҳодиса жойини кўздан кечириш орқали олинган бошлангич маълумот, кўпинча жиноятчиларнинг биологик хусусиятларига тегишли бўлиб, антропологик хусусиятлар (ирқий, жинсий, ёш хусусиятлари); анатомик жисмоний хусусиятлари (юз тузилиши, тери морфологияси, гавдаси, ва бошқалар); функционал-анатомик хусусиятлар; биохимик хусусиятлар (сўлак, қон, тер, сперма, тана тўқимаси, ҳид таркибининг спецификаси)дан иборат бўлади.

Ушбу маълумот жиноятчиларнинг тажрибаси, билимлари, маҳоратлари ва одатлари ҳақидаги маълумотларни ўз ичига олиши мумкин. Жиноят гуруҳ томонидан содир этилганлиги тўғрисидаги версияни илгари суришда терговчининг вазифаси жиноятчилар ҳақида тўплланган маълумотларни ҳар бир шахснинг белги ва хусусиятларига қараб фарқламоқдир. Агарда қўл, оёқ, тиш, ҳид изларига нисбатан бу анча енгил бўлса, билим ва маҳорат борасида бир талай қийинчиликларга дуч келиш мумкин.

Одатда гуруҳ фаолияти кўп эпизодли бўлгани учун, унинг қайси эпизоди ёки қайси тергов ҳаракатидан бошлаш кераклигини аниқлаш жуда муҳимдир. Шунинг учун, амалиёт терговчига режани тезкор-қидирав тадбирларини олиб борган ҳодим билан бирга тузишни тавсия қиласди. Агар тезкор материалларни амалга ошириш шубҳа остидагиларни жиноят устида қўлга олишдан бошланса, унинг тавсиялари куйидаги ҳолларни аниқлашда катта ёрдам беради: кимни, қаерда ва қандай вазиятда қўлга олиш зарур, ушланганларни қандай кетма-кетлика тинтув қилиш керак, терговнинг жорий босқичида қўлга олиниши мақсадга мувофиқ бўлмаган гуруҳ иштирокчиларини чалгитиш учун, шунингдек, жиноий йўл билан топилган пул ва бойликни олиб қўйиш ёки ҳибсга олгунга қадар уларни сақлаш учун қандай ҳатти-ҳаракатлар амалга оширилиши зарур.

Тезкор материалларга асосан қўзгатилган иш терговини режалаштиришда тезкор маълумот манбани сир сақлаш чораларини кўриш лозим, бу эса ҳам алоҳида тергов ҳаракатларининг тактикасини, ҳам уларнинг кетма-кетлигини чуқур ўйлаб амалга ошириш лозимлигини талаб қиласди.

#### **4-8. Сўроқ қилиш - жиноятни уюшган гуруҳ содир этганилиги тўгерисида маълумот олишининг воситаси сифатида**

Жиноятни уюшган гуруҳ томонидан амалга оширилганлиги тўгерисида маълумот олишининг воситаси сифатида сўроқ қилиш алоҳида ўринга эга. Уни бу қадар аҳамият касб этишининг сабаби, биринчидан, сўроқ қилиш энг кенг тарқалган тергов ҳаракати бўлиб, ҳеч бир жиноятни тергов қилиш усиз ўтмайди, иккинчидан, у терговчи ва судга жиноят ҳодисаси, унинг таркибидаги барча элементлар, шунингдек жиноятни амалга ошириш мақсади, сабаби ва мотиви сингари мураккаб элементлар ҳақида тўлиқ маълумот бера оладиган воситадир.

Сўроқ қилиш предмети, яъни, аниқланиши керак бўлган ҳолатлар доираси, умумий кўринишда исботлаш предметига киради. Жиноий гурухлар томонидан содир этилган жиноятлар бўйича ишларда сўроқ қилишининг хусусиятларига фақат гуруҳ томонидан содир этилган жиноят фактини тасдиқлайдиган маълумотларнигина олиш эмас, балки гуруҳ ҳақида, ҳар бир иштирокчининг роли ва айби ҳақида иложи борича тўлиқ маълумот олиш киради.

**Сўроқни тактик таъминлаш уни амалга ошириш ва тузиш усууллари, керак бўлгандан, сўроқ режасини тузишдан иборат.**

Бундай режа қуидаги шартларни ҳисобга олиб тузилиши зарур:

а) тезкор маълумотлардан фойдаланиш кўзда тутилган бўлса, сўроқ қилинувчига маълумот манбанин айтиб қўйишнинг олдини олиш зарур;

б) жиноий ташкилот иштирокчиларини, уларнинг ҳамжамиятидаги ролидан қатъи назар, сўроқ қилишининг мураккаблиги боис сўроқнинг тактик усуулларини чукур ўйлаб кўриш, уларни қатъий кетма-кетликда ўtkазиш, саволни тўғри қўйиш, сўроқ қилинувчининг жавобини олдиндан башорат қила олиш лозим. Сўроқ қилишдан айбланувчиларнинг бир-бирларини қўллашини фош қилиш усули сифатида фойдаланмоқ даркор.

Сўроқ вақтини аниқлаш сўроқ қилинувчи эга бўлган маълумотларнинг муҳимлиги, унинг процессуал мавқеи, жиноий ташкилотдаги ва тергов қилинаётган вазиятдаги роли ҳамда иш бўйича сўроқ қилинувчи шахслар билан алоқасига bogлиқ. Сўроқ вақтини аниқлашга гуруҳ аъзоларини сўроқ қилиш кетма-кетлигини танлаш ҳам таъсир қиласи. Агар тезкор манбалардан ташкилотнинг бирор-бир аъзосининг айби камроқлиги ёки бардошсизроқлиги маълум бўлса, у ҳолда сўроқни айнан шу шахсдан бошлаган маъқул. Баъзан бунинг тескариси рўй беради

- аввал гурух раҳбари сўроқ қилинади, ундан ҳаққоний кўрсатувлар олишга эришилса, қолган шерикларни сўроқ қилиш осон кечади.

Сўроқ вақтини аниқлашга тергов сирини сақлаш эҳтиёжи, жабрланувчи ва гувоҳларнинг хавфсизлигини таъминлаш вазифалари каби бир қатор омиллар ҳам таъсир қиласди.

Сўроққа чакириш усули ҳам тактик аҳамиятга эга. Бу ерда овоза бўлишнинг, сўроқ қилинувчини сўроққа келишига тўсқинлик қилинишининг ва ҳаттоки у ҳуқуқни муҳофаза қилувчи органлар эътибори доирасига тушгани маълум бўлганидан сўнг сўроқ қилинувчини йўқ қилишининг эҳтимолини инобатга олиш зарур. Сўроқ қилишда кўпинча магнит ва видеомагнитофон тасмаларни тайёрлаш жуда катта аҳамиятга эга.

**Гувоҳ ва жабрланувчиларни сўроқ қилиш ўзига хос хусусиятларга эга.** Жабрланувчиларнинг бир хил процессуал мавқеларида уларни сўроқ қилиш предмети уларга бўлган тажовуз аниқ ёки ноаниқ бўлганлигига қараб фарқланади. Биринчи ҳолатда бу куч ишлатиш, гаразли ва очиқ мулк жиноятларидир, иккинчи ҳолатда - фақат ўғирликдан иборат бўлиб, уюшган жиноий гуруҳлар томонидан кўп содир этилади.

Жабрланувчига тажовуз аниқ ҳолатда рўй берганида сўроқ қилишда қўйидагилар аниқланиши лозим:

гурух жиноятини содир этишда иштирок этган жиноятчиларнинг сони, ҳар бирининг ҳаракатлари, айниқса ўзларини тутишлари, лақаб ишлатганликлари, жиноий жаргондан фойдаланганликлари, ҳаракатларга ким раҳбарлик қилганлиги, ким нима билан куролланганлиги, ҳужум қилганлар ҳодиса жойини қандай тарқ этганликлари батафсил аниқланмоғи керак.

Худди шу схема бўйича гувоҳлар ҳам сўроқ қилиниши керак, аммо бунда қўшимча тарзда улар ҳодиса вақтида қаерда бўлганликлари, жиноятчи ва жабрланувчиларнинг ҳаракатларини қай ҳолатда кузатганликлари ҳам аниқланади.

Жабрланувчиларни сўроқ қилганда улар қасос, ачиниш, гурух аъзоларидан фақат бири қўлга тушгандада эса бошқа иштирокчилар ғолдида қўркув ҳиссиётлари туфайли ёлгон кўрсатув беришлари мумкинлигини инобатга олиш зарур. Жабрланувчилар баъзан, гурух иштирокчиларининг барча жиноий ҳаракатлари ҳақида маълумот бермай, овоза бўлишини хоҳламайдиганини яширадилар. Масалан, босқинчилик тўғрисида хабар бериб, зўрлаб номусига тегиши тўғрисида индамайдилар.

Иқтисодиёт соҳасида уюшган йўл билан содир этилган жиноятлар бўйича гувоҳларни сўроқ қилишни ўзига хос хусусиятлари бор. Бундай ишлар бўйича одатда назорат-ревизия

органлари ходимлари, маъмурият ва ишлаб чиқаришнинг турли звенолари раҳбарлари, қўриқлаш хизматдагилар, савдо ходимлари ва бошқалар сўроқ қилинади.

Уларни сўроқ қилишда:

- талон-тарожнинг ташаббускори ким бўлган, унинг усули ва ҳаракат режасини ким ишлаб чиқсан;
- жиноий ташкилот қандай шаклланган, ҳар бир иштирокчи унга қай тариқа жалб этилган;
- мазкур корхона ходимларидан ташқари ким ушбу жиноий ташкилот аъзоси бўлган;
- ҳар бир иштирокчининг вазифаси нимадан иборат бўлган;
- жиноий фаолиятдан тушган фойда қандай тақсимланган;

ким ва қандай сабабларга кўра жиноий ташкилот билан жиноий алоқаларини узган, ташкилотнинг бошқа аъзолари, хусусан раҳбар бунга қандай муносабатда бўлгани каби саволлар албатта аниқланиши лозим.

Терговда кўрсатув беришдан воз кечеётганларни кўндириш ёки гувоҳ ёки жабрланувчини ёлғон кўрсатув беришдан қайтариш эҳтиёжи кўп туғилади.

**Айбланувчи ва гумон қилинганларни сўроқ қилиш** чоғида қуидагиларга эътибор бериш шарт:

а) уюшма жиноий ҳаракатининг хусусиятлари: баразли-зўравонлик жиноятлари (босқинчилик, талаш), мулкка доир куч ишлатилмайдиган жиноятлар (ўғирлик, қаллоблик ва бошқалар), иқтисодиёт соҳасидаги жиноятлар;

б) жиноий уюшма иштирокчисининг роли ва мавқеи;

в) уюшма аъзосининг жиноий фаолиятдан аввалги фаолияти, касби, маълумоти, оиласвий аҳволи, аввал судланганлиги, жиноятларни тергов қилиш ва очиш усуллари билан танишлиги.

Жиноий уюшма ташкилотчиларини (раҳбарларини) сўроқ қилишда қуидагиларни аниқлашга интилиш зарур:

жиноий уюшмани тузиш фикри кимдан, қандай, қай тарзда чиқсан, бунга нима ундан, фикр қандай кетма-кетликда амалга оширилган;

қандай жиноий фаолият кўзда тутилган ва амалда қандай фаолият амалга оширилган; жиноий фаолиятнинг эпизодлари, конкрет иштирокчилари;

жиноятлар қандай усулларда амалга оширилган, усуллар ҳақида маълумот қайси манбадан олинган, жиноий уюшма аъзоларидан қай бири ундан фойдаланиш тажрибасига эга бўлган;

уюшманинг ташкилий жиҳатдан ихтисослашган қисмлари мавжудлиги;

уюшманинг моддий-техник таъминоти, қуролланиши, транспорт воситалари, алоқа воситалари, маҳфийлиги;

уюшмага янги аъзолар жалб этиш йўллари, давлат ёки жамоат структураларидаги коррупциявий алоқалар, яшириш турухининг таркиби, унинг фаолияти, йўлловчи ва бошқа маълумотлар олиш каналлари;

химоя гуруҳи, таркиби, ҳаракатлари;

ижрочилар, уларнинг турли хусусиятлари, ижрочи томонидан тартибга риоя этилиши, уюшмадан алоқани узганлар, бошқаларни уларнинг алоқа узишига бўлган муносабати;

жиноий йўл билан орттирилган мулк, пул ва бойликлар, уларни уюшма аъзолари ўртасидаги тақсимоти, умумий мулк ва пулнинг мавжудлиги, унинг ишлатилиши;

иштирокчиларнинг шахсий муносабатлари, низолар, уларни ҳал қилиш йўллари, жазолаш тизими; рақобатчиларнинг мавжудлиги, уларнинг раҳбар билан муносабатлари.

Химоя гуруҳи аъзоларини сўроқ қилишда қуйидагиларни аниқлашга ҳаракат қилиш зарур:

уюшмага қандай жалб этилган, унинг қандай хислатлари бунга асос бўлган;

унинг мажбуриятлари нимадан иборат бўлган;

қуроли бўлганми, у қай йўл билан топилган, уни ишлатини ҳоллари бўлганми;

бошқа жиноий гуруҳ аъзолари билан низоларда иштирок этганми, қачон, қаерда, нима сабабдан, натижа қандай бўлган;

жиноий фаолиятдан улуши қандай бўлган, у ким томонидан белгиланган, қачон берилган ва нимага сарфланган.

Яшириш гуруҳи аъзоларини сўроқ қилишда келтирилган саволлардан ташқари қуйидагилар аниқланади:

жиноий уюшма учун маълумот тўплашда қандай тўсиқларни ва қай тариқа ўтишга тўғри келган;

муваффакиятсизликлар бўлганми, уларни қай тарзда енгиб ўтишга тўғри келган;

агар сўроқ қилинувчи ҳуқуқни муҳофаза қилиш органлари ходими бўлса, ўзининг жиноий уюшмадаги иштирокини қандай яшира олган.

### **5-5. Уюшган гуруҳ содир этган жиноятларни аниқлашнинг бошқа воситалари**

Предмет ва хужжатларни кўздан кечириш имкониятларидан фойдаланиш. Маълумки, далилий аҳамиятга эга бўлган предмет ва хужжатлар фақат ҳодиса жойини кўздан кечириш натижасида эмас, балки бошқа тергов ҳаракатларини

амалга ошираётганда ҳам олиниши, шунингдек, терговчига процесс иштирокчилари томонидан тақдим этилиши мумкин. Мазкур объектларни кўздан кечириш жиноятни уюшган гуруҳ томонидан содир этилганлигининг белгилари ҳақида маълумот олиш имконини беради. Чунончи, жиноят қуроли бўлиб хизмат қилган воситаларнинг хусусиятлари, улардан фақат бир киши фойдаланиши мумкин эмаслигини қуидагилар кўрсатади:

- а) объектнинг ҳажми – катталиги, оғирлиги ва ҳоказо;
- б) ҳужжатни – ашёвий далилни хизмат ёки бирор-бир операцияни амалга ошириш билан bogлиқ бир неча шахслар томонидан ишлатилганлиги;
- в) объектни тайёрлаш бир неча иштирокчининг ҳамкорлигини талаб қилиши кабилар.

**Тинтув имкониятларидан фойдаланиш.** Мазкур тергов ҳаракати ҳам тажовуз уюшган гуруҳ томонидан содир этилгани ҳақида маълумот олиш воситаси бўлиб хизмат қилиши мумкин, жумладан:

а) бир киши ишлатиши мумкин бўлмаган қуролларни (металл кесиш аппарати ва ҳоказо) излашга алоҳида эътибор бериш зарур. Жиноят қуролларида улар бир неча шахс томонидан ишлатилганлигининг излари, масалан бармоқ излари бўлиши мумкин. Уларни тегишлича, имкон борича мутахассис иштирокида расмийлаштириш зарур. Тинтув вактида топилган ва жиноят қуроли бўлиб хизмат қилган у ёки бу технологик ускуналар, ярим фабрикатлар, хом-ашё ёки бошқа материаллар (қалбаки пул қолиплари, ўғирланган автомобиль қисмларидағи рақамларни ўзгартириш мосламалари, сохта ҳужжат қисмлари, турли хилдаги муҳр, штамплар ва ҳоказо), улардан фойдаланган турли шахсларнинг изларини топиш мақсадида албатта кўздан кечирилади.

б) Фуқаролар тасарруфидан чиқарилган предметлар – ўқотар ва совук курол, ўқ-дорилар, портловчи моддалар, захарлар, гиёхванд моддалар ва ҳоказо. Улар бошқа тергов қилинаётган ишларда тажовуз қуроли бўлиб хизмат қилган бўлиши мумкинлигини терговчи ёдида тутиши лозим.

в) Пул ва бойликлар, қимматбаҳо қофозлар, тинтув қилинаётган шахснинг шерикларига тегишли бўлиши мумкин.

г) турли ҳужжатлар - кундалик ёзувлар, хатлар, ён дафтарчалар, «пинҳоний» бухгалтерия, фотосуратлар, магнитафон ва видеоёзувлар ва бошқалар. Айнан шундай ҳужжатларда жиноий уюшма, унинг аъзолари, бошқа жиноятлари тўғрисида маълумотлар бўлиши мумкин.

Бир неча шахсни баравар тинтув қилиш тактик операциянинг элементи бўлиб, тинтувдан ташқари қўлга олиш,

сўроқ қилиш, юзлаштириш ва бошқа тергов ҳаракатлари ва тезкор-қидирув тадбирларини ўз ичига олади. Операцияни муваффақиятли амалга ошириш мақсадида ўзига хос штаб тузилади.

Нихоят, тезкор-қидирув тадбирлар жараёнида маълумотни техник воситалар ёрдамида олишга интилиш керак. Телефонда сўзлашиб ёзувлари ёрдамида жиноий уюшма таркиби, мўлжалланаётган ёки амалга оширилаётган жиноятлар ва жиноятчиларнинг улардаги роллари, вакт ва учрашув жойлари ва ҳоказолар ҳақидаги маълумотларни билиб олса бўлади.

Яширин фото-, кино-, видеосурат натижалари шериклар учрашувлари вазиятлари, уларнинг орасидаги алоқалар мажудлигини исботлабгина қолмай, балки гуруҳ иштирокчисининг ҳар бир ҳаракати, жиноий тажовуз динамикасини тасдиқлайди, қўлга олишда эса умумий жиноий фаолиятнинг муҳим ашёвий далилларини олиш имконини беради.

# М У Н Д А Р И Ж А

## ІУ бўлим. АЙРИМ ТУРДАГИ ЖИНОЯТЛАРНИ ТЕРГОВ ҚИЛИШ УСЛУБИЁТИ

<b>23-боб. ЖИНОЯТЛАРНИ ТЕРГОВ ҚИЛИШ КРИМИНАЛИСТИК УСЛУБИЁТИНИНГ УМУМИЙ ҚОИДАЛАРИ</b>	
1-ғ. Жиноятларни тергов қилиш криминалистик услубиёти тушунчаси.....	3
2-ғ. Жиноятларни тергов қилишининг хусусий криминалистик услубиётларни тузиш ва таснифлаш тамоиллари.....	7
3-ғ. Жиноятларни тергов қилишдаги хусусий криминалистик услубиётларнинг таркибий тузилиши.....	12
<b>24-боб. ТЕРГОВЧИ ВА ТЕЗКОР-ҚИДИРУВ ХОДИМЛАРИНИНГ ЎЗАРО ҲАМКОРЛИГИ</b>	
1-ғ. Ҳамкорликнинг умумий жиҳатлари.....	18
2-ғ. Ҳамкорликнинг тактик-услубий қоидалари.....	19
3-ғ. Ўзаро ҳамкорликнинг турлари.....	21
<b>25-боб. ҚОТИЛЛИК ЖИНОЯТЛАРИНИ ТЕРГОВ ҚИЛИШ</b>	
1-ғ. Қотиллик жиноятларининг криминалистик тавсифи.....	26
2-ғ. Жиноят ишини қўзгатиш ва терговнинг типик вазиятлари.....	29
3-ғ. Терговнинг дастлабки босқичи.....	34
4-ғ. Терговнинг кейинги босқичда ўтказиладиган ҳаракатлар.....	39
<b>26-боб. НОМУСГА ТЕГИШ ЖИНОЯТИНИ ТЕРГОВ ҚИЛИШ</b>	
1-ғ. Номусга тегиши жиноятини криминалистик тавсифи.....	42
2-ғ. Дастлабки тергов ҳаракатлари.....	45
3-ғ. Вояга етмаганлар номусига тегиши жиноятини тергов қилиши.....	54
<b>27-боб. ДАВЛАТ ВА ЖАМОАТ МУЛКИНИ МАНСАБДОР ШАХСЛАР ТОМОНИДАН ТАЛОН-ТАРОЖ ҚИЛИШ ЖИНОЯТЛАРИНИ ТЕРГОВ ҚИЛИШ</b>	
1-ғ Талон-тарож қилиши жиноятларининг криминалистик тавсифи.....	61
2-ғ Дастребаки материалларни таҳлил этиши, жиноят иши қўзгатиш ва дастлабки тергов ҳаракатлари.....	60

<b>3-боб. Давлат мулкини талон-тарож қилиш жиноятларини тергашини режалаштириш.....</b>	<b>66</b>
4-ғ. Ҳужжатларни кўздан кечириш.....	71
5-ғ. Гувоҳ, жабрланувчи, гумон қилинувчилар ва айбланувчиларни сўроқ қилиш.....	73
6-ғ. Талон-тарож жиноятини тергаши бўйича экспертизалар тайинлаш.....	76
7-ғ. Талон-тарож жиноятларининг олдини олиш тадбирлари.....	78
<b>28-боб. ЎФИРЛИК, ТАЛОНЧИЛИК ВА БОСҚИНЧИЛИК ЖИНОЯТЛАРИНИ ТЕРГОВ ҚИЛИШ</b>	
1-ғ. Ўгирилик, талончилик ва босқинчилик жиноятларининг криминалистик тавсифи.....	80
2-ғ. Ўгирилик жиноятларини тергов қилиш.....	83
3-ғ. Талончилик ва босқинчилик жиноятларини тергаши.....	91
<b>29-боб. ФИРИБГАРЛИК ЖИНОЯТИНИ ТЕРГАШ УСЛУБИ</b>	
1-ғ. Фирибгарлик жиноятининг криминалистик тавсифи.....	99
2-ғ. Дастребаки тергов ва тезкор-қидирув ҳаракатлари.....	100
2-ғ. Кейинги ўтказиладиган тергов ҳаракатлари.....	103
<b>30-боб. ПОРАХЎРЛИКНИ ТЕРГОВ ҚИЛИШ УСЛУБЛАРИ</b>	
1-ғ. Порахўрликнинг криминалистик тавсифи.....	106
2-ғ. Типик тергов вазиятлари, версиялари ва терговни режалаштириш.....	107
3-ғ. Дастребаки ва кейинги тергов ҳаракатлари.....	109
<b>31-боб. МЕҲНАТ ХАВФСИЗЛИГИ ҚОИДАЛАРИНИНГ ЖИНОИЙ ТАРЗДА БУЗИЛИШЛАРИНИ ТЕРГОВ ҚИЛИШ</b>	
1-ғ. Ушбу турдаги жиноятларнинг криминалистик тавсифи.....	113
2-ғ Жиноят ишини кўзгатиш. Тергов қилишининг дастребаки босқичи.....	115
3-ғ. Кейинги тергов ҳаракатларининг ташкилий ва тактик хусусиятлари.....	121
<b>32-боб. ЎТ ҚЎЙИШ ВА ЁНГИН ХАВФСИЗЛИГИ ҚОИДАЛАРИНИ БУЗИШ ЖИНОЯТЛАРИНИ ТЕРГОВ ҚИЛИШ</b>	
1-ғ. Ўт қўйиши ва ёнгин хавфсизлиги қоидаларини бузиш жиноятларининг криминалистик тавсифи.....	125
2-ғ. Дастребаки тергов ҳаракатларини ташкил этиши ва ўтказиш.....	127

<b>3-ѓ. Тергов ўтказиш режалаштириш ва кейинги тергов ҳаракатлари.....</b>	<b>131</b>
<b>33-боб. ЙЎЛ ҲАРАКАТИ ХАВФСИЗЛИГИ ҚОИДАЛАРИНИ ЖИНОЙЙ ТАРЗДА БУЗГАНЛИК ҲОЛЛАРИНИ ТЕРГОВ ҚИЛИШ.</b>	
<b>1-ѓ. Йўл-транспорт ҳодисаларининг криминалистик тавсифи.....</b>	<b>138</b>
<b>2-ѓ. Тергов ўйналишларини аниқлаш.....</b>	<b>142</b>
<b>3-ѓ. Дастребаки тергов ҳаракатлари ва тезкор-қидирув пора-тадбирлари.....</b>	<b>144</b>
<b>4-ѓ. Йўл-транспорт ҳодисалари терговининг давоми....</b>	<b>158</b>
<b>34-боб. ЭКОЛОГИЯ ЖИНОЯТЛАРИНИ ТЕРГОВ ҚИЛИШ</b>	
<b>1-ѓ. Экология соҳасидаги жиноятларнинг оқибатлари...</b>	<b>163</b>
<b>2-ѓ. Жиноят ишини қўзгатиш.....</b>	<b>164</b>
<b>3-ѓ. Жиноят моҳиятини исботлаш.....</b>	<b>166</b>
<b>35-боб. КОНТРАБАНДА ЖИНОЯТЛАРИНИ ТЕРГОВ ҚИЛИШ</b>	
<b>1-ѓ. Контрабанданинг криминалистик тавсифи.....</b>	<b>171</b>
<b>2-ѓ. Контрабанда ишини тергов қилиш услуги.....</b>	<b>173</b>
<b>36-боб. ЖИНОЯТЛАРНИ «ИЗЛАР БОСИЛМАЙ ТУРИБ» ТЕРГОВ ҚИЛИШНИНГ ЎЗИГА ХОС ХУСУСИЯТЛАРИ</b>	
<b>1-ѓ. Жиноятларни «излар босилмай туриб» фоши қилишининг ҳуқуқий ва ташкилий асослари.....</b>	<b>179</b>
<b>2-ѓ. Дастребаки тергов ҳаракатлари.....</b>	<b>181</b>
<b>3-ѓ. Кейинги тергов ҳаракатларининг хусусиятлари....</b>	<b>183</b>
<b>37-боб. ХОРИЖ ФУҚАРОЛАРИ ТОМОНИДАН ВА УЛАРГА ҚАРШИ СОДИР ЭТИЛГАН ЖИНОЯТЛАР ТЕРГОВИ</b>	
<b>1-ѓ. Хориж фуқароларининг ҳуқуқий ҳолати.....</b>	<b>186</b>
<b>2-ѓ. Хориж фуқаролари билан боғлиқ ишлар бўйича тергов олиб боришнинг хусусиятлари.....</b>	<b>189</b>
<b>38-боб КОМПЬЮТЕРДАН ФОЙДАЛАНИШ БИЛАН БОҒЛИҚ ЖИНОЯТЛАРНИ ТЕРГОВ ҚИЛИШ</b>	
<b>1-ѓ Компьютердан фойдаланиш билан боғлиқ жиноятларнинг криминалистик тавсифи.....</b>	<b>194</b>
<b>2-ѓ. Тергов тактикасининг хусусиятлари.....</b>	<b>199</b>
<b>3-ѓ. Экспертиза тадқиқотининг имкониятлари.....</b>	<b>208</b>
<b>39-боб. ВОЯГА ЕТМАГАНЛАР ЖИНОЯТИНИ ТЕРГОВ ҚИЛИШ</b>	
<b>1-ѓ. Вояга етмаганлар содир этган жиноятларнинг криминалистик таснифи.....</b>	<b>212</b>
<b>2-ѓ. Жиноят ишини қўзгатиш ва дастребаки версиялар..</b>	<b>216</b>
<b>3-ѓ. Алоҳида тергов ҳаракатлари тактикасининг ўзига</b>	

<i>хос жиҳатлари</i> .....	218
4-ғ. Вояга етмаганларнинг жиноятларига оид ишлар бўйича терговчининг профилактик фаолияти.....	230
<b>40-боб. ГИЁҲВАНД ВОСИТАЛАРИ БИЛАН БОҒЛИҚ ЖИНОЯТЛАРНИНГ ТЕРГОВИ</b>	
1-ғ. Жиноятларнинг криминалистик тавсифи.....	232
2-ғ. Жиноят иши қўзгатиш.....	235
3-ғ. Дастлабки тергов ҳаракатлари.....	239
<b>41-боб. УЮШГАН ЖИНОЯТЧИЛИКНИ ТЕРГОВ ҚИЛИШ</b>	
1-ғ. Уюшган жиноятчилик ва гурӯҳлар тавсифи.....	245
2-ғ. Ҳодиса юз берган жойни кўздан кечириши чогида иноятни уюшган гурӯҳ томонидан содир этилганлигини аниқлаш.....	249
3-ғ. Жиноятни уюшган гурӯҳ содир этганлиги тўғри- сида версияни илгари суриси ва терговни режалашибиши.....	251
4-ғ. Сўроқ қилиш - жиноятни уюшган гурӯҳ содир этганлиги тўғрисида маълумот олишининг воситаси сифатида.....	253
5-ғ. Уюшган гурӯҳ содир этган жиноятларни аниқлашнинг бошқа воситалари.....	256


## АБДУМАЖИДОВ ФАФУР



1928 йилда

Самарқанд шаҳрида туғилган. Ўзбекистонда хизмат кўрсатган фан арбоби (1987). Юридик фанлари доктори (1983), профессор(1985). Мехнат фаолиятини 1944 йилда район судининг котиби, суд ижрочиси сифатида бошлаган. Тошкент юридик институтини битиргач, 1948 йилдан прокуратура органларида ишлаган, Ўзбекистон Республикаси Прокурори хузу-

ридаги алоҳида муҳим ишлар бўйича терговчи (1951-1957) бўлган. Петербург давлат университетининг аспирантурасида таҳсил олиб келгач (1957-1960), Ўзбекистон ФА Фалсафа ва ҳуқуқ институтида катта илмий ходим, сектор бошлиги (1961-1965), Республика Олий кенгashi Президиумида Юридик бўлим бошлиги (1965-1973), ИИВ Тошкент олий мактаби криминалистика кафедраси бошлиги(1974-1992), ИИВ Академияси бошлигининг ўринбосари (1992-1995), Конституциявий суд судьяси(1995-2000) лавозимларида ишлаган. 2000 йилдан буён Республика Ҳуқуқий маърифат тарғиботи Маркази директори. F.Абдумажидов Ўзбекистон Республикаси Конституцияси лойиҳасини ишлаб чиқишида фаол қатнашган. Илмий фаолияти асосан жиноятларни тергов қилиш назарияси ва амалиётнинг муаммоларига бағишланган. 60дан зиёд илмий асарлар ва рисолалар, ҳамда қарийб 300 мақолалар муаллифи.



## АЛИМОВА РОХИЛА ОРИПОВНА

1934 йилда Самарқанд вилоятида туғилган. Ўрта Осиё Давлат университети юридик факультетини битиргач (1960й.), Тошкент суд экспертиза илмий-текшириш институтида экспертилмий ходим бўлиб ишлаган. Москва Давлат Университети аспирантурасида таҳсил олиб номзодлик диссертациясини ёқлаган, фан номзоди илмий даражасига ва доцент унвонига сазовор бўлган. 1976 ва 1986 йилларда чоп этилган ЖПКнинг илмий-амалий шарҳлари ёзишда қатнашган, қатор илмий мақолалар муаллифи.



## АРИПОВ ТОҲИР ЭРКИНОВИЧ

1964 йилда Тошкент шаҳрида туғилган. 1986 йилда Ички ишлар министрлигининг Караганда Олий мактабини юрист-хукуқшунос мутахассислиги бўйича битирган. 1990 йилдан ИИВ Тошкент Олий мактаби криминалистика кафедрасининг ўқитувчиsı лавозимида ишлаган, адъюнктурада ўқиган. 1993 йилда Ўзбекистоннинг Россиядаги элчихонасида иккинчи котиб-вице-консул лавозимида, 1997 йилдан Ўзбекистон Республикаси Ташқи ишлар вазирлигида ишлаб келган. 1998 йилдан бўён Жаҳон - иқтисодиёти ва

дипломатия университетида кадрлар бўлими бошлиги, айни вақтда Давлат қурилиши ва ҳуқуқи кафедраси доценти лавозимида ишлайди. 2000 йилда номзодлик диссертациясини химоялаган. 2002 йилда доцентлик илмий унвонига эга бўлган ўн нафар илмий ва ўқув услубий рисолалари ва мақолалари чоп этилган.



## **ЗАКУТСКИЙ АЛЕКСАНДР СЕРГЕЕВИЧ**

1957 йилда Фаргона шаҳрида туғилган. 1979 йили Тошкент Давлат университетининг ҳуқуқшунослик факультетини тамомлаб, илмий-педагогик фаолият билан шугулланган, 1984 йили номзодлик диссертациясини ёқлаган. 1994 йили доцент илмий унвонига эришган. 30дан ортиқ илмий мақолалар муаллифи, шунингдек криминалистик тактика, криминалистик техника ўқув қўлланмаларининг ҳаммуаллифидир.



## **НОРБОЕВ АБДУСАЛОМ НУРҚОБИЛОВИЧ**

1954 йил Самарқанд вилояти Нурота туманида туғилган. 1982 йили Тошкент давлат университети юридик факультетини тутатган. 1991 йили номзодлик диссертациясини ёқлаган. 1992 йили катта ўқитувчи лавозимида ишлаган. 2000 йилда доцентлик илмий унвонига сазовор бўлган. «Ходиса содир бўлган жойни кўздан кечириш», «Криминалистика тактикаси», «Криминалистика техникаси» ва бошқа ўнга яқин ўқув-услубий қўлланмалар ҳаммуаллифи, ўттиздан ортиқ илмий мақолалари чоп этилган.



## ОЧИЛОВ ТҰРА РАВШАНОВИЧ

1947 йилда Қашқадарё вилояти Қамаши туманида туғилған. 1964 йил Тошкент қишлоқ хұжалигини ирригациялаштириш ва механизациялаштириши мухандислари институтини тугатған. 1972 йилдан бошлаб Ўзбекистон Республикаси ИИВ ДАН Бош бошқармасыда ишлаган.

1994 йилда Тошкент Давлат юридик институтини тугатған. 2003 йили номзодлық диссертациясини химоя қилған. Ўнга яқын илмий ишләри эълон қилинған. 2003 йилдан ИИВ ДАН Бош бошқармасыда фаолият күрсатыб келмоқда.



## СУЯРОВ ҚОЗОҚ ТОШПҰЛАТОВИЧ

1942 йилда Самарқанд вилоятининг Пастдарғом туманида туғилған. Тошкент Давлат университети ҳуқуқшунослық факультетини битирғач, Москва Давлат университети аспирантурасыда таҳсил олиб, номзодлық диссертациясини ёқлаган ва доцент илмий унвонига сазовор бўлған. Криминалистика фанидан дарслік ҳаммуаллифликда, шунингдек 5 та ўқув ва ўқув-услубий қўлланмалар, 35дан ортиқ илмий мақолалар муаллифи.

**КРИМИНАЛИСТИКА**

**II -жилд**

**Мұхаррір:** Л.Құчқорова.  
**Техник мұхаррір:** М.Мирзалиев.  
**Компьютерда сағиғаловчи:** Б.Юлдашев.

Босишига рухсат этилди: 22.08.2003 Қоғоз бичими:  
60x84<sup>1</sup>/<sub>16</sub> Оффсет босма усули. Босма табоги 16,75.  
Адади: 1000 нусха. Буюртма: №451. Баҳоси  
келишилган нархда.

**Ўзбекистон Республикаси Адлия вазирлиги**  
**«Адолат» нашриёти, 700170, Тошкент,**  
**А.Мухитдинов 26.**

Тошкент тезкор босмахонаси. 700200, Тошкент,  
Радиальный 10. тел: 148-00-55.

## ЭСЛАТМА

М: Уб. Реборд хомийлик физикатини ал-ди ошириши: күнкүй нудиндора ўн.

I. Хомийликни ажаский асеки → күнкүй тарбия салли.

II. Хомийлик - поддий таңрағадор, бўлсанчи шакъ, унбу физикатдан.

III. Никиничи тарбияга кег қандай юқалди бўлсини керак эмас.

IV. Хомийлик анига оширишини учун олубинада кег қандай қадр-  
киниматини камчиликни турди, нуҳини изткориба солисимни туради.

V. Хомийликни тарабиди шакъда дўйлад, тақсимлашими  
мумкин.

VI. Хомийлика шамбурини тарбияга жадъ қилинсе.

VII. Кабулзор субъектлардин хомийлик белору ичиликни керак.

→ Физик трукаренин-күнкүй нудин чагарудан бажо бирниги?

→ Хомийлик таблашини оши учун танлов чигадигини чумниши?

→ Найрия таблатин 6а хомийлик таблатлари гуашнгали уртина  
вандай сарор бор.

→ Нет ли ошасини хомийлик оро-ти бўн-и тарбия салмиш  
шадур кимни предметнига тарбияланши?

→ КИИ де-ни хомийлик ташкинати саенинг этишини са  
тузганинига кечто сабор тарбияланади.

→ Хомийлик таблашаси ошига тарбия тақаб ўз.  
шашо қадимини?

→ Хомийлик ёғданчи оникъ максадга кефтилини нујин дар  
шарт ҳомий ташониш нуғеши м-ши?

## **ЭСЛИАТМА**

## **ЭСЛАТМА**